



Fol. 3454.



XI 5 34 58





S O L

In Virtute Suâ
IESVS CHRISTVS
SALVATOR MVNDI,

In suarum Splendore Excellentiarum
aspectabilis

Contemplationi, Æstimationi, Amori,
Orbis Christiani,

A. R. P. GASPARE DRVZBICKI, Societatis IESV
Propositus.

Cum Licentia Superiorum

Domini Probationis Cracovien. Societ. R. V.

C R A C O V I Æ,
Typis Viduæ & Hæred: CHRISTOPHORI SCHEDEL
S. R. M. Typograph. A. Dñi, 1662.

27
1872
CHRISTMAS

THE
LIBRARY
OF THE
MUSEUM
OF
COMPARATIVE ZOOLOGY
AND
ANATOMY
HARVARD UNIVERSITY
CAMBRIDGE, MASS.

36.406

T.

Don. Johnson, 1872

THE
LIBRARY
OF THE
MUSEUM
OF
COMPARATIVE ZOOLOGY
AND
ANATOMY
HARVARD UNIVERSITY
CAMBRIDGE, MASS.

IESV CHRISTO, DOMINO, REGI,

*Omnem omnis Creaturae Cognitionem, Amo-
rem, Venerationem,*



Abis veniam, REX & DOMINE
superque omnes Reges & DE-
os excelsæ & eleuatæ: dabis in-
quam veniam mihi, præsum-
ptionis huius meæ: quod qui sum VER-
MIS terræ vilissimus, & omnium Hominum
postremus, audeam enarrare EXCELLENTI-
AS MAIESTATIS TVÆ, quibus Tu omnes
simul Creaturas, DEVS-Homo factus in-
Immensum, & omni procul exæquatione
antecellis.

Non potui Materiem mihi ad pertractan-
dum Digniore, non vberiore, non neces-
sariam magis, non magis vtilem, non magis
honestam, non magis delectabilem, non ma-
gis appetendam, non magis omni labore, in-
dustriâ, conatuque, ad exaltandum idoneam,
deligere: quam hæc est, quæ Tu, DEVS ac

Dominus noster, omni iure, omni merito,
omni plenitudine, omni excessu, in immen-
sum maior existis.

Et est quidem omni veritate cogente fa-
tendum, nihil æquè insipienter, nihil æquè
Prov. 25. 27. temerè attentari posse, *quàm scrutatorem esse*
Maiestatis Tuæ, quoniam necesse est omnem
qui eiusmodi sit opprimi à gloriâ: perinde
vt qui Oceanum exhaurire velit, opus est
omninò à redundantium fluctuum, obrui
absorberi que copiâ; Verum tamen Tu DEVS
noster eiusmodi etiam es, vt nihil iustius
omnis Creatura attentet, audeatue, quam in
laudem gloriamq; tuam omni conatu, omni
studio, omni animo affectuq; effundi, cona-
ri, attentare, docente, inuitante, animante
nos ad id tuo diuino oraculo, quando ita
omnes creaturas alloquar: *Glorificantes Do-*
Eccl. 43. 32. *minum, quantumcunq; potueritis, superualebit,*
enim adhuc, exaltate illum quantum potestis, ma-
ior est enim omni laude. Eam obrem, in Ex-
cellentijs DEI enarrandis, & conandum est
omnibus præstare quod possint, & non defi-
ciendum in eo, quod nequaquam quantum
debent, tantum possint. Supereminentem,
enim

enim omni ex parte Domini nostri Magnitudinem, nisi diuina fides credat, sermo humanus non explicat, & ideò materia nunquam deficit laudis, quia nunquam sufficit copia laudatoris.

Leo serm. 9.
de Natiuitate

Eam ob rem, hoc ipsum etiam proficit, ad meam excusationem ac veniam, quia non solus ego, sed omnes mecum creaturæ ad exaltationem Tui tam sumus per omnia impares, quantum inuenimur per omnia debitores.

Vnde quoniam ad Tuam Theandricam altitudinem dignè promēdam non sufficimus, opus est vt sentiamus bonum nobis esse quod vincimur, & veniabile tamē quod conamur.

Nemo enim ad cognitionem Maiestatis Christi Dei nostri magis appropinquat, quam qui intelligit, in Excellentijs eius enarrandis, & si multum proficiat, semper tamen sibi superesse, quod quærat. Nam qui se ad hoc in quod tendit peruenisse præsumit, non ille quæsitā reperit neq; ea, quæ enarranda suscepit compleuit, sed tam in disquisitione, quam in enarratione defecit.

Quod mihi euenisse in præfenti meo conatu, admodum libenter confiteor, vt ad exaltationem

tionem Domini mei, & ad Excellentiarū eius
enarrationē, quoniam mea mihi non sufficit
copia, proficiat tamen & sufficiat inopia.

Quod igitur, nunc ago, illud est; quia ad Tuā
amplitudinem neq; cum copiā, neq; cum suf-
ficiētīā, sed cum egestate accedam & inopiā.
Sciens & confitens, Te quidem talem esse DE-
VM, & Dominum & Regem nostrum, vt Te
per omnia *deceat* tibiq; debeatur *Silentium*,
nostrum Nihilominus etiam ad me, similesq;
mei spectare non dubito, illud tui Prophetæ.

*Isai. 62. 7. Qui reminiscimini Domini, ne taceatis, & ne
detis silentium ei.*

Dabis ergo (iterum, iterumq; repeto)
Domine veniæ largitor, & humani in laudes
tuas conatus amator, veniam balbutiei meæ:
qui solus sicut tibi cognoscendo, ita quoque
& æstimando & amando, & enarrando suf-
ficis. Nec attendes, quàm nihil sit quod
ego præstiterim, sed quàm immen-
sum sit, quod præstare & velle,
& conari debuerim.

SERENISSIMO AC INVICTISSIMO

JOANNI
CASIMIRO

Poloniæ & Sueciæ Regi,

Æterna à DEO Felicitas.




POST Regem Regum, Vniuersiq; Dominum, ad Te quoq; Dominum meum, Regemq; Serenissimum accedo IOANNES CASIMIRE, verbo absolvens negotium meum. Conatus sum Excellentias Domini nostri IESU CHRISTI, super omnia Creatura recensere, atq; pro exilitate virium mearum enarrare: non eâ spe, quod immensam tantæ materiæ magnitudinem exequari à me posse crederem, sed quod meum, & omnium nostrum Dominum cognitionem, amorem, appretiationem, vniuersorum hominum mentibus instillare
deside-

*desiderarem. Hunc ergo conatum meum, Tibi REX
Serenissime presentaturus aduenio. Non meâ me,
admetiens facultate, quam scio fateorq; tenuissimam,
sed quia cui aterni calorum Regis laudem consecra-
rem, non inueniebam, præterquam Tuam Serenissi-
mam Polonorum Regis Maiestatem. Supersedeo
alijs causis, quæ abundè suppetunt, ob quas tuæ Sere-
nitati obstrictus sum, enarrandis: solummodò supplex
veneror Maiestatem tuam, & hoc quaecunq; est, ob-
seruantia, venerationisq; meæ TIBI debitissimum
symbolum do, dico, dedicoque.*

*Seruet Serenitatem Tuam, Regno isti, quàm diu-
tissimè incolumem, REX & Dominus omnium IE-
SVS CHRISTVS. Ita voueo.*

Serenissimæ Maiestatis Tuæ
æternùm deuotus, cum vniuersâ Societate IESV,
Cliens in Christo IESV,
GASPAR DRVZBICKI.

Lectori



Lectori Beneuolo.



IBI etiam LECTOR beneuole,
hanc operam meam dono, &
expono. Tu accipe, & frueri.
Non tamen à me humili aucto-
re, hæc tibi commendata sit
Tractatio, commendet illam—
ipsa Mater. es (IESVS Christus DEVS noster,) quâ
nihil cogitare quisquam potest maius, augustius,
diuinius; sed nec cuiusquam vel Animus, vel ca-
lamus, tractare hanc potest pro dignitate, pro
Maiestate, pro sublimitate, ita congruenter, ita
exæquatè, ita plenè, ita condignè, quin ipsius Ma-
teriæ superexcellèntia, in immensum sentiat se
superatum, agnoscat excessum, fateatur euictum,
gestiat etiam gratuleturque obrutum—. Quare
mi LECTOR, ne existimes, nihil tibi de huius
Argumenti immensitate ad cogitandum, ad tra-
ctandum, ad gustandum, reseruatum esse: immò
verò opus esse existimes velim, tibi hîc à me so-
lùm appetitum acui, gustum proritari, orexim—

§

accen-

accendi. Ergo vti hæc mente, oculisque libera-
ueris, deprome quantumcunque præualebis, co-
gitandi, commentandi, contemplandi, explanan-
di vbertatem; amplius autem exere omnimodam
dilectionem, gratulationem, exaltationem, frui-
tionem: Nunquam in præsentî vitâ, sed solum
in alterâ explendam. Quod tibi vnà me-
cum, mihi vnà tecum non solum voueo, sed
etiam exoro, & expecto. Ita fiat.

V A L E.





A P P R O B A T I O
R. P. STANISLAI IERZYKOWIC,
Visitatoris Poloniæ Societ: IESV.

CVM librum à P. GASPARO DRVZBICKI,
Societatis nostræ Sacerdote compositum.,
(cui titulus: De Excellentijs Domini Nostri
IESV Christi, Super omnes Creaturas) designati
ex eâdem Societate Patres recognouerint, & in lu-
cem, ad augendam æstimationem Domini Nostri
IESV Christi, proditutum censuerint: Ego STA-
NISLAUS IERZYKOWIC Societatis IESV, per Pro-
uinciam Poloniæ, Visitator, potestate ab Admod:
Rñdo Patre Nostro GOSWINO NICKEL, Præposi-
to Generali mihi facta, eundem librum typis vul-
gari permitto. In cuius rei fidem, has Auctori
manu propria scriptas, Sigilloque munitas dedi.
Cracouiæ, 10. Octobris. Anno D. 1660.

Stanislaus Jerzykowic,



I N D E X,

In Excellentias Domini Nostri

I E S V C H R I S T I.

P refatio, de Domini nostri IESV CHRISTI, Excellentijs.	fol. 13.
Excellent: I. IESVS CHRISTVS ab aeterno predestinatus, fieri DEVS-Homo, id est, summum opus operum DEI.	fol. 4.
Excellent: II. CHRISTVS IESVS, verus est DEVS, verusq; Homo.	fol. 6.
Excellent: III. CHRISTVS de Spiritu Sancto, & de MARIA Virgine Matre, DEVS-Homo factus est.	fol. 9.
Excellent: IV. CHRISTVS condignus est, conditus ad nostram Redemptionem.	fol. 12.
Excellent: V. CHRISTVS admissus est ad pactum, & promissionem nostra cum DEO reconciliationis.	fol. 15.
Excellent: VI. CHRISTVS communicationem idiomatum, inter DEVM, & Hominem accepit.	fol. 21.
Excellent: VII. CHRISTVS per substantialem gratiam, nempe Diuinitatem Sanctus est.	fol. 24.
Excellent: VIII. CHRISTVS est Sanctificator noster, & sanctificatio nostra.	fol. 29.
Excellent: IX. CHRISTVS omnibus gratijs diuinis, in summo gradu, repletus est.	fol. 38.
Excellent: X. In solo CHRISTO habitat, omnis plenitudo Diuinitatis corporaliter.	fol. 45.
Excellent: XI. In solo CHRISTO, omnes thesauri Sapientiae, & Scientia DEI, sunt absconditi.	fol. 55.
Excellent: XII. Solus CHRISTVS est, Electorum DEI, & primus, & caput.	fol. 64.
Excellent: XIII. Solus CHRISTVS est generis humani Saluator.	fol. 69.
Excellent: XIV. Solus CHRISTVS est, Redemptor generis humani.	fol. 78. Excel-

I N D E X.

- Excellent: XV. Solus CHRISTVS per Spiritum Sanctum
incarnatus, conceptus, & natus est ex Virgine. fol. 86.
- Excellent: XVI. Solus CHRISTVS vixit, vixitq; vitam
super omnes viuentes Creaturas, Nobiliorem, Dignio-
remque. fol. 91.
- Excellent: XVII. CHRISTVS Dominus solus vixit vitam,
super omnes creaturas, sanctissimam, religiosissimam, atq;
perfectissimam. fol. 100.
- Excellent: XVIII. Solus CHRISTVS summam potestatem,
virtutemq; docendi habuit. fol. 111.
- Excellent: XIX. Solus CHRISTVS doctrinam, super o-
mnes doctrinas, praeclantiorē, docuit. fol. 118.
- Excellent: XX. Solus CHRISTVS est completum Exem-
plar doctrinae suae. fol. 130.
- Excellent: XXI. Solus CHRISTVS Thaumaturgus, seu
miraculorum patrator, pra omnibus creaturis. fol. 158.
- Excellent: XXII. Solus CHRISTVS in Passione suā, &
Morte, supra omnes Creaturas excelluit. fol. 167.
- Excellent: XXIII. Solus CHRISTVS Passione suā exalta-
tus est, super omnes Creaturas. fol. 176.
- Excellent: XXIV. Solus CHRISTVS in Resurrectione suā,
super omnes Creaturas est. fol. 188.
- Excellent: XXV. Solus sedet ad Dexteram Patris, Domi-
nus noster IESVS CHRISTVS. fol. 197.
- Excellent: XXVI. Solus habet CHRISTVS Dominus, su-
premam Iudicis omnium potestatem. fol. 207.
- Excellent: XXVII. Solus CHRISTVS, per Matrem, si-
mulq; Virginem MARIA M, exaltatus est super omnes Crea-
turas. fol. 223.
- Excellent: XXVIII. Solus CHRISTVS, est Caput omnium
Creaturarum. fol. 235.
- Excellent: XXIX. Solus CHRISTVS Dominus ditissimus
meritorum, & liberalissimus est. fol. 248.
- Excellent: XXX. Solus CHRISTVS est Summus Sacer-
dos, & Aduocatus, Mediatorque inter nos, & DE-
UM. fol. 258.
Excel.

I N D E X.

Excellent: XXXI. Solus CHRISTVS est summus omnium Rex, eoq; titulo excellentissimus.	fol. 258.
Excellent: XXXII. Solus CHRISTVS est summè, & perfectissimè DEO subiectus.	fol. 283.
Excellent: XXXIII. Solus CHRISTVS, est Sanctorum Remunerator, & Glorificator atermus in calis.	fol. 293.
Paragraph: I. CHRISTVS Dominus est Glorificator Sanctorum in calo.	fol. 295.
Paragraph: II. Vnde hoc sit CHRISTO, quod sit Glorificator Sanctorum suorum?	fol. 297.
Paragraph: III. Quomodo cupiat Dominus IESVS exequi hoc munus, Glorificatoris Sanctorum?	fol. 299.
Paragraph: IV. Hec omnia de Glorificatore Domino nostra IESV CHRISTO, debent Christianum prouocare 1. ad laudem, 2. ad congratulationem, &c.	fol. 301.
Paragraph: V. Quomodo CHRISTVS exequatur hoc Glorificatoris munus?	fol. 303.
Paragraph: VI. Quàm indigne ferat CHRISTVS Dominus se prapediri à glorificatione Sanctorum suorum?	fol. 305.
Paragraph: VII. Quomodo impeditur CHRISTVS ab executione glorificationis? peccato mortali, veniali, grauiori, &c.	fol. 306.
Paragraph: VIII. Supra dicta, omnem Christianum prouocare debent, ad amorem, dolorem, spem, &c.	fol. 308.
Paragraph: IX. Quàm sit gratum CHRISTO Domino, si iunctur in munere Glorificatoris obeundo?	fol. 310.
Paragraph: X. Quantus sit honor Electorum DEI, Glorificatorem habere IESVM CHRISTVM, DEVM-Hominem?	fol. 312.
Paragraph: XI. Quibus modis obtineatur ab Electis glorificatio CHRISTI.	fol. 314.
Paragraph: XII. Ista qua in pracedentibus dicta, omni Christiano persuadere debent, studium aliena perfectionis, horrorem minimi peccati, &c.	fol. 315.
Paragraph: XIII. CHRISTVS Dominus tractat Electos suos, veritate, ac luce.	fol. 317.
Paragraph:	Paragraph:

I N D E X.

- Paragraph: XIV. CHRISTVS Dominus Sanctos suos pascit Bonitate, Charitate, Gaudio, & Voluptate. fol. 318.
- Paragraph: XV. Dominus IESVS CHRISTVS Sanctos suos glorificat Gloriâ, Regno, Hereditate caelesti. fol. 320.
- Paragraph: XVI. Supradicta Christianum confirmare debent in virtutibus Theologicis, Observatione, Præceptorum, &c. fol. 322.
- Paragraph: XVII. CHRISTVS Electos suos beatificat in calo, Mercede, Coronâ, Denario, Premio. fol. 323.
- Paragraph: XVIII. Dominus IESVS CHRISTVS beatificat Sanctos suos vitâ, & ubertate, plenitudine, satietate omnis Boni. fol. 324.
- Paragraph: XIX. CHRISTVS IESVS beatificat Sanctos suos Unione, & communicatione mutuâ. fol. 325.
- Paragraph: XX. Prædicta animare debent Christianum ad laborem, vitam absconditam in DEO, viam dilectionis, &c. fol. 227.
- Paragraph: XXI. Dominus IESVS CHRISTVS beatificat Sanctos suos, Sacratissimâ Humanitate suâ. fol. 328.
- Paragraph: XXII. Dominus IESVS CHRISTVS glorificat Electos suos, suâ superbeatissimâ Diuinitate. fol. 330.
- Paragraph: XXIII. Dominus IESVS CHRISTVS Electos suos beatificat Æternitate, & Securitate. fol. 331.
- Paragraph: XXIV. Prædicta excitare debent Christianum ad amorem, &c. Humanitatis, Diuinitatis, &c. fol. 332.
- Paragraph: XXV. Domino IESV CHRISTO Sancti eius in calo, sunt Exercitus, seu Legiones, atq; Milites. fol. 333.
- Paragraph: XXVI. Sancti in calo, sunt IESV CHRISTO præda, & spolia. fol. 334.
- Paragraph: XXVII. Sancti in calo, sunt IESV CHRISTO trophæa, & pompæ, arcusq; Triumphales. fol. 335.
- Paragraph: XXVIII. Prædicta Christianum hortantur ad certamen, &c. fol. 336.
- Paragraph: XXIX. Sancti in calo sunt specula, & imagines, ad viuum, & genuinis coloribus, in sese IESVM CHRISTVM ipsimet CHRISTO, & omnibus qui in calo sunt, gloriosissimè representantes. fol. 337.

I N D E X.

- Paragraph: XXX.** Sancti in calo sunt Amici, & conuersa, ho-
spitesq; CHRISTI. fol. 338.
- Paragraph: XXXI.** Sancti sunt IESV CHRISTI thesau-
rus, imò thesauri in calo reconditi, & quidem tot, ac tanti,
quot & quanti sunt Sancti. fol. 339.
- Paragraph: XXXII.** Predicta Christianum inducere debent,
ad delendam in se seriem hominis imaginem, &c. fol. 341.
- Contemplatio I.** VERBI Incarnati CHRISTI, Sanctos su-
os glorificantis. fol. 343.
- Contemplatio II.** Delitiositatis Essentia Diuina. fol. 346.
- Contemplatio III.** Effusionis Sanctorum, in Diuina Essentia
delitiositatem. fol. 350.





APPROBATIO.

EXcellentias Saluatoris nostri DEI, & Domini
IESV Christi, quibus ex Sacratissimâ Humanitate suâ, Æterno DEI VERBO in tempore vnitâ, supra omnem eminet creaturam, à Reuerendo Admodum P. GASPARO DRVZBICKI, Societatis IESV Theologo, doctè accuratè, & deuotè conscriptas legi, vtque ad propagandum, in animis fidelium, earum cultum, publicæ proponantur luci, facultatem concessi. 15. Septembr. A. D. 1661.

*HYACINTHVS LIBERIVS, S. T. Doct.
Præpositus SS. Corporis CHRISTI.
Librorum in Diœcesi Cracomen.
CENSOR.*






*Auctores, quibus usus sum in opère hoc, de
Excellentijs Christi.*

S. ANSELMVS Cantuar.
S. AMBROSIVS,
S. AVGVSTINVS,
S. CHRYSOLOGVS,
S. CHRYSOSTOMVS,
CHRISTOPHORVS Vega,
FRANCISCVS Suarez,
S. GREGORIVS Magnus,
S. HIERONYMVS,
LAVRENTIVS à Ponte,
S. LEO Magnus,
MICHAEL Gillenius,
ROBERTVS Bellarminus,
D. THOMAS.





P R Æ F A T I O

*De Domini Nostri IESV CHRISTI, super
omnem Creaturam Excellentijs.*



Vamuis Dominus Noster IESVS Christus
DEVS-Homo, aded sit. eleuatus exalta-
tusque, & excelsior omnibus huius Crea-
ti Vniuersi rebus, ipsisq; etiam Coelis, fa-
ctus: vnde quaque, gloria & honore adim-
pletus, circumdatus, & coronatus, atque
super omnia opera manuum DEI constitutus, emineat:
habet nihilominus in sese quaedam insigniores Excellen-
tias, atque prerogatiuas huiusmodi, in quibus, nulla ei
Creatura, vllomodo, comparari possit, vel debeat. Has
Excellentias, in hoc volumen, breuibus colligere, atque,
pro auxilio gratiae, ipsius Domini IESV suffragantis, re-
centere, deuotisque, ac IESVM amantibus mentibus, ex-
hibere ac, per hoc ipsum, Dominum IESVM, ipsis com-
mendare propositum est.

In quo proposito sequat Prophetarum Regem bea-
tissimum Dauidem, qui tum aliorum multorum Psalmorum
suorum, tum potissime maximam Psalmi 44. par-
tem, in eo perfoluit, & occupat, vt Domini IESV glori-
am, plurimum plurimumq; exornet. Sic enim ait. *Eni-*
etavit, cor meum, verbum bonum, dico ego, opera mea, Regi.
quod, nequaquam se, de suo proprio spiritu, ait, perage-
re, sed, de spiritus superni, atque Diuini Magisterio, atque
plenitudine: qui tanquam peritissimus, consummatissi-
musque scriptor, per oris, & linguae illius instrumentum,
seu calamum, infinitas, omninoque Diuinas, DEI Ho-
minis dotes, enarrauit quidem, quasi tamen scripsit, quia

Psalm. 44. 1:

non eas in ventum, vento ipso dispergendas, sed quasi stylo ferreo, vel vngue adamantino, aut celte, in æternæ durationis filice, sculpsit. Et licet ordiatur, laudes istas, à formâ, & decore, specieque illius, non nisi tamen, à formâ, & pulchritudine, atque specie illâ, quæ est forma formarum, essentialisque ac fontalis pulchritudo, & species Deo digna. Forma enim Christi, ipsius Dei, forma est, dans Christo, esse æquale, Deo; quanquam, & Animæ illius pulchritudo, omnem spiritualementem, omnium etiam spirituum pulchritudinem, euincit. Corporis quoque eius glorificati decor, tantus est, & tam eximius, vt, non solum speciosior sit, omnibus filiis Hominum, sed eumcat ipsa sydera, & Solem, lunamque, in admirationem sui rapiat. In quo, non ei obfuit quidquam, quod formam serui acceperit, & habitu, vt homo inuentus, seu factus sit. Id enim ipsum, ad augmentum Speciei, & pulchritudinis eius celsit, vsque ad Angelorum inuidentiam; nusquam enim Angelos: sed semen Abrahamæ apprehendit, & naturæ humanæ adglutinator est. Sine illâ propriæ pulchritudinis iniuriâ, cum summa autem humanæ speciei, ipsis etiam Angelis, inuidentâ gloriâ. Propterea enim Deus, benedixit eum in æternum, benedictione, nimirum Vnionis Hypostaticæ, quâ factus est, consubstantialis Patri, Vnigenitus, atque antonomastice, & per Excellentiam, Dilectus, atque, Nomine super omne Nomen, donatus, ita, vt in Nomine eius, quod est IESVS, omne genu flectatur, cœlestium, terrestrium, & infernorum. Ex hac substantiali Vnionis benedictione, processerunt tanquam ex fonte, vel potius Mari, omnes abundantia, ac plenitudines gratiarum, benedictionumque, de quibus acceperunt, & accipiunt, siue superna, & inuisibilia, siue inferiora, & visibilia, siue Trinitas Deus, gloriam, siue Angeli, beatitudinem, siue homines salutem, & gratiam, atque vitam æternam. Vnde & dicimus ei cum Prophetâ gratulantes, atque gloriantes.

Psal. 44. 3. Diffusa est gratia in labijs tuis, quia benedixit te Pater tuus in æter.

æternum: teditque te, non solum speciosissimum, verum etiam, præ omnibus gratijs, gratiosissimum, insuperque potentiorum omnium, potentissimum.

Adglomerat sanctissimus Propheta, plures alias Dei Nostri diuitias, ab originali Vnionis Hypostaticæ benedictione in ipsum distulas: sed eas etiam recensere hic omittimus; quia non ad psalmi interpretationem, sed tantum ad exempli Prophetici imitationem, nos accingimus. Exemplo enim Prophetæ (vt prædixi iam) Excellentias, Domini Nostri IESU Christi, colligere, atque eandem, siue Animo, siue etiam calamo, contemplari libet. Vtinam huic conatui nostro, aspirare dignetur, ille scriptor Diuinus, potiusque, DEVS Spiritus Sanctus. Cuius fauor, Gloriæ Christi semper cooperari, semper eius laude, & exaltatione occupari delectatur. Cui etiam ego, tanquam Regum Regi, vnà cum Patre æterno, & cum eius Vnigenito, omnia & singula opera mea, & nunc, & semper dico, dedicoque, in æternum, & ultra.



EXCELLENTIA I.

*IESVS Christus ab aeterno prædestinatus fieri
DEVS-Homo, id est, Summum opus
operum DEI.*

- P** R I M A Excellentia, seu Benedictio I E S V Christi Domini nostri, super omnes Creaturas, & ad quam nulla creatura pertingere potest, est hæc: Quia in Æternâ DEI Electione, atque Prædestinatione constitutus, decretusque est, ut esset, veluti quoddam Opus, Diuinorum, omnium operum ad extrâ, excellentissimum, Diuinâq; Gloriæ, Sapientiæ, Omnipotentiae, Charitatis, Bonitatis, Misericordiæ, Iustitiæ, Perfectionis, Sanctitatis, Beatitudinis, Beatificationisque, summum, & incomparabile, & ideale, tum exemplum, tum instrumentum, atque medium; simul autem, omnis Creaturæ primus, primogenitus, Princeps, Rex, Dominus, Monarcha, Finis. Testatur hoc disertè Apostolus, sepius quidem aliàs, sed nominatim ad Romanos scribens de Christo Filio DEI.
- Rom. 14.* qui quidem in tempore factus est ei ex semine David secundum carnem, ab aeterno autem prædestinatus est, Filius DEI in virtute, secundum spiritum sanctificationis. Hoc ipsum, Dominus I E S V S, implet frequenter in ore habuit, ostendens se, ante suum, in carne ad homines aduentum, fuisse ab aeterno apud Patrem in mente, & Electione, & prædestinatione, non secundum Diuinitatem, & Personam, tantum (quomodo coæternus, consubstantialis, coexistensque est Patri, de substantia, & ex vtero genitus, non Electus, aut Prædestinatus) sed æternitate voluntarij, vel voluntate æterni decreti. Tale est illud Domini, ad Patrem pro seipso dictum.
- Ioan. 17. 5.* Pater clarifica me claritate, quam habui, priusquam mundus esset, apud te, tale & illud, ad Iudæos de se, & Abrahamo responsum. Amen, Amen dico vobis, antequam Abraham fieret, ego sum. In hoc eodem, atque post

post eundem Christum, ante omnem creaturam Electum, prædestinatumque, omnes nos, teste Apostolo: *Elegit Deus in ipso, ante mundi constitutionem, ut esset* Ephes. 1. 4. *Sancti, & immaculati in conspectu eius in charitate, qui prædestinavit nos in adoptionem filiorum, per Iesum Christum: secundum propositum voluntatis suæ, in laudem gloriæ Gratiæ suæ.* Atque in hac Excellentia, Dominus Iesus Christus, neminem habet parem, socium neminem, sed solus ipse Colos. 1. 18. *est in omnibus primatum tenens, omnia verò, post ipsum, ib. v. 17. sunt, & omnia in ipso constant.*

Quod cum ita sit: tu Anima quæcunque fidelis es: subintra paululum, abyssum illum Æternæ Dei Electionis, & Prædestinationis originalis, factæ à Deo, de Christo: & si potes, aut quantum humiliter præuales circûfer oculos mentis tuæ per illam Altitudinem, Longitudinem, Latitudinem, Profunditatem Electionis Christi, in quo complacuit Deo, omnem plenitudinem inhabitare, & per ib. v. 19. *eum reconciliare in ipsum.* Metire animo, circumferentiam illam omnem capacitatis Christi, immensam, prorsus atq; incomprehensibilem creaturæ omni: quâ Christus ex tunc: hoc est à momento prædestinationis suæ, omnia in sese complexus est, reducente ad ipsum, & concludente in ipso, Deo vniuersa: secundum Eph. 1. 12. *propositum voluntatis suæ, ut sint omnia in laudem gloriæ eius in Christo.* Fuiſti & tu Anima, iam tunc in parte, & sorte Christi, præsentata & donata illi, in pignus hereditatis, in ib. v. 14. *redemptionem acquisitionis, in laudem gloriæ ipsius.*

O si comprehendere posses, quibus te oculis charitatis suæ, iam tunc signavit, sibiq; in te complacuit, adhuc & ipse tantum Electus Iesus! Admirare obstupescens illum Christi, plenitudinis immensæ, ineffabilem, incomprehensibilemque statum. Tum verò Dignitatem hanc, & benedictionem Christo congratulare, atque congaude totis viribus capacitatibusque, omnis substantiæ tuæ. Exulta, tuo, & omnium confratrum tuorum Nomine, de tali tuo Deo Christo,

*Christus ex
aeterna Dei
prædestina-
tione sum-
mum Opus,
operū Dēi.*

Saluatore, medioque Salutis tuæ. Porro supra omnem modum & virtutem tuam conare, ad effusissimam laudem, & gratiarum actionem Deo Electori, Dilectori, Prædestinatorique Christi, ad tam excellens officium: ad quale Christus Ordinatus, atque Decretus est ab omni æternitate. Est enim hoc & beneficium beneficiorum, & opus operum omnium, quæ fecit Deus, extra ipsum se longe maximum, admirabilissimum, ad manifestandam Dei magnitudinem, perfectionemque, necnon ad creaturæ magnificationem accommodatissimum. Denique gaude, & gratulare ipsi tibi, quod in tanto Dei opere, quale est IESV Christi, Dei Hominis Electio, ac Prædestinatio, locum quoque inueneris tu, licet vilissima vilicatis particula, habere, ex purâ Dei miscentis gratiâ, & ex præiudis tunc iam Christi in rem tuam exstituris, nec non sanguine atque morte Crucis eiusdem comparandis meritis: Quod certè infinitis, tui similibus, imò te præstantioribus creaturis inuenire, neque tunc datum, neque in æternum dandum est. Totâ humilitatis tuæ instantiâ pete, ut tota Decretorum Dei de te præfinita, atque in Christo reposita series, & nunc quidem effectum suum, per Diuinæ Gratia, Christi que meritorum efficaciam, tuamque in simul cooperationem, sortiatur, ac denum contumacatâ in cælis gloriâ, atque beatitudine, finaliter concludatur.

EXCELLENTIA II.

*Christus IESVS verus est DEVS, verusque
Homo.*

ALTERA Domini Nostri IESV Christi super omnes Creaturas, excellentia est, quia ex Deitate & Humanitate, in vnâ Verbi, Filijque Vniuersi Dei Personam, per-

per Unionem Hypostaticam cōalitus, atque **DEVS**-Homo factus est, quemadmodum Anima, & Corpus mediante vnione, vnus est Homo, non transeunte Anima, in substantiam Corporis, nec corpore, in substantiam Animæ mutato, sed ambabus substantijs, in suo proprio iure manentibus, vnum sit suppositum, vnaque persona: sic in Christo Diuinitas, quod erat permansit, & Corpus quod non erat, assumpsit, & in personâ Verbi, **DEVM**-Hominem perfecit, atque, hoc modo, conflatum est illud admirabile, illud ineffabile, illud substantialiter Sanctum Compositum, vnctusque est, Sanctus Sanctorum, solus inter omnes, solusque præ omnibus participibus suis, tam singulariter, quàm etiam plenè, ita vt de plenitudine illius accipiant omnes: absque vllâ diminutione, plenitudinis eius. Sicut de Mari & accipiunt omnes, & exeunt omnia flumina, & tamen Mare, diminutionem non sentit. Atque hoc est illud, **SACRAMENTVM** Ephes. 3. 9. absconditum à seculis in **DEO**, qui omnia creauit: hæc item, 10. 8. sunt illæ, inuestigabiles diuitiæ Christi, hæc illa Multiformis Sapientia **DEI**, secundum præfinitionem sæculorum, quam fecit in Christo **IESV** Domino Nostro; secundum quam illud Verbum, quod in principio erat apud **DEVM**, quodque Ioan. 1. 2. **DEVS** erat etiam ipsum, & demum quando venit plenitudo temporis, idem ipsum **VERBUM** **CARO FACTVM EST**, & Ioan. 1. 14. habitauit in nobis.

Quo se hic verter, aut quid primum, potissimumque attendit Animus hominis, imò quicunque Creatus, etiam Angelicus, in Angelicisque supremus? Hic iure exclamauerit omnis cum Apostolo creatura. O altitudo diuitiarum Sapientie & scientiæ **DEI**, Virtutis & omnipotentiae **DEI**, Magnificentiae & Profusionis **DEI**! Quæ enim maior, vel artificiositas, inuentioque Sapientiæ, vel victoriositas Omnipotentiae, vel profusio Communicabilitatis, cogitatione effingi potest, quàm **DEVM**-Hominem, Hominemque **DEVM** fieri, factumque reipsâ esse? Quæ maior & exaltatio, & locupletatio, & felicitas beatitu-

Excell. 2. titudoque concipi potest, quàm ea, quæ Christo contingit, vt esset *DEVS-HOMO*? *DEVS* tam verus, quàm & *HOMO* verus: non alius tamen *Christus DEVS*, nec alius *Christus HOMO*, sed vnus idemque omnino *Christus DEVS-HOMO*. Tres in se vno, seu sub vnâ personâ continens disparatissimas discretissimasq; substantias, nimirum Diuinitatis increata: Animæ purè, spiritualis creata: carnis purè item materialis creata: vt in Christo sit etiam Noua, & alia, & stupenda Trinitas, atque vnitas: sed Diuinæ Trinitati, vnitatiq; opposita. In *DEO* namque est Vnitas substantiæ ac naturæ: Trinitas verò Personarum. In Christo autem contra, est Trinitas substantiarum & naturarum, Vnitas autem Personæ. Quæ etiam maior, & ineffabilior, vel concipi, desiderariq; ab Homine, vel præstari, conferriq; potest Homini Gratia, Charitas, & Dignificatio, quàm Hominem de medio sui, ad vsque substantiale & personale, hypostaticumq; Diuinitatis consortium habere assumptum & eleuatum: & suæ quidem tam salutis, quàm beatitudinis, diuinæq; in æternum possessionis, ac fruitionis gratiam habere? Ita, nimirum complacuit *DEO*, nihil omnino, neque in suam propriam gloriam: neque in Vnigeniti filij sui *Christi* locupletationem perficere, quin simul quidquid moliretur, eius totius Magnificentia suæ, Hominem quoque, id est, quemlibet nostrum participem redderet, imò quasi in centrum, in Hominem, in eiusq; æternam beatificationem colligeret: quasi neque *DEVS* eminere *DEVS*, neque *Christus* esse posset *DEVS-HOMO*: nisi vtriusque huius operis Diuini, particeps quoque, imò quasi plenarius possessor, & hæres fieret *HOMO*.

O Domine! quid est homo, quia sic ab ipsâ beneplaciti tui æternitate, apud te Magnificas eum? quid est nomen putredo alioqui vera, & vermis, quia dignum ducis aperire oculos tuos super eum? Magnum quiddam dixisse videbatur sibi Regius Propheta Dauid, de Magnificentia *DEI* super hominem, vt pote paulo minus minora-

tura

tum ab Angelis. Sed ô Sancte! parum, certè dixisti: dicere in veritate debueras DEO, quia magnificasti hominem longè, & longè valdè magis ab Angelis, non ideò, quia illi sunt omnes administratores Spiritus, missi in ministerium hominibus, qui hæreditatem capiunt salutis: sed ideò, quia ex Hominibus est ille, qui DEVS est: & cui DEVS dicit: filius meus es tu: ego hodie, ante luciferum, ex vtero genui te; quod sanè ad DEVM Angelum non dixit: quoniam non Angelos, sed semen Abraham apprehendit: & Verbum, non Angelus, sed Caro factum est: & idem, qui est Filius DEI, est in simul Filius Hominis, qui non confunditur reliquos homines, fratres suos dicere: & dare illis potestatem, filios DEI fieri, illosque cohæredes in suâ Hæreditate facere.

Christus veritate Divina, & Humane nature. excellentissimus.

Exulta, exulta satis, ô Natura humana, paupercula, vilis, misera, terrena, mortalis, peccatrix, quia nihilominus fecit tibi Magna: ô verè Magna: qui potens est. Propterea, sit apud te Sanctum, & intemerabile semper. Nomen eius. Gratias age DEO, gratulare Domino IESU Christo: tibi congaude, super, usque adeò ineffabilibus, & inexpectabilibus omnipotentis DEI operibus. Desele etiam amarissimis amaritudinibus, cæcitatem, atque ingratitudinem, plulquam ingrati, & detestabilem filiorum hominum.

EXCELLENTIA III.

Christus de Spiritu Sancto, & de Mariâ Virgine Matre, DEVS-Homo factus est.

TERTIA Excellentia Domini Nostri IESU Christi, quâ supergreditur omnes creaturas, est: quia solus ille, de Spiritu Sancto, & ex Mariâ semper Virgine DEVS-Homo,

Excell. 3.

mo, verus *DEVS*, verusque *Homo*: *Filius DEI*, & *Filius Hominis*, vnus, idemque factus, conceptus, genitus est. *Filius DEI*, sine *Matre* ab aeterno. *Filius hominis*, sine homine *Patre* ex tempore. Et quamuis conceptus est de *Spiritu sancto*: non est tamen *Filius Spiritus sancti*, neque *Spiritus sanctus* est *Pater* eius, quoniam ex *Spiritu sancto*, non accepit substantiam de illius substantiâ, quam integram, ab aeterno sumpsit ex *Patre* solo, quantum ad *Diuitatem*: integram etiam in tempore sumpsit, ex solâ *Virgine Matre*, quantum ad *Humanitatem*: solâ *Virtute*, & omnipotentia *Spiritus sancti* cum *Virgine* cõoperante, *Humanitatem* de purissimis sanguinibus *Virginis*, & simul *Matris* efformante, atque *Diunitati*, *Personæ*que *Verbi*, hypostaticè vniente, & in vnâ, *Personam* *Diuinam*, veramque substantiam coadunante, *Christum*que vnum *DEVM-Hominem* constituyente. Substantia huius *Excellentiæ Domini* nostri tria hæc continet. 1. Quod de *Spiritu sancto*, & virtute *Altissimi* conceptus sit. 2. Quod de intemeratâ, purâque, ac semper *Virgine*, verâ nihilominus *Matre*, veram carnis suæ substantiam, *Effectori Spiritui sancto*, materno concursu subministrante, factus, & formatus sit. 3. Quod *DEVS-Homo*, verus, consubstantialisque, tam *Deo Patri*, quàm *Homini Matri*, *filius*, conceptus, & genitus sit. Horum trium nihil vlli creaturæ competit: tertium tamen est id, quod maximè substantiam *Excellentiæ* huius constituit. Posset enim de *Spiritu sancto*, posset & de purâ *Virgine*, purus homo concipi, neque tamen ex eo *DEVS-Homo*, sed purus tantum homo esset, quiquis sic conceptus esset: nisi *Diuinæ Personæ*, eâque mediante, etiam *Naturæ*, ad *humanitatem*, *Hypostatica* substantialisque *Vnio*, conceptioni illi, & concepto sic *Homini* accederet: quemadmodum in *Domino* *Nostro* *IESV Christo* accessit, & ideò vnus, & solus, & verus est ille *DEVS-Homo*, qui dicitur *IESVS Christus*. Atque hæc sola res est, quæ *Christum* ex ordine purarum creaturarum sub-

ductum.

ductum, super illas omnes euehit. Hæc vna, consubstanti-
 alem Deo Patri Filium reddit: hæc est omnium præro-
 gatiuarum eius fons, præter hanc, quidquid in Christo est,
 minus est. Hoc solum atque vnum, in Christo maximè
 æstimandum, honorandum, amandum, venerandum est.
 Non esset Christus nobis natus, non esset nobis factus,
 non causa salutis nostræ, non redemptor esset, non ca-
 put, non Rex: Nihil penitus ad nos attineret aliàs: ob
 hoc tamen vnicum, quia Deus-Homo est: omnis ei à
 nobis deberetur Deo dignus amor, & honor, & cultus.
 Non est quod in Christo dignius cogitetur, quod veriùs
 cognoscatur, quod iustius honoretur, quod ardentius
 diligatur, quod inæstimabilius æstimetur, quod sublimi-
 us exaltetur, quàm quod sit, Deus-Homo: hæc summa
 est dicendorum, dicique possibilitas de ipso. Hoc igitur
 in Nostro Christo exaltemus, amemus, prædicemus, ob
 hoc illi subdamur, ut Deo, ob hoc refugium apud illum,
 fiduciamque omnem nostram statuamus, ob hoc illius
 honori, & laudi, & venerationi totos nos impendamus,
 dedicemus, immolemus, ob hoc voluntati eius per
 omnia, & in omnibus adhærescamus, ob hoc gloriam,
 Nominis eius ubique propagemus, & omnes, omnes
 omnino, ad eius fidem noticiam, Amorem, obedienti-
 amque traducamus, ob hoc de indignâ & ingrata hono-
 ris eius tractatione amarissime lamentemur. Quod si,
 hoc fieri deberet à Nobis Iesv Christo, etiamsi ad Nos
 ille, nihil attineret: neque vlla ex ipso, & ab ipso nobis
 bona, commodæ promanarent: quanto magis, quanto
 iustius, quanto profutius, studiosiusque effundi, nos par
 est, in eius Amore, & Cultum, in eius obsequium, & exal-
 tationem, in eius obedientiam, & imitationem, in eius
 Personæ, Legis, Doctrinæ, Gratiæ, Beneficiæ, atque
 fidei, & Meritorum, & Sanctitatis, prædicationem ac
 propagationem: quando ille totus quantus est, propter
 nos homines, & propter nostram salutem est, propter
 nos descendit de caelis, propter nos Homo factus est, pro-

Christus ob
 peculiarem
 sui Coceptus
 de Divino
 spiritu præ-
 rogatiua, &
 Natiuitatē,
 de V. Marie,
 excellentif-
 simus.

pter nos Natus, nobis datus, nobis vixit, nobis omnia, vitæ suæ opera, & merita, impendit: propter nos passus, Crucifixus, mortuus est. Noster denique totus est, nostra iustitia, nostra sanctificatio, nostra reconciliatio, nostra gratia, nostra gloria, nostra vita æterna, omne bonum nostrum est?

EXCELLENTIA IV.

Christus condignus est conditus ad nostram Redemptionem.

QVARTA Domini Nostri IESU Christi Excellentia, quæ super creaturas vniuersas eminet, illa est; Quia ad DEVM, humano generi per peccatum vitiatum, & exoso, damnationique, & iræ, ac mortis æternæ addicto, reconciliandum, atque pro peccatis eius, atque debitis ad rigorem, quin & supra rigorem iustitiæ, satisfaciendum, conditus est: & ita conditus, talisque, ut huic muneri condignè idoneus esset. Non est facile, humano præsertim, imbecillo & cæcutienti animo cogitare, in quam, & in quantopere irreparabilem ruinam, ex ruinâque consurgendi difficultatem, sese infelix humana temeritas præcipitauerat peccando. Nullis; nullis etiam omnibus simul in vnum adgregatis viribus creaturarum existentium, possibiliumque, possibile fuit, ruinam hanc humani generis instaurare, suæ integritati restituere, sed necessarium erat omnino illi in eâ, quam spontaneâ malignitate incurrerat, peccati, simulque diaboli seruitute, sæuissimæque, & ineluctabili Tyrannide, necnon, perditionis æternæ, nunquam declinabili necessitate hærrere, atque volutari. Lapsus enim ille Humanæ generis, in Dignissimi DEI honorem impegerat, qui cum Diuinus esset, Infinitus ideò, & immentus, ac proinde & irreparabilis, incompenſabilisque vllis finitis, seu creaturæ possi-

possibilibus modis, erat. Et accesserat vilitas, abiectio-
que extrema offendentis, ita vt, infinita vilitas offenden-
tis, Infinitam Dignitatem, redderet offensam infinitè gra-
uem, incogitabiliter enormem, ad compensandum dignè
impossibilem. Creatura enim tam vna, quàm simul
omnis, etiam innocens, creatori DEO composita, nihil
penitus facit, nihil præualet, nihil est; quantò magis, si
lapsus, si ruinæ, si offensæ infinitæ infiniti DEI, subiecta
sit? Non ergo supererat modus lapsæ creaturæ humanæ,
ad salutem reuertendi, integritatemque suam recuperan-
di, quoniam non suppetebat vlla via, ratioque DEVM
placandi, DEIq; infinitam Dignitatem læsam, adæquatè,
hoc est, etiam infinitè, restaurandi.

Quid faceret ille: cuius natura Bonitas, cuius vita,
Clementia, cui proprium est misereri, & parcere, cuius
Misericordia, iudicium superexaltat, cuius miserationes,
super omnia opera eius? Pensatâ infinitudine excelsita-
tis, & dignitatis suæ: pensatâ infinitudine vilitatis & ab-
iectionis humanæ: pensatâ infinitudine, enormitateque
illatæ sibi per hominem iniuriæ: pensatâ infinitudine sa-
tisfactionis pro illatâ iniuriâ debitæ Iustitiæ suæ: pensatâ
impossibilitate, & infirmitate virium creaturarum quarum-
cunque, ad satisfaciendum Maieitati suæ Diuinæ pro of-
fensâ: commota sunt viscera Bonitatis, Charitatis, Mise-
ricordiæ eius, super desperatissimam, hominis infelicissi-
mi, plagam, atque ineuitabilem perditionem: & demon-
strantibus sibi, tam Sapientiâ, quàm Omnipotentiâ suâ,
modum, quo homini perduto succurri efficaciter, & cum
condignâ Iustitiæ satisfactione posset: si modò Maiestas
eius Diuina inclinari dignaretur: si nimirum inclinare-
tur ad hominem reum, offensus DEVS, & fieret Homo
DEVS, tunc enim plenissimè satisfacere sibi, pro infinitâ
quamuis offensâ, ad æqualitatem omnis Iustitiæ posset,
per Hominem susceptum à se, ipsemet DEVS. Placuit,
intimata, & inuenta saluandi Hominis perdicti ratio co-
ram oculis DEI: stimulante potissimum, atque medul-

Pfal. 17. 10 Et cū fodicante charitate viscerosissimas medullas miserationis eius. *Inclinavit calos & descendit*, de throno Maiestatis suæ, ad vsque infima Hominis miserandi *DEVS*, & dignatus est fieri Homo-*DEVS*, vt posset eliberari atq; in pristinum statum, seu etiam meliorem, altiolemq; ad ordinem subuehi homo reus.

Excell. 4.
*Christus ob
condignita-
tem ad Re-
demptionē
excellenti-
simus.*

O portentosissima prodigia, & abyssi siue Dignationis Diuinæ, siue Dignificationis humanæ! Cui hoc vnquam in mentem intellectui creato, cuius creaturæ spei hoc in desiderium venisset, aut votum: *DEVM* hominem fieri, propter saluandum hominem? Ecce super omnia, vota, super omnem votorum spem, super omnem spei possibilitatem, *DEVS* ad hominem subleuandum descendit misericorditer, quia homo ceciderat miserabiliter, & laesus, quamuis indignissimè in suâ Dignitate summus *DEVS*, subleuauit tamen dignantissimè hominem, assumens, & faciens hominem seipsum, *DEVS*. Et eritnè adhuc homo in *DEVM* ingratus, à quo est tam honorificâ miseratione, tam misericordi honore dignatus? Eritnè adhuc homo impius in istam tantam *DEI* pietatem? eritnè adhuc contemptor homo, tantæ, & tanto impendio reparatæ, & oblata sibi à *DEO* salutis? O *Filij* *Humanum vsquequo graui*, vsquequo vesano, vsquequo indementissimam malitiam demerito corde! Ah! *quomodo esugiemus nos, qui tantam negigimus*, contemnimus, repellimus, conculcamusq; salutem nostram, charitatemq; ac Maiestatem Diuinam? Et tamen quid hodie inter ingratissimos homines frequentius, quid contemptius, quid tam extra omnem sensum, quid tam nihili, quam contemptius, despectus, reprobatusq; cum omni dignitate suâ, & cum salute per ipsum nobis paratâ, *DEVS*? Huic certe impietati deplorandæ, nec mare, ad lachrymas, nec infernus castigandæ, ad pœnas, nec aternitas vindicandæ, ad meritum sufficit. Vtinam hæc cura subeat antiquando mortalium animos: vt & salutis suæ exhibent se magis diligentes, & Saluatoris sui cultores minus negligentes?

Pfal. 4. 3.

Hebr. 2. 3.

EXCELLENTIA V.

Christus admissus est ad Pactum, & promissionem nostram, cum DEO, reconciliationis.

QVINTA Excellentia Domini Nostri IESV Christi, super omnes Creaturas est, quia ille solus, & potuit admitti, & est admissus à DEO, ad pactum, & contractum de redimendo genere humano: & de satisfaciendo pro illo, tanquam pro reo, parti læsæ, scilicet DEO, idque ad æqualitatem rigorosæ iustitiæ DEI, necnon offensæ, siue iniuriæ irrogatæ Maiestati, & Dignitati Diuinæ: Soli quoque eidem Christo promissio facta est, fierique potuit, quin etiam forsitan debuit, de acceptandâ eius, à DEO satisfactione, atque cura, quam is impenderet, pro salute humanâ.

Pactum hoc atque promissionem intercessisse inter DEVM, & inter Christum, videtur satis enarrasse ipse DEVS per Isaiam: *Si posuerit pro peccato animam suam, vi. Isa. 53. 10. debet semen longævum, & Voluntas Domini in manu eius dirigetur. Pro eo quod laboravit Anima eius, videbit & saturabitur: in scientiâ suâ iustificabit ipse, iustus servus meus multos, & iniquitates eorum ipse portabit. Ideo disperdiam ei plurimos: & fortium spolia dividet, pro eo quod tradidit in mortem animam suam: & cum sceleratis reputatus est: & ipse peccata multorum tulit, & pro transgressoribus rogavit. Id ipsum sibi voluit illa eiusdem DEI Patris ad Filium suum IESVM in Psalmo, Postula à me, & dabo tibi gentes hereditatem Psal. 2. 8. tuam, & possessionem tuam terminos terræ.* Continent enim hæc verba promissionem, factam Orationi Filij, fundatæ super Dignitatem, & merita sua, ab ipso omnia enim opera Christi, & Oratio fuerunt, & merita, quibus Pater æternus, & debebat, & reddebat, & promittebat, condignam præmiationem; nec aliam, quam exaltationem suam, & salutem nostram.

Ad

Ad huius Excellentiae Domini nostri vberiore de-
clarationem, & pleniorē intellectionem, operæ preti-
um est duo aduertere: prater tertium iam in superiore
Excellentiâ adnotatum, nempe, non potuisse DEO, vllis
purè creatis viribus satis condignè fieri pro peccato, &
pro iniuriâ illatâ Dignitati Diuinæ: sed ad hanc condi-
gnitatem in rigore seruandam, opus fuisse, vt is qui satis-
faceret, DEVS simul verus, & aliqua simul creatura, v. g.
Homo esset. Hoc ergo vno supposito, & seposito, duo
adhuc sunt aduertenda, quorum Primum est: Potuisse
DEVM pro suâ absolutâ libertate, & quilibet agendi
potestate, ad offensam sibi ab Homine irrogatam, con-
donandam, abolendamque (inter infinitas alias rationes)
adhibere puram Creaturam mediatricem, per cuius ali-
qua opera posita, & sibi exhibita, placeret illi condonare
offensam, & abolere, culpam atque pœnam: & iustifica-
re, demumque saluare Hominem. Quod si fecisset DE-
VS, fecisset magnam Diuinæ suæ in hominem lapsum,
miserationis opus, fecisset etiam grande opus exaltatio-
nis illius mediatricis creaturæ, ad talem reconciliatio-
nem assumptæ & admissæ: verum tamen in tali modo,
non esset satisfactum in rigore, & ad æqualitatem con-
dignam Iustitiæ Diuinæ, sed neque Dignitati DEI oblatæ
ab homine: Inter illam enim creaturam, & DEVM,
inter opera, seu merita eius, & Dignitatis eius læsionem,
immentum esset inæqualitatis chaos: nec per assumptio-
nem, seu admissionem ad reconciliationem hominis cum
DEO, facta fuisset par, & condigna, ad condignè resarci-
endam læsam Dignitatem DEI, & ad satisfaciendam ri-
gori Iustitiæ Diuinæ: Vnde non fuisset ibi infinita satis-
factio simpliciter, (nisi fortè ratione infinitorum numero
peccatorum,) vel ratione infinitæ offensæ à DEO libera-
liter condonatæ, per respectum aliquem, ad illius creatu-
ræ opera, seu merita, quomodo esset liberalitas quidem,
DEI infinita in condonando, operum tamen, & merito-
rum valor infinitus, non fuisset, sed se habuissent per mo-
dum

dum conditionis, quia scilicet ad exhibitionem illorum, DEVS suam profudisset condonationis liberalitatem, omisâ exactione, debitæ alioqui rigorosæ satisfactionis, & condignæ solutionis. Alterum, quod aduertendum, esse prædixi, est; Quod & si DEVS condidisset DEVM-Hominem, prout de facto condidit IESVM Christum, quem & idoneum fecit, condignum, & parem ad satisfaciendum in omni rigore, & æqualitate, & etiam excessu iustitiæ pro offensâ DEI ab homine, & pro peccatis totius humani generis, liberum tamen, absolute loquendo, erat DEO, hunc ipsum IESVM Christum DEVM-Hominem, nequaquam deputare ad redemptionem humani generis. Nec eum admittere ad hoc munus satisfacionis, solutionisque sibi faciendæ pro homine, eiusuè iustificandi, & in gratiâ reponendi, ac redimendi atque saluandi. Imò poterat DEVS, id à Christo fieri nolle, atque adeò, etiam prohibitionem Christo de hoc, seu faciendo, seu facere volendo, ponere, quâ prohibitione positâ, Christus, qui semper placita DEO, & vult, & facit, & qui nihil vnquam vult, aut velle potest, nisi id, quod scit DEVM velle, ut ipse velit: hac (inquam) prohibitione positâ à DEO, Christus non esset, nec esse posset noster reconciliator, neque Redemptor, neque Saluator. Sed aliâ quapiam DEO placitâ viâ, DEVM glorificasset, quâ nimirum cognouisset DEVM, à se glorificari velle, imò etiam, per hoc ipsum exaltasset, DEI Sapientiam, Potentiam, Iusticiam, ceterasque perfectiones, quod ex laudatissimo suo iudicio, atque decreto, imò, & ex immensâ erga se dilectione, nollet operâ suâ uti, quantumvis paratâ, idoncâ, & condignâ maximè, ad Hominem DEO plenè, in omni rigore iustitiæ, reconciliandum, dignitatemque instaurandam, & ius læsum reparandum. Hoc verò DEVS non fecit, sed potius contrarium ordinauit: feri: Condidit Christum DEVM-Hominem, & condidit aptauitque in eum planè, & expressè finem, ut per eum, sibi reconciliaret hominem: Condidit eum & ad pactum

*Christus ob
admissionē
sui ad Pa-
trem, hu-
mana cum
Deo recon-
ciliationis,
excellenti-
simus.*

- reconciliationis admisit: denique condidit eum, & præceptum imposuit, de redimendo cum omni iustitiæ rigore, humano genere, promissionemque dedit ei, de acceptandâ satisfactione illius, quam ille, sibi obtulisset pro humano genere, iuxta præscriptum voluntatis Paternæ, atque obedientiæ per ipsum adimpletæ. Quod quidem sapissimè habemus in Scripturâ Sacrà denarratum: & ipsius Christi Domini verbis contestatum, ut est illud.
- Ioan. 14. 31. Ut cognoscat mundus, quia diligo Patrem, & sicut mandatum*
Ioan. 18. 11. dedit mihi Pater, sic facio. Et illud. Calicem quem dedit mihi
Mat. 26. 54. Pater, non vis, ut bibam illum? Quomodo ergo implebuntur scri-
ptura, quia sic oportet fieri? Hoc etiam prædixerat ante
Dauid, & ex eo, desumptum asseruit Paulus in personâ
Psal. 39. 7. Christi dicentis. Ideò ingrediens in Mundum dicit: Hosti-
Hebr. 10. 5. am & oblationem noluisti, corpus autem aptasti mihi: holocau-
tomata pro peccato, non tibi placuerunt Tunc dixi: Ecce ve-
Exc. 5. nio: in capite libri scriptum est de me: ut faciam, Deus, vo-
luntatem tuam. In quâ voluntate sanctificati sumus, per obla-
Heb. 10. 10. tionem Corporis Iesv Christi semel.

Hæc igitur est, & in hoc consistit Excellentia hæc Christi quinta, quia cum esset conditus Deus-Homo, & posset à Deo Patre, tam pro absoluta potestate voluntatis, tam pro immensâ erga Christum dilectione, tam pro alijs Sapientiâ, & Maiestate Dei condignis causis, neque admitti, requirivè ad pactum de redimendo humano genere, neque gravari præcepto de hoc per se præstando: est nihilominus à Deo Patre admissus, & admissus condignè, ut potè Deus-Homo, sufficiens per omnia satisfacere, & Dignitati læsæ, & iustitiæ violatæ, & iniuriæ factæ, & culpæ admittæ, & panæ debitæ. In quâ re Christum æquare nulla potuit, nulla potest creatura: sed hoc soli, & vni Christo, proprium est.

In hoc autem immensa eminet, tum Charitas Dei erga Christum, qui tantam illi, tamque arduam, simulque locupletem, & magnificam obtulit occasionem exaltandi Patrem: tum Dilectio Dei erga nos homines, planè
 abie-

abiectionissimos, ingratisissimos, & perditissimos: qui cum posset satis Vnigenitum suum exaltatum facere, faciendo illum DEVM-Hominem. & eum tantis laboribus, iniurijsque, eius Personâ indignis, non obijcere: *tamen sic dilexit Mundum, id est, nos homines, ut Filium suum Vnigenitum daret, ut mundus saluaretur per ipsum: posuit in eo iniquitates omnium nostrum, & propter scelus populi sui, percussit eum; Isai. 53. 6.* & præceptum mortis dedit ei pro nobis, & liuore, vulnere, & morte crucis eius, saluati, & sanati sumus. Eminent etiam Charitas, Humilitas, Obedientia Christi DEI-Hominis erga Patrem, qui cum in formâ DEI esset, nec rapinam arbitratus, sed per naturam esset Filius DEI: *tamen exinaniuit semetipsum formam serui accipiens, in similitudinem hominum factus, & habitu inuentus ut homo: factus obediens vsque ad Mortem, Mortem autem Crucis.* Eminent quoque immensitas Charitatis Christi erga nos homines, qui cum in gratiam æterni Patris dilexisset nos, qui eramus in Mundo, vel potius in peccato, & in reatu damnationis æternæ, certissimo in finem dilexit nos, posuitque Animam suam, pro nobis, cum adhuc inimici, & naturâ iræ filij essemus. Eminent denique in hoc etiam immensitas nostræ obligationis ad DEVM, qui proprio Filio non pepercit, sed pro omnibus nobis tradidit, & percussit illum: ad Christum etiam, qui pro nobis, Agnum se DEI fecit, *& pro nobis oblatus est, quia voluit: cum alioqui, Animam eius nemo tolleret ab eo, sed ipse pro nobis posuit eam.*

*Christus ob
admissionē
sui ad Pa-
trem, humane
cum DEO
reconcilia-
tionis, excel-
lentissimus.*

*Isai. 53. 7.
Ioan. 10. 18:*

Cui obligationi: quomodo satisfaciat Mundus. quomodo respondeat vnusquisque nostrum, suprâ omnem cogitationem ingratus: viderit vnusquisque hominum suam ipsius intrando, & intuendo conscientiam. Si vniuersitas Creaturarum vocaretur in Concilium, & deliberare decernereque, aut saltem inuestigare iuberetur: Ecquid nam amplius posset adhuc facere DEVS, & Filius eius Vnigenitus Christus, in bonum & salutem hominis vnuscuiusque: & si vna quæque creatura, Salomone, aut

Excell. 5. Cherubino quolibet Sapientior esset, & si per omnem
 Christus ob æternitatem omnes deliberarent, consultarent, inquire-
 admissionē rent: nihil omnino, nihil; nihil absolute inuenirent, quod
 sui ad Pa- addi posset ad id, quod iam in salutem hominum fecit
 cū, huma DEVS, fecit & Filius eius Vnigenitus IESVS Christus.
 ne cū DEO DEVS ipse, si pro suā propriā vitā, & salute tuendā labo-
 reconciliatio- raret: numquid amplius impensā facere posset, quā ut
 nis, excellē- Vnigenitū suū pro suā incolumitate impenderet,
 tissimus. Mortique Crucis obijceret? En iam ô homo, exæquauit
 te sibi: ipsi DEVS: & tantū pro te pretium expo-
 suit, tantis te impensis, ab æterno exitio redemit: quan-
 tis, maiores pro semetipso saluando reperire, & impen-
 dere non posset. Et adhuc in hominum cordibus locum
 habere potest, dominari potest, perennare potest, ingra-
 titudo, impietas, rebellio, contemptus, & quod non sce-
 leris genus, in DEVM? O nos non ingratos, non impios,
 non sceleratos, sed monstris monstrosiora mōstra ingra-
 torum, impiorum, & sceleratorum. Hic quare Domi-
 ne, hic querere cum cordis tui amaritudine, hic obiecta,
 Isai. 5. 4. & dic: *Quid ultra potui facere vineæ meæ?* quos sumptus
 & labores ampliores effundere, & exhaustire debui, &
 non effudi in Animas, sanguine meo proprio, & exitio
 quasitas? Popule DEI, quid fecit, quid facit DEVS ti-
 bi: quia vsque adeò, ingratus es omnis bonitatis eius:
 omnisque miserationis eius? Heu! quomodo stabimus
 ante tribunal Iudicis huius, huius inquam ipsius nunc
 Redemptoris, nunc Saluatoris; nunc benignissimi ac
 Misericordissimi Patris: tunc autem Iudicis seuerissimi,
 Iudicis vltimæ instantiæ, Iudicis in æternum non mu-
 tandæ sententiæ, Iudicis tantū sapientissimi, ad decer-
 nendam, quantum & omnipotentissimi ad exequendam,
 semel, sed æternaliter pronunciatam mortis æternæ sen-
 tentiam?

EXCELLENTIA VI.

*Christus communicationem idiomatum, inter
DEVM & Hominem accepit.*

SEXTA Domini Nostri IESV Christi, super omnes Creaturas, excellentia est: Quia communicationem idiomatum, tam in Diuinâ Naturâ, ab Humanitate, quàm in Naturâ Humanâ, à Diuinitate accepit: vt in illo, hoc asseratur de Homine, quod de DEO dici dignum est, hoc de eodem affirmetur DEO, quod dici de Homine congruit. Dicimus enim, & verè dicimus. DEVS-HOMO, & HOMO-DEVS, item DEVS-HOMO FACTVS EST, & HOMO factus est DEVS. DEVS conceptus est ex homine, natus, lactatus, homini subditus, creuit, nutritus est, esuriuit, sitiuit, laborauit, fatigatus est, dormiuit, manducauit, bibit, passus, mortuus, crucifixus, sepultus est, resurrexit, in cælum ascendit. Et dicimus etiam; Homo est Filius DEI, Creator, Omnipotens, Vita aeterna, Immortalis, Impeccabilis, consubstantialis Patri, coæternus, Iudex viuorum, & mortuorum, Rex Regum, Dominus Dominantium, Beatitudo omnium. Hæc idiomatum communicatio ortum, & fundamentum habet, ex Incarnationis, & Vnionis Hypostaticæ mysterio, atque beneficio: huius enim ratione, diuina, & humana prædicata, de vnâ eademque Personâ verè prædicantur. Quando enim, aliquæ duæ formæ, in vnum idemque subiectum, seu suppositum conueniunt, illudque informant, possunt de eodem verè prædicari, quomodo, si idem homo, v. g. PETRVS, habeat in se simul calorem & albedinem, potest verè dici calidus, & albus, & calidum, est album, album, est calidum: nempe per respectum ad idem suppositum. Pari ratione quia in Christo, duæ Naturæ realiter, imò & substantialiter vniuntur Verbo, tanquam supposito, ideò Nomina illas Naturas significantia, in ordi-

Excell. 6. ne ad illud suppositum, (qualia Nomina, sunt Homo, & DEVS) verè de illo supposito prædicabuntur, cui Naturas ipsas applicant, & quod in eis subsistere, ipsuè supponi significant. Ex quo etiam fit, vt vnum de altero inter se prædicetur verè: atque ita dicimus. DEVS est Homo, Homo est DEVS; DEVS mortalıs, Homo immortalıs, DEVS natus, passus, mortuus: Homo Creator, creauit cælum & terram, est vita æterna.

Occasione horum, quæ modò dixi de emanatione, communicationis idiomatum ex Vnıone Hypostaticâ, addo commendandæ huiuscè Vnıonis gratiâ nostris mentibus: tria quædam insignia bona emanasse, & emanare ex illâ, in Humanitatem Christi. Primum est: quia per hanc Vnıonem, Humanitas Christi, eleuata est, ad tale consortium Diuinitatis in eadem Personâ Verbi: vt ratione illius, verè dicatur de Homine, quidquid ad DEI gloriam, & Maiestatem spectat. Et hæc est, atque in hoc consistit, vera idiomatum communicatio. Alterum est: illam Humanitatem, ratione huius Vnıonis, esse dignissimam summâ gloriâ, summo honore, summâ, & diuinâ quadam adoratione. Tertium est: quia ratione huius eiusdem Vnıonis Hypostaticæ, communicatæ sunt Humanitati diuinæ perfectiones, non quidem in semetipsis, prout sunt, & solùm esse possunt in solâ Naturâ Diuinâ, sed per eximia quædam Dona creata, & Naturæ humanæ cum alijs gratijs indita, & aliquas perfectiones, (non enim omnes) Diuinas imitantia, quomodo Sapientia & Scientia Humanitatis, seu Hominis Christi, excellentissima est, non est tamen eadem, quæ Diuinitatis, seu Verbi ipsius, sed imitatio eius tantùm, summa quidem in suo genere, creata tamen. At de his satis, redeo ad communicationis idiomatum in Christo, suprâ omnes Creaturas excellentiam, quæ in nullam creaturam cedit, sicut nulli etiam creaturæ Vnio Hypostatica cum Verbo competit. Ex hoc autem multa nobis æstimatio & reuerentia: multa laudatio, & exaltatio: multa dilectio, & com-

men.

mendatio Christi DEI Nostri inferi, imò innasci debet. Multa quoque nostra erga illum confidentia & fiducia, multa congratulatio, multa etiam imitatio, simul & admiratio eius in nobis ut sit, oportet. Nam si DEVS Verbum, ita nostræ humanitati vniri voluit, ut in eâ, & per eam, verè fieret particeps proprietatum, imò Mieriarum, & Indignitatum eius, quale est nasci, nutrirî, laborare, esurire, pati, mori, crucifigi, sepeliri: aliaque Sapientiæ, & Sanctitatis DEI non derogantia, iuxta illud D. PAULI.

Christus communicatio-
ne idioma-
rum, excel-
lentissimus.

Quia ergo pater communicauerunt carni & sanguini, & ipse similiter participauit eisdem, ut per mortem destrueret eum, qui habebat mortis imperium, id est, diabolum. Quid nos non oportet subire humiliationis, exinanitionis, vilificationisque nostrî, propter ipsum, & propter gloriam nominis eius? Exemplum ille dedit nobis, ut quemadmodum ille fecit, & nos similiter faciamus: neq; enim est seruus Domino suo maior: Si ergo ille Dominus & Magister, & DEVS noster, exinaniuit se totum propter nos: quid nos vilissimos terræ vermiculos exinanitionis, propter nomen eius subire non conueniet? Quod si idem DEVS Verbum Caro factum, adeò sublimiter eleuauit, & vsque ad dexteram Patris in celestibus confedere fecit ipsam Humanitatem nostram: nonnè oportet nos etiam in eisdem DEI-Hominis gloriam, & exaltationem, quàm maximam, assiduè conari, assiduè impendi, atque etiam superimpendi: dandò perennem operam, ut quantum per nos sit, in Nomine IESV omne genu flectatur, siue celestium, siue terrestrium, siue infernorum, utq; omnis lingua, & gens, & tribus agnoscat confiteaturque: quia Dominus noster IESVS Christus, in gloria est DEI Patris.

Hebr. 2. 14.

10. 11. 13. 15.

Ephes. 2. 6.

Philip. 2. 11.

EXCELLENTIA VII.

*Christus per Substantialem gratiam, nempe
Diuinitatem Sanctus est.*

SEPTIMA Excellentia Domini Nostri IESU Christi, est
Suprà omnes Creaturas; quia Gratiam non ad Mensu-
ram accepit: quâ sanctificaretur, fieretque Sanctus: sed
potius, ipsomet omnis Gratiæ fonte, ipsâ (inquam) Gra-
tiâ substantiali, gratiâ Diuinitatis ipsius, per Vnionem,
Hypostaticam, sanctificatus, vnctus, & Sanctus Sanctorum
factus est. Nec per adoptionem, sed per Naturam san-
ctus, & Filius, & Vnigenitus, & Hæres, vniuersorum bo-
norum, Patris sui æterni. Sciendum est enim in Christo
Domino, duplicem esse gratiam: vnâ accidentalem,
alteram substantialem; Accidentalis in Christo gratia,
est duplex iterum; Habitualis vna, actualis altera: cuius
modi vtraque gratia, reperitur etiam in puris creaturis
rationalibus iustis, imò habituali gratiâ sanctificantur,
iustificantur, grati & amici D^EO, Filijque D^EI, redduntur
Iusti, siue Angeli, siue homines, quæ Habitualis gratia,
sanctificans, est singularis participatio Diuinæ Naturæ,
quâ participatione, Homo efficitur filius D^EI, si quidem
filius non constituitur, quis ex qualiscunque doni colla-
tione in se, ab alio, sed ex communione eiusdem Natu-
ræ ab altero acceptæ. Vnde quia cum gratiâ, seu potius
per gratiam iustificantem accipimus, seu accipiunt iusti
communicationem Diuinitatis inhabitantis iustos, quæ
eis vinitur hac gratiâ tanquam vinculo; idcō Filij D^EI
sunt iusti omnes, quia illis spiritus sanctus D^EI commu-
nicatur per gratiam, vti dixi, nec non per Charitatem
nostram: cuius etiam est officium, atq; effectus vnire iu-
stis Diuinitatem, vt in eis sit, & illi vivant ex eâ, tanquam
vitâ spirituali, & tanquam Animâ, quâ in Animâ spiri-
tuali, regantur in omnibus motibus suis, sicut corpus in
omni

omni motu suo regitur ab animâ ipsum informantē, propter quod & Gratia iustificans, & Charitas solent meritorî appellari Anima animæ nostræ. Hæc ergo Gratia habitualis, locum habet etiam in Christo Domino: sed non cum hoc effectu, quem habet in iustis: Iustos enim (vt dixi,) iustificat, & sanctificat, & filios D E I facit: at in Christo Domino, id nequaquam præstat: verum id habet Christus aliundè, vt iam dicetur.

Est ergo in Christo altera gratia Substantialis, altioris longè in infinitum ordinis, quàm habitualis prædicta, altiore quoque modo illi communicata. Hæc Gratia Substantialis Christi, est ipsamet Persona Diuini Verbi, quæ per Vnionem Hypostaticam, substantialiter vnitur Humanitati, eamque semetipsâ sanctificat, iustificat, filialitat, ita vt Humanitas illa, per eandem ipsam sanctitatem sanctificata & iustificata, sancta & iusta sit, per quam & ipsa Diuinitas Verbi, si quidem Verbum etiam Hypostaticè, substantialiterque, vnitur Humanitati, eamque Hominem completum, & D E I Filium facit, non adoptione, sed ad eandem realiter Personam hypostaticâ vnione & assumptione. Quam quidem Vnionem, & simul sanctificationem, pro suo modulo imitatur vnio iustorum, cum D E O per gratiam. Sicut enim Verbum Diuinum est Filius, quia accepit Diuinam Naturam à D E O Patre, per generationem æternam; & sicut Humanitas Christi, (vel magis propriè loquendo) ille Homo, qui dicitur Christus, est Filius D E I per Vnionem Hypostaticam: ita Iustus Homo dicitur Filius D E I, quia eandem Naturam Diuinam accipit per Vnionem gratiæ. Est tamen in modo habendi hanc Naturam, vbique maximum discrimen; Nam Verbum Diuinum ita illam accepit, accipitque: vt sit illi Natura illa vnita Essentialiter, & per Identitatem. Christus autem Homo, eiusue Humanitas, accipit illam ita vt illi vnatur substantialiter, per coniunctionem in eadem Hypostasi. Porro Iusto, solum per accedens quoddam coniungitur eadem Natura Diuina, nempe per Vnionem Gratiae iustificantis.

D

ita

Excell 7.

Ista Gratia Vnionis Hypostaticæ, Christum Dominum nostrum substantialiter sanctificans, infinitas alias gratias adducit ad Humanitatem illius, de quibus omnibus etiam infinitum esset tractare, sed satis sit hoc dixisse, quod omnes reliquæ gratiæ, consecutæ in Christo gratiam Vnionis Hypostaticæ: non conferant Christo sanctificationem propriè, quia illam habet Christus ex altiore, & substantiali, fontaliq[ue] gratiarum omnium origine, scilicet ex Diuinitate sibi personaliter vnità, sed tantum sunt in Christo, propter completionem quandam, & ornatum, consummationemq[ue], & ne quid deesset Christo eorum, quæ Creaturis sibi gratis confertur. **DEVS**, utq[ue] Humanitas Christi assisteret Deitati, ac Per-

Psal. 44. 10. sonæ Verbi, *tanquam Regina à dextris eius, circumdata varietate*, omnium donorum & gratiarum: iustissimèq[ue], ac necessario dici posset de illà, *Multa filia Electa*, scilicet & gratiosa **DEO** creaturæ: *congregauerunt diuitias ex Diuinâ Munificentia: sed tu supergressa es vniuersas*, incomparabiliter.

Libet delibare paucos, eosq[ue] precipuos effectus Vnionis Hypostaticè in Christo Domino. Primus sit, Immunitas ab omni peccato, imò verà & plena ad peccandum impossibilitas. Secundus, Filiatio **DEI**, vera & consubstantialis. Tertius, Visio **DEI** & fructio beatifica, atque status comprehensoris, & si cum aliquâ restrictione quoad portionem inferiorem, in quam propter salutis humanæ dispensationem, non est permixta redundare plenitudo Gloriæ. Quartus, Infinitus valor, atque dignitas operum omnium, pariter ac singulorum, ad merendum, idque ita ut non tantum sibi mereri posset, sed etiam nobis: neque id solum, sed etiam ipsis nostris operibus, ut essent etiam meritoria apud **DEVM** vitæ æternæ de condigno ex coniunctione cum meritis suis. Quintus, Inseparabilitas Naturæ Diuinæ ab Humanâ, & perpetua ad ipsam præsentia, non illa tantum communis omnibus creaturis, per Essentiam, Præsentiam, seu Sapientiam, & Po-

Christus pro
pter substā-
tialē gra-
tiā, & san-
ctitatem
excellētis-
simus.

& Potentiam siue operationem, sed specialis per Hypo-
staticam adhæsiōem, quam haberet Humanitas Christi,
vbique & semper: etiāsi per Impossible Verbum æter-
num, neque immensum, neque absolutæ subtilitatis esset.
Non exaggero hoc loco hosce effectus, sed neque plu-
res enumero, hoc enim in sequentibus Excellentijs, prout
licebit, fiet, sed tantum pro ingerendâ mentibus nostris
Gratiæ sanctificantis æstimatione, conseruandæque &
accumulandæ illius curâ, hos eosdem quinque effectus,
quos illa in Nobis, (& si cum infinito discrimine) attamen
cum similitudine producit. Primò enim Gratia sancti-
ficans, adfert nobis Remissionem peccatorum omnium
mortalium, idque idè quia nobis vnit (modo prædicto)
Spiritus Sanctum, seu Naturam Diuinam, cum cuius par-
ticipatione & præsentia, nequit consistere mortale pec-
catum. Secundò, gratia sanctificans facit nos filios DEI,
quia facit nos participes Naturæ Diuinæ, cuius gratia
vinculum est: vnde simul facit nos hæredes DEI, cohæ-
redes autem Christi, quamuis Christus sit Hæres per Na-
turam, nos per adoptionis gratiam. Tertiò, eadem gra-
tia sanctificans, facit nos æternâ vitâ, ac beatitudine di-
gnos, tribuitque nobis ius ad illam, & nos hæredes illius
constituit, vt modò dixi. Quartò, dat operibus nostris
valorem & condignitatem ad promerendam vitam æter-
nam, non quidem ex suâ Naturâ, ac Entitate quasi Physi-
câ, sic enim teste Apostolo, *Non sunt condignæ Passiones hu-*
ius temporis, ad futuram gloriam que reuelabitur in nobis, etiam
in supernaturalitate suâ spectatæ: sed tamen ratione mo-
ralis æstimationis & condignitatis, quam accipiunt à Di-
uinitate nos per gratiam inhabitante, & Filios DEI con-
stituente, atque, vt opera nostra sint filiorum, seu DEI
effectorum, efficiente. Quintò, eadem Gratia sanctifi-
cans, ita secum in Animas nostras Diuinam Naturam ad-
ducit, eamque nobis præsentem, & nos inhabitantem fa-
cit, vt etiāsi ipsa Naturâ suâ immensâ non esset, nec
vbique adesset, eam tamen illa nobis præsentem siste-

Rom. 8. 18.

Excell. 7: *ret.* Ratio est eius rei, quia Vnio ista D E I, quæ fit cum Animâ per gratiam, non est solum Vnio per affectum & Charitatem, sed est Vnio per Naturæ communicationem, & inhabitationem: vt satis colligitur ex pluribus Scripturis, ac imprimis ex illis Domini nostri verbis. *Si quis diligit me, sermonem meum seruabit; & Pater meus diliget eum, & ad eum veniemus, & mansionem apud eum faciemus.* Vbi diserte Dominus discernit, dilectionem à Patre, ab aduentu eius ad seruantem mandata sua, & à mansionis apud eum institutione. Et huic consonat illud eiusdem

Ioan. 14. 17: Domini nostri dictum, ac promissum. *Rogabo Patrem, & alium Paraclitum dabit vobis, & maneat vobiscum in eternum; Spiritum veritatis, quia apud vos manebit, & in vobis erit.*

Ista quæ de substantiali & incomparabili Gratiâ Domini nostri, ipsum sanctificante, quæque etiam de Gratiâ habituali, nos D E o gratos reddente dicta sunt; suggerunt nobis insignem, copiosam, fertilemque materiam, & causam, tum exaltandi Diuinam in Christum liberalitatem, quam in eius sanctificationem profudit: in eoque sibi complacuit, tum gratulandi Christo ipsi, in eoque toti Naturæ nostræ humanæ tam ineffabilem, & omni felicitate feliciorē felicitatem, ac sublimitatem: tum æstimandi appretiandique à nobis nostram, quâ D E o sanctificamur, filijque, ac Diuinæ consortes Naturæ effici-mur, Gratiæ sortem.

Non habuit in suis thesauris D E vs, quod excelsiùs Christum promoueret, & quod cum præ omnibus suis participibus vngeret. Non habet etiam Creatura rationalis, donum D E I, quod in se se magis appretiet: quod ambitiosiùs, & innocentiore avaritiâ conquirat, & accumulet: quod etiam sollicitiùs, & diligentius custodiat, quàm est hoc sanctificantis gratiæ donum: per quod tantis locupletatur bonis, vt ad ipsius Diuinæ Naturæ participationem ascendat.

O Diuina Gratia, quam nihil est te in nobis ex omnibus D E I bonis pretiosiùs, atque inæstimabiliùs! &, heu! quàm

quàm simul nihil est te apud nos abiectiùs, nihil negle- *Christus pro*
ctiùs, nihil ad omnem iacturam prostitutiùs? Ecquæ nam *pter substā-*
creatura est adeò nihili, cui mortales cæcissimi, Gratiā *tialem gra-*
amicitiāque Diuinā non posthabeant? Nonnè inue- *tiā. & san-*
nies homines, quibus Canis pretiosior sit, quā DEVS? *ctitatem*
nonnè sunt homines, & innumerī quidem, quibus ma- *excellētis-*
iori curæ sit, gratiā diaboli (si quæ gratia illius est) *simus.*
demereri, quā DEI? si homo hominis gratiā excidat,
inlanit præ dolore homo: si gratiā DEI excidat homo,
non sentit, ridet, exultat etiam inlanissimus homo

Ica homo infelix, & absurdus, & ingratus, nescit
pretium suum, quod à DEI gratiā se inhabitante habet:
cum tamen tantum eius in Gratiā hac positi pretium sit,
ut nulquam condigniùs, quā in ipsā DEI hæreditate
deponi, nihil ipsius, non dico substantiæ, sed etiam le-
uissimæ actiunculæ condignum in mundo reperiri: ni-
hil ipse DEVS, eius pretio par, præter semetipsum possit
reponere.

EXCELLENTIA VIII.

Christus est Sanctificator noster, & sanctifi-
catio nostra.

OCTAVA Excellentia, super omnes Creaturas Christi
Domini est, quia ipse solus est Sanctificator, & san-
ctificatio omnium nostrum: quod rotundè affirmavit
PAVLVS, dicens: *Vos estis in Christo IESV, qui factus est nobis* 1. Cor. 1. 30.
sapientia à DEO, & Iustitia, & sanctificatio, & redemptio.
Porro pluribus modis Dominus noster IESVS est sancti-
ficatio nostra.

Primò meritoriè, & satisfactoriè: Infinito enim va-
lore operum suorum theandricorum, meruit apud Pa-
trem, & simul immenso pretio passionis ac mortis suæ
satisfecit Patri, pro nostris peccatis & debitis omnibus,
obtinuitque nobis à Patre sapientiam, & iustitiam, &

sanctificationem tanquam copiosâ, cumulatâ, condignâ-
 que redemptione. Redemptio enim Christi, Iustitiæ
 DEI satisfecit, & sic est iustitia, hoc est satisfactio nostra
 Ioan. 17. 19. talis, ac si nos per eam DEO satisfecissemus, attestante
 Domino ad Patrem dicente: *Pro eis ego sanctifico meipsum,*
 Excell. 8. *ut sint & ipsi sancti in veritate:* quod est dicere: Sanctam,
 & placitam hostiam, me tibi, Pater mi, offero, atque im-
 molo in Crucis altari, in passionis, & mortis sacrificio:
 & qui in me credent, per hoc meum sacrificium, effici-
 antur & ipsi sanctificati in veritate, verè à peccatis suis
 emundati, tibi reconciliati, & in gratiâ tuâ collocati:
 tanquam ij, qui sunt in me, & in quibus sum ego. Ete-
 nim quando VERBUM CARO FACTUM EST, tunc sanctifica-
 uit se in se, id est, Hominem se, in Verbo se, quoniam,
 vnus idemque Christus Verbum & Homo est. Sed quia
 est Caput habens membra sua, credentes nimirum in se,
 ideò propter hæc sua membra, dicit Patri: Et ego pro eis
 sanctifico meipsum, hoc est, ipsos in me, quoniam in me
 etiam ipsi sunt, & ego. Igitur Christi pro nobis per re-
 demptionem satisfactio, nostra est sanctificatio, & prius
 (saltem Naturâ, & si non tempore,) in Sacramentis ap-
 plicatur nobis, Christi pro nobis satisfactio, tum remit-
 tuntur peccata, ac demum infunditur gratia.

Secundò, Christus est nostra sanctificatio exempla-
 riter. Etenim sanctitas Christi atque iustitia, est nobis
 perfectissimum exemplar, ad quod omnis nostra iustitia,
 reſtitudo, & sanctitas formari, & probari, examinarique
 debet, tanquam ad ideam, & regulam, & archetypum,
 atque speculum omnis sanctitatis, & iustitiæ.

Tertiò, Christus Dominus nostra est sanctificatio ef-
 ficienter: Christus enim tanquam causa efficiens, efficit
 & producit, per instituta à se Sacramenta, iustitiam, gra-
 tiam, sanctitatem, peccatorum remissionem, virtutes
 tam Theologicas, quam Morales, Dona & fructus Spiri-
 tûs sancti, denique ostendit nobis tam verbis, quam
 exemplis suis, & modum sanctè Christianèque viuendi,
 & vi-

& viam ad caelestem beatitudinem, æternamque vitam, quæ est ille ipse, tendendi atque perueniendi, prout ipse de se attestatur dicens. *Ego sum via, veritas, & vita.* *Ioan. 14. 6.* in exemplo, veritas in doctrinæ verbo, vita in æterno præmio.

Quartò, Christus Dominus noster, est nostra sancti-
ficatio, nosterque sanctificator; quia nos sanctificat, *Christus sanctifica-*
atque iustificat propter gloriam suam, & æterni Patris *toris nostri*
sui: ita vt omnis nostræ iustitiæ, omnis sanctæ & bonæ *titulo excel-*
operationis, scopus, finisq; esse debeat, Gloria Christi, *lentissimus.*
siue (prout ipse Dominus ait,) vt glorificetur Pater in Filio *Ioan. 14. 13.*
Quod ipsum & PAVLVs attestatur, cum dicit. *Vos elegi* *2. Thessal.*
Deus primitias in salutem, in sanctificatione Spiritûs, & in *2. 12.*
fide veritatis: in quâ & vocauit vos per Euangelium nostrum,
in acquisitionem gloriæ Domini nostri Iesv Christi. Quibus
verbis disertè attestatur PAVLVs, tam Euangelium, quàm
vocationem nostram ad Euangelium, quàm fidem veri-
tatis, quàm sanctificationem spiritûs, quàm denique to-
tam salutem nostram aliud respicere nihil, nisi acqui-
sitionem gloriæ Domini nostri Iesv Christi; & vt omnis
lingua confiteatur, quia Dominus noster Iesvs Christus, in
gloriâ est DEi Patris. *Philip. 2. 11.*

Est verò per quàm vtile, imò & necessarium aduer-
tere, quam ratione sanctificatio ista ex Christo, &
Christi in nos redundet, redundat enim ratione prorsus
admirabili, & Diuinæ sapientiæ, potentiæ, bonitatis, ac
misericordie modò ineffabili. Deus enim vnâ homi-
nis Naturam, seu vnum hominem indiuiduum in natu-
ralem sibi assumpsit Filium, in quem totam plenitudinem
Diuinitatis infudit, eiq; substantialiter vniuit: per hunc
ita vnitum, assumptumque, adoptat, sanctificat, efficitq;
filios suos, omnes illos qui isti Homini assumpto per-
fidem, Charitatem, & Sacramenta, velut palmites viti,
aut rami trunco, dicente ipso. *Ego sum vitis & vos pal-* *Ioan. 15. 5.*
mites, inferuntur. Statim enim vt quis ita inseritur, &
adhærescit Homini DEO, seu Christo, à spiritu Christi,
qui

Excell. 8. qui est, Diuinitas eius, veluti animatur, & viuificatur, &
 1. Cor. 6. 17. filius DEI efficitur. Dicit enim Apostolus, *Qui adhaeret*
 Rom. 8. 14. *DEO, vnus spiritus est; qui autem spiritu DEI aguntur, hi*
 ibid. 8. 16. *sunt Filij DEI. Ipse enim Spiritus testimonium reddit spiri-*
tui nostro, quod sumus filij DEI. Eodem enim spiritu viuimus, quo Christus filius DEI naturalis, & quo DEVS ipsemet viuit. Quamquam diuerso valde, modo hic spiritus eis communicetur. DEO enim, seu Personis Diuinis communicatur per identitatem, idque vel immediata necessitate vt Personæ Patris, vel per æternam generationem, aut spirationem, vt Filio & Spiritui sancto: Humanitati verò Christi, per hypostaticam vnionem: Nobis verò per quandam extensionem, quâ, mediante dono gratiæ iustificantis & sanctificantis, incipit Spiritus ille, noster etiam esse Spiritus, nostra vita, nos inhabitans, ornans, mouens, regens, in nobis orans, & omnes vitales functiones, DEO placentes in nobis excitans, & edens. Itaque hoc spiritu Personæ Diuinæ viuunt naturaliter, cum sit illarum Esse, & vita naturalis. Humanitas autem Christi quasi naturaliter, propter substantialem vnionem: Nos verò omnino supernaturaliter: quoniam est vita nostra (vt sic loquar) superuitalis, & essentia supernaturalis. Atque ita, sanctificamur & filij DEI efficimur per ipsum & increatum DEI Spiritum, donatum nobis per Christum, siue, quod idem est, *per inhabitationem Diuini Spiritûs in nobis*, vt loquitur Apostolus: hocque modo DEVS, certo & nro ordine nos ad sese redigit, atque attrahit ad vnum Corpus, quod est Ecclesia, & ad vnum Caput, quod est Christus, vnamque Hypostasim cui incorporamur, & cuius spiritu viuificamur. Est enim Christus Caput omnium iustorum, & ipsi sunt Corpus eius, quod vitam & vitalem influxum ab illo accipit, dicente Apostolo, *Caput Ecclesiæ Christus: caput*
 Ephes. 5. 23. *autem Christi DEVS.* Rursum etiam Christus est omnium iustorum Hypostasis, cui omnes innixi, & qui omnes sustentat atque portat, & spiritûs sui benignâ protensione

*Christus
sanctificato-
ris nostri ti-
tulo excel-
lentissimus.*

ne viuificat, seu sanctificat, & filios DEI facit. Talis enim, est Spiritus Christi, vt angustijs Humanitatis eius solius non contineatur, sed sese protendat exterius, in-
immensumque diffundat, ita vt omnes iustos, etiam si infiniti essent, viuificare, & sanctificare possit. Planè ac si Spiritus Christi esset, veluti immensa quædam Anima, quæ angustijs vnus illius Humanitatis non coërceatur, sed in omnem se partem in infinitum extendat. Vel ac si esset immensum quoddam mare, quod & ipsum in se abyssaliter aquis plenum est, & nihilominus omnibus fluminibus, lacubus, fontibus, nubibus, pluuijsque aquas suppeditat. Sic & Spiritus Christi sufficiens est, vt non solum vnum illum Hominem immensis bonis adimpleat, sed omnes etiam illos, qui adhæserunt illi, viuificet, sanctificet, & per consequens Filios DEI efficiat.

In hoc ergo Christus Dominus noster excellit omnes creaturas, & nulla penitus earum, sed nec omnis earum multitudo in hoc illi adæquari potest. Supponit enim hæc Excellentia, atque requirit Hypostasim Diuinam, atque cum eâ Hypostaticam vnionem, quæ vt soli Domino Nostro IESV Christo competit, ita & sanctificationis suæ communicatorem cum alijs esse, eidem soli duntaxat congruit.

Cæterum hæc Domini nostri Excellentia, atque illius in nos qui sumus membra eius, efficax emanatio: debet sine dubio maximam per omnem modum in mentibus nostris efficere, tum Domini nostri æstimationem, tum huius efficacis, siue efficacis emanationis super nos pretium. Debet quoque nos ad immensam, inestimabilemque prouocare gratitudinem, atque gratiarum actionem, DEO, & Filio eius IESV Christo, per quem DEVS Pater effundit in nos, per omnia viles homunciones, vsque adeò pretiosum, adeò Magnificum, adeò salutariferum, beatificumque sanctificationis donum. Poterat enim amantissimus Vnigeniti sui Pater, contentus esse soli ipsi elargiri cum Personâ Verbi sanctitatem Hypo-

E

sticam

Excell. 8.

sticam & substantialem, per quam Vniigenitus eius exaltatus esset, super omnia opera DEI, nullam interea de nobis abiectissimis, corruptissimis, ingratis, exosissimisque, per Filij sui mediationem, sanctificandis, & exaltandis curam gerendo, quod si fecisset DEVS, quis eum arguere potuisset? Aliud tamen omnino fecit, ex purâ putâque miseratione suâ. Nempè ita Filium suum sanctificatum esse voluit: vt simul eius sanctitatem, in nos exundare vellet, atque faceret, faceret autem per eiusdem extremam exinanitionem propter nos, per obedientiam eius vsque ad mortem Crucis pro nobis, per effusionem omnium eius meritorum, ipsiusque adeo Spiritûs eius super nos.

Euisceret sese vniuersitas mentium humanarum, ad penetrandam immensitatem, & (vt dicere PAVLO libuit) nimietatem Charitatis, miserationisque Diuinæ, quam effudit in nos: exinaniant sese omnes Animæ nostræ ad amandam appretiandamque, hanc DEI nostri, erga nos dilectionem, atque liberalitatem: exhauriant sese omnia corda nostra in gratiarum actionem, atque laudationem, adeo excessiuz, omnesque terminos transgressæ DEI, aduersum nos beneficentiæ, adiscant etiam in societatem, atque auxilium, omnes Spiritûs Angelicos, adiungatur his omnibus ipsa conandi, & satagendi æternitas, non erunt nihilominus ista omnia condigna Diuinæ huic super nos effusæ, & propter nos impensæ bonitati, largitati, Charitati. Etenim quæ benefacit nobis, Diuinitas est, Charitas est, Immensitas est: nos autem qui vicem rependimus, Creatura sumus, vilitas sumus, nihil sumus. Et sic tamen quidquid possumus, agamus. Agnoscamus beneficium, amemus amantem, æstimemus appretiantem, glorificemus exaltantem, veneremur sanctificantem, concupiscamus saluantem, festinemus ad vocantem, & trahentem, amplectamur offerentem, & donantem se nobis, habitantem in nobis, coronantem & remunerantem se, & sua bona in nobis. Regnet in nobis,

Christus
sanctificatio-
ri nostri ti-
tulo excel-
lentissimus.

nobis, quàm laxissimè potest sancta fames, atque auaritia eius quam ex Christo habemus, & semper, semperq; amplius & amplius habere possumus, & quàm nihil, aut pretiosius, aut salubrius ex bonis DEI possidere volumus, & præ quàm nullis perinde donis DEI ditescere, gratiosius procurare debemus, eius (inquam) Gratia iustificantis, sanctificantis, Filiosque DEI nos constituentis, ut hæc sit (sicuti reuera est) vnica singularisque quam ex nobis Dominus noster Iesus percipere potest, percipere debet, percipere cupit, tum consolatio, tum remuneratio, si nos, quàm maximè idoneos, quàm maximè capaces, quàm maximè auaros, ac tenaces sanctificationis ipsius, eidem exhibeamus. *Hæc est enim, teste 1. Thes. 43. veritatis Apostolo, voluntas DEI nostri, sanctificatio ue. Rom. 12. 2. stra, & ea quidem bona, & beneplacens, & perfecta.*

Igitur ô homines Christi sanguine abluti, Christi meritis ornati, ac ditati, Christo in salutem in sanctificatione spiritus, & in fide veritatis à Patre donati, denique Christi Spiritu sanctificati, & locupletati, ecquid quæso est, ecquid inquam in vestro Christo inuenistis adeò vile, adeò despici dignum, ut gratiam, iustitiam, sanctificationem, fraternitatem, germanitatemque, & demum Spiritum sanctum eius, inter negligendissima, reiectioneque dignissima deponatis, ita ut vnâ glebæ vilis particulam, plus gratiâ Christi, plus ipso Christo, plus Spiritu sancto Christi æstimare, atque procurare non dubiteris?

O insipientes, vanissimi que mercatores, ac rerum æstimatores! ô delirantes filij hominum! vsquequo diligitis vanitatem, quæritis mendacium, & ea quæ vobis sunt noxia, prehenditis? ea verò quæ vobis sunt in salutem, imò quæ sunt ipsa salus, ac beatitudo æterna, negligitis, & contemnitis? Vix credibilis, & si vera nimis, vulgataque, ac ideo inexcusabilis est hæc hominum, Christianorum maximè, stultitia! Sed nec illam, aliam, reperiò quo alio nomine appellem, voluntariè

Excell. 8. erroneam, vesanamque cæcitatem filiorum Ecclesiæ, fideliumque Christi. Quorum multos passim reperias, etiam eorum qui æternam suam salutem cordi, & curæ sibi esse profitentur, in votis sibi esse DEI, gratiam & amicitiam, media quoque se adhibere illi acquirendæ, possidendæ & augendæ, studere quoque abundare, & exerceri operibus bonis, non omnino ex talio affirmant: interea tamen neque serio attendunt, ne se mortalibus conficiant facile peccatis, neque in eis longius immorentur, eorumque morte putrescant, neque attendunt, opera quantum libet de se bona, quæ in statu peccati mortalis hærendo faciunt, mortua esse, & sibi coram DEO nihil ad salutem prodesse, audent etiam, imò amant, & gaudent differre vsum Sacramentorum, tam poenitentia, quàm Eucharistia, per quæ reditur ad vitam Animæ, recuperaturque gratia & amicitia cum DEO, tam certò, quàm efficaciter. Quin etiam illi iidem mirantur, sæpè, & fugillant, iridentque eos, qui Sacramenta frequentant: eosque nunc supersticiosos, nunc scrupulosos, nunc impertinenter otiosèque deuotos, nunc etiam præsumptuosos, & quasi tantâ frequentatione Sacramentorum dignos, & idoneos præ alijs se reputent, in suis circulis, conuiuijs, garritionibusque otiosis, quin & remulentis appellitant, se autem ipsos, in exemplum, non DEO placitum, sed diabolo gratiosum, magnificè, & gloriose proponunt, quod ijs, satis, & abundè nimirum sit, semel in anno, ad summum bis, teruè, Sacramentis vti dignari. Infeliciter & damnabiliter stulti homines: aberrantesque plurimum, à rectâ ad salutem, gratiamque Diuinam viâ, quorum erroribus confutandis, hic quidem locus non est: attamen in eorum gratiam, qui errare se ignorant & nolunt, hæc pauca perstringo.

Primò, Certum sit cuique, nulla opera bona, etiam à fidelib⁹, in statu peccati mortalis facta prodesse ad meritum, fructumque gratia, & vitæ spiritualis. Secundò,

Cer:

Certum esto, nullâ ratione certiùs faciliùsque recuperari gratiam DEi sanctificantem, vitamque Animæ, quam per Sacramentum poenitentiae, ritè usurpatum. Tertiò, Qui in peccata mortalia facilè, & crebrò incidunt, per eaque DEO moriuntur, vt & gratiâ illius excidunt. Si volunt ad eam redire, DEOque reconciliari, & ad opera vitæ, viuaque, reuiuiscere: ij crebrò de peccatis confiteri debent, tum ne in statu mortalis peccati (quo nihil infelicius) hæreant, tum, ne DEO exosi sint, tum ne bona opera, si quæ agunt, sterilia illis, ingrata DEO, pereant: Et hinc isti stultè sapientes in malum Animæ suæ, discant, ijs esse consultissimum, vt crebrò confiteantur. Sacramentaliter, qui crebrò in peccata mortalia labi se recognoscunt, & nihil se stultiùs, perniciosiùsque facere, quàm confessionem sacramentalem differendo, sese DEO mortuos, & omni momento aternæ damnationi obnoxios, seruare. Quartò, Non tantùm propter mortales noxas ab Animâ detergendas, Sacramentalem confessionem usurpari: plures enim sunt iustæ vtilēs, rationabilesque causæ, qualis est? 1. Expurgatio venialium culparum. 2. Confirmatio Animæ contra peccata mortalia, & tentationes, occasionesque peccandi. 3. Puritas & nitor Animæ, & cordis, qui per frequentes Confessiones, Communionesque Sacramentales acquiritur, seruatur, augetur. 4. Augmentum Gratiae sanctificantis, & profectus in virtutibus, atque perfectione spiritali. Quæ vna causa, (vt aliæ deessent) iustissima est, ad frequenter confitendum, communicandumque, quâ in re non pauci homines, cæterâ pij, & virtutibus dediti, sed frequentationem Sacramentorum negligentes, plurimùm sibi met damni inferunt, subtrahunt enim sibi, spontè suâ, plurimos Gratiae sanctificantis, simulque gloriæ aternæ, gradus; subtrahunt etiam Christo Domino occasionem, quâ Dominus paratissimus est vti, ad eos sanctitate Spiritus sui, liberaliter ditandos. Quæ damna suarum Animarum, (& non desunt alia plura, quæ

Christus
sanctificato-
ri nostri ti-
tulo excel-
lentissimus.

Excell. 8. hic non recensentur,) si homines spirituales parui faciunt, fateor me non videre, quæ nam sint magni facturi; fateor etiam me non videre, quomodo hi verè pietatem sanctitatemque, ex animo, suo, atque Diuino diligant.

*Christus
sanctificato-
ris nostri ti-
tulo excel-
lentissimus.*

At enim tandem finis imponendus est præsentì tractationi: Amemus Christum sanctificantem nostrum. Amemus ipsam sanctificationem adeò pretiosam nobis à Christo indultam. Amemus huius sanctificationis possessionem, augmentum, & augendæ illius diligentissimam auariciam, & avarissimam innocentissimè diligentiam.

EXCELLENTIA IX.

Christus omnibus gratijs Diuinis in summo gradu, repletus est.

NONA Excellentia supra omnes Creaturas, Domini Nostri IESV Christi est. Quia omnibus Diuinis donis & gratijs, quibus humanam, seu rationalem creaturam, fas est instrui, plenissimè repletus fuit, & est; seculis gratiarum istarum imperfectionibus, eò quod, vel supponant peccatum, quod in Christo locum non habuit, vel cum Beatitudinis statu, quem Christus habuit, non consistunt. Eiusmodi dona & gratiæ sunt, post gratiam habitualement, de quâ superius est actum. Virtutes Theologicæ Spes, & Charitas: exceptâ fide, quæ in Christo DEVM intuitiuè semper vidente, non fuit: & nihilominus licet in Christo fides Theologica non fuit, fuit tamen in eo, quidquid perfectionis est in fide, ut ait D. THOMAS, fuit enim in Christi voluntate, quidquid ad obedientiam, vel meritum fidei pertinet. Paratus namque fuit Christus, pijsimâ, & deuotissimâ voluntatis suæ affectione, omnia credere assensu fidei, si in fidei circumstantijs politus fuisset. Deinde virtutes omnes morales

infu-

3. p. qu. 7.
art. 9. &
artic. 3.

infusæ, Dona Spiritus sancti, eiusdemque fructus, de quorum in Christo Domino præsentia, atque abundantia, luculenter, & prædixit, & testatus est Isaias. Præter *Isai. n. 24* virtutes autem morales per se infusæ: fuerunt etiam in Christo Domino, aliæ virtutes morales, illi quidem infusæ, attramen naturæ suæ acquisibiles, & rationali naturæ, præsertim humanæ, necessariæ, necessarioque acquirendæ per exercitium actuum suorum, unde & acquisitæ dicuntur, & à per se infusis distinguuntur. Fuisse tales virtutes etiam in Christo, siue Habitus earum, illud euincit: quia tales virtutes, conferunt perfectionem rationali naturæ congruam, disponendo illam & potentias illius benè, ad bonum, rectum, honestumque, inclinando etiam illam & illas, facilitatemque illis conferendo, ad id præstandum. Nempe ut & refrenentur ab actibus inordinatis, & ut promoueantur ad actus rectos, atque ordinatos. Et quamuis Christus Dominus, nullam in se potentiam habuit, ad aliquid inordinatum, propendendum: hoc enim impediēbat, & impossibile plenè reddebat in eo, Gratia Vnionis: habuit tamen omnes potentias naturales, ad bonum operandum, naturaliter idoneas, unde etiam habuit, iuuandis hisce potentijs, habitus congruos, quoniam neque potentiæ, neque habitus huiusmodi, dedecent Personam Christi Humanitatis, neque statui beatitudinis eius repugnabant, & poterant commodè pro libitu, & occasione à Christo exerceri, in suosque actus educi, cum directione eorum ad finem supernaturalem: & cum eo, quod essent tam meritorij, quàm satisfactorij, iuxta voluntatem Christi. Igitur fuit Anima Domini Ies v, hisce virtutibus, etiam de suo genere acquisitis ornatissima, & quidem, ab ipso instanti primo creationis suæ, necnon in summo perfectionis gradu, qualis condignè decebat Vnionem hypostaticam; sine dubio autem decebat summus, & in primo creationis puncto, non minùs quàm in quocunque alio succedente. Semper enim Christus, erat Christus: id est:

DEI

Excell. 9.

DEI Filius, & ideo statim à principio sui exortus, habuit omnes potentias, affectionesque humanas, optimè, in summo dispositas, attemperatasque, & rectæ rationi plenè, seu modo optimo, per internam affectionem, dispositionemque subiectas. Non minùs (imò tantò amplius, quantò iustius condigniusque) quam Adam primus Homo, in statu innocentia, à primo suæ creationis puncto, istis omnibus præditus, atque ornatus existit.

His virtutibus naturâ quidem acquisitis & naturalibus, per accidens licet Christo, propter eminentem eius Dignitatem infusis, etiam accedunt gratiæ, quæ vocantur gratis datæ: sic dictæ, quod nō tam in bonū eius ipsius, cui dantur, quàm in commodum aliorum, propter quos dantur, & in quos, ab eas habente diffunduntur, à DEO conferantur. Has fuisse in Christo Domino dubium non est, nam & nullam imperfectionem inuoluunt, nec statui beatitudinis repugnant: & præterea faciunt ad ornatum Animæ, cui in sunt, atque gratiæ cui annectuntur. Maximè autem, quia seruiunt & ordinantur, ad fidei, & spiritualis doctrinæ manifestationem, & quia Christus Dominus primus fuit, & summus principalisque Doctor, & Magister, manifestatorque fidei, propterea, excellentissimè debuit in se habere gratias hæc gratis datas. Videre est in Apostolo PAVLO, recensitas hæc gratias, secundum species suas, ait enim: *Vnicuique datur Manifestatio Spiritus ad utilitatem: Alij quidem per Spiritum datur sermo Sapientiæ, alij autem sermo Scientiæ, secundum eundem Spiritum, alij fides in eodem Spiritu, alij gratia sanctorum in vno Spiritu; alij operatio virtutum, alij prophetia, alij discretio spirituum, alij genera linguarum, alij interpretatio sermonum.* Hæc gratias, teste eodem Apostolo, *operatur vnus atq; idem Spiritus, diuidens singulis, à se delectis fidelibus, prout vult*, non enim omnes credentes promiscuè habent hæc dona, siue omnia, siue horum, aliqua, cum palàm sit, in multis Ecclesiæ filiis, esse etiam horum, nulla. Cæterum in Christo Domino, istæ gra-

1. Cor. 12. 8.

Christus solus in summo gradu omnibus gradibus excellens.

tiæ omnes fuerunt, & non per diuisionem, sed secundum plenitudinem pertingentem, ad summum cuiusque gratiæ, in maximâ excellentiâ, in quâ potest quæuis earum haberi: necnon in maximâ extensione ad omnes effectus suos, & denique in maximâ perfectione facultatis super gratiam quamlibet, ad ea omnia, quæ pertinebant ad officium, statumque Christi Domini. Quem in harum, sicut in nullarum aliarum gratiarum, obtentione atque usu limitari non oportebat; tum ob gratiam Unionis Hypostaticæ, ratione cuius, debebantur Humanitati ipsius, omnes gratiæ, in plenitudine, super omnes excellenti; tum ob dignitatem, atque munia, quæ Christus erat obiturus, & reipsa obibat, quin & adhuc, pro conditione statûs sui, obit; quandoquidem & fuit, & est adhuc vniuersalis dispensator, atque, vt se in Euangelio vocat, *Procurator*, *Oeconomus*que, ac distributor bonorum, atque gratiarum, quas proinde oportuit, & oportet eum habere omnes illas in se, vt alijs communicare possit, tum denique ob munus (vti superius memini) Vniuersalissimi, perfectissimi que Doctoris, ac Magistri, & Prædicatoris Euangelij. Cui muneri prædictæ gratiæ, partim sunt necessaria adiumenta, partim conuenientissima ornamenta, in Doctore tali requisita. In quo, præter exactam rerum, atque mysteriorum tradendorum alijs cognitionem, & (vt dicebat D. PAVLVS,) Sapientiam, atque scientiam, necessaria est facultas ad explicanda, & clarè, distinctèque proponenda mysteria, eademque persuadenda, & confirmanda. In hunc enim finem istæ gratiæ, gratis datæ ordinantur in Ecclesiâ DEI, in Christo quidem secundum omnem plenitudinem, cui non ad mensuram D E V S dedit Spiritum, sed de plenitudine eius accepimus omnes nos: in ministris autem Ecclesiæ secundum diuisionem, quorum singulis diuidit, prout vult. vnus atque idem Spiritus Christi. Fuit ergo in Christo Domino sermo sapientiæ, ipse enim lucidissime proponebat & explanabat altissima Mysteria, siue

Matt. 20. 8.

Ioan. 3. 34.

Ioan. 1. 16.

- Trinitatis, siue Incarnationis, siue prædestinationis, siue Eucharistiæ. Vnde IOANNES dixit de eo. *Unigenitus qui est in sinu Patris, ipse enarrauit.* Et LUCAS ait. *Mirabantur omnes in verbis gratiæ, quæ procedebant de ore eius.* Hinc etiam docebat populos, non sicut Scribæ & Pharisei, sed tanquam potestatem habens. Fuit etiam sermo Scientiæ in Christo, cum ad docenda hæc, quæ creditui, tum quæ facta erant necessaria ad sciendum ab hominibus, quæ Dominus gratiosis parabolis explorabat, quædam etiam nudè proponebat. Vnde dicebatur ei, *Verba vite æternæ habes.* Viam DEI, in veritate doces. Beatus venter qui te portauit. Fuit & fides in Christo, fides miraculorum, ex qua dicebat Patri: Scio quia semper me audis, & cuidam dixit: *Omnia possibilia sunt credenti.* Et si habueritis fidem sicut granum sinapis, dicetis huic monti, tollere hinc, & mittere in mare, & fiet. Fuit gratia sanitatum, ut infinitæ sanitates, collatæ ab ipso, probarunt: sed & Hæmorrhœa dixit: *tetigit me aliquis, quia ego scio virtutem ex me exisse.* Fuit operatio virtutum, ut patuit in excellentibus miraculis ab eo patratis. In resurrectione quadri-
duani Lazari, & aliorum mortuorum. In calcatione Maris. In increpatione eiusdem: In quinque & septem panum miraculo. Magis autem, In subita conuersione, & ad se adiunctione Animarum. Ut PETRI, ANDRÆ, Filiorum etiam Zebedæi, MATTHÆI, ZACCHÆI, MAGDALENÆ, Latronis in Cruce. Fuit in Christo Prophetia. Surrexit Magnus Propheta in nobis, & quia DEVS visitauit plebem suam: multa etiam & occulta, & futura prædixit. Fuit in Christo Spirituum discretio, ex hac dicebat. *Nescitis, cuius Spiritus estis.* Et, *Vade retrò sathana, non sapis quæ DEI sunt, sed quæ sunt hominum.* Et aliàs. *Vade sathana: scriptum est, Non tentabis Dominum DEVM tuum.* Genera, seu, Donum linguarum, habuisse certum est Dominum nostrum: & si eo aliquando vsum non constat, forsitan tamen eo tunc est vsum, quando Milites, (qui fortè gentiles erant) missi ad eum comprehendendum, reuerſi dicebant:

cebant: *Nunquam sic locutus est homo, sicut hic homo, posset* Ioan. 7. 46.
 & ad vltimū huius doni reuocari, illa scriptio digito in-
 terrā, accusatoribus adulterā. Denique habuit Domi-
 nus gratiam interpretandi sermones seu scripturas, quod
 ostendit, quando lecto Isaia Prophetā quodam loco, di-
 xit praesentibus: *Hodie, haec scriptura impleta est in auribus* Luc. 4. 21.
vestris. Et quando discipulis duobus *in Emmaus euntibus;* Luc. 24. 27.
incipiens à Moysē & omnibus Prophetis, interpretabatur illis
in omnibus Scripturis, quae de ipso erant.

Praeter haec dona, fuerunt & alia plura in Christo,
 non minora modò dictis, tale fuit, cognitio cordium, &
 secretorum eius, vnde saepe dicebat: *ut quid cogitatus mala* Math. 9. 4.
in cordibus vestris? Et, cognita autem IESVS nequitia eo-
 rum: tale fuit Dominium, & rerum, & mentium huma-
 narum, vt fuit, quando aquam in vinum mutauit, quan-
 do Panem & Vinum in Carnem & Sanguinem suum con-
 uertit, quando animos Militum, ad sui captiuationem,
 submissorum, manuctos, & laudatores sui reddidit, item
 quando pueros, & turbas in suo Ierosolymam ingressu
 triumphare fecit, quando Asinam cum pullo eius, cum
 bona dominorum voluntate ad se adduci iussit, quando
 canaculum grande stratum, cum toto apparatu canae
 Paschalis sibi & discipulis suis instrui mandauit. Tale
 etiam fuit donum iubilantis, etiam in passibili suo
 corpore, & quando illasā Matris integritate natus est,
 quando calcavit Mare pedibus, & calcari, à PETRO dedit.
 Donum etiam Claritatis, in suā potestate fuisse, in Mon-
 te Iabor manifestauit, vbi Moysen mortuum, & Eliam
 viuum ad se venire, & secum apparere, ac loqui fecit.
 Per donum Impatibilitatis e manibus hostium lapidare,
 praecipitare, apprehendere conantium exiuit. Sic etiam
 potestatiue eiecit daemones, imperabat febribus, le-
 pris, cecitatibus, alijsque huiusmodi, etiam absens, solā
 voluntate. Imperabat & ventis, & Mari, & tempesta-
 tibus, & obediebant ei. Semetipsum pluribus simul lo-
 cis praesentem, simul & semel fecit, nam in vltimā canā,

*Christus so-
lus in sum-
mo gradu,
omnib⁹ gra-
tiss, excellē-
tissimus.*

Excell. 9. vel potius, in primâ Eucharisticâ cœnatione, & ipse præ-
 Christus so- sens visibiliter in medio discipulorum sedit, & sub panis
 lus in sum- viniq̃ue speciebus, Sacramentaliter, realiter tamen, &
 mo gradu, verè, tum in suis proprijs, tum in discipulorum manibus
 omnib⁹ gra- adfuit, & quamuis manducatus, non tamen absumptus
 tijs, excel- est.
 lentissimus.

Jstis quoque Gratijs annumerandæ sunt illæ, seu Di-
 gnitates, seu Potestates, seu Officia, atq̃ue Munia, Regis,
 Domini, Patris, Pastoris, Medici, Magistri, seu Doctoris,
 Legislatoris, Sacerdotis, ac Summi Pontificis, Salvatoris,
 Capitis, Iudicis viuorum, & mortuorum, Iustificatoris, &
 peccatorum condonatoris, omnium virtutum, merito-
 rum, Donorum largitoris, Remuneratoris etiam & vitæ
 Math. 28. 18. æternæ collatoris, quid multa? *Data est illi omnis potestas
 in calo, & in terrâ: & in Nomine eius, quod est I E S U S, omne
 Philip. 2. 11. genu flectebatur, flectitur, flecteturq̃ue in æternum, siue
 cœlestium, siue terrestrium, siue infernorum.*

Et ista omnia, simulq̃ue alia, quæ digna sunt DE O-
 Homine fuere Christo Domino collata, à primo instan-
 ti suæ Incarnationis: & collata in summo suæ perfectio-
 nis gradu, qualis, Vnionem Hypostaticam, personamq̃ue
 Diuinam Verbi, & Filij DEI, addecebat: decebat autem,
 talis, & tanta: ad quam nec vlla, nec simul vniuersa per-
 tingeret creatura: propter illam autem, illum super-
 omnia æstimaret, amaret, veneretur, laudaret, audi-
 ret, desideraret, timeret, ad illum confugeret, in illo
 confideret, illi gratias ageret, illum deprecaretur,
 illi adhæreret, illi seruiret, ac illius voluntati
 obediret, potestatiq̃ue subesset, tum quali-
 bet singillatim, tum omnis vniuer-
 sim. Creatura.

EXCELLENTIA X.

In solo Christo habitat, omnis plenitudo Diuinitatis corporaliter.

DECIMA Domini Nostri IESU, super omnes Creaturas
 Excellentia est: quia *in eo solo habitat omnis plenitudo* Colos. 2. 9.
Diuinitatis corporaliter. Excellentia hæc, omnium Ex-
 cellentiarum aliarum, quæ in Christo sunt, excellentissi-
 ma est, quin imò est fons omnium aliarum, adeò vt
 hanc vnã de Christo Domino enarrasse, sit enarrasse
 omnes. Multus admodum & perfrequens est in ea.
 S. IOANNES Euangelista, ita vt toto Euangelio suo nihil
 agat aliud, nisi vt Christum fuisse DEVM, atque esse
 annuntiet & confirmet, ipsum eius Euangelij exordium
 attendatur. *In principio erat VERBUM, & VERBUM erat* Ioan. 1. 1.
apud DEVM, & DEVS erat VERBUM. Hoc erat in principio
apud DEVM. Omnia per ipsum facta sunt, & sine ipso factum
 est nihil, quod factum est: In ipso vita erat, & vita erat lux
 hominum. Erat lux vera, quæ illuminat omnem hominem
 venientem in hunc mundum. In mundo erat, & mundus per
 ipsum factus est, & mundus eum non cognouit. ET VER-
 BUM CARO FACTUM EST, & habitauit in Nobis, & vi-
 dimus gloriam eius, gloriam quasi Unigeniti à Patre, plenum
 gratiæ & veritatis. Et de plenitudine eius, nos omnes acce-
 pimus, gratiam pro gratiâ. DEVM nemo vidit vnquam,
 Unigenitus Filius, qui est in sinu Patris, ipse enarrauit. Hæc
 IOANNES de Christi Diuinitate, ante omnia sæcula: &
 de eiusdem Incarnatione, in mundumque aduentu in
 tempore, quæ si quis explicatione illustrare velit, luci
 potius tenebras affusus sit, ad expressam enim æternæ
 Diuinitatis, & temporaneæ Incarnationis Christi asser-
 tionem, quàm hæc à IOANNE enarrata sunt, certè non
 est quid superaddi possit. Apostolus quoque PAVLVS,
 sapissimè in hac Domini nostri IESU Christi ab æternâ

Excell. 10.

Deitate, eiusdemque in carne ad nos aduentu enarranda, atque probanda occupatur: sed præclarissime, nec non copiosissime scribens ad Hebræos, ubi ita exorditur.

Hebr. 1. 1.

Multifariam, multaque modis olim DEVS loquens Patribus in Prophetis, nouissime diebus istis locutus est nobis in Filio, quem constituit Hæredem vniuersorum, per quem fecit & sæcula. Qui cum sit splendor gloria, & figura substantiæ eius, portans omnia verbo virtutis suæ: purgationem peccatorum faciens, sedet ad dexteram Maiestatis in Excelsis: tanto melior Angelis effectus, quanto differentius præ illis Nomen hereditauit. Cui enim dixit aliquando Angelorum: Filius meus es tu, ego hodie genui te? Et rursum: Ego ero illi in Patrem, & ipse erit mihi in Filium? Et cum iterum introducit Primogenitum, in orbem terra, dicit: Et adorent eum omnes Angeli DEI. Et ad Angelos quidem dicit: qui facit Angelos suos spiritus, & ministros suos flammam ignis. Ad Filium autem: Thronus tuus DEVS; in sæculum sæculi: virga æquitatis, virga Regni tui: Dilexisti Iustitiam, & odisti iniquitatem, propterea unxit te DEVS, DEVS tuus oleo exultationis præ participibus tuis. Et, Tu in principio Domine terram fundasti, & opera manuum tuarum sunt cali. Ipsi peribunt, tu autem permanebis, & omnes ut vestimentum veterascent, & velut amictum mutabis eos, & mutabuntur. Tu autem idem ipse es, & anni tui non deficient. Ad quem autem Angelorum dixit aliquando: sede a dextris meis, quoad usque ponam inimicos tuos scabellum pedum tuorum? Et hæc quidem de Aternâ Filij DEI Diuinitate luculentissime, addensatis veteribus scripturis testatus est. Iam de eiusdem Humanitate, illis non minus luculentis, ac de veteris testamenti scripturis, delumptis verbis attestatur, pariter ad Hebræos scribens. Eum autem qui modico minoratus est quam Angeli, videmus IESUM propter passionem mortis, gloriâ & honore coronatum: ut DEI gratiâ pro omnibus gustaret mortem. Decebat enim eum, propter quem omnia, & per quem omnia, qui multos filios in gloriam adduxerat, auctorem salutis eorum per passionem con-summare. Qui enim sanctificat, & qui sanctificatur, ex vno

omnes:

omnes: Propter quam causam non confunditur, fratres eos vocare dicens: Nuntiabo nomen fratribus meis: in medio Ecclesie laudabo te. Et iterum: Ecce ego, & pueri mei, quos dedit mihi DEVS. Quia ergo communicauerunt carni & sanguini, & ipse similiter participauit eisdem, ut per mortem destrueret eum, qui habebat mortis imperium; id est, diabolum, & liberaret eos, qui timore mortis per totam vitam obnoxij erant seruituti. Nusquam enim Angelos apprehendit, sed semen Abrahae apprehendit. Vnde & debuit per omnia fratribus assimilari, ut misericors fieret, & fidelis Pontifex ad DEVM, ut repropitiaret delicta populi. In eo enim, in quo passus est ipse & tentatus, potens est & eis, qui tentantur, auxiliari. Nihil attinet plura adducere Apostoli testimonia, cum in hoc vno luculentissime Incarnationem Domini DEI nostri, eiusque in carne opera, & in primis Passionem pro nobis, salutisque Nostrae operationem, oblationem summet pro nobis, & ex seruitute mortis, atque diaboli eliberationem asserat, edisseratque. Vt supra modum demirandus, deplorandusque sit AntiChristianorum, tam veterum, quam modernorum stupor: qui Christum in Scripturis, quas manibus terunt, inuenire talem, qualis reuera in eis, & in semetipso, & in veritate est, non possunt. Nimirum effinxerunt sibi et ipsis talem Christum, qui inuentionibus ipsorum placuit, eumque in Diuinis scripturis, perpetuo inuenire laborant: id circò omni ratione torquent, distorquentque easdem in absurdos & impossibiles sensus, figmentis, & idolis cerebrorum suorum accommodatos, ad suam ipsorum perditionem, ut praedixit de eis B. PAVLVS Apostolus. Qui si verum Christum nosse & habere vellent, eum ab Ecclesiâ Christi, quæ ut Sponsa eius, non potest eò carere, & falli in notitiâ eius, acciperent; & sine dubio acceptum, eundem omnino in Scripturis sacris viderent, inuenirent, haberent, eumque in suam salutem, amarent, venerarentur, audirent. Nunc autem quia totis viribus infelices, Ecclesiam Christi fugiunt, & oderunt, ipsumque Christum blasphemant, neces-

Christus ob
inhabitantē
in se solo
corporaliter
plenitudinē
Diuinitatis,
excellētissimus.

2. Pet. 3.16.

fariò

- Excell. 10. fario ab eodem, & à gratiâ ipsius excidunt: incidunt
 Ioan. 9. 22. verò in iudicium eius, quod omne Pater dedit Filios ut omnes
 honorificent Filium, sicut honorificant Patrem; qui non honorificat
 Filium, (ut certè isti Antichristiani non honorificant, qui illum creaturam faciunt,) non honorificat etiam Patrem,
 qui misit illum; quia ut etiam isti faciunt, auferunt illi
 Filium, Vnigenitum, Consubstantiallem, verumque DE-
 VM: obtrudunt autem ei creaturam, adoptiuam, & quid
 adoptiuo vilius, ingeniorum suorum figmentum & ido-
 lum. Sed his relictis cum appreciatione, ut veniant
 aliquando ad lucem, & credant in Nomine Vnigeniti
 DEI, redeamus ad propositam nobis Excellentie Christi
 DEI nostri pertractationem: quam ex plenitudine Diui-
 nitatis, se corporaliter inhabitantis ille solus habet.
- Hebr. 5. 11. De quâ nobis grandis sermo, & in interpretabilis ad dicen-
 dum, etiam si haberemus omnem scientiam, & linguis loque-
 remur hominum, atque Angelorum. Quis enim satis vesti-
 gabit, inuisigabiles illas diuitias Christi? quis inueniet di-
 spensationem Sacramenti absconditi à seculis in DEO qui om-
 nia creauit? quis cognosceret multiformem Sapientiam
 DEI secundum prouisionem seculorum, quam fecit in Chri-
 sto IESU Domino nostro? quis aut comprehendet, aut
 enarrabit, quæ sit latitudo & longitudo, & sublimitas, &
 profundum, communicatum & effusum nobis, in Incar-
 natione Filij DEI?

Absoluit totam huius immensitatis vndiquaque in-
 finita enarrationem, ipsa Incarnata Sapientia DEI, quan-
 do Nicodemo sui in mundum aduentus, suæque in mun-
 do conuersationis, exitusque de hoc mundo, siue exal-
 tationis in CRUCE suæ, rationem & causam, enarrauit,
 dicens. Sic enim DEVS dilexit mundum, ut Filium suum
 Ioan. 3. 16. Vnigenitum daret, ut omnis qui credit in eum, non pereat, sed
 habeat vitam aternam. Vnicâ syllabulâ complexus est,
 inuoluitque totius Negotij, Mysterij, Beneficijque In-
 carnationis molem, sed nullis creatis ingenijs, atque
 linguis vnquam satis euoluendam. Nam quis creatus

Intel.

Intellectus illud Domini nostri Sic: vel comprehendet, vel enarrabit? Liceat, ô Divina Incarnata Sapiencia, ex te ipsâ cognoscere, & audire abyssalem huius tui. Sic sensum. Enarratura Sapiencia DEI, opus quoddam inenarrabile DEI: præfationem & exordium dictioni suæ præmisit magnificum, attentionis plenissimum, benevolentia concutiatissimum. Quis audiens ex ore sapientiæ progressum istud. Sic. Non conuertat Animum, non auditum arrigat, non constet sibi totus, non consistat in expectatione cupiens cognoscere, quid enarraturum sit, istud. Sic? *Sicut Moyses exaltauit serpentem in deserto, ita* Ioan. 3. 14: *exaltari oportet Filium hominis: ut omnis qui credit in ipsum, non pereat, sed habeat vitam æternam.* Credis hoc Nicodeme? an etiam dicis, quomodo possunt hac fieri? quis ascendet in calum, Christum Filium DEI & Hominis deducere? quis auderet Filium DEI & Hominis, super lignum instar Moisaici serpentis suspendere? Noli mirari, noli quærere, noli ambigere Nicodeme: futurum est hoc omnino, futurum; *oportet enim ita exaltari Filium Hominis, ut omnis qui credit in ipsum, non pereat, sed habeat vitam æternam.* Miraris hoc? Ita oportet? maius horum audi: ex quo sciat quare ita oportet. *Sic enim Deus dilexit Mundum, ut Filium suum* Ioan. 3. 15: *Unigenitum daret: ut omnis qui credit in eum, non pereat, sed habeat vitam æternam.* Parcite celi, parcite Angelicæ mentes, Parce tu quoque Sapiencia DEI, ignoscite vel adhuc hæsitanti, vel adhuc quærítanti? Audio enim, quia ita oportet exaltari Filium DEI & Hominis, super lignum, sicut Moysès exaltauit serpentem in deserto, hæreo, & horreo audiens, sed audio, futurum hoc, quia Deus Filium suum Unigenitum dedit. Quid? Itanè Deo, vel vilis, vel exosus, vel superfluous fuit; Filius suus, Unigenitus, & vnicus suus, ut eum ad exaltandum, hoc est, suspendendum, occidendumque in ligno daret? Neque superfluous, quia vnicus; neque exosus, quia filius, neque vilis, quia consubstantialis Deo fuit: sed tamen eum dedit, & ad occidendum in ligno dedit, Sic enim Deus dilexit

Christus ob
inhabitantē
in se solo
corporaliter
plenitudinē
Diuinitatis,
excellentis-
simus.

Rom. 10. 6.

Ioan. 3. 15:

Excell. 10. mundum, quamuis preciosissimus DEO filius, quamuis
 dilectissimus Vnigenitus, quamuis obseruandissimus con-
 substantialis coequalisque vnicus, tamen illum dedit, &
 pro mundo dedit, & mundo dedit, & ad occidendum in
 Cruce tanquam serpentem dedit; Sic enim DEVS dilexit
 mundum, Apage cum isto mundo, Quid enim DEO &
 Mundo? quid DEI Filio & mundo? quid Vnigenito DEI
 & mundo? Quis est iste mundus, qui in contentionem
 pretij, & amoris venit, apud DEVM cum filio, cum vni-
 co, DEI? Nonnè Mundus iste est, qui non nouit DEVM?
 Nonnè iste Mundus est, qui odit DEVM? Nonnè iste Mun-
 dus est, cuius omnis sapientia inimica est DEO? Nonnè
 iste Mundus est, cuius sapientia stultitia est apud DEVM:
 & apud quem Sapientia DEI, stultitia est apud ipsum? Nonnè
 iste est Mundus, hostis DEI: contemptor DEI re-
 bellis & contumax DEO? Nonnè iste est Mundus, in quo
 nihil est mundum coram DEO, in quo quidquid est, con-
 cupiscentia carnis est, concupiscentia oculorum est, su-
 perbia vitæ est? Nonnè iste est Mundus, qui est apud DE-
 VM reus mortis, filius perditionis, diaboli seruus, scele-
 rum regnum, combustionis æternæ pabulum? Hunc
 ergo Mundum, sic DEVS dilexit, vt filium suum Vnigeni-
 tum daret, vt Mundus saluetur per ipsum. Ergo nè, ò
 DEVS! peribit in ligno, infami, crudeliter suspensus Fili-
 us tuus, vnigenitus tuus, consubstantialis tuus, vt non pe-
 reat, sed saluetur per mortem illius mundus, improbissi-
 mus mundus, ingratisissimus mundus, inutilissimus mun-
 dus, exosissimus, & perditissimus mundus? Si mundus es-
 set mundus, esset innocens coram DEO, esset recti & iu-
 sti amator & cultor, esset DEI voluntatis & veritatis ob-
 seruans, esset honoris Diuini, gloriæque nominis eius
 subditus & studiosus, si amatorum DEI, seruorumque
 amicus, si essent in mundo, quæ digna sint DEO, talem
 mundum amari DEO, non fortè indignum esset DEO,
 magnum tamen, & adhuc non planè debitum esset mun-
 do: at sic à DEO diliget etiam sanctum mundum, vt Filium
 suum.

suum Vnigenitum det DEVS pro eo; ista talis dilectio DEI superaret omnem mundum, ornatum, meritumque Mundi. Nunc autem quod sic DEVS dilexit mundum, mundum per omnia inipium, per omnia inimicum, per omnia omni bono, omnibusque bonis aduersarium, idolorum cultorem, DEI creatoris sui osorem: à dæmone principe possessum, eiusque damnationis æternæ socium: quod (inquam) sic DEVS dilexit talem mundum, vt filium suum vnigenitum daret pro mundo, pro salute mundi, ab ipso per omnia extremè dira cruciamenta, & probrosissima supplicia excarnificandum, sic amato, sed amoris odia hostilia rependente mundo: quæso in cuius cor creaturæ ascendere potuit, ista DEI erga mundum dilectio? venit tamen in mentem, in voluntatem, in decretum, in opus ipsum DEO, & vnigenitus eius, qui est in sinu eius, ipse enarrauit, qui etiam ipse adimpleuit voluntatem, atque dilectionem istam eius. Quia sic DEVS dilexit mundum, vt filium suum vnigenitum daret, vt Mundus saluaretur per ipsum. O Munde, si DEVS sic dilexisset te, vt pro te, tuæque salute, dedisset quempiam hominem, aut Angelorum: stupendam in te & nunquam rependendam à te impensam fecisset, beneficioque te cumulasset DEVS. Dico amplius fortè aliquid, in sensu saltem nostro imbecillo, si DEVS brutam aliquam creaturam, si vel ipsum vnum canem nostrum, pro te, ô munde, impendisset: tu quidem neque isto Amore dignus, neque huic beneficio, impendioque pro te à DEO facto refundendo idoneus nunquam fuisses: aut esse de tuo proprio peculio posses. Nunc quando sic DEVS dilexit mundum, vt filium suum vnigenitum, non alienum, non adoptiuum, non aliquem Angelorum aut Hominum, non quiddam brutum, non ad Regnum, & honores, & Maiestates, & Diuitias, deliciasuè, non in suum, aut filij sui commodum quodcunque, sed ad omnia indignissima, indigna pro te, & etià à te sustinenda, adusque mortem dedit, congrega in vnum omnes etiam possibi-

*Christus ob
inhabitantē
in se solo
corporaliter
plenitudinē
Diuinitatis,
excellenti-
ssimus.*

Excell. 10. les creaturas, earumque Vires, conatus, industrias, dignitates, merita, affectus, & quidquid cum totâ possibilitate ac æternitate potes, & pro hac dilectione tui, pro hoc sumptu gratis planè quantum nad se, sine vlllo merito, imò cum immenso demeritò quoad te; propter bonum tuæ salutis æternæ effuso in te, à Charitate istâ DEI, impende ac repende; tantum proficies (imò verò, ne tantum quidem; nam finiti ad infinitum comparatio esse potest, sed finiti ad infinitum nulla est proportio) quantum si paleam vnam, aut muscæ alam vnam. toti huic vniuerso admetireris. Cum autem, ô Munde, sic te à DEO dilectum legis, vel audis, vt Filium suum vnigenitum daret, vt mundus saluetur per ipsum: noli munde cogitare sermonem esse de Cælo in quo sol, & stellæ lucent, non de Aëre, Nubibus, Aëribusque; non de Aquis & Piscibus: non de terrâ, & omnibus quæ in eâ sunt: sed, scitote Vniuersi & singuli homines. Adæ veteris filij, scitote Vos mundum esse, & vocari: Scitote, dum Christus, ait, Sic à DEO dilectum esse mundum, mundi appellatione compellari vniuersum hominum cætum, & vnumquemque singillatim vestrum. Amatores mundi, vos estis Mundus; Impij, & iniqui, qui facitis peccatum, qui diligitis vanitatem, qui quæritis mendacium, vos estis mundus, qui concupiscentijs carnis diffultis, qui concupiscentiâ oculorum, & avaritiæ tabescitis, qui superbiam vitæ, & vestri amore nimio, proprioque in vanum turgētis, vos estis mundus, quem sic dilexit DEVS, non vt in vobis maneat, sed vt à vobis dispereat iste mundus, vt saluetur in vobis, electus ex vobis, vt purgetur ex vobis; Christo Vnigenito DEI, & charitate eius regnante in vobis.

Ad hoc enim DEVS Homo factus est: ad hoc VERBUM CARO FACTUM EST, & habitauit in nobis, ad hoc plenitudo Diuinitatis in Christo habitat corporaliter, ad hoc sic DEVS dilexit mundum, vt Filium suum Vnigenitum daret, vt saluetur mundus per ipsum, & habeat vi-

tam.

tam æterna n, ad hoc vt mundus desinat diligere mundum, & incipiat diligere, consuescat æstimare, discat audire, & sequi DEVM, & quem misit ille IESVM Christum, ad hoc vt formetur Christus in eò vtque pertingat ad mēsuram perfectionis plenitudinis Christi, ad hoc denique, vt etiam sic mundus, seu omnis mundanus diligat DEVM, & simul eum, quem misit ille mundo IESVM Christum, vt illi viuere Christus sit, & mori lucrum, vt illi mundus sit crucifixus, & ille vicissim mundo, vt omnia quæ mundi sunt arbitretur, propter Christum detrimenta, vt etiam si ad placitum DEI sit in mundo, non sit tamen de mundo.

*Christus ob
inhabitantē
in se solo
corporaliter
plenitudinē
diuinitatis,
excellens
fuit.*

Sed vā, vā, vā Mundo, seu potius omni, qui est de hoc mundo, omni amatori huiusce mundi, vā tali mundo: quia de illo, aliud nihil est videre, nihil audire, nihil credere, nihil deslere: nisi quia sic Mundus odit, sic contemnit, sic deridet, sic persequitur DEVM, vt filium eius Unigenitum occidat, crucifigat, sanguinem eius possuat, vias & exempla vitæ eius deserat mandata & leges eius despiciat, & meram stultitiam reputet: & quasi, aut praua, aut noxia, aut vana ridiculaque sint ea, quæ Christus probat, mandat, commendat, desiderat, sanguinis & mortis suæ impendio consignat: hæc mundus tanquam deliramenta, tanquam ipsillimas nugarum nugas despuat, & exsufflet, omnia verò eis contraria, oraculorum instar, & rectissimarum regularum normam suspiciat, suscipiat, omnibus æternæ suæ salutis damnis, emptitet: omnibus æternæ damnationis lucris indubitatis comparet, & acceptet.

Atque si hoc fieret à Mundo gentili, à Mundo idolatrâ, à mundo nullam cognitionem, fidemue, Christi, & DEI, in eo, per eumque beneficij præstiti habente: esset hoc quidem durum admodum, & indignum: aliquomodo tamen excusabile, tolerabile, & enormitate suâ omnem moderationem in suâ punitione non excluderet. Sed hoc fieri, ab Hominibus, qui fidem, noticiamque de Chri-

Excell. 10.
*Christum ob
 inhabitantē
 in se solo
 corporaliter
 plenitudinē
 Diuinitatē,
 excellentis-
 simum.*

sto habent, habere saltem se credunt, & fatentur, fieri hoc ab hominibus, qui Christum DEVM. Hominem esse, & suā causā esse factum, ad idque à DEO Patre sibi missum, & donatum esse profitentur: fieri hoc ab hominibus, qui omnia beneficia gratiæ & gloriæ æternæ, per Christum, sibi à Patre æterno donata esse fide Diuinā contestantur: plusne in huiusmodi facto, & agendi modo sceleris & criminis, impudentiæ & ingratitude, an stultitiæ temeritatisque humanæ sit: nescio an creatus, quis intellectus satis discernere, ac decernere possit. Reuera sicuti est nihil ad beneficentiam DEI, in homines exaggerandam Diuinius, quàm quia sic DEVS dilexit mundum, nempe homines, ut Filium suum Vnigenitum daret, ad operandam eorum salutem, abolendam verò eorum æternam perditionem; Ita vicissim est nihil ad improbitatem humanam in DEVM, & Christum eius effingendam exprimendamque consummatiùs, quàm quia sic Homines, (& credentes quidem, confitentes Diuinam in se beneficentiam Homines) DEVM, & Christum eius, ita indignè tractant, contemnunt, deserunt, diaboloque postponunt. Stupet certè hoc inspiciens Animus, hebescit & deficit cogitatio, manus à scribendo torpescit & emoritur, dum ex vnâ parte, Diuinum sic dilexit DEVS homines; ex alterâ verò parte Humanum: sic contemnunt DEVM homines: componere, & viriusque excelsus immensitatem permetiri nititur. Quocirca huius, de hac Christi Domini nostri Excellentia pertractationis hic finis esto. Christus DEVS. Homo est: & in ipso complacuit omnem plenitudinem, Diuinitatis habitare corporaliter, ideò, quia sic DEVS dilexit mundum, siue omnem hominem, ut non pereat, sed habeat vitam æternam. Hic cogitet Mundus, cogitet ac attendat omnis Homo, quid illum facere DEO: qualem illum esse in DEVM, quas illius partes erga DEVM esse oporteat?

EXCELLENTIA XI.

In solo Christo omnes thesauri Sapientiæ & Scientiæ DEI, sunt absconditi.

VNDECIMA Domini Nostri IESU Christi Excellentia, super omnes Creaturas est, Sapientiæ atque Scientiæ perfectissima plenitudo, atque plenissima perfectio, de quâ PAVLVS egregium testimonium dedit Colossensibus scribens de Christo: *In quo sunt omnes thesauri Sapientiæ & Scientiæ absconditi.* Multum dixisset Apostolus, si dixisset in Christo esse thesaurum Sapientiæ & Scientiæ: sed videbatur sibi, non satis commendaturus Christum, propter aliquem thesaurum sapientiæ & scientiæ in eo latentem: nisi absolutè omnes thesauros in eo reconditos, esse affirmasset. Multi enim sunt Sapientiæ & Scientiæ DEI thesauri, propter quos dictum est de DEO. *DEVS Scientiarum Dominus est, & ipsi preparantur cogitationes.* Multæ sunt res, quæ per scientias cognoscuntur: Multæ etiam & variæ scientiæ, quæ rerum omnem varietatem cognoscunt, & harum omnium DEVS Dominus est, harum omnium thesauri omnes, in Christo absconditi sunt. Quidam thesauri, nulli creaturæ communicati sunt, quidam communicati quidem, sed quidam tantum, omnes autem nulli. Est in Hominibus sapientia atque scientia, rerum quandoque magna & multa nimis: qualis specialiter fuit in primo Adam, fuit & in Dauide, fuit & in Salomone eius filio, cui DEVS dederat Sapientiam, quâ *precedebat omnes Sapientes omnium gentium, & latitudinem cordis, quasi arenam, quæ est in littore maris.* Attamen plusquam Salomon hic, nempe Dominus noster IESUS Christus ad cuius sapientiam, scientiam prudentiamque, omnis sapientia, prudentiaque Salomonis, & omnium hominum, est quasi gutta roris amstelucani ad immensitatem maris. Est etiam sapientia atque scientia recondita in Angelis, ma-

Excell. 11.

ximè in his, qui supremorum ordinum sunt, vt Throni, Cherubim, ac Seraphim: attamen nec in vlllo horum, nec in omnibus simul, reconditi sunt omnes thesauri, sed sicut lux scintillæ, ad luminis solaris immensitatem, ita est omnis Angelorum scientia, ad Scientiam Christi, cuius solius hoc priuilegium est, vt in eo thesauri omnes Sapientia & Scientia DEI, sint absconditi. Est in DEO thesaurus abyssalis Sapientia & scientia, ipsa que Sapientia substantialis, increata, æterna, DEVS. Hæc in Christo abscondita est vniuersa, per ineffabilem illam, quam Hypostaticam vocamus Vnionem: quæ & simul Persona Christi est: & propter nos Incarnata. Hæc Sapientiâ sapit DEVS ipse, quantumcunque sapit: hæc scit, nouitque omnia, quacunque nouit. Hæc Sapientia, est DEO consubstantialis, coætærna, coimpressa: Hæc Sapientia DEVM comprehensione adæquat, & eam nihil latet DEI, nihil eorum quæ in DEO sunt, vel potius quæ ipse DEVS sunt, & illa est idem ipse DEVS. Hæc Sapientia, ab omni æternitate conuixit DEO, omnibus eius cogitationibus interfuit, omnia consilia eius probauit, omnia decreta eius concepit, omnia secreta eius penetrauit. Hæc de omnibus tam futuris, quàm non futuris legem fixit: Hæc rerum omnium ideas, & artes, iuxta quas aliquando futura erant efformauit. Hæc Sapientia dignus DEO, iudicauit in productis de nihilo creaturis, bonitatem suam gloriamque manifestare, quàm ipsam Bonitatem atque Gloriam, intra semetipsum per omnem æternitatem latere. Eadem sapientia melius iudicauit de malis benè facere, quàm nulla mala esse permittere. Eadem inuestigauit modum atque fructum, quo ex malis permissis essent bona eruenda, & quo gloria Diuinæ fructus, mala prohibenda & tamen liberis creaturis essent permittenda. Eadem Sapientia selegit, *Electos ante mundi constitutionem*, ipsa quoque in creaturis, *antequam quidquam boni aut mali egissent*: de alijs quidem dixit, *Dilexi eas*, de alijs autem, *Odio illas habeo*.

Ioan. 17. 24.

Hæc

Hæc Sapientia est, quæ ex ore Altissimi prodijt, quam ex vtero ante luciferum, in splendoribus Sanctorum æternus Pater genuit, quæ medullas cordis Diuini inhabitat, & abscondita illius nouit vniuersa: illa pascit DEVM in suo intellectu, & ludit coram illo fecunditate immensâ visceralis substantiæ eius, & in speciositate omnium quæcunq; condita sunt in orbe terrarum, architectante in omnibus scientiâ illius. Absq; sapientia enim, neq; in vllis creaturis, neq; in ipso DEO quidquam esse, quidquam permanere, quidquam operari commouereq; sese potest: sed illa est omnium esse, omnium vita, omnium ratio, omnium species, omnium ordo, omnium lex, omnium lumen, in quo operantur & perseverant omnia.

Christo propter omnes sapientia, & scientia DEI, thesauros, in se solo absconditos, excellentissim.

Deniq; hæc Sapientia, & Filius DEI, ET VERBUM IOAN. 1. 14: CARO FACTUM EST, & habitauit in nobis, & redemit, atq; saluauit nos: & adinuenit omnem viam disciplina, & BAR. 3. 37. tradidit illam nobis: & hic in terris visus est, & cum hominibus conuersatus est DEVS-HOMO. Atq; hæc Sapientia, siue thesauri istius Sapientiæ, omnes in Christo absconditi, latent.

Sed præter hos thesauros Sapientiæ & Scientiæ Increatæ, & qui ipsemet DEVS sunt, ipseque DEI Filius, ipsumque Verbum: sunt alij, fueruntque insuper sapientiæ scientiæque DEI creatæ thesauri, in Domino nostro IESV Christo, Homine-DEO dignæ, & in tantâ copiâ, atque sublimitate, in quantâ nulli creaturæ infuerunt, insunt, ineruntque vnquam.

In primis fuit in Christo Domino scientia naturalis, vt potè connaturalis Animæ ipsius rationali humanæ: Quæ Anima, sicut & tota Humanitas Christi, habuit omnes perfectiones, atq; proprietates sibi connaturaliter debitas: quarum vna Scientia atq; Sapientia non tantum, est, sed ex præcipuis præstantissimisque Naturæ rationalis ornamentis & perfectionibus est. Sicut enim maximus est defectus in tali Naturâ, carere sapientiâ atq; scientiâ, seu cognitione rerum, saltem sibi necessariarum, penèque

Excell. 11. nihil talis natura differt à brutâ: ita è contrariò scientijs pollere, est maxima dos rationalis Naturæ: & hæc vna est illius supra res brutas excellentia, ab ijsque differentia. Quare Anima Christi, nullâ penitus scientiâ, sciendi que ratione (quæ modò statum Vnionis hypostaticæ, visionis que beatificæ in illa non dedeceret) caruit; comprehendendo sub nomine scientiæ, quemcunque habitum ad creatum intellectum pertinentem verumque enunciantem. Itaque in Animâ Christi fuit perfectus Sapientiæ habitus: quo res ex altissimis causis cognoscebat. Fuit & Habitus Intellectus, sic dictus, quia eo principia per se nota veritatum rerumque cognoscuntur. Fuit quoque & habitus scientiæ naturalis, cuiuscunque cognoscentis effectus omnes per suas causas, aut etiam causas per suos effectus. Fuit & prudentia, quæ est de singularibus cognitio, comitem habens experientiam, ac memoriam. Fuere denique habitus Artium omnium, in quantum illæ ad intellectum spectant, ab eo dependent, & in eo resident. Ita enim, omnia fuisse in Christi Animâ, eiusque intellectu, nihil derogabat Dignitati Personæ illius Diuinæ, nihil etiam obstabat beatifico eius statui, multum autem ornabat, & perficiebat connaturali perfectione Animam illam atque Intellectum. Proinde quod de Christo Domino dicebant admirantes: *quomodo hic litteras scit, cum non didicerit?* pari modo quærere poterant, de omnis artis cognitione, si eam exercere visus esset, sicut procul dubio exercuit fabilem: vnde dicebant de eo. *Nonne hic est faber?* quam tamen ab Ioseph non discebat, potius Ioseph suam artem à Christo perficiebat, & in operando secundum suam artem proficiebat. Porro opiniones, siue habitus assensusue opinatiui & probabiles nulli erant, nullique esse poterant in Intellectu Christi, his enim cum possit tubesse falsum & error, non decebat eos in Christo reperiri, quia hoc derogabat Diuinæ Personæ, & beatificæ visioni, & perfectioni muneris Christi, ad quod requirebatur infallibilitas dicendi, docendi, diiudicandi, decernendi que: hanc enim

enim nisi habuisset, auctoritatem irrefragabilem non habuisset. Non habuisset autem, si tantum opiniones aliquando affirmare potuisset, sic enim falsitates, deceptiones, errores, obscuritates, & incertitudines, ac demum ignorantia, in eius tam sensis, quam verbis esse potuissent: quod tam esse in Christo, quam asserere de Christo, absurdum est. Nouerat Dominus noster opiniones omnes, & earum rationes probabiles, & poterat de earum probabilitate ferre iudicium: sed hoc iudicium erat certum, & euidens intellectui Christi, in eoque nec falli, nec fallere potuit, perinde sicut falsitates & mendacia, & errores, & dubia, & ignorationes nouerat Christus, facere tamen ista omnia non poterat Christus.

Fuit præter hunc scientia naturalis thesaurum: alius etiam scientia Thesaurus supernaturalis per se infusus, à naturali scientia distinctus, eaque præstantior, ac Christi Animæ, naturâ quidem suâ indebitus, ut tamen Anima illa erat Verbi Incarnati, seu Dei-Hominis, propter eximiam eius perfectionem, ac Dignitatem, eidem fuit debitus, ut ei nihil deesset in ullâ gratiâ, tanquam subiecto adeò sublimiter eleuato & honorificato. Si enim talis infusa scientia in Angelis, & in Adamo fuit, æquiori iure in Christo esse debuit: quandoquidem & plusquam Angelus, & plusquam Adam fuit hic. Et quamuis Christus Dominus, in terris licet degens, fuit nihilominus simul tunc comprehensor, beatamque scientiam habuit, ideòque poterat non egere scientiâ aliâ infusâ, supernaturali, quia illa sufficiebat ei ad cognitionem tam naturalium, quam supernaturalium, contingentium & liberorum, sub quavis conditione, suppositioneque futurorum, non futurorum, & à Deo destinatorum: tamen hac non obstante beatâ scientiâ, capax fuit scientia per se infusæ, nec ea repugnabat Vnioni Hypostaticæ, visionique beatificæ: & insuper in Mundo viuens erat simul adhuc viator perfectus, ad quem statum pertinebat istiusmodi Scientia infusâ, perinde ut pertinebat naturalis, absque præiudicio tam Vnionis, quam Visionis.

Excell. III.

Præter supradictas, atque etiam super supradictas scientias, Dominus noster IESVS Christus habebat, atque habet Beatam scientiam Visionis, quam & omnes beati in celo habent, sed perfectiorem longè quam omnes beati habent. Consistit hæc Scientia Visionis beatificæ, in Visione DEI sicuti DEVS in se est, non eo, quo illum in viâ & vitâ istâ videmus modo, per fidem, per speculum, & in ænigmate, sed facie ad faciem. Illam faciem quam Exo. 33. 13. desiderabat Moyses, dicens: *Domine ostende mihi faciem tuam*, quam cupiebat Dauid, orans: *Domine ostende nobis faciem tuam, & filii erimus*: quam optabat PHILIPPVS, dicens: *Domine ostende nobis Patrem, & sufficit nobis*, quam Ioan. 14. 8. Dauid promittebat sibi affirmans: *Satiabor, cum apparuerit Gloria tua*. Ista Visio Beatifica, atque Scientia Beata, provenit in Beatis ex lumine gloriæ, infuso eorum mentibus, iuxta illud Prophetæ, *In lumine tuo videbimus lumen*, & de Eccl. 1. 5. *riuato à fonte Verbi Diuini, dicente Ecclesiastico: Fons Sapientia, Verbum DEI in excelsis*.

Huic Verbo propinquissimè vnitur Anima Christi, neque vlla creatura, tantâ vnitur propinquitate, quia nulla vnitur hypostaticè: ista benedicta super omnes Anima, plus haurit influentiam luminis gloriæ, in quo DEVS ab ipso Verbo videtur: ideòque etiam præ cunctis creaturis videt DEI Essentiam, dicente IOANNE: *Vidimus gloriam eius, quasi Unigeniti à Patre, plenum non solum Gratia, sed etiam Veritatis, quæ veritas, Essentia DEI est*!

Ob hanc causam, quamuis Angeli habeant perfectiorem intellectum naturâ suâ, quam est intellectus etiam Christi creatus ac humanus, tamen quia nullus Angelus, tantum accedit ad Vnionem cum DEO, per suam gratiam, quantum accedit Christus per suam, pro mensurâ autem gratiæ, non verò pro mensurâ naturæ, datur lumen Gloriæ, quæ est finis connaturalis Gratia non naturæ: sicut omnes Angeli impares sunt Christo in Gratia, ita & in lumine, & consequenter etiam in Visione gloriæ ac Diuinæ Essentiæ impares sunt. Et idem est sentiendum de omnibus

bus Beatis creaturis Essentiam DEI videntibus. Quorum omnium Beatitudo, dependet, emanatque tanquam à fonte, atque à principio, ab ipso Christo: quamobrem superat omnes beatos in beatitudinis suæ Gloriâ; aliàs esset dicendum, esse in beatis aliquid gloriæ, quod ex Christo in eis non esset, quod dici non potest. Christus enim est hæres gloriæ, beati cohæredes; Christus hæres naturalis, sicut & Filius: beati verò sunt hæredes adoptiui, sicut & Filij. Christus est hæres quasi Vnigenitus à Patre, siue Patris, beati verò sunt quasi serui, ad summum amici per beneuolentiam, seu gratiam.

Christo propter omnes sapietia, & scientia DEI, thesauros, in se solo absconditos, excellentissim.

Hac Visione, scientiâque beatâ, Christus videt, nouitque inprimis Essentiam DEI, & DEVM, vt in se DEVS est, vnus in Essentiâ, trinus in Personis: videt autem beatificè, intuitiue, fructiue, clariùs, plenius, perfectius, quàm vlla creatura beata, vel quàm simul omnes, etiam si omnes earum beatæ visiones congregentur in vnâ. Sicut enim Dignitas solius Christi Animæ, exuperat omnium Beatorum dignitates simul sumptas, & Gratia solius Christi, excedit omnium Beatorum gratias item simul sumptas, & merita solius Christi. (imò vnum quodque meritum eius) euincit omnia omnium beatorum merita etiam simul accepta, ita quoque solius Christi Beata scientia, ac visio Essentiæ DEI, & eorum quæ illi innexa sunt, excedit omnes beatas visiones, scientiasque Beatorum etiam simul coniunctas. Nam beati, & non ita limpidè, plenè, profundè, profusèque vident DEVM, eiusque Essentiam, sicut vnus solus Christus: & non vident etiam in DEO, ea quæ specialiter pertinent ad ipsam Animam Christi, secreta enim, Animæ illius, illis non patent. Cum tamen Christus omnia videat, sciatque in DEO, quæ DEVS nouit in quacunque differentiâ temporis, & nouerit etiam omnia, quæ sibi sunt propria, & denique nouerit omnia, quæ omnes beati vident, quæque illis in ipsis sunt propria, omnia enim illorum Christo sunt euidentia.

Quod autem obiter attigi de meritis Christi, supra

Excell, II.

omnium beatorum merita; Non ideò id adduxi, quasi Christus Dominus ex meritis suis Visionem beatificam, acceperit: accepit enim illam ex Vnione Hypostaticâ, quæ & antecessit, & excessit omnia merita, & in primo ipso conceptionis, creationisque Christi instanti, est illi tam, Vnio, quam ex vnione Visio collata; sed ideò meritum mentionem feci, quia si per merita Beatam Visionem habere debuisset Christus, debita illi fuisset ea tota beatitudinis, beatæque Visionis ac scientiæ perfectio, atque plenitudo, quæ de facto ei collata est, & quæ per merita secundum legem ordinariam comparari posset.

Deinde, nouit per hanc Visionem Scientiamque Beatam Christus Dominus, omnia illa, quæcunque in quauis temporis differentia Deo decernente, vel iam fuerunt, vel sunt, vel erunt: Et hæc per Essentiam Dei, nouit peritissimè atque perfectissimè, tum in semetipsis, tum etiam in omnibus adiunctis suis. Nouit (exempli gratia) omnes & singulos homines, nouit & omnes omnium cogitationes, voluntates, commotiones internas externasque, quas habuerunt, habent, habituri sunt per omnem æternitatem. Atque idem de alijs omnibus creaturis, esto iudicium: Scire hæc omnia Christum, pertinet ad Dignitatem, statumque illius, tum propter Eminentiam Personæ Verbi, cui Hypostaticè vnita est Anima Christi, tum quia Christus est caput omnium rerum, specialiter omnium Angelorum & Hominum, & specialissime iustorum, prædestinatorum, electorumque, propter quos omnia condidit Deus, tum quia Christus est Iudex omnium, à Deo constitutus & ordinatus, tum denique, quia in Christi gloriam & exaltationem honoremque, suo (post Deum) modo, omnia creata sunt, & propterea eidem omnia subijciuntur, & demùm omnia illi perspecta sunt, ad eiusque statum pertinent. Hæc sunt Scientiæ Christi Domini nostri, euincentes omnes scientias nostras, Hominum æque ac Angelorum, quarum exæquationem nullæ, nec simul omnes creaturæ assequi prævalent. Has Domi-

nus à primo suæ conceptionis momento accepit: iuxta illud ipsiusmet de ipso Sapientiæ testimonium. *Dominus possedit me, in initio viarum suarum,* quibus in carne ad Homines venire dignatus est, *antequam quidquam faceret, in negotio salutis humanæ, à principio.* *Prou. 8. 22.*

Porro ista quæ de tam multiplici, tamque perfectâ, & incomparabili Sapientiâ atque Scientiâ, Domini DEI & Saluatoris nostri adducta sunt, vtilem, & necessariam, summè ingerunt nobis, ingerere certè debent cogitationem, quin potius multiplicem animi eruditionem. Ad quid enim tanta Christo nostro Sapientia, & Scientia rerum omnium, & maximè humanarum? ad hoc utique, ut sciant homines, quoniam homines sunt, & quoniam DEVS suus cognoscit eos, non secus ut aut REX subditos, aut Imperator milites, aut Pater filios, aut Magister discipulos, aut Pastor oves, aut Medicus infirmos, aut Tutor pupillos, aut Iudex reos, aut vindex damnatos, aut creditor debitores, aut Dominus seruos, aut Pater familias familiam, aut Agonothera certatores, aut Coronator victores suos. Væ filiis desertorum, væ filiis Belial, quia illis nulla cum Christo conuentio alia, nisi quæ reproborum, & damnandorum est, cum vindice, & ultore. Væ illis, qui dicunt Christo, *recede à nobis, Scientiam viarum tuarum nolumus,* nolumus ut cognoscas nos. Etenim velint nolint incidunt in oculos scientiæ, & in manus ultionis eius, quoniam *impij in circuitu ambulant semper,* & dum eripiunt se de manibus regiminis & protectionis: deuoluunt sese in manus tremendi supplicij, & æternæ castigationis. *Christo propter omnes sapientia, & scientia DEI, thesauros, in se solo absconditos, excellentissimò.* *Iob. 22. 17.* *Psal. 11. 9.*

Enimuerò beati, qui cum Sapientiâ Christi, imò Christo commemorantur: Sapientia enim eius, *Doctrix est Discipulorum, & infinitus thesaurus hominibus, quo qui vti sunt, participes facti sunt amicitia DEI, propter disciplinam illius, dona commendati.* Neminem enim diligit DEVS, nisi eum qui cum Christo inhabitat, sicut etiam Generositatem Christi, & veritatis atque Scientiæ legis eius, glorificat nemo nisi contubernium habens. *Sap. 8. 9.* *Sap. 8. 3.*

habens DEI: quocirca ipse loquitur, Nemo venit ad Patrem, nisi per me: & nemo venit ad me, nisi Pater meus traxerit eum. Ioan. 5. 20. Pater enim diligit Filium, & est Dux eius ad omnes, & sapientium eius Emendator.

Quare quicumque fideles, inuenimini in testamento Domini: stete in scientiâ legum, atque viarum eius, & erit sanitas, & vita in ossibus vestris: & in nouissimo occurret Colos. 3. 4. Pax extremis vestris, cum scilicet Christus apparuerit vita vestra: tunc enim & vos apparebitis cum ipso in gloriâ. Et quid tam necessarium Christiano, quàm ut ibi sit, ubi est, & regnat Christus? quid tam formidandum Christiano, quàm nè illum in extremo abneget Christus, nesciat Christus, repellat, & coram Patre suo, illum confundat Christus?

EXCELLENTIA XII.

Solus Christus est, Electorum DEI, & primus, & Caput.

DECODECIMA Domini nostri IESU Christi Excellentia, super omnes Creaturas est, quia ipse est Electorum DEI omnium primus: & in ipso omnes, reliquos Electos, prædestinatosque elegit DEVS, secundum abundantes diuitias gratiæ suæ, & ipse est Electorum omnium Pater, & Caput, & omnia in ipso constant: sicut & in ipso condita sunt vniuersa. Quæadmodum hoc disertè Apostolus attestatur. Et ad Ephesios quidem loquitur hunc in modum. Colos. 2. 16. Ephes. 1. 3. Benedictus DEVS, & Pater Domini nostri IESU Christi, qui benedixit nos in omni benedictione spirituali, in caelestibus in Christo. Sicut elegit nos in ipso ante mundi constitutionem: ut essemus sancti & immaculati, in conspectu eius in charitate. Qui prædestinauit nos in adoptionem filiorum per IESUM Christum, in ipsum, secundum propositum voluntatis suæ, & in laudem gloriæ gratiæ suæ, in quâ gratificauit nos, in Dilecto filio suo. In quo habemus redemptionem per sanguinem eius, remissionem

~~fontem~~ peccatorum secundum diuitias gratia eius, quae superabundauit in nobis, in omni sapientiâ & prudentiâ, ut notum faceret Sacramentum voluntatis suae, secundum beneplacitum eius, quod proposuit in eos, in dispensatione plenitudinis temporum, instaurare omnia in Christo, quae in caelis, & quae in terrâ sunt, in ipso. Simillima his, & quaedam etiam expressiora habet, idem Apostolus affirmatque de Christo, Colossiensibus scribens, quos cum hortatus esset: *ad ambulandum dignè DEO, per omnia placentes, in omni opere bono fructificantes, & crescentes in scientiâ DEI, in omni virtute confortati secundum potentiam claritatis eius, in omni patientiâ & longanimitate cum gaudio, gratias agentes DEO Patri: cum hæc inquam & optando, & exhortando præmisisset, mox eorum causam subinfert dicens. Qui DEVS Pater, dignos nos fecit in partem sortis Sancto- rum in lumine: qui eripuit nos de potestate tenebrarum, & translulit in regnum Filij Dilectionis suae. In quo habemus redemptionem per sanguinem eius, remissionem peccatorum. Qui est Imago DEI inuisibilis, primogenitus omnis creaturæ: quoniam in ipso condita sunt vniuersa in caelis, & in terrâ, visibilia & inuisibilia, siue Throni, siue Dominationes, siue Principatûs, siue Potestates: omnia per ipsum, & in ipso creata sunt, & ipse est ante omnes, & omnia in ipso constant. Et ipse est Caput Corporis Ecclesia, qui est Principium: Primogenitus ex mortuis, ut sit in omnibus ipse primatum tenens, quia in ipso complacuit omnem plenitudinem habitare, & per eum reconciliare omnia in ipsum: pacificans per sanguinem Crucis eius, siue quæ in terris, siue quæ in caelis sunt.*

Colos. 1. 12

Colos. 1. 12

Hæc Apostoli verba, cum aliarum veritatum fidei Nostræ sunt praegnantissima, tum verò magnificū perhibent testimonium de hac, quam in præsentī tractamus Christi Domini, super omnes creaturas excellentiâ: nimirum, quod ipse solus sit Primogenitus, atque etiam simul Vngénitus DEI, etiam quatenus carne nostra indutus ad hoc à DEO Patre institutus, primusque omnium electus, ut per eum, atque post eum omnis

reli-

Excell. 12. reliquus Electorum D E I catus, tanquam à capite membra, corporisque tota compages descenderet, quocirca Christus est Caput, fons, & princeps Electionis prædestinationisque nostræ ad salutem, & vitam æternam, ad cuius merita, & passionem, & in Cruce mortem, respiciens Pater, omnes ei Electos, prædestinatosque dedit in hæreditatem, in mercedem, in Corpus, & membra, in regnum, ipsiusmet sanguine, ac meritis, & morte reddens eos, sanctos & immaculatos. Ad huius Excellentie consortium, tam nulla est ex creaturis admilla, quàm nulla est admilla ad consortium Vnionis Hypostaticæ cum Verbo, & Filio D E I Vnigenito, atque consubstantiali Patri, aut ad hoc vt esset Filius Dilectionis Paternæ. Ratione cuius, in ipso, & per ipsum condita sunt vniuersa, & omnia constant in eo. Et ipse est ante omnes, ipse Caput Corporis Ecclesiæ vniuersæ; Principium, & primogenitus, & in omnibus primatum tenens, tanquam omnia pacificans per sanguinem Crucis suæ, tam quæ in terris, quàm quæ in cælis sunt.

Propter hæc: libet, necessarium, atque iustissimum est, exclamare cum Apostolo, ad D E V M Patrem æternum, affectu confitentis, exultantis, gratiasque agentis animæ, simulque omnis creaturæ rationalis Nominis. Benedictus D E V S, & Pater Domini nostri I E S V Christi, qui secundum incomprehensibilem charitatem voluntatis suæ, Vnigenitum Filium suum, sibi consubstantialem; ab æterno decreuit, mittere in mundum: & facere eum sibi ex semine David, facere ex muliere, D E V M Hominem, Verbum carnem. Benedictus D E V S, & Pater Domini nostri I E S V Christi, qui hunc Vnigenitum, Filium suum, dedit Primogenitum omnis creaturæ, & elegit eum in Principale, atque Vniuersale, & vnicum instrumentum omnis gloriæ, omnis voluntatis, omnis propositi sui. Benedictus D E V S, & Pater Domini nostri I E S V Christi, quem fecit esse ante omnia, & per quem fecit omnia, & quem elegit ante omnia, & in quo elegit

*Christus ti-
tulo Capi-
ti, & primi
Electorum,
excellenti-
simus.*

elegit omnes Electos, ut ille esset Primus Electorum, suorum, & Caput Electionis, atque Prædestinationis omnium, quotquot præordinati sunt ad vitam æternam. Benedictus DEVS, & Pater Domini nostri IESV Christi, qui nos dedit eidem Filio suo, & eundem filium suum nobis donavit: ut ipse sit in omnibus Primatum tenens, & Pater omnium, qui per ipsum accedunt ad partem hæreditatis gloriæ DEI. Benedictus DEVS, & Pater Domini nostri IESV Christi, qui est nobis Principium & Finis, Alpha & Omega, liber vitæ, signatus sigillis septem, idemque Agnus DEI, solus dignus, solus potens, soluere signacula eius. Benedictus DEVS, & Pater Domini nostri IESV Christi, per quem fecit & sæcula, & reconciliauit nobis semetipsum, regenerauitque nos in spem viuam, ut ipse esset Pax nostra, & Princeps Pacis, tam in cælestibus, quam in terrestribus: caputque Corporis sui, quod est Ecclesia. Benedictus DEVS, & Pater Domini nostri IESV Christi, qui benedixit nos, in omni benedictione spiritali, in cælestibus in Christo. Benedictus DEVS, & Pater Domini nostri IESV Christi, qui elegit nos in ipso, ante mundi constitutionem: ut essemus sancti, & immaculati in conspectu eius in charitate. DEO per omnia placentes, in omni opere bono fructificantes, in omni virtute confortati, secundum potentiam claritatis eius.

Iustum etiam ac necessarium est, nos Domino nostro IESV Christo tum gratulari, tum gratias agere ex vniuersis nostrarum Animarum, cordiumque visceribus. Gratulari quidem, quia DEO Patri complacuit in ipso, tanquam Filio Dilectionis suæ: Filio à sæculis Unigenito, Filio verbo virtutis suæ: Gratulari quoque, quia ipsi DEVS Pater, omnia dedit in manus: & constituit eum hæredem, omnis hæreditatis ac familiæ suæ, & in meritis humilitatis, ac obedientiæ illius, inuenit omnium nostrum gratiam & merita, salutem & vitam æternam, vniuersamque viam Misericordiæ, & Charita-

Eccell. 12.

tis, & Gloriæ suæ. Gratulari etiam, quia ipse est Imago DEI inuisibilis, & figura substantiæ illius, splendor quoque claritatis eius, per quem & omnia facta sunt: & quod factum est, in ipso vita erat, & vita erat lux hominum. Gratulari denique eidem, quia in ipso proposuit Pater, in dispositione plenitudinis suæ, temporumque educendorum, instaurare vniuersa, & sanctificare pacificareque per sanguinem Crucis, atque mortis eius, tam ea quæ in terris, quàm ea quæ in cælis sunt.

Gratias verò agere conuenit nos, Domino nostro IESV Christo: quia ille cum esset in Formâ DEI, & verus consubstantialis, æqualisque Filius: naturâ & hereditate omnium Dominus, & ex omnibus liber: fecit se tamen seruum voluntatis Paternæ, per omnia subiectum, statuens legem eius in medio cordis sui, & obediens ei vsque ad mortem, mortem autem Crucis. Conuenit etiam gratias illi agere nos, quia absque viliâ necessitate suâ, cum esset apud Patrem in gloriâ substantiæ illius: respexit tamen miseriam nostram, & inclinauit ad nos vsque Misericordiam suam: & descripsit nos in libro vitæ apud Patrem, destinauitque nos ad consortium gratiæ filiationis, cohæreditatisque suæ in cælestibus. Conuenit etiam Gratias agere, Domino nostro IESV Christo, quia cum posset ipse solus esse, apud Patrem suum æternum in Gloriâ: nullius indigens consortio, aut communione creaturæ: solus Electus, solus prædestinatus, solus consummatus in gloriâ: Noluittamen esse solus, sed elegit, voluitque esse Pater Electionis, ac Dilectionis. etiam nostræ: elegit esse primogenitus etiam mortuorum, quamuis solus inter mortuos liber, elegit esse DEVS, DEVS noster: DEVS potens ad saluandum, & DEVS Saluator, DEVS sciens atque consummans, solus redemptionem.

Post hæc omnia, dignum, necessarium, iustumque est, nos, quotquot per electionem, prædestinationemque Patris æterni, secundum fidem in Christum, confidimus,

dimus, annumerati esse in sortem Hæreditatis eius: vt secundum propositum voluntatis, tam Paternæ, quàm Filialis, efficiamur sancti, & immaculati in Charitate, in omni opere bono crescamus, & fructificemus, in omni quoque virtute confortemur, vsque ad consummationem sortis Sanctorum in nobis, per Filium eius dilectum, qui est benedictus in sæcula. Dignum quoque ac necessarium est, vt conformemur Christo per omnia, secundum formam & similitudinem exempli vitæ eius, donec ille formeretur in omnibus nobis, & crescat in mensuram ætatis plenitudinis perfectionis, consummationisque suæ.

Christus titulo Capituli, & primi Electorum, excellentissimus.

Alioqui nulla nobis est pars in Christo IESU, nullus fructus in fide eius, imò & nulla reuera fides in professione eius, si verbis quidem confiteamur, nosse DEVM, & quem misit ille IESUM Christum, factis autem, abnegemus eum: neque exhibeamus fidem, quæ per dilectionem operatur. Talis enim fides, infidelitati æquiparatur: imò & infidelitate deterior est, quoniam melius erat ad agnitionem veritatis non venire, quàm post agnitionem iustitiæ & veritatis, ad iniquitatem retrò conuerti. Quare si reuera credimus in Filium DEI atque si reuera fundati atque radicati sumus, & esse volumus in iudicio eius, manifestemus per opera nostra in Christo, fidem nostram in Christum: non diligentes, neque credentes, verbo, tantum & linguâ, sed etiam opere & veritate, tales enim querit Christus fideles, tales & Pater eius adoratores.

EXCELLENTIA XIII.

Solus Christus est, Humani Generis Saluator.

DECIMATERTIA Domini Nostri IESU Christi, super omnes Creaturas Excellentia est, quia in solius Christi. Act. 3. 16.

Excell. 13. *Si Nomen fide est, salus omnium, & vita æterna: &*
 Act. 4. 12. *non est in ullo alio salus, praterquam in ipso, neq; est aliud*
sub sole Nomen, in quo oporteat nos saluari: breuiter; Solus
I E S V S Christus est verus, proprius, summus, absolutus-
 que Saluator, quo sine, & saluat, & saluatur nemo, verâ,
 propriâ, & plenâ salute.

Hoc vt intelligatur benè, æstimeturque condignè,
 à Nobis præsertim, qui **I E S V M** Salvatorem habemus, ne-
 cessè est enarrare, quid & quæ sit ista Salus nobis, per.
 Christum **I E S V M** parata, & pro quâ datum est ei Nomen,
 quod est super omne Nomen, quod est **I E S V S**, & in quo
 solo est Salus.

Salus ergo & si latè & variè in hoc suo Nomine pa-
 teat: tamen in fide tantùm Christianâ de eâ loquendo,
 Salus propriissimè dicitur, obtentio beatitudinis ac vitæ
 æternæ: euasio verò amissionis illius, & æternæ perdi-
 tionis. Salus ita explicata, licet, contineat in se beatitu-
 dinem, cuius est possessio, siue obtentio, differt tamen,
 ab eâ in hoc, quia beatitudo obtineri potest etiam ab eo,
 qui eam amittere nunquam potuit, neque est capax
 amissionis eius, sed est Naturâ & Essentiâ suâ beatus, at-
 que adeò etiam ipsa Beatitudo, quomodo **D E V S** beatus
 est, & solus quidem, qui cum sit (vt dixi) necessariò &
 essentialiter beatus, nunquam eâ carere potuit: & ideo
 etiam neque salute, neque Salvatore eguit, aut egere
 potuit. At verò salus competit ijs, qui capaces vel
 erant, vel sunt amissionis vitæ & beatitudinis, reatûs
 verò perditionis æternæ, talibus enim propriè compe-
 tit salus, & saluari: idque vno ex his modis: Primò ita,
 vt beatitudinem æternam, non permittatur, quis amit-
 tere suâ vel alienâ culpâ: sed potius detur illi eam as-
 sequi, efficaciter etiam cum proprio merito, atque talis
 est Angelorum Sanctorum salus, & ad beatitudinem
 æternam peruentio. Secundò ita; vt collatum sibi ha-
 bitumque ius aliquod ad beatitudinem, quispiam illud
 non conseruet, sed potius malitiâ suâ sponte deperdat,
 & se

Christo Sal-
uatori no-
mine, excel-
lentissimus.

& se in perditionis æternæ reatum, pænâque deuoluat; & ita deuoluat, vt impossibile sit ei omnibus creatis suis, alienisue, viribus, ius perditum recuperare, & ad beatitudinem peruenire, ex æternoque exilio sese eliberare, per alienam tamen (puta Diuinam) gratiam, misericordiamque, in hoc adeò desperato, & collapsorū suarū statu subleuetur, atque in integrum restitatur, & erutus ab æternâ perditione, ad beatitudinem æternam deducatur. Atque talis est humani generis Salus, cui procurandæ, à Deo Patre, per gratuitissimam misericordiam suam, absque vllō hominū merito, imò & cum summo & insolubili eorū demerito, datus est Dominus noster Iesus Christus, attestante Apostolo. *Commendat autem charitatem suam Deus in nobis, quoniam cum adhuc peccatores essemus secundum tempus, Christus pro nobis mortuus est: multo igitur magis nunc iustificati in sanguine ipsius, salui erimus ab ira per ipsum. Si enim cum inimici essemus, reconciliati sumus Deo per mortem Filij eius, multo magis reconciliati, salui erimus in vita ipsius. Ita nimirum, ubi abundauit delictum, superabundauit gratia, vt sicut regnauit peccatum in mortem, ita & gratia regnet per iustitiam in vitam æternam, per Iesum Christum Dominum nostrum.* Propter quod competit ei nomen Saluatoris, nomen scilicet Iesus, ad quod nulla creatura est idonea, solus autem Christus idoneus est.

Rom. 5. 8.

Ibid. 8. 20.

In hoc verò Saluationis seu salutis, quam per Christum habemus beneficio, ista sicut maxima sunt, ita & maximè contuenda, atque æstimanda veniunt. Primò: ipsa res & substantia salutis & saluationis, quæ est vita æterna & Beatitudo: aliàs autem, Possessio Dei summi boni, & finis vltimi, quæ res adeò summa, & supra omnia bona est, vt cum eâ nulla reliqua bona in comparisonem venire sint apta. Secundò: Huius salutis, siue beatitudinis, Dei que possessionis amissio æterna: quâ nihil potest esse, cogitarique damnosius & calamitosius. Tertiò: Reatus & debitum æternæ damnatio-

Excell. 13.

mnationis, damno supradicto accedens, eidemq; mortem æternam, & perennem in supplicijs sempiternis perduratiōem superaddens, quisquis enim suā culpā vitam & beatitudinem æternam amittit, non eam solum amittit, sed insuper æternam in supplicijs ardoribusq; sempiternis vitam, seu potius mortem acquirit. Quartò: Impossibilitas creaturis vllis viribus euadendi siue ad vitam, siue ex morte æternā. Quintò: Inimicitia cum DEO contracta, nullis modis creatis reconciliabilis: contracta enim erat per offensam, iniuriam, contemptumq; DEI, à nobis incompenſabilem, & ideo cogebat DEVM ad odium nostrī implacabile, & ad derelictionem nostrī, obliuionemq; ac sepulturam in æterno furore suo, exitio nostro.

Omitto hic enarrare Supremam Dignitatem, Maieſtatemq; DEI, cuius offensio à nobis, enormissimè fuerit infinita. Omitto vilissimam indignitatem, hominum offendentiā. Omitto conditionem inexplēbilis seruitutis, subiectionis, obedientiaq; omnimodæ, ob creationem, conseruationemq; DEO debitæ. Omitto inutilitatem hominum, cui enim bono, aut vsui hominaciones vilitate ipsi viliores, DEO summo, & summè Bono, atq; Perfecto? Omitto eorundem cæcissimam malitiam, quā illi diabolus, eiusq; mendacissimas suggestiones prætulerint DEO, eiusq; iustissimæ voluntati ac præcepto. Omitto desperatissimam, ac nullis nequidem æternis luctibus, planctibusq; eluendam perditionem, perditionisq; causam; hæc, similiaq; omitto. Addo suprà dictis, Sextum: quod est Misericordia DEI, atq; dignantissima cordis eius, ad opem ferendam hominibus, in tam perditā causā inclinatio. Addo Septimum: quod est, Misericordia talis; id est, tale bonum hominibus conferens, quale bonum est Vnigenitus DEI, consubstantialis Patri, collatus in salutem hominum; addo & Octauum: quod est, Modus ineffabilis, atq; incomprehenſibilis, quo idipsum Vnigeniti
DEI

DEI beneficium, re ipsa in effectum deductum, atque hominibus impensum, & applicatum est. Hoc est: Modus quo iste ipse Vnigenitus DEI Salutem nostram, quam curandam susceperat, operatus est, quantos sumptus in eam rem profudit. Non insipiens utique Negotiator, sed ipsa Æterna Sapientia DEI, DEVS de DEO: qui propter nos homines, & propter nostram salutem, descendit de cælis, atque de sinu Patris, & incarnatus est de Spiritu Sancto, natus ex MARIA Virgine, ET HOMO FACTVS EST. Crucifixus insuper, etiam pro nobis, Passus, Mortuus, Sepultus est, & usque ad inferna descendit, Resurrexit demum ex mortuis, nostramque mortem moriendo destruxit, & vitam resurgendo reparavit, tandem ad cælos ascendens, sedit ad dexteram Patris, & nos in se atque secum confedere fecit in cælestibus.

Atque hæc est benedicta Salus nostra, quam nobis Dominus noster operatus est, proptereaque Nomen JESVS, Nomen inquam Saluatoris hæreditavit. Hæc est salus vera, cui nulla succedit perditio, nulla insidiatur mors, nulla ægritudo, vel miseria immiscetur. Hæc est salus summa, plena, & perfecta. Solius DEI-Hominis Virtute, Sapientiâ, Potentiâ, Charitate, Maiestate digna. Hæc est Salus, quæ saluat Animam à peccatis, corpus à corruptione, vitam à morte, totum Hominem à perditione, restituit innocentia, reparat ad integritatem, inserit immortalitati, consecrat beatitudini, absorbet in Æternitate, consummat in securâ DEI possessione. Hæc est salus, quæ naturam superat, gratiam complet, gloriam perficit, merita remunerat, excedit vota, abolet omnem miseriam, inundat omnem felicitatem, donat DEVM in Hereditatem, & omnia claudit æternitate.

O Salus, quàm verè salus, quàm magna, quàm inæstimabilis es, quàm in cor hominis non ascendis? O Salus, quanti constas Saluatori & Domino DEO nostro?

Excell. 12. O salus, quomodo in acquisitionem tui, profusi sunt; non argentei montes, non infinita auri talenta, non gemmarum congeries immensa, non opobalsamei Oceani, non vlla corruptibilia pretiosa, sed qui his omnibus solus, imò gutta eius vnica sola, pretiosior est Sanguis IESV Christi, quasi Agni immaculati, quasi Verbi Incarnati, quasi Vnigeniti DEI. Propter te, & pro te ô salus hominum, DEVS creator hominum, DEVS Dominus & possessor absolutus hominum, DEVS nullo modo indigus Hominum, DEVS infinitis, infinities violatur, & læsus iniurijs, rebellionibus, contemptibus hominum, DEVS indignissimorum, iniquissimorum, ingratis hominum, miseris hominum, factus est vnus de filijs hominum, factus abiectio plebis, & opprobrium hominum, factus vermis, & quasi nullus, aut nouissimus hominum, factus est aspectu, conuictu, nomine indignus hominum, vt æternæ perditioni eximeret, æternæ beatitudini salutique assereret genus hominum.

O salus hominum, tibi vt impenderet se DEVS, Verbum de cælo descendit, VERBUM CARO FACTUM EST. DEVS Homo, quasi colonus interris visus, & cum hominibus conuersatus est, nullâ humanâ felicitate conspicuus, nullâ humanâ gloriâ admirandus, nullo mundi splendore illustris vixit, infrâ mendiculos, infrâ cæli volucres, infrâ terræ vulpeculas paupertatem, nuditatemque affectatus est. Impendit Deitatem, impendit Humanitatem, impendit Animam, impendit Corpus, impendit Personam, impendit sanguinem, impendit vitam, impendit laborem, impendit fatigationem, impendit honorem, impendit virtutem, impendit dignitatem, impendit Sanctitatem, impendit Innocentiam, impendit Potentiam, impendit Charitatem, impendit merita, impendit libertatem, denique omnem quantam quantam habuit Theandricam suam substantiam, propter te ô salus hominum, pro te, pro tui acquisitione, & reparatione, & recuperatione, & auctione, & plenitudine, & æternitate, ô salus hominum.

Ad

Ad hæc autem omnia, quid tu, aut quomodo tu respondes, reponisque Saluatori tuo, ô Genus hominum? Non ad te mihi sermo, (quamquam & ad te, sed gratis ad te) totum genus hominum: & si enim etiam pro vniuerso te à Saluatore, omnium hominum IESV salus quæ sita, & acquisita, & quantum ex ipso tibi quoque vniuersim parata est, sed quia non est tibi pars in cognitione, receptione, & fide, & amore, ac lege IESV Christi, ideò etiam non est pars tibi in vnione, in meritis, in salute, & hereditate IESV Christi. Ad te mihi sermo, ô plebs fidelis, & credens in Christum: ad te congregatio fidelium, populus sciens & confitens Charitatem IESV Christi, misericordiam Saluatoris, Sapientiam Passionis eius, & Crucis, atque mortis eius, virtutem & efficaciam Incarnationis, & laborum, & meritorum, & donorum, & præceptorum, & Sacramentorum, & demùm vniuersæ profusionis Filij DEI, in saluationem tui. Ad te mihi sermo, ô Christiana congregatio vniuersa: quid retribuis DEO Saluatori tuo, in quem, credis, in quem speras, quem veneraris, quem confiteris, quem laudas, quem scilicet etiam diligis? cuius notitiam, doctrinam, gloriam, zelus, cuius exemplis & legibus erudiris, cuius corpore & sanguine pascaris, cuius meritis ab omni peccato mundaris, cuius gratiâ & misericordijs saluaris?

Agendum quid reddis Saluatori tuo? Popule Christiane, quid retribuis tuo IESV Christo pro omnibus his, quæ scis, quæ credis, quæ prædicas, tibi exhibita, & retributa esse ab ipso? Ah quantula est ex vniuerso genere hominum, pars Christianorum hominum? Ah quantula est ex vniuerso cetu Christianorum, verè Christianorum, & nomini Christiano respondentium? *Quis* Isa. 42. 19. *cæcus*, (aiebat olim DEVS per Prophetam ad populum suum,) *nisi seruus meus?* & *quis surdus, nisi ad quem nuntios meos misi?* Hodie autem Saluator noster, sic de fidei populo suo queri, ex veritate cogitur, *Quis cæcus, nisi*

Excell. 13. populus meus Christianus? aut quis surdus, nisi ad quos saluandos ipse descendit, nisi quibus totam substantiam Incarnationis meae tradidi, nisi quos de lege mea, de fide mea, de gratia mea, prae omnibus terrae nationibus erudiui? Si appenderentur peccata omnium infidelium, & peccata fidelium in staterâ, sine dubio quasi arena maris, ista, prae illis, grauiora apparerent, grauiora dico: & si non multitudine ac numero, quanquam & de hoc addubitari possit: sed enormitate, sed malitiae exaggeratione, sed ipsius fidei lumine atque veritate, rum conscientiae obluetatione, atque oblatione exacerbatâ, sed excusatione ignorantiae destituta, sed eo ipso quia fidelium, quia DEVM, & legem, & poenas, & praemia scientium.

Et miramur quod populus Domini, populus inquam Christianus, vix vnquam siue priuatim, siue publicè respiceret à plagis furoris Domini, vtinam verò magis miremur, & cum fructuosâ morum nostrorum emendatione ad DEVM conuertamur, atque humiliemur! At nos potius duramur flagellis, & correptionem Domini, reprobandes, etiam peiores reddimur, & talia patramus, qualia reperiâs nec inter gentes quidem. Superbia nostra ascendit semper, auaritia nostra, & terrenorum cupido insatiabilis, ascendit semper, ambitio ascendit semper, gula, ebrietas, comestationum luxus, ascendit semper, turpitudine & fœditas luxuriæ, ascendit semper. Iræ, odia, inimicitiae, cædes, homicidia, sanguinis humani effusio, ascendit semper. Inuidia, æmulatio, & dolor de bono proximi, exultatio de malis alienis ascendit semper. Iniustitia, pauperum oppressio, depredatio, deuoratio, iniquitas iudiciorum, ascendit semper. Proditio, fraus, perfidia, periurium, tam priuatorum, quam ipsorum populorum, atque regnorum ascendit semper. Contemptus DEI, Religionis Ecclesiæ, fidei, Sacrarum, tam rerum, quàm personarum, Diuini cultus & gloriæ. Salutis animarum, & æternitatis obliuio

ascen-

ascendit semper. Denique (nam quis enumeret omnia) Atheismus, politheismus, idololatria, id est, Statistatum dementissima impietas, ascendit semper, & hoc inter Christianos.

Christo Sal-
uatori no-
mine, excel-
lentissimus.

Et quis est in vobis, ô Christiani, qui audiat hoc, attendat, & auscultet futura? Vnde &, quis dedit in direptionem Iacob, & Israel vastantibus? Non est Dominus ipse, quia peccauimus ei? Et noluerunt in vijs eius ambulare, & non audierunt legem eius, & effudit super eum indignationem furoris sui, & forte bellum, & combussit eum in circuitu: & non cognouit, & succendit eum. & non intellexit. Ac ista prosequi, nec locus, neque animus in præsentia est.

Vos Christiani sentite, aliquando tandem secundum spem vocationis vestræ, quod votum Apostoli est: Saluatorem vestrum IESVM DEI Filium, dignis eius munere honoribus, & laudibus colite: dignis eius in vos Charitate amoribus æstimate, dignis eius Sanctitate virtutum imaginibus referre. Diligite salutem, salutem æternam, salutem omni salute, omni felicitate, omni beatitudine, omnibus bonis DEI, ipso demum, DEO, eiusque possessione perpetuâ plenam, diuitem, redundantem. Diligite salutem, quam à vobis amisissam, & desperatè perditam, & nullâ creatâ industriâ recuperabilem, solus IESVS Christus potuit, solus voluit, solus quæsiuit, solus inuenit, solus restituit, solus dedit. Et quid dignius amabit Christianus, quàm, aut Saluatorem Christum IESVM: aut Salutem, in cuius pretium impendit se totum Saluator noster Christus IESVS? Finem faciat Apostolus, & dicat Christianis, eosque obstringat: Si quis non amat Dominum nostrum IESVM Christi, sit anathema, Maran Atha: veniat Dominus Iudex, ut eum qui Christum IESVM non amat, anathematet, feriat, damnet, & puniat.

Isa. 42. 23.

1. Cor. 16. 22.

EXCELLENTIA XIV.

Solus Christus est, Redemptor Generis Humani.

DECIMA QVARTA Domini Nostri IESV Christi Excellentia, super omnes Creaturas est, quia solus est, & solus esse potuit generis humani Redemptor. De hac Domini nostri Excellentia, actum videri potest satis supra, tum in Excellentia 4. tum etiam in proxima Excellentia 13. Salvatorem enim ac Redemptorem esse, in Christo præferim, coincidere videntur: nihilominus hoc loco de Excellentia Redemptionis seu Redemptoris, est aliquid, quod præter in superioribus dicta, afferatur: & hæc in Domino IESV Christo Excellentia Redemptoris, peculiaris esse adstruatur. Dominus ergo Noster IESVS Christus, Redemptor noster est per singularem in hoc officij munere, illiusque executionis excellentiam. Ita & hoc sit proprium eius: & nemini cum eo commune, & quidem non solum quâ DEVS est, sed etiam quâ Homo est.

Hanc Redemptoris prærogativam, & Redemptionis beneficentiam, in Domino nostro IESV Christo, frequenter nobis Divina Scriptura inculcat, eiusque magnitudinem commendat. Davidi Prophetæ hæc res frequens in ore, & laude. *Redemptionem misit populo suo, Dominus, & Benedic anima mea Domino, qui propitiatur omnibus iniquitatibus tuis: qui sanat omnes infirmitates tuas, qui redimit de interitu vitam tuam, qui coronat te in misericordia & miserationibus.* Et, *Copiosa apud DEVM redemptio, & ipse redimet Israel, ex omnibus iniquitatibus eius.* Isaia ore loquitur Dominus, *Dies ultionis, (hostium) in corde meo: annus Redemptionis, (civium, ovium, hominum) mea venit.* Et, *Scies quia ego Dominus saluans te, & Redemptor tuus fortis Iacob.* Non audietur ultra iniquitas

tas in terrâ tuâ, & occupabit salus muros tuos. Beatus quo-
 que Iob, Scio (inquit) quod Redemptor meus viuit, & in Iob. 19, 28.
 nouissimo die de terrâ surrecturus sum. - Iam verò Domi-
 nus ipse Noster de seipso id ipsum attestatus est. Filius *Matt. 29, 28.*
 hominis (ait) non venit ministrari, sed ministrare, & dare
 Animam suam redemptionem pro multis. Id ipsum laudans
 concinit Zacharias, Pater IOANNIS Baptistæ, dicens. Be- *Luc. 1, 18.*
 nedictus Dominus DEVS Israel, quia visitauit, & fecit re-
 demptionem plebis suæ. Porro PAVLVS Apostolus est, in
 eâ re frequens, Nunc enim hortatur nos, vt Expectantes *Tit. 2, 13.*
 beatam spem, & aduentum gloriæ magni DEI, & Saluatoris
 nostri IESV Christi, qui dedit semetipsum pro nobis, vt nos
 redimeret ab omni iniquitate, abnegemus omnem impietatem,
 & secularia desideria. Nunc autem iubet, vt benedicamus *Eph. 1, 6.*
 DEVM, qui gratificauit nos in Filio suo. In quo habemus
 redemptionem per sanguinem eius, remissionem peccatorum,
 secundum diuitias gratiæ eius. Quod ipsum iisdem ferè
 verbis ad Colossenses scribens, repetit: Sed & PETRVS
 Apostolus grauissimè hortatus, cum esset fideles, vt in *1. Pet. 1, 17.*
 timore, incolatus sui tempore conuersentur, addit: Scientes
 quod non corruptilibus, auro, vel argento redempti sint, de
 vanâ suâ conuersatione paterna beatitudinis, sed pretioso san-
 guine, quasi Agni immaculati Christi, & incontaminati. De-
 niq̃ue Sanctorum in calo canticum nouum, referente,
 IOANNE, istud est: Dignus es Domine accipere Librum, *Apoc. 5, 9.*
 & aperire signacula eius: quoniam occisus es: & redemisti
 nos DEO in sanguine tuo, ex omni tribu & linguâ. Sic er-
 go. passim Sacra Scriptura nobis Dominum IESVM, &
 Redemptorem, & Redemptionis beneficij collatorem
 commendat, ostenditq̃ue proprium, & munus, & opus,
 & beneficium, & Nomen Redemptoris, ac Redemptio-
 nis esse Christi; perinde ac proprium eius est incarna-
 ri, hominem esse, pati, in Cruce mori. Quamuis enim
 Pater, seu tota Sanctissima Trinitas, sicut Incarnationem
 Verbi ordinauit, & operata est, ita etiam in DEVM-
 Hominem, seu Christum, deposuit humanam & vitam,
 & san-

Excell. 14. & sanguinem, atque adeò totum pretium, quo nos posset redimere: quin etiam, eadem Sanctissima Trinitas inspiravit voluntatem, vel, vt ipse Christus Dominus loquitur, mandatum dedit, moriendi pro nobis, in eodemque opere illi cooperata est, ita vt propterea opus nostræ Redemptionis attribui possit, debeatque toti Sanctissimæ Trinitati, tanquam causæ primæ, & remotæ; nihilominus, solus Christus immediatè soluit pretium, solus vitam suam, & sanguinem obtulit pro nobis, & ipsimet proprium est dare ac dedisse: *Animam suam redemptionem pro multis.* Atque ideò proprium est Domini nostri IESU Christi esse Redemptorem, & fecisse Redemptionem hominum, quoniam ipse *factus est nobis Sapientia à DEO, & Iustitia, & Sanctificatio, & Redemptio,* & quoniam ad ipsum solum pertinet, tam actus persolutionis, quàm pretium ipsum persolutum in redemptionem nostram, pertinet verò in quantum est Homo, sicut ad hominem pertinet, sanguinem, & vitam, habere, eandemque profundere, & mori.

Hæc quæ iam dicta sunt, ostendunt nobis Dominum nostrum IESUM Christum Redemptorem esse, & nostrum esse, & solum esse; ostendunt etiam pretium, ab hoc Redemptore pro nobis persolutum, quia scilicet non aurum, aut argentum, aut aliquid huiusmodi, quod mundi iudicio pretiosum esset, dedit, sed id quod omnium maximum, pretiosissimum, ac æstimationis valorisque infiniti est, sanguinem scilicet suum, vitamque suam, ac Animam, ac denique seipsum totum pro nobis impendit. Operæ pretium est adhuc exponere, quod sit malum quod periculum, quæ perditio ex quâ ab isto nostro Redemptore, redempti sumus. Non enim leue aliquod fuit, pro quo exsoluendo, tam inæstimabili pretio opus fuit, & à quo persoluendo negotiator, neque insipiens, quia Sapientia ipsa, neque egenus, quia Diuinitas Incarnata, minimè tamen abhorruit, sed potius liberalissimè illud profudit.

Aduer-

Aduertendum ergo est, quod Redimi propriè com-
petat ijs, qui sunt serui, captiui, venundati, in alienam-
que potestatem redacti: quorum ea sit conditio, vt se-
cundum alienam voluntatem, & agant, & patiantur, si-
ue quod volunt, siue quod nolunt, neque possint vti se-
metipsis prout volunt, quod liberorum est.

Christus Re-
demptor offi-
cio, excellen-
tissimus.

Aduerti etiam potest discrimen inter redimere,
atque emere. Redimere enim dicimur, id quod antea
possederamus, sed casu aliquo amiseramus, ac iterum,
dato pretio recuperamus. Emere autem dicimur, id
quod nunquam nostrum fuit, sed eius dato pretio do-
minium acquirimus. Sed de hoc inferiùs aliquid vi-
debimus, nunc ad priorem redimendi rationem atten-
dimus.

Homo per peccatum duplicem contraxerat serui-
tutem, siue captiuitatem. Primam peccati, quod
commisit, dixit enim Dominus IESVS, *Amen, amen, dico* *Ioan. 8. 34.*
vobis: quia omnis qui facit peccatum, seruus est peccati: &
Apostolus Domini PAVLVS ait: *Nescitis, quoniam qui ex-* *Rom. 6. 16.*
hibetis vos seruos ad obediendum, serui estis eius cui obeditis,
siue peccati ad mortem, siue obeditionis ad iustitiam. Obedi-
uit autem homo peccato, imò victus est ab eo, & à
peccati Patre diabolo, propterea iuxta S. PETRI edi-
ctum: *à quo quis superatus est, huius & seruus est;* atque *2. Pet. 2. 19.*
ita homo propter peccatum commissum, factus est ser-
uus tum peccati, quo victus est, tum diaboli, à quo in-
peccatum inductus est, peccatum enim erat veluti la-
queus, aut gladius diaboli, quo homo & captus, & vul-
neratus lethaliter, in seruitutemque addictus est. Se-
cundam seruitutem contraxerat homo per peccatum:
Pænæ nimirum, quam propter commissum peccatum,
debebat homo DEO, & ipsius Iustitiæ. Et hoc enim
debitum supplicij atque pænæ, seruitus est, & grauis qui-
dem: quia per eam homo debet, cogiturque pati, pœ-
nam: non iuxta suum, sed potiùs contra suum, iuxta
verò alienum arbitrium. Hæc verò pæna, siue serui-

Rom. 5. 23. tus pænæ, est pænæ mortis. *Stipendia enim peccati mors,*
 & mors non tantum temporalis, & corporalis, quam
 etiam homo per peccatum incurrit cum omnibus mor-
 Excell. 14. talitatis ærumnis, ac miserijs: sed etiam mors animæ,
 etiam mors damnationis æternæ, quæ dicitur mors se-
 cunda, & in æternum dominans.

Præter hæc autem insuper venundatione, homo
 seruus fuit factus: Vendiderat enim se homo, tum pec-
 cato, & eius concupiscentiæ, tum diabolo, & eius vo-
 luntati, atque potestati, tum morti eiusque irrefraga-
 bili necessitati. Hanc venundationem, seu venditio-
 nem sæpè exprobrat peccatori Sacra Scriptura: *Venun-*
 3. Reg. 21. *datus est, ut faciat malum in conspectu Domini.* Hanc ean-
 25. dem peccatorum venditionem suæ Iustitiæ, atque vin-
 dictæ in eos attribuit DEVS, vt cum ait. *Quis est credi-*
 Isa. 50. 7. *tor meus, cui vendidi vos? ecce in iniquitatibus vestris venditi*
estis; Hac venditione, siue quâ homo se ipsum vendit,
 siue quâ venditur à DEO in seruum: alienatur homo à
 DEO, & ab eius veluti possessione, & transit in alienam
 potestatem, seruitutemque peccati, diaboli, mortis seu
 pænæ. Non ita quidem, quasi homo, peccator quan-
 tus quantus, exuat Dominium, & potestatem DEI, cum
 impossibile sit eum non esse, iuris & Dominijs absoluti
 Diuini, quamdiù creatura est; sed quia peccator, ob
 peccatum desinit esse vnitus DEO, & amicus, amatorque
 DEI, & amatus à DEO per charitatem: recessit enim à
 DEO, & ab eius obedientiâ, atque seruitute, abiit autem
 voluntate suâ prauâ, & DEO iniuriosâ, atque rebeli, ad
 seruitutem, simulque potestatem diaboli, & peccati, &
 mortis, DEO id iustè permittente in hominem, vt qui
 noluit seruire legitimo, & naturali, & optimo Domino,
 scilicet DEO: seruiat crudeli, iniusto, & impio, tyranno:
 nempè diabolo. In quâ ipsâ suâ pænâ homo peccator,
 subiectus, & obligatus est, plenè, & principaliter, & do-
 minatiuè, DEO, tanquam summo & absoluto Iudici,
 diabolo autem, tanquam tortori & exactori, iuxta illud:

Iratus

Fratus Dominus eius, (serui nequam, & debitoris) tradidit eum tortoribus, quoadusq; redderet uniuersum debitum, item- que iuxta illud. Da operam liberari ab illo (aduersario tuo) ne fortè trahat te ad ludicem, & iudex tradat te exactori, & exactor mittat te in carcerem.

Matt. 18. 34.

Luc. 12. 58.

Christus Redemptori officio, excellentissimus.

Ab hac totâ conditione seruitutis suæ, plusquam cogitari potest miserandæ, atque execrandæ: impossibile fuit hominem ullis suis, aut ullius, etiam simul omnis, creaturæ viribus, meritis, pretijs, satisfactionibusque redimi, prout superiùs non semel affirmatum est: Sed solus, & vnus inuentus est Dominus noster IESVS Christus, qui & potuit, & voluit, & Patri per eum complacuit redimere nos. Redemit ergo. Oh, quis? quis? quanto? vnde? Quis! DEVS-Homo, ad cuius magnitudinem addi nihil potest, quos? Homines nos vilitate viliores, nequitia nequiores, ingratitude ingratiore, inutilitate inutiliores, quanto? potuit quidem redimere minimo, quia opus eius minimum, pretiosius fuit omni nostro debito, sed qui potuit redimere nos minimo, elegit redimere maximo, & qui potuit guttâ, maluit toto Oceano, redemit sanguine, redemit vitâ, seu morte, redemit honore, redemit charitate, redemit totâ suâ & Deitate & Humanitate. Vnde redemit, siue à quo malo, à quâ miseriâ, à quâ perditione? Redemit à seruitute diaboli, peccati, mortis. Ah! quàm crudeles, quàm iniqui, quàm indigni tyranni isti, quàm abiecta, quàm dura, quàm præpostera, quàm ineluctabilis seruitus ista? Nihil peccato vilius, nihil nocentiùs, nihil fædiùs, nihil iniquiùs, nihil detestabiliùs: Non ei sufficit ipsa æternitas suppliciorum, sed solus filij DEI sanguis illi expiando, abolendo, corrigendo, suffecit. Quid diabolo indigniùs, execrabiliùs, maliciosiùs, immaniùs? eius rabiem solius DEI-Hominis mansuetudo, solius eiusdem Patientia, solius eiusdem humilitas, solius eiusdem obedientia, euincere, & destruere potuit.

Jam verò Morte, præsertim æternâ, quid acerbius,

Excell. 14. quid tristius, quid amarius, quid inenitabilius, inuincibilisquæ? Istam, sola Diuina vita morte suâ vincere, & partim in somnum, partim in vitam immortalem commutare prauauit. Istis tamen dominis, potius sauis-
simis ac iniquissimis tyrannis, Homo uesanus, & excors sese subdere, & in seruum æternum venundare non dubitauit; oblitus Creatoris, Domini, Patris, Regis, Benefactoris, & Summi, Omnisquæ Boni sui.

Sed D E V S recordatus est misericordiæ suæ, & miserationum suarum, quæ à sæculo sunt: Filium suum in
Rom. 8. 3. mundum mittens redemptionem populo suo, in similitudinem
carnis peccati, & de peccato damnans, ac destruens peccatum,
necnon adducens iustitiam sempiternam. Per hunc eundem
Rom. 9. 24. Filium suum, fortem illum armatum diabolum, qui in pace
Luc. 11. 21. totum mundum genusque humanum, possidebat: sortio-
Col. 2. 15. re Domino nostro IESV Christo superueniente, vicit, &
vniuersa arma eius in quibus confidebat, abstulit, & spolia eius
Psalm. 67. 19. distribuit. Qui etiam exspoliatus principatus, & potestates
tenebrarum harum, traduxit confidenter, palam triumphans
Ephes. 4. 8. illos in semetipso: demumque ascendens in altum, captiuam
duxit captiuitatem, & dedit dona hominibus. Ad extre-
mum nouissimam, inimicam debellauit, & destruxit mori-
endo mortem nostram: resurgendo autem reparauit
vitam nostram, cumulatissimè adimplens illud, quod
per suum prophetam, morti comminatus fuerat, nobis-
Osee. 13. 14. que populo suo promiserat dicens. De manu mortis li-
berabo eos, de morte redimam eos. Ero mors tua, ô mors.
Tit. 2. 12. morsus tuus ero Inferne, propter quod indubitanter expe-
1 Cor. 15. 57. ctamus beatam illam spem: quia cum mortale hoc induerit
Osee. 13. 14. immortalitatem, tunc fiet sermo, qui scriptus est: Absorpta
est mors in victoriâ, ubi est mors victoria tua? ubi est mors
stimulus tuus?

Sic Dominus IESVS Christus, & à morte, & à dia-
1. Ioan. 3. 8. bolo, & à peccato redemit nos, dissoluit opera diaboli, &
Isa. 39. 25. abstulit à forti captiuitatem, & quod eripuit à robusto salua-
uit. Sciat ergo omnis Caro, quia ipse est Dominus sal-
uans

Christus Redemptoris officio, excellentissimus.

uans nos, & Redemptor noster fortis, & nos sumus fructus Magnifici cordis eius, & præda victoriæ illius, & merces redemptionis eius. Ille saluauit nos abundanter, & copiosa apud eum redemptio. Quomodo si quis debitum habens paucorum nummorum, in carcerem, propterea conijciatur: veniat autem quispiam alius, qui non solum paucos illos nummos exsoluat, sed etiam, insuper innumera auri talenta impendat, & elargiatur, incarcerationumque ipsum in regalem aulam inducat, & Regem esse, omnibusque bonis abundare faciat; Ita Dominus noster IESVS fecit nobiscum, abstulit captiuitatem nostram, persoluit debita nostra, redemit nos de seruitute plusquam durâ: induxit nos in libertatem filiorum DEI, & coheredes nos fecit Hereditatis suæ, & fecit nos DEO regnum, & regnabimus cum eo, & regni nostri cum ipso, non erit finis in æternum.

Superest, ut iam non simus nostri, sed eius qui pro nobis mortuus est, ut iam nemo nostrum sibi viuat, sed ei, qui propter nos tradidit in mortem Animam suam, ut iam non desiderijs nostris, quod reliquum est, in carne viuamus, temporis, sed voluntati eius, qui in pretium nostrum tradidit semetipsum: & eripuit nos, tum à seruitute præteritâ, tum ab Irâ venturâ, & induit non tantum vestimento salutis, sed etiam sanctitatis ac Iustitiæ, in præsentis: in futuro autem beatitudinis, & vitæ, gloriæque suæ æternæ.

Sciamus nos liberatos, quidem esse à peccato; sed mutatâ vice seruos esse factos Iustitiæ: propterea nunc liberati à peccato, serui autem facti DEO, afferamus, & habeamus fructum nostrum in sanctificationem, habituri finem vitam æternam. Illud semper memoriâ retinentes, & gratias agentes, quia Dominus noster IESVS Christus, nos, qui ante peccatum fueramus in DEI potestate, & amicitia: per peccatum verò facti eramus eiusdem DEI inimici, & per iustam vindictam DEI, Dominique nostri, traditi eramus peccati, & diaboli, & mortis potesta-

Excell. 14
Christus Re-
deptoris offi-
cio, excellē-
tissimus.

ti. Nos inquam tales Dominus noster IESVS. satisfaciendo plenè pro nobis, tam quoad culpam, quàm quoad poenam, & redimit sibi tanquam DEO, & emit sibi tanquam HOMINI, recuperans nos, quos ante habuit iure diuino, & acquirens, quos nunquam habuit iure humano. Acquisiuit enim per illam vnā eandemque satisfactionem pro nobis oblatam, singulare atque speciale, sibi que HOMINI proprium quoddam ius, & dominium, atque Hereditatem, in Nos: vt simus serui eius propter emptionem, sicut eramus, & sumus serui eiusdem, propter Creationis & Naturæ conditionem.

EXCELLENTIA XV.

Solus Christus per Spiritum Sanctum Incarnatus, Conceptus, Natus est ex Virgine.

DECIMA QVINTA supra Creaturas omnes Excellentia Domini nostri IESV Christi est: quia de Spiritu Sancto Incarnatus, conceptusque, in & à Virgine, & de eadem Natus est etiam Virgine, ita vt Nascendo non temerauerit, aut minuerit, sed potius sacrauerit, auxeritque Virginitatem, ac puritatem Matris suæ, sic tamen vt & ipse verè Natus ac filius, & MARIA verè & vera Genitrix, atque puerpera extiterit.

Hoc priuilegium de Spiritu Sancto Conceptionem habendi, solus & vnus est Christi, maximè ex hoc capite, quia illā Conceptione, non est purus homo conceptus, sed Homo-DEVS, quia in ipso primo Conceptionis instanti, Hypostaticè vnitam sortiens Humanitatem suam cum Verbo, semper ab illo primo instanti existit Homo-DEVS, & nunquam purus homo, semper ita in Sanctitate, atque etiam Scientiâ & Sapientiâ perfectus, sicut nunc est, semper filius DEI, gratusque DEO absolute; Gratiâ non creatâ, sed Increatâ, nimirum Hypostasi Verbi Diuini, & ex vi Vnionis Hypostaticæ: quæ
Chri-

Christo in nullo eius existentiae momento defuit. Quoniam non prius Humanitas Christi existit, quam vnita esset, sed simul ac semel, & integrè tota simul concepta est, & vnita Verbo Hypostatice Spiritu sancto id operante infinita sua virtute, Virgine autem Matre à Spiritu Sancto superuentâ, & Altissimi virtute, obumbrata, atque confortatâ, cooperante. Ex quâ ideò **DEVS** natus est, & esse dicitur, quia, & conceptus in vtero, ex sanguinibus purissimis illius, & in ipsâ conceptione Humanitatis, **DEVS** illi personaliter vnitus est. Ita vt simul Caro, simul **DEI** Caro, simul Caro animata rationalis, simul **DEI** Caro animata rationalis exstiterit, absque vllâ etiam instantaneâ morâ, præcedente inter Conceptionem & Vnionem, adeò vt nec Naturâ prius sit Homo, vel hic Homo, quàm Filius **DEI**.

Atque de Excellentia Conceptionis Christi ex Virgine, & de Spiritu sancto, hoc dixisse sufficiat, de Natiuitatis eiusdem singularitate, hoc quoque perstrinxerim, quod Ecclesia Catholica summopere admirans atque dilaudans, **DEVM** non cessat in Beatâ **MARIÂ** semper Virgine collaudare, benedicere, & prædicare, quia videlicet, & Vnigenitum **DEI** Spiritûs Sancti obumbratione concepit, & Virginitatis gloriâ permanente, Lumen æternum mundo effudit, **IESVM** Christum Dominum nostrum. Hanc intemeratam, atque intemerantem, Domini nostri, de Virgine Natiuitatem, omnes Sancti Patres Ecclesiæ, quàm vno quasi ore, sensuque indubitanter adstruunt, tam illius singularitatem satis admirari non sufficiunt. **CYRILLVS** Alexandrinus, præstantissimus Maternitatis simulque Virginitatis assertor, fateri non dubitat, totumque illi Concilium Ephesinum adstipulatur, verba eius sua faciens ac repetens. O rem admirabilem, miraculum hoc me stupidum reddit. **AMBROSIVS** autem, præfert hoc miraculum, nati, saluâ Virginitate Maternâ, Christi, præfert inquam miraculo Resurgentis, & de sepulchro absque re signatione sigillorum

Excell. 15. gillorum eius prodeuntis. **AVGVSTINVS** non defugit fateri, se hoc miraculum capere non posse, non ideò tamen illud factum, non credere, si haberet (ait) exemplum, non esset singulare, fateamur ergo **DEVM** aliquid posse, quod nos fateamur inuestigare non posse. Quæ **AVGVSTINI** verba, Concilium Toletanum, de hoc eodem miraculo agens, sua fecit. Ad idem propositum faciunt, illa eiusdem **AVGVSTINI** grauissima verba. Hoc fides credat, intelligentia non requirat: neque aut inuentum putet incredibile, aut non repertum, non credat singulare.

Congruentiam huius singularis in Natiuitate Christi, & in partu Virginis miraculi, egregiam affert **LEO** Papa, cum sic loquitur. Meritò Virgineæ integritati, nihil corruptionis intulit Partus Salutis; quia custodia fuit pudoris, editio veritatis. Et alio loco, ait: Nouâ Natiuitate genitus est, Conceptus à Virgine, Natus ex Virgine, sine paternæ carnis concupiscentiâ, sine maternæ integritatis iniuriâ, quia futurum hominem Saluatorem, talis ortus decebat, qui & in se haberet humanæ substantiæ naturam, & humanæ carnis inquinamenta nesciret. Humano vsu quod credimus, caret; sed Diuinâ potestate subnixum est, quòd Virgo conceperit, quòd Virgo pepererit, & Virgo permanserit. Non hic cogitetur parientis conditio, sed nascentis arbitrium, qui sic homo natus est, vt volebat, & poterat. Propter huius totius Excellentiæ Domini nostri **IESV** Christi vberioram declarationem, libet ac perutile est, saltem enumeratione solâ indicare miracula quædam, quæ in Conceptione, ac Natiuitate Christi, infinitâ **DEI** virtute perfectæ esse, & Natura ineffabilis, adeò Mysterij exegit, & Theologi obseruant, & ab omnium credentium mentibus in isto totius Miserationis Diuinæ oceano considerari, quàm penitissimè dignum est.

Primum Miraculum est: Quod Natura completa, quæ in instanti formationis suæ, per seipsam alioqui subiti-

substitisset, propriamque Hypostasim, seu Personam, constituisset, fuerit præuenta, accepto modo inexistenti, quo suprà omnem creaturam eleuata, existeret in Verbo, eiusque Personam Diuinam sortiretur.

Secundum Miraculum: Quod Verbum Diuinum, ita Naturam illam exceperit, eam sustentans, eiusque inexistentiam terminans, vt tamen nullam subierit in se mutationem, nullam intrinsecùs nouam contraxerit ad illam habitudinem, nullum ordinem, nullam inclinationem. Sufficiebat enim infinita illa vis hypostatica, vt se ad illam naturam extrinsecùs attractam, & veluti insertam, absque vllâ sui mutatione, velut terminus & basis hypostatica extenderet.

Tertium: Quod Verbum Diuinum, absque vllâ nouâ habitudine ad Naturam humanam, factus sit Homo verus, sitque inter Naturam Diuinam & Humanam, ratione vnionis in Verbo mutua complexio. Esse enim Hominem generaliter loquendo, est habere in se Humanitatem, siue per identitatem: quomodo nos omnes sumus homines, siue per Vnionem Hypostaseos extrinsecâ: quomodo solus Christus est Homo, in quo Verbum, propterea est Homo, quia habet Humanitatem sibi substantialiter vnitam, estque eius Hypostasis. Itaque eadem est Humanitas specie in Verbo, quæ & in nobis, & Verbum æquè perfectus est Homo, ac sumus nos; sed tamen cum hoc discrimine, quia nos habemus Humanitatem per identitatem, Verbum autem per vnionem, nos naturaliter, illud supernaturaliter.

Quartum: Quod Corpus Christi, in instanti totum perfectè sit formatum.

Quintum miraculum: Quod omnipotens Spiritus Sancti virtus, vicem virtutis seminalis in conceptione suppleuerit.

Sextum miraculum: Quod Anima illa Christi beatissima, in primo instanti creationis & infusionis sui, lumine gloriæ, & omnibus celestibus bonis eminentis-

M

simè,

*Christi: Cō-
ceptione de
Spiritu S. &
Natiuitate
ex V. M. A-
IRE, ex cel-
lentissimus.*

Excell. 15.
Christi Cō-
ceptione de
Spiritu S. &
Natiuitate
ex V. MA-
TRE, excel-
lentissimū.

simē, & in summo fuerit repleta, adeò vt per sequen-
tia temporum spatia, nulla illi potuerit fieri accessio.

Septimum: Quòd à Virgine concepius.

Octauum: Quòd ex Virgine, saluā eius per omnia
integritate, & non tantum in nullo temerata, sed auctā
potius, atque sacratione redditā Virginitate, natus, atque
vt lumen per vitrum penetratus, atque effulus est. Un-
de Virgo & Mater eius:

*Vt vitrum non leditur sole penetrante,
Sic intacta permanet post partum, vt ante.*

Nonum: Quòd tamen Animæ gloria in Corpus
non redundarit, sicut gloria Diuinitatis in Animam:
sed remansit Corpus passibile, & subiectum necessitati-
bus huius mortalitatis.

Decimum: Quòd gaudium beatificum, ex intuiti-
uā Deitatis visione manans, mæsticiam perennē animæ
illius, vsque ad instans mortis in Cruce, dolorumque
acerbitates non exclusit.

Hæc sunt decem miracula, quæ in hac admiranda
DEI-Hominis Dominiq̃ nostri IESV Christi Conce-
ptione, Natiuitate, Vnione, ac vicā reperta sūt: quorū sin-
gula quotidianā, ac deuotā, gratiarūque ac laudationū
plenissimam considerationem, meritō ab vniuerso ge-
nere humano requirunt. Requirunt autem potissi-
mum condignam, tantis DEI nostri miserationibus, at-
que dignationibus, propter nos susceptis viuendi, con-
uersandi que, coram, & cum eodem DEO nostro ratio-
nem.

Agnosce ô Christiane dignitatem tuam, & Diuinæ
consors factus Naturæ, noli in veterem vilitatem dege-
neri conuersatione redire. Memento, cuius capitis,
& cuius corporis sis membrum. Reminiscere, quia
erutus de potestate tenebrarum, translatus es in DEI
lumen & regnum. Per Baptismatis Sacramentum,
factus es Spiritūs Sancti templum. Noli talem habi-
torem prauis de te actibus effugare: & diaboli te
iterum.

iterum subijcere seruituti. Quia pretium tuum Sanguis est Christi, qui te in veritate & Iustitiâ iudicabit, sicut te in Misericordiâ & pietate redemit.

EXCELLENTIA XVI.

Solus Christus vixit, vivitq³ vitam super omnes viventes creaturas, Nobiliorem, Dignioremq³.

DECIMASEXTA Domini Nostri IESU Christi, super omnes Creaturas Excellentia est: quia solus & vnus ille vixit in hoc mundo, & vivit viuetq^{ue} in calo vitam præ omnibus Creaturis, dignissimam, Nobilissimam, ac omni decorè Maiestateq^{ue} plenissimam, ac speciosissimam.

Non ago hic de Sanctitate vitæ Christi, eiusq^{ue} morali perfectione, hanc enim sequenti tractationi referuo, sed ago de Dignitate ac Nobilitate, quasi Physicâ.

Igitur Dominus Noster vitam vixit in terrâ, & vivit in calo, nobilissimam splendorisq^{ue} omnis plenissimam, à nullis Creaturis vnquam exæquandam. Libet hanc vitæ nobilitatem Domini nostri, esto immensam, metiri tamen mensurâ illâ, ab Apostolo PAVLO Eph. 3. 18. oblatâ & exoptatâ, de quâ ille sic loquitur. *Huius rei gratia, flecto genua mea ad Patrem Domini nostri IESU Christi, ex quo omnis paternitas in calis, & in terrâ nominatur; ut possitis comprehendere cum omnibus Sanctis, quæ sit latitudo, & longitudo, & sublimitas, & profundum, ordiamur ab altitudine Christi.*

Ergo Altitudo Christi est, in eo, vnde est, ac vnde venit in terras, quâ in re demus locum, primum eius ipsius testimonio, quo laudare illi collibuit, Animâ suâ, & in Deo honorari, atq^{ue} in cōspectu virtutis Altissimi gloriari. Ego (inquit) ex ore Altissimi prodii, primogenita Ecc. 24. 7.

- Excell. 16. *ante omnem Creaturam. Ego in altissimis habitavi, & thronus meus in columna nubis. Ab initio, & ante secula creata sum, & usq; ad futurum seculum non desinam.* Ad eandem Domini nostri Altitudinem pertinet, illud quod IOANNES Apostolus insonuit, dicens. *In principio erat VERBUM, & VERBUM erat apud DEUM, & DEVS erat VERBUM.* Hanc eandem Domini IESV altitudinem, Gabriel Virgini concepturæ annuntiavit, cum dixit: *Ecce concipies in utero, & paries Filium, & vocabis nomen eius IESVM, hic erit Magnus, & Filius Altissimi vocabitur, & quod nascetur ex te Sanctum, vocabitur Filius DEI.* Hac Domini nostri Altitudine cogitari, altius nihil potest, neque ad illam addi quidquam. Ex eâ enim promanavit omnis Dignitas, atque Eminentia, quæcunq; ad Christi sublimitatem accellit, hæc omnem Christi Domini altitudinem, non exaltauit solum, sed omnem exaltationem super excedere fecit. Factus siquidem homo Filius DEI, & id quod erat, permansit, & id quod non erat, ita assumpsit, ut DEVS Homo, Verbum Caro fieret. Et licet Humana Christi Natura traxisset originem, quam summam ex mortalibus celsitudinibus trahere potuit, nimirum ex Patriarcharum, ex Regum, ex Summorum Pontificum sanguine: illa tamen ipsa Domini humanitatis cellissima origo, per ineffabilem illam Unionem suam cum VERBO in imensum, in infinitumque celsior, dignior, altiorque reddita est, ut potè facta Diuinæ celsitudinis substantialiter, & Hypostaticè particeps, ita, ut ex Personâ Verbi, & ex Humanitate conflatus, coalitusque sit DEVS-Homo. Verbum Caro, Filius DEI, Filiusque Hominis. quâ DEVS, consubstantialis & vnicus DEO Patri. quâ Homo, consubstantialis & vnicus homini Matri. Atque hoc ex fonte naturalis & absolutus, & summus, factus etiam est rerum omnium Creaturarum Dominus, Rector, Possessor, Heres, factus est Rex Regum, & Dominus Dominantium, factus est DEVS, super omnes DEOS, factus est

est Caput omnium, factus est (vt vno verbo complectar omnia) omni altitudine altior, omni magnitudine maior, omni dignitate dignior. Ex hoc etiam fonte, omnis eius siue interior mentis, siue exterior corporis actio, atque commotio, facta est suprà omnem dignitatem, eleuationemque celsior, præstantior, dignior, pretiosior, quam omne creatum, creaturarumque quarumlibet, ac etiam omnium simul, pretium. Hoc etiam è fonte, Dominus iste noster; etiam cum in stabulo natus est, cum pannis inuolutus, cum in præsepi reclinatus, cum non haberet vbi caput reclinaret suum, cum in patibulo Crucis latronum medius penderet, cum vernis & non homo, cum opprobrium hominum, & abiectio plebis esset: in his omnibus celsior fuit, & hæc omnia celsiora, sublimiora, pretiosiora, inæstimabiliora, ipsumque, & omnes etiam nos, pro quibus talis factus est, taliaque siue gessit, siue pertulit, in immensum amplius altiùsque dignificantia, & attollentia fuerunt; quàm vllæ etiam omnes vniuersim extollentia, celsitudines, eminentia, summitatesque creatæ, creaturam aliquam extollere idoneæ sunt. Inde PAVLVS Apostolus inhaſciter, dicit: *Quod stultum est DEI, id est, Christi, sapientius est omnibus hominibus: & quod infirmum est DEI fortius est omnibus hominibus*, & ego sequens PAVLVM dico, quod humilior est DEI, altiùs est omnibus hominibus, quod vilior est DEI, pretiosius est omnibus hominibus. Inde etiam idem PAVLVS glorioſè dicit. *Ab' t mibi (absit & omnibus) gloriari, nisi in Cruce Domini Noſtri IESV Christi*, inde etiam dicit idem. *Nos autem* *tem predicamus IESVM Crucifixum, Iudæis scandalum, Gentibus stultitiam, ipsis autem vocatis (ad fidem Christi) Iudæis atq; Græcis, Christum DEI virtutem, & DEI sapientiam: quoniam per stultitiam predicationis, per scandalum Crucis, placuit DEO saluos facere credentes, & Christum, DEVM à ligno regnare. Quæ enim stulta sunt mundi, elegit DEVS, vt confundat sapientes, & infirma mundi ele-*

*Christus vita omnium
viuentium
vires nobilissimæ,
excellētissimus.*

1. Cor. 1. 25.

1. Cor. 1. 23.

1b. 1. 21.

Gal. 5. 11.

1. Cor. 1. 27.

Excell. 16.

git DEVS, ut confundit fortia, & ignobilia, & contemptibilia mundi elegit DEVS, & ea que non sunt, ut ea que sunt destrueret, ut non gloriatur omnis caro in conspectu eius. Iam altus est ergo Christus, ut ad infima eius, omnis altitudo Mundi pertingere non possit. Sed de altitudine vitæ Domini nostri, hæc sint satis.

Dán. 2. 34

Latitudo vitæ illius, in eo est, ad quos venit, siue descendit. Hanc Domini eiusque vitæ latitudinem, admirabiliter enarrauit Daniel Propheta, vnà cum pluribus insignibus operibus eius, in descriptione lapidis, qui statuam Nabuchodonosori in somnis manifestatam, caput ex auro optimo, pectus autem & brachia de argento, ventrem & femora ex ære, tibias ferreas habentem, contriuit: de quo lapide sic ait. *Abscissus est lapis de monte sine manibus, qui percussit statuam, in pedibus eius ferreis & fictilibus, & comminuit eos. Tunc contrita sunt pariter ferrum, testæ, æs, argentum, & aurum, & redacta, quasi in fauillam aëliuæ aræ, que rapta sunt vento, nullusque locus inuentus est eis: lapis autem qui percusserat statuam, factus est Magnus, & impleuit vniuersam terram. Iste lapis est Dominus noster IESVS Christus, de Virgine, operâ Spiritus Sancti conceptus, natus, & veluti abscissus; qui Regno suo nouo, quod est Ecclesia, & cæli Regnum, quod in æternum non dissipatur, & regnum eius alteri populo non tradetur, comminuet & consumet vniuersa regna hæc, (aurea scilicet, argentea, ærea, ferrea,) & ipsum stabit in æternum. Nec iam comminuet aut consumet, sed iam reipsa comminuit, & consumpsit, & regni eius non erit finis, siquidem a solis ortu usque ad occasum, laudabile nomen Domini: & in diebus eius orta est iustitia semperiterna, & abundantia Pacis, donec auferatur Luna: & dominabitur à mari, usque ad mare: & à flumine usque ad terminos orbis terrarum. Coram illo procidunt Æthiopes, & inimici eius terram linguunt. Reges Tharsis, & Insule, munera offerunt, Reges Arabum & Saba dona adducunt, & adorant eum omnes Reges terræ, & omnes Gentes seruiunt ei; sicuti & ipse est, æstera-*

Psal. 71. 7.

Agg. 2. 8.

deratus cunctis Gentibus. Hanc latitudinem Christi Do-
mini, siue vitæ, siue Potestatis, sub alio schemate, expo-
nunt nobis Prophetæ, & Apostoli, atque etiam Domi-
nus ipse Noster, Dauid ita concinit: *Lapidem quem re-
probauerunt adificantes, hic factus est in caput anguli, à Do-
mino factum est istud, & est mirabile in oculis nostris.* PE-
TRVS Apostolus, ea ipsa verba Prophetæ adducit, & ea
Christo Domino applicat in auribus Iudæorum, dicens.
*Illi (Christus) est lapis, qui reprobatus est à vobis adificanti-
bus, qui factus est in caput anguli, & non est in alio aliquo sa-
lus.* Idem Apostolus PETRVS, alio in loco plenius ex-
plicat, hanc ipsam similitudinem hoc modo contra in-
credulos, & pro credentibus in Christum adducit, dicit
enim. *Accedentes ad (Christum Dominum,) lapidem
vium, ab hominibus quidem reprobatum, à DEO autem ele-
ctum & honorificatum, & ipsi (fideles) tanquam lapides vi-
ui, superadificamini, domus spiritualis, sacerdotium sanctum,
offerre spirituales hostias, acceptabiles DEO per IESVM
Christum, propter quod continet Scriptura: Ecce pono in Si-
on lapidem summum, angularem, electum, pretiosum; & qui
crediderit in eum, non confundetur. Vobis igitur honor cre-
dentibus, non credentibus autem, lapis, quem reprobauerunt
adificantes, hic factus est in caput anguli: & lapis offensionis,
& Petra scandali his, qui offendunt verbo, nec credunt, in quo
& positi sunt.* Hucusque Princeps Apostolorum: in
quo habet consentientem etiam PAVLVM, sed pro omni-
bus est Domini ipsius assertio: dicentis ad Iudæos, de
semetipso. *Nunquam legis in Scripturis: Lapidem quem
reprobauerunt adificantes, hic factus est in caput anguli? ideo
dico vobis, auferetur a vobis regnum DEI, & dabitur genti
facienti fructus eius, & qui ceciderit super lapidem istum, con-
fringetur: super quem autem ceciderit, conteret eum.* Ista
adeo frequentata repetitio huius comparisonis Domi-
ni nostri, cum lapide angulari, plurima quidem alia ad
enarrandam eius singularem excellentiam continet, sed
specialiter quod præsentis mei instituti est. Latitudi-
nem

Christi vitæ
omniū viuē-
tiū viuis no-
bilissimā ex-
cellētissimā.
Psal. 117. 22.

Act. 4. 11.

1. Pet. 2. 4.

Isa. 28. 16.

Rom 9. 33.

Matt. 21. 42.

Excell. 16. nem Domini nostri vitæ, Potestatisque exaggerat; Ostendit enim Dominum nostrum, esse caput omnium populorum & gentium, in duas quidem classes distinctarum, & quondam contra se mutuò diuisarum, dissidentiumque; adueniente tamen in terras Domino, collectas esse in vnum populum, Christianum scilicet, tam ex Iudæis, quàm ex Gentibus, & quidem sine discrimine, aut exceptione vniuersis, congregatum, atque tanquam duplicem parietem ex diuerso venientem, in vnum nihilominus lapidem angularem adductum, atque colligatum, & confectum, & in vnum ædificium DEI compactum. Enarratorem Mysterij huius adducere competentem magis hoc loco non possum, quàm PAVLUM Apostolum, qui enarrans ex vnâ parte, *nimiam DEI Charitatem in nos, qui eramus Naturâ filij iræ: & ex alterâ, quod essemus creati in Christo IESU, in operibus bonis, quæ preparauit DEVS, ut in illis ambulemus: hæc denique subdit.* Propter quod memores estote, quod aliquando vos Gentes in carne, qui dicimini præputium ab eâ, quæ dicitur Circumcisio in carne, manu facta, quia eratis in tempore illo sine Christo, alienati a conuersatione Israel: & hospites testamentorum, promissionis spem non habentes, & sine DEO in hoc mundo. Nunc autem in Christo IESU, vos qui aliquando eratis longè, facti estis propè in sanguine Christi. Ipse enim est Pax nostra, qui fecit utraq; vnum, & medium parietem maceria soluens, inimicitias in carne suâ; legem mandatorum decretis euacuans, ut duos condat in semetipso, in vnum novum hominem faciens pacem: & reconciliavit ambis in vno corpore DEO per crucem, interficiens inimicitias in semetipso. Et veniens euangelizauit Pacem vobis, qui longè fuistis, & Pacem ijs, qui propè, quoniam per ipsum habemus accessum ambo, in vno Spiritu ad Patrem. Ergo iam non estis hospites & aduenæ, sed estis Ciues Sanctorum, & domestici DEI: superædificati super fundamentum Apostolorum & Prophetarum, ipso summo angulari lapide Christo IESU, in quo omnis ædificatio constructa, crescit in templum sanctum in Domino, in quo

Ephes. 2. 11.

quo

quo. & vos cordificamini, in habitaculum DEI in Spiritu. *Christi vitæ
omniū viue-
tiū viue- no-
bilissimā ex-
cellētissimā.*
Hæc Apostolus, cui, ad enarrandam Latitudinem eam, quæ in Christo IESU est ad coadunandas, omnes gentes in se vnum: addere aliquid ampliùs, superuacaneum, censeo. Non est tamen prætereunda, alia quædam similis huic, sed celsior atque admirabilior, Christi ad complectendum, coniungendumque in vnum se, & in vnâ Societatem, atque Ecclesiam populorum, latitudinis expressio, quam ab Apostolo quoque PAVLO enarrari satis erit, de hac ergo ille sic. *Hebr. 12. 22*
Acceſſiſtis ad Sion mon- tem, & Ciuitatem DEI viuētis, Ierusalem caelestem, & multorum millium Angelorum frequentiam, & Ecclesiam primitiuorum, qui conſcripti ſunt in calis, & iudicem omnium DEVM, & ſpiritus iuſtorum perfectorum, & Teſtamenti noui Mediatorem IESUM, & ſanguinis aſperſionem, melius loquentem, quam Abel. Videte ne reſuſetis loquentem. Quibus verbis indicat Apostolus, etiam Cælestem illam Ecclesiam, atque Ierusalem, ex Angelis & Hominibus, ex antegreſſis iam, & adhuc ſequentibus, mediante Christo neſti, & adunari: vt etiam ibi ſit *vnus* *Quile*, & *vnus Paſtor*, idemque *Princeps Paſtorum*. Ex hac Domini noſtri IESU Christi Latitudine vitæ, pullulat eiſdem omnimoda & absoluta poteſtas, Dominiumque in omnes creaturas, regimen quoque earum vt ſibi ſubieſtarum, ius quoque viuificandi, & mortificandi illas: diſcernendi quoque merita earum, & eadem præmijs, vel pœnis afficiendi, condonandi quoque, aut vindicandi peccata, &c. Quibus in omnibus, ſummus eſt & ſolus Chriſtus, neque vllam creaturam parem habet. Sed de his, alius erit dicendi locus.

Longitudò vitæ Christi Domini eſt in eo, quia complectitur omnem æternitatem, omnia ſæcula, omnia tempora. In principio enim erat Verbum, apud DEVM: & claritatem habuiſſe ſe apud Patrem, priuſquam Mundus fieret, ipſe teſtatur. Sicut etiam quod ſic α & ω, principium & finis. Ipſe attingit à fine ad finem, &

Excell. 16.

suauiter fortiterque omnia disponit. Ipse etiam est Agnus, qui occisus est ab origine mundi, & salus eius vsque ad terminum sæculorum, & vsque ad extremum terræ: In fide nominis eius, omnes quotquot præordinati sunt ad vitam æternam, saluari sunt, saluantur, & saluabuntur vsque ad consummationem sæculi, & Iudæi ex quibus natus est, *quia salus ex Iudæis est*, prout ipse asseruit, & Gentes à quibus receptus est. Quod si qui non saluantur, sed pereunt: non defectu salutis eius, sed propriâ suâ culpâ pereunt. Nam quantum ex ipso salus omnibus parata est, etiam hostibus, etiam Crucifixoribus, etiam intersectoribus, fudit enim pretiosum sanguinem suum, etiam pro eorum Animabus, quorum eum fudit manibus. Itaque in manibus est longitur-

Dan. 7. 14.

nitas vitæ suæ, & omnium nostrum salutis. *Regnum eius, regnum omnium sæculorum, & potestas eius, potestas æterna: & ipse est nobiscum, non tantum ad consummationem sæculi, sed vsque in omnem æternitatem regnabit nobiscum, & nos cum eo.* Et hæc enim est fors longitudinis vitæ illius, ut non tantum ipse sit longæuus, verum etiam, ut videat quoque semen suum longæuum: tam in generationibus & generationibus vsque ad finem sæculorum, *& vsque in æuum sanctum*, quam etiam in omnium & singulorum filiorum, hoc est, fidelium, suorum vitâ, & gloriâ & beatitudine sempiternâ: iux-

Eccl. 24. 46.

ta fidelissimum promissum illius dicentis. *Ego veni ut*

Ionn. 10. 10.

ovæ meæ vitam habeant, & abundantius habeant, & si quun-

Hebr. 1. 10.

tur me, & ego vitam æternam do eis, & non peribunt in æternum: & non rapiet eas quisquam, de manu meâ. Denique ipse est, qui fundavit terram, & opera manuum eius sunt cæli, ipsi peribunt, & omnes ut vestimentum veterascent, & velut amictum mutabit eos, & mutabuntur: ille autem idem ipse est, & anni eius non deficient: imò & ipsa verba eius, transeuntibus terrâ & cælo, nunquam præteribunt, ipso teste ipso assertore.

Profunditas vitæ Domini nostri Iesv Christi, in eo est,

est, quousque descendit. Descendit de caelo inter-
ram, de sinu aeterni Patris, in uterum Virginis Mariæ, ex
utero in stabulum & præsepe, de stabulo in Crucem,
de Cruce in sepulchrum, & in ipsas inferiores partes terra,
infernalesque abyssos, ut adimpleret omnia. Vbi & his,
qui in carcere erant, spiritibus veniens prædicavit, & emisit
vinctos suos de lacu, in quo non erat aqua, & de tenebris, ac
vmbra mortis, dans eis lumen vitæ æternæ, deglutientisque
mortem ipse, vitæ & gloriæ æternæ heredes illos effecit, profe-
ctus inde in calum subiectis sibi angelis, & potestatibus, &
virtutibus. In eo quoque profunditas Domini nostri
est, quia in eo sunt omnes thesauri sapientiæ & scientiæ
DEI, quia omnia quæ nouit Pater, & ipse nouit, quin-
imò ipse est Sapientia Patris, & vniuersa plenitudo sci-
entiæ eius, ipse est cui cor omne patet, & omnis volun-
tas loquitur, ipse est cui non est opus, ut quis testimonium ei
perhibeat de homine, ipse enim nouit quid sit in homine. Ipse
est, qui & illuminabit abscondita tenebrarum, & mani-
festabit consilia cordium, quoniam nulla est creatura,
inuisibilis, in conspectu eius: & omnia nuda sunt, &
aperta oculis eius, & oculi eius multo plus lucidiores sunt
super solem, circumspicientes omnes vias hominum, & profun-
dum abyssi, & hominum corda intuentes in absconditas partes.
Quare nemo dicat, contemnens animam suam, quis me vi-
det? tenebræ circumdant me: & parietes cooperiunt me, &
nemo circumspicit me, quem vereor? delictorum meorum non
memorabitur Altissimus: quoniam expellit à se timorem
DEI. huiusmodi hominis timor, agnoscant potius omnes
filij hominum, quoniam nihil melius est, quam timor DEI:
& nihil dulcius, quam respicere in mandatis Domini: quem-
admodum & ipse Dominus IESVS dixit credentibus in-
se. Si quis diligit me, sermonem meum seruat, & Pater
meus diliget eum, & ad eum veniemus, & mansionem apud
eum faciemus: & ego diligam eum, & manifestabo ei meipsum.
Quibus promissis Domini, certè nihil melius, nihil dul-
cius, atque etiam nihil certius cogitare, aut desiderare
mens humana potest.

Christus vi-
ta omnium
viventium vi-
ues nobilissi-
ma, excellen-
tissimus.

Eph. 4. 9.

1. Pet. 3. 19.

Zach. 9. 11.

1. Pet. 3. 22.

Ioan. 2. 25.

1. Cor. 3. 5.

Eccl. 3. 26.

1b. 7. 25.

1b. 7. 37.

Ioan. 14. 23.

Excell. 16.

Christi vitā:

omniū vitā:

tū vitā no-

bilissimā, ex-

cellētissimā.

Atque hæc est Domini nostri IESU Christi vita, quam & vixit, & viuit, & viuet semper, omni nobilitate nobiliorem, omni splendore splendidiorē, omni dignitate digniorem, & à nullis vnquam creaturis exæquandam. Et est hæc quidem Gloria Domini nostri, cui neque addi, neque detrahi quidquam potest: at simul est etiam Gloria omnium nostrū, quicumque credimus fideliter in eum: tunc autem fideliter credimus, quando operibus ipsis exercemus, quod credimus. Quod si quis credere se dicit, sed fidei suæ operibus contradicit, hic mendax est, & veritas DEI in eo non est. Vera enim fides Christi, diligit Christum, & non verbis neque linguā, sed opere & veritate, quemadmodum & ipse Christus Dominus asserit, dicens *Qui habet mandata mea, & seruat ea, ille est, qui diligit me.* Et rursum. *Manete in dilectione meā, si præcepta mea seruaueritis, manebitis in dilectione meā, sicut & ego Patris mei præcepta seruaui, & maneo in eius dilectione.*

EXCELLENTIA XVII.

Christus Dominus solus vixit vitam, super omnes Creaturas sanctissimam, Religiosissimam, atq; Perfectissimam.

DECIMASEPTIMA Excellentia super omnes creaturas, Domini nostri IESU Christi est, quia ille solus in hoc mundo degens, vixit vitam præ omnibus Creaturis, sanctissimam, religiosissimam, perfectissimam, consummatissimamque, ita vt in hac, omnes quidem creaturæ rationales, illum imitari possint, imò & debeant: à nullis tamen, neque etiam omnibus simul exæquari possit. Vt enim exempli gratia dictum sit, quantumcunque vel Homo, vel Angelus, vel Cherubinus, vel Seraphinus, DEVM amauerit, amantior Christo non erit,

erit, sed neque tantum quantum Christus, amabitur: quantumcunque se humiliauerit, humilior Christo non erit: quantumcunque obediens Deo, vel propter Deum fuerit, obediens Christo non erit: & sic de omni virtute, totaque sanctitate Christi iudicandum est, quia illam nec aliqua, nec omnis simul creatura exæquabitur, aut superabit.

Cum enim Christus Dominus, esset Deus Homo, quod Creatura nulla est, & in quo Dominus Iesus, omnes simul creaturas infinitè excedit, non potuit non talem vitam viuere, quæ illius Personæ esset conuenientissima, atque ipsius Sanctitate Personali dignissima. Vixit ergo Dominus noster, vitam Diuino-humanam, diuino-humanè sanctam, perfectam, omni quæ ex parte consummatam, omnis creaturæ vitæ quantumlibet perfectâ perfectiorem; & à nullis creaturis, in genere sanctitatis adæquandam. Idque.

Primò: quia Christus in viuendo, & in actionibus vitæ suæ regulabatur à Diuinâ Personâ Verbi, seu Sapientiae æternæ, à Sapientiâ & Ratione Primâ immediate: erantque actiones illius Diuino-Humanæ, summi valoris ac dignitatis, simulque etiam summæ & absolutæ sanctitatis. Valoris quidem ob Personæ agentis, quæ Diuina fuit, dignitatem, nam actiones sunt supposito- rum, seu Personarum, perfectionis: verò ob rectitudinem Rationis, sanctitatemque voluntatis.

Secundò: quia Christus in viuendo regulabatur etiam quoad humanam rationem, regulis perfectissimis, tam intellectus quam voluntatis suæ creatæ, quæ erat rectissima, & ad declinandum à recto, vel minimum inflexibilis, impassibilisque.

Tertiò: quia Christus quidquid agebat, agebat ex cognitione plenâ omnium conditionum, circumstantiarumque, tam obiecti circa quod agebat, quam finis cuius gratiâ, quàm mediolorum iuxta quæ agebat.

Quartò: quia Christus agebat omnia opera sua ex

Excell. 17. virtutibus, & cum virtutibus perfectissimis, exemplari-
busque, ac Idealibus: quæ proximè & maximè Diuinis
approximabant, & æquiparabantur.

Quintò: quia Christus in agendo, à nullâ re præpe-
diebatur, à quâ præpediri nollet: utebatur passionum,
seu propassionum magis, affectuumque dominio perfe-
cto in omnibus, ambulabat super mare tanquam super
terram, quin & PETRVM ambulare super illud iussit, &
fecit, imperabat ventis & mari, & obediebant ei, dæmo-
nia eiciebat verbo & imperio, panes multiplicauit pau-
cos, ad millia hominum saturanda, inimicorum insidi-
as, & rabies, & impetûs, quando voluit declinauit, vo-
luntates possessorum asinæ, & cænaculi in quo mandu-
caret phasæ, ad suum arbitrium flexit, capturam pisci-
um, quaiem voluit piscantibus dedit, piscatores & pu-
blicanos ad vnum suum verbum, relictis subitò omni-
bus post se abire fecit, cogitationes & corda inspexit,
arguit, correxit, infinitaque alia egit nullo præpedien-
te, solâ suâ iustissimâ voluntate.

Sextò: quia Christus in agendo, plenè & vniuersa-
liter, ac omnimodè perfectus & sanctus fuit, ita vt eius
qualibet actio, omni sibi congruâ perfectione plena
fuerit: aliorum actiones, etiam bonæ ac perfectæ, in
vno aut etiam pluribus sunt tales, attamen in aliquo
deficiunt, vt plurimum, in Christi Domini actionibus,
nihil omninò imperfectionis, nihil defectûs vnquam fu-
it; Vnde & in Angelis reperta est coram Deo prauitas,
& nec itellæ mundæ sunt, in conspectu eius, & omnes
iustitiæ nostræ reputantur coram rigore, iudicij & san-
ctitatis eius, tanquam pannus menstruatus, at verò Chri-
stus meritisimâ confidentiâ dicere potuit, & dixit.

Ioan. 8. 46. *Quis ex vobis arguet me de peccato?* non enim pecca-
tum fecit, nec inuentus est dolus in ore eius, neque de-
fectus in opere illius.

Septimò: quia vita Christi incomparabiliter fuit
perfectior interiùs, quàm apparebat exteriùs, esto & hic
reuera

reuera esset per omnia perfectissima, quomodo in templo Salomonis, quod figura Christi Domini fuit, fenestras longè ampliores latioresque erant interiùs, quàm exteriùs apparebant. Sic Charitas Christi in Patrem, aut in nos, & si esset exteriùs supra modum maxima, atque planè nimia: hæc tamen comparata interiori Charitatis, Christi ardori, minuta & quasi frigida videri poterat. Similiter Humilitas, Patientia, Mansuetudo omnisque virtus Christi Domini, quantumvis esset exteriùs excellentissima, interiùs tamen quævis earum, omnem excellentiam in immensum superabat. De Obedientiâ Christi, exteriore non dubitavit asserere PAVLVS, quod propter illam exinanierit semetipsum, factus obediens vsque ad mortem, mortem autem Crucis; cæterum interioris obedientiæ Christi affectus, infinities amplior, & ad exinanicionem sui in immensum maiorem, innumerisque vicibus repetendam, aut in æternum continuandam, si Patri placuisset existeret. Sed ad Interiora IESV penetrare, nullius oculus præterquam solius Christi, & Patris eius est idoneus.

Octauò: quia vita Christi, complexa est omnes viuendi, sanctitatisque perfectiones creaturæ possibiles, & etiam creatam vim superantes. Vixit enim Christus vitam Diuinam, eandem, & vnâ cum vitâ Patris, atque Spiritus Sancti; Vixit deinde vitam Theandricam, seu DEI virilem, DEI viriliterque perfectam: erantque omnes & singulæ actiones eius DEI-viriles, quo in genere nulla creatura, nullæque creatæ actiones, actionibus Christi assimilari possunt, aut debent. Hæc actionum Christi perfectio, consistebat & consistit in eo, quod omnis Christi actio, non fuerit purè humana, sed altiore nixa Principio: quia & ab altiore, imò ab ipso Altissimo, proficiscebatur vt Agente, Diuino scilicet ac Verbi æterni supposito, quod suppositum & Agens perfectius est tam in se. quam in actione suâ, omni creato supposito etiam Angelico, etiam Cherubico, atque Seraphi-

*Christo sã-
ctitate Vita
omnium su-
perate san-
ctitate sã-
ctorum, excel-
lentissimum,*

Exc. 17. raphico, ita enim omnia creata sunt, illud autem In-
creatum, ac *D.* *Deus.* quo fiebat, ut nulla, non solum,
vna aliqua, sed nec simul omnis actio creaturarum o-
mnium, etiam beatarum, licet sanctissima ac beatifica,
æquari potuerit, possit, æquandauè, vni alicui actioni
Christi, siue in valore & merito ac dignitate, siue in
sanctitate ac perfectione, Altioris enim est hæc vna or-
dinis, ratione sui Agentis, quàm illæ omnes. Itaque
si Christus Dominus pedem, manum, oculum mouit
suum, hæc eius motio magis, fuit sancta & perfecta mo-
raliter, quàm omnes creaturarum sanctitates, sanctissi-
mæque, etiam Martyrij, etiam beatificæ visionis actio-
nes ac perfectiones. Ut nemini mirandum sit, quod vna
oculi, vel manûs Christi motio satis esse potuerit, ad
totius mundi salutem, omnes verò actiones & sanctita-
tes Sanctorum, non potuerint, nec possint, pro vnico
peccato mortali, etiam in hoc genere minimò satis-
facere.

Præter iam dictas vitæ Christi Domini perfectiones,
fuit in vitâ Christi perfectio, omnis statûs ad sanctita-
tem pertinens, & in summò quidem, atque incompara-
biliter. Fuit in Christo vitæ beatæ, atque compre-
hensoris perfectio, inchoata ab ipso primo Conceptio-
nis instanti, & nonnisi in morte illius interrupta, quan-
quam & tunc ab Animâ eius exstitit continuata. Et
hæc vita adeò fuit redundans, ut non solum in Corpus,
interioremque Humanitatis portionem, verum etiam
in Animas aliorum refundi potuerit, sicut aliquantu-
lum refusa fuit in Transfigurationis horâ, & in limbo
in Patrum Sanctorum omnes animas beatificè redunda-
uit. Fuit etiam in Christo vitæ Angelicæ, & omnium
Hierarchiarum sanctitas ac perfectio, & quidem in gra-
du infinitè perfectiori, ut enim saltem in supremâ Hie-
rarchiâ exemplificem quod asserui: in Christo infinitè
perfectius resedit Diuinitatis plenitudo, æquitatisque
completio, quàm in omnibus Thronis, propter quod
dixit

dixit Propheta, requiescet super eum Spiritus Domini, & ipsemet Dominus dixit, Spiritus Domini super me, & in specie Columbæ super eum sedit, post baptismum à IOANNE susceptum, & alibi Dominus, de se testatus est: *quia solus non sum, sed ego, & qui misit me Pater.* Omnes enim creaturæ solæ sunt, quia tantum creaturæ sunt: at Christus nec est solus, nec esse potest, quia DEVS-Homo est, & Verbum Patris, & apud Patrem semper est. Fuit in Christo vita Cherubica, quoniam in ipso requieuit Spiritus Sapientiæ, Intellectus, Scientiæ, & Consilij, quinimò, in ipso *sunt omnes thesauri Sapientiæ & Scientiæ absconditi*: ad hæc ipse est Lux Mundi, Lux vera quæ illuminat non solum omnem hominem, in hunc mundum venientem, in eoquæ viuentem, sed etiam in illum Superiorem & Cælestem mundum, ingredientem, atquæ inibi æternaliter commorantem, & in lumine DEI, Lumen DEVM intuentem, eoquæ beatificè fruuentem. Fuit in Christo vita Seraphica: atquæ in immensum perfectior, adeò vt Seraphini, qui apud Isaïam coram Domino nostro (vt testatur IOANNES) super solum excelsum & eleuatum sedente, stabant volantes, atquæ faciem, pedesquæ eius, alis suis velantes, & Sanctus, Sanctus, Sanctus clamantes, erubescerent (interprete Chrysostomo) amoris sui tenuitatē, comparatam & Dignitati eius atquæ Amabilitati, & simul eiusdem in DEVM Patrem suum amoris, atquæ Charitati, de quâ suâ Charitate in Patrem, atquæ propter Patrem in nos, dixit Dominus. *Vt cognoscat mundus, quia diligo Patrem, & sicut mandatum dedit mihi Pater, sic facio: Animam scilicet meam, pro ouibus meis, quas dedit mihi Pater, pono; & in mortem illam trado.* Nimirum, immensitatem Charitatis Christi. erga Patrem suum æternum, nihil æquæ commendat, nihil æquæ manifestat, nihil æquæ conuincit, nihil, fuisse, & esse illam omni Seraphicâ, omnium Seraphinorū, & omnium creaturarū possibili in DEVM dilectione, maiorem probat, quàm opus

Christi sã-
titate vitæ
omnium su-
perante sã-
titate San-
ctorū, excel-
lentissimus.
Ioan. 8. 16:

Colof. 2. 3.

Ioan. 12. 41.
Isaia. 6. 1.

Ioan. 14. 31.

Ioan. 19. 15.

Q. redem-

Excell. 17. redemptionis nostræ, à Christo & susceptum, & perfectum in gratiam, & amorem æterni sui Patris, illud sibi demandantis. Et tamen hoc ipsum Salutis nostræ opus, nullis hominum, nullis Angelorum intellectibus cognoscendum satis, aut æstimandum dignè, adeò modicum est, si conferatur toti Charitatis Christi in Patrem, & in nos propter Patrem immensitati, quæ in eius Divino corde feruebat, atque in effectum, adhuc, & adhuc prodire, si Pater æternus voluisset, anhelabat, ut minutam solùm quandam portionem in Redemptionis nostræ negotium, illius effudisse videri possit Dominus **JESVS**. Etenim ideò totam vitam, totam seriem laborum, totam Passionis molem, totam mortem, & in morte exinanitionem suam non plus putavit, quàm Calicem quendam, vno quasi haustu ebibendum, quo exsorpto, magnâ voce contestatus est, sibi charitatis suæ nequaquam satisfactum esse. Itaque Charitas Christi parata erat, id quod pro totius mundi salute egerat, egisse pro vno quoque separatim homine, parata erat id quod agebat, tunc per annos 33. agere, patique usque ad finem mundi, parata erat, innumera alia, maxima, & grauissima opera peragere, perpetique, propter charitatem, & exaltationem Patris sui. Ergo Charitas Christi Domini nostri, omni Seraphica fuit maior, eiusque vnica vita, omnium Seraphinorum dilectrice **DEI** vitâ, in charitate perfectior in immensum fuit. Et hunc in modum etiam reliquarum Hierarchiarum Angelicarum vitam, vita Christi Domini suprâ omnem modum excessit. Sanè, si **PAVLUM** decuit confidenter dicere;

Cum. 8. 35 *Certus sum, quia neque Angeli, neque Principatus, neque virtutes, neque vlla creatura alia, poterit nos separare à Charitate DEI. quæ est in Christo IESU, Domino nostro.* illis Oceanis ipsius Christi Charitatis, cæterarumque Virtutum, ac Perfectionum, quarum scintillas **PAVLVS** vix habuit, comparatione illius Immensi, quod in Christo exundabat: quis Angelorum quorumcunque

Cha-

Charitatis, aliarumque virtutum perfectionem, Christi immensitati censebit esse componendam. Fuit præterea in Domini nostri vitâ, perfectio vitæ Apostolicæ, vitæ Patriarchalis, vitæ Propheticæ, fuit Christus Legislator, Doctor, & consummator, & ad omnem perfectionem deductor, fuit Christus Martyr, & Caput Martyrum, & totâ vitâ suâ mortali, per omnia vitæ suæ momenta, perpetuum toleravit Martyrium: non omninò quidem in Corpore, omninò tamen in Corde, in quo perenne, & grauius quàm in Cruce sustinuit tormentum, expressit hoc ipse illâ suâ voce: *Baptismo habeo baptizari, & quomodo coarctor, usq; dum perficiatur?* Confessus est Dominus hic, se totâ vitâ suâ in corde coarctatum, opere redemptionis nostræ, quod pendens, moriensque in Cruce, confessus non est: imò se sitire Calicem, atque baptismum professus est, quasi maiorem senserit pœnam cordis, quàm Corporis.

Christo sanctitate vitæ omnium superatæ sanctitatem sanctorum, excellentissimus.

Luc. 12. 50.

Vixit etiam Dominus Iesus vitam Summi Sacerdotis atque Pontificis, & quidem non sanguinem hircorum, aut vitulorum offerens Deo pro peccatis populi, sed semetipsum obtulit, tam Melchisedechiano, quàm Aaronico ritu, non pro vno populo, sed pro vniuerso genere humano, quatenus *acquireret sibi Ecclesiam sanguine suo, & exhiberet eam non habentem rugam, neq; maculam, aut aliquid huiusmodi.*

Act. 20. 28.
Ephes. 5. 27.

Vixit Dominus noster vitam contemplatiuam, & solitariam, tum aliâs, tum in deserto post Baptismum. Vixit & actiuam maximè ante Baptismum, vixit & Missam noctibus pernoctans in Oratione Dei, diebus verò circumiens & prædicans ubique regnum Dei.

Vixit Dominus vitam toti mundo renuntiantem, usque adeò, vt ipso teste, non haberet vbi caput reclinaret, tam in vitâ, quàm in morte, quàm in sepulturâ, pauperior vulpeculis, atque auiculis, quarum illæ foueas suas, istæ nidulos suos habent: Dominus verò neque Natiuitati in mundum, neque sepulturæ, locum habuit,

Excell. 17. nisi partim à bestijs, partim ab alienâ miseratione commodatum. Cui paupertati Christi, nulla potest Paupertas comparari: attentâ enim eius personæ conditione, quasi impossibile erat illi pauperem esse: si quidem & quâ DEVS, & quâ Homo-DEVS, erat naturaliter, essentialiterque totius mundi, & rerum eius omnium Dominus, Possessor, & heres. Vnde IOANNES miratur, quod *in propria veniens, sui eum non receperint*: attamen cum ita diues esset, egenus propter nos factus est, vsque adeò, vt ipsas dominij, & possessionis propriæ incapaces creaturas, egestate, & pauperiè superauerit.

IOAN. 1. 11.

Vixit etiam Dominus noster vitam, secundum statum Virginitatis perfectissimam, atque incomparabilem, conceptus quippe per Sanctum Spiritum, ex MARIA semper Virgine natus, Virgo semper permanet, & ita Virgo, vt ei neque Angelica Virginitas, seu puritas æquari mereatur. Æmulatus est Christus Sanctissimam Trinitatem, quæ, (vt ait HIERONYMVS,) Prima Virgo est, altera autem DEVS-Homo IESVS Christus. Vt enim in Trinitate, Pater est infinitæ fecunditatis: sic Verbum-Caro Christus, per Euangelium, & gratiam, meritaque sua Ecclesiam genuit, quam & desponsauit sibi, suscipitque ex eâ filios innumerabiles, ipsâ nihilominus tantò plùs sanctâ & purâ permanente, quantò plurium filiorum Matre. Tertia Virgo, DEI Mater est MARIA, cuius Virginitatem Maternitas DEI, non tantum non temerauit, sed etiam sacrauit, auxit, consignauit, futuram minus puram Virginem, nisi simul DEI Mater fuisset: Puritas hominum à Domino nostro comparatur

Mart. 12. 25. Angelis: *Neq; (ait) nubent, neq; nubentur, sed erunt sicut Angeli DEI*, at Christi Virginitas, sicut Virginitate hominum omnium, ita & Angelorum vniuersâ puritate eximia magis fuit, non tantum secundum mentem, sed etiam secundum carnem, vt potè Diuinam, seu, Diuinitati vnitam; quod nulla Angelorum habet puritas.

Vixit quoque Dominus noster vitam, secundum obe-

obedientiæ statum atque virtutem, per omnia perfectissimam, & omnibus creaturis perfectiorem. Idque siue attendas cui, aut quibus, & in quo, siue quomodo fuerit obediens, & propter quem, siue postremò quis & quantus? His, licet sint omni admiratione dignissima, omni magnitudine maiora, quia tamen Christianis mentibus sunt, (esse certe debent) cognitissima, non libet immorari, satis sit dicere, nulli creaturæ possibilem esse tantam obedientiam, quanta in Domino IESU CHRISTO, tam erga DEVM, quam erga Homines propter DEVM, fuit, perinde ac nulla creatura paris cum Christo Homine DEO dignitatis est. Ratione cuius dignitatis suæ Christus, nullo iure ulli hominum subdici debuit: propter Personæ suæ Maiestatem, ac super omnia creata excellentiam. Et tamen idem tantæ excellentiæ Maiestatisque Dominus, omnem vitam suam in Obedientiâ fundavit, & per totam vitam suam mortalem primæ, præcipuæ, maxima obedientiæ exempla atque opera, usque ad mortem, mortem autem Crucis, & usque ad depositionem corporis sui de Cruce edidit, demonstrauitque.

Christi sanctitate Vita omnium superante sanctitate sanctorum, excellentissimus.

Per hæc tamen, quæ de Excellentia Paupertatis, Virginitatis, Obedientiæque Christi Domini, dixi, non volo intelligi, neque asseri, eundem Dominum, religiosum, statum, aut eius vota professum esse. Instituire huiusmodi statum auctoritatis & Dignitatis perfectionisque fuit, sed eum profiteri ab ipso conueniens non fuit. Status enim religiosi proprium officium est, tendere ad perfectionem virtutum, potissimum Charitatis, ad quam perfectionem Christus nunquam terendit, quia à primo vitæ suæ exordio, plenus gratiâ & veritate, plenus perfectione & sanctitate, plenus omni virtute & charitate, denique Sanctus Sanctorum Hypostaticâ vniione Verbi, præ omnibus participibus fuit. Votorum, etiam nuncupatione, ad vitæ voluntatisuæ suæ, in bono stabiliendam rationem opus non habuit, ut cæteri ho-

Excell. 17. mines opus habent: nam Christo Domino sufficientissima, semper ad hoc erat voluntas sua sancta & deliberata, & proposito mentis firmata, quoniam ille semper erat confirmatus in omni bono, ex seipso, ita ut semper facillimè, promptissimè, constantissimèque operaretur, quòd esset perfectius. Cæterùm seclusis hisce, quæ in statu Religioso sunt, aut supponuntur, imperfectionibus: certum est, quod quicquid est excellentioris perfectionis in vitâ statuque religioso, id Christus Dominus in suâ vitâ plenè complexus executusque sit. Abstraxit enim se totum, ab affectu rerum humanarum, Ioan. 14. 30. omnium, adeò ut dixerit, quod nec mundus, nec *mundi Princeps in ipso habuerit quidquam*. Consecrauit etiam se cultui diuino æterno planè totum, eiusque nomini manifestando hominibus, & eius placitis faciendis semper, ita ut suus cibus fuerit facere voluntatem Patris. Fuit etiam in Christo summa perfectio Paupertatis, Castitatis, & Obedientiæ, ad DEVM quidem Patrem, ex iure ac debito: ad homines verò ex dignatione & usu, & facto. Denique summam habuit Dominus Charitatis in vitâ suâ perfectionem, ad quam vnam omnia in vitâ, & statu religioso ordinantur. Atque ita fuit Dominus JESVS, perfectissimo modo Religiosus in vitâ suâ, quoniam sublimiori modo, complexus & executus est, quicquid in vitâ religiosâ perfectionis est.

Et hæc de perfectione, ac sanctitate incomparabili vitæ Domini nostri satis sint: omnibus enim quæ dicenda essent, nullum humanum ingenium sufficit. Horum tamen recogitatione nos, qui Christianâ professione censemur & gloriamur, infatigabiliter occupari, & insatiabiliter patiri, & incessabiliter ditari ornarique debemus. Utinam hæc indoles, hæc utinam famæ, Christianos omnes inuadat, ut in Saluatoris ac Domini sui imitationem toti exardescant, ut amplectantur sanctitatem eius, humilitatem, mansuetudinem, puritatem, rectitudinem, veritatem, obedientiam, mundi contemptum,

temptum, patientiam, zelum & sitim gloriæ Diuinæ, & denique omnem virtutem, ut cibus eorum sit facere voluntatem DEI semper, ut in hoc dilectionem DEI sui manifestent assidue, quia sicut mandatum dedit eis Pater, sicut exemplum præbuit eis Christus, sic faciant, sic viuant, sic perseuerent, ut vita IESU abscondita sit in eis, ut mors eius operetur in ipsis, ut vita Christi sit vita eorum, ut viuere instar Christi, sit viuere ipsorum, ut non sibi viuant, nec sibi moriantur, sed ei, qui pro eis vixit, & mortuus est, ut viuant illi, sed iam non illi, viuat verò in eis Christus; denique, ut nemo vnquam quæ sua sunt quærat, sed quæ IESU Christi, nemo sapiat quæ sunt super terram, sed quæ sursum sunt, vbi Christus est ad dexteram Patris. Ibi Christiane, ibi fige tui cursûs, profectûsque metam, vbi Christus posuit suam, ideò enim Christus ibi posuit suam, ut & tu Christiane ibidem contendas ponere tuam, ait enim. *Exemplum* Ioan. 13. 15. *dedit vobis, ut quemadmodum ego feci, & vos similiter faciatis.* Prò pudor, prò dolor: quotidie, quin & assiduò, Christiani anxie disquirunt, quomodo desideria sua terrena & carnalia exequantur: Nullo autem die recogitant, an & quomodo suam, cum Christo suo similitudinem, allequantur, quasi plus eorum intersit, terrenos esse ac mundanos, quàm Christianos & cælestes.

EXCELLENTIA XVIII.

Solus Christus, summam potestatem, virtutemque docendi habuit.

DECIMA OCTAVA Domini nostri IESU Christi, suprâ omnes Creaturas Excellentia, fuit Potestas authoritasque docendi omnes, simulque Doctrinæ illius, absolutissima perfectio & eminentia. In hoc passu, nulla ei creatura fuit, est, esse potest, par vnquam.

Non est autem necesse probare, sed solum modò
facis

- Excell. 18. satis est supponere, Christum Doctorem nostrum fuisse; cum manifestè, & crebrò vtriusque testamenti scripturæ hoc euincant. Isaias enim ait. *Et erunt oculi tui videntes praeceptorem tuum, & non faciet auolare à te ultra Doctorem tuum*, quod hic promittit, hoc alibi implet per.
- Isa. 30. 20. eundem Prophetam DEVS, cum ait. *Ecce Teslem populis dedi eum: Ducem, & Praeceptorem gentibus*, non aliis quibus, aut solis tribubus Israël, sed omnibus omninò gentibus, propter quod per eundem Prophetam dicitur:
- Isa. 49. 6. Pater ad filium à se missum. *Parum est, ut sis mihi seruus ad suscitandas tribus Israel, & facies Iacob conuertendas. Dedi te in lucem gentium, ut sis Salus mea usq; ad extremum terræ.* In nouo porrò testamento DEVS Pater in baptismo & transfiguratione Filij sui repetitò nobis proponit eundem in Doctorem, à nobis audiendum. Hic est Filius meus dilectus, in quo mihi benè complacui, ipsum audite. Denique ipse Dominus noster, hanc suam Potestatem docendi de se contestatus est, non semel aiebat Discipulis: *Nec vocemini Magistri, vnus enim est Magister vester, Christus.* Et rursus inquit. *Vos vocatis me Magister, & Domine, & benè dicitis, sum etenim; iterumque ait.*
- Ioan. 13. 37. *Ego in hoc natus sum, & ad hoc veni in mundum, ut testimonium perhibeam veritati.* Fuit ergo Dominus noster, Doctor, atque Lux Mundi, & lux vera, illuminans omnem hominem, quod & Iudæorum aliquibus notum fuit, vnde dicebant ei. *Scimus, quia à DEO venisti Magister.* Quàm verò auctoritatiuè docuerit Christus, & planè pro potestate, testantur Euangelistæ. *Admirabantur turba super doctrinam eius, erat enim docens eos sicut potestatem habens, & non sicut Scriba eorum.* Et iterum:
- Luc. 4. 22. *Omnes testimonium illi dabant, & mirabantur in verbis gratiae eius, & stupebant in doctrinam eius, quia in potestate erat sermo ipsius.* Neque omninò aliter esse, aut poterat, aut debebat. Etenim Vno Hypostatica, quæ fuit in Christo, imò quæ constituiebat Christum, cum multa alia summa, cum etiam potestatem, auctoritatemque, ac

virtutem, efficaciamque docendi eidem, conferebat, maximam & absolutissimam, omni que creatâ altiore. Illâ enim Vnionem factus est Christus, Caput omnium rerum, (vti supra vidimus,) proinde influens in eadem omnia, modo cuique rei apto & accommodato. Hic verò influxus inter alios est doctrinæ, & illuminationis, & cum sit Diuinus, ex ipso Verbo DEI omnis sapientiæ, ac veritatis fonte dimanans, necessario tantus est, tamque eminens, & abundans, vt non solum homines, sed Angelos etiam docere possit, illique ab eo doceri, ac illuminari egeant, quod incredibile esse non debet de Christo Domino, quando & ab eius Ecclesiâ illuminari Angelos, testatur Apostolus, cum ait: *vt innotescat principatibus & potestatibus, in celestibus per Ecclesiam multiformis Sapientia DEI*; quanto ergo hoc magis sentiendum de Christo ipso?

Christi⁹ sū-
mā potestate
docendi, ex-
cellētissim⁹.

Ephes. 3. 10.

Ex hoc eodem fonte Vnionis Hypostaticæ, manat in Christo supremus Pontificatus, Pastoratusque: indubitatum est autem pertinere ad officium Summi Sacerdotis, Pastorumque Principis, docere, & illuminare subditos suos, in ijs, quæ sunt ad salutem eorum necessaria, quoniam *omnis Pontifex ex hominibus assumptus, constituitur pro hominibus, in ijs, quæ sunt ad DEVM, vt offerat dona & sacrificia pro peccatis, qui condolere possit ijs, qui ignorant, & errant.* Et Dominus noster, vbi se Pastorem bonum ouicularum suarum proficitur, hoc inter alia adiungit, quia oues eius, ipsius etiam vocem audiunt, & ipsum sequuntur.

Hebr. 4. 14.

Rursùm autem, quoniam ex illo eodem Vnionis Hypostaticæ fonte, promanat in Christum Dignitas & Munus Saluatoris hominum, & ius atque obligatio quædam redimendi illos; quæ redemptio atque saluatio, requirit sine dubio vt redimendi, saluandi que, viam vitæ ac salutis teneant, prius autem cognoscant, ac ante omnia illam doceantur: inde consequitur, vt Christus Dominus habens officium saluandi nos, habeat etiam

munus erudiendi, ac docendi nos viam salutis, viam
 vitæ, viam DEI, alioqui nihil profuisset nobis, salutis
 Excell. 18. pretium poni pro nobis, si non contigisset, viam, quâ
 ad salutem pergendum, perueniendumque esset, de-
 Bar. 3. 37. monstrari nobis. Propterea ergo Christus *omnem viam*
 Ioan. 14. 6. *disciplina adinuenit, & nos docuit, & factus est nobis via,*
 Hebr. 5. 9. *veritas & vita, propterea etiam obedientibus sibi factus est*
causa salutis æternæ, propterea quoque & discipulos suos
 in vniuersum mundum, ad prædicandum Euangelium.
 Matt. 28. 19. mittens, dicebat eis: *Docete omnes gentes, baptizantes eos,*
In nomine Patris, & Filij, & Spiritus Sancti, docentes eos ser-
 Mar. 16. 16. *uare omnia, quaecunq; mandauimus vobis. Qui crediderit & ba-*
ptizatus fuerit, saluus erit: qui verò non crediderit, conde-
mnabitur. Doceri enim homines, & scire, seu credere,
 ac seruare doctrinam Christi, est medium necessarium,
 ad eorum salutem. Ideò Christus Dominus potuit
 obligare, & obligauit omnes homines, ad audiendam
 doctrinam suam, tam per ipsum se, quàm per discipu-
 los suos prædicatam, prædicandamue, vsque in fines
 terræ, & vsque ad consummationem sæculi.

Ex eadem Vnionem Hypostaticam manauit in Christum,
 non tantum maior, sed etiam altiori, & nulli creaturæ
 assequendo modo, maior Scientiæ plenitudo, quæ illi
 à primâ conceptione summè perfectæ, & plena, & con-
 naturalis fuit. Exinde autem procedit & potestas, &
 virtus, efficaciaque Doctoratus, & Doctrinæ Christi: si-
 mul verò & singularis, solique Christo propria Excel-
 lentia eius. Accepit enim cum Vnionem ad Verbum,
 scientiæ (vt dixi) plenitudinem, atque ita accepit, vt ea
 quæ sciuit, quæue ex scientiâ docuit, nunquam didice-
 rit, quod fuit Iudæis in admiratione. *Quomodo hic lit-*
 Ioan. 7. 15. *teras scit, cum non didicerit?* Ecce enim Christus scienti-
 am & doctrinam omnem, à Verbo Diuino acceperit,
 nunquam tamen ex nesciente sciens, ex non docto do-
 ctus factus est, sed in vno eodemque, id est primo instan-
 ti conceptionis & existentie suæ, sicut Deus Homo,

sic

fic & scientiâ doctrinâque plenus exstitit. Et inde soluitur illud, quasi paradoxum Domini, quod admiratio-
ni Iudæorum reposuit, dicens. *Mea doctrina, non est mea, loan. 7. 16.*
sed eius qui misit me Patris. Christo sū-
mā potestate
docendi, ex-
cellētissimū.
Quid enim Domine, si tua doctrina est, quomodo non tua? aut si non tua est doctrina, quomodo ergo tua? sed nimirum & non eius doctrina fuit, quia Patris fuit, à quo Verbum, & cuius Verbum est. Quid enim tam tuum, quam tu, & quid tam non tuum, quam tu, si alicuius es, id quod es? & tamen eius doctrina fuit, quia cum Christus vnam eandemque Personam, cum Verbo componat, verè dicit suam se scientiam habere, neque didicisse, sed à se, vt sibi connaturalem, & perfectam, accepisse, cum omni potestate, auctoritate, atque iure, & virtute ad docendum, propterea prædictionem Isaïæ Dominus ipse, de se ipso interpretatus est. *Spiritus Domini super me, propter quod*
unxit me, euangelizare pauperibus misit me, sanare contritos
corde, prædicare captiuis redemptionem, prædicare annum Do-
mini acceptum, & diem retributionis, quem locum Prophe-
tæ cum legisset Dominus, mox de illo subintulit dicens.
Quia hodie hæc Scriptura impleta est, in auribus vestris, &
cum IOANNI per discipulos quærenti: Tu es, qui venturus
es, an alium expectamus? ex hoc ipso Isaïæ loco, aliqua respondit, & signa aduentûs sui posuit, ac inter cætera. *Pauperes euangelizantur.*

Isa. 6. 1. 1.
Luc. 4. 18.

Ibidem.

Matt. 11. 3. 5.

Omitto, aut paucis tantum perstringo, ex illâ eadem Vnione Hypostaticâ, manasse in Christum supereminentem, sanctitatem vitæ. (de quâ in præcedenti Excellentia dixi) quæ maximè, & necessaria, & utilis Christo fuit ad docendum: ad quam etiam reuocabat sese Dominus, nolentibus Iudæis ei credere, dicebat enim. *Si verbis*
meis non creditis, operibus credite, tum miraculosis quæ in-
confirmationem doctrinæ suæ faciebat, tum præstanti-
um virtutum plenis ac omni culpâ vacuis. Vnde dice-
bat: Quis ex vobis arguet me de peccato? Si veritatem dico
vobis, quare non creditis mihi? & paulò post pro innocen-

Ioan. 10. 18.

Ioan. 8. 14.

1b. 7. 46. tiā allegabat. *Ego demonium non habeo, sed honorifico Patrem meum, & vos non honorastis me. Ego autem non quero gloriam meam.*

Excell. 18.

Similiter ex Vnione ad Personam Verbi, habuit Christus non tantum potestatem docendi exterius, sed etiam virtutem ea quæ docebat, intimandi interius, conferendo lumen intus ad intelligendum, & permouendo mentes ad credendum, assensuque pleno acceptandum, altissimas, & difficillimas veritates, mysteriaque rationem superantia; quæ utique caro, & sanguis, & ratio naturalis non reuelabat, sed Pater cælestis, & virtus Verbi æterni, mentibus audientium credibiles, & certas representabat: ut etiam rudes, & penè incapaces, crederent, apprehenderentque subito, magnā cum capacitate, magnoque cum lumine, affectusque efficacitate, difficillima quæque mysteria doctrinæ Domini. Ut patuit in vocationibus PETRI & ANDRÆ, IACOBI & IOANNIS, MATTHÆI & ZACCHÆI conuersione quoque MAGDALENÆ, Chananæ, Centurionis vtriusque, Latronis in Cruce, aliorumque plurimorum, quorum corda & illustrauit, & commutauit Dominus doctrinā suā sæpissimè in momento, tum ad credendum, tum ad sequendum, tum ad confitendum se, suamque doctrinam, propter quod dicebant discipuli eius. *Domine ad quem ibimus? verba vite æternæ habes, & nos credidimus, & cognouimus, quia tu es Christus Filius DEI.* & ipsi hostes.

Ioan. 6. 69.

Ioan. 7. 46.

Hebr. 4. 12.

Matt. 10. 34.

Nunquam sic locutus est homo, sicut hic homo. Adeoque primariè seruit Doctrinæ Christi Domini ab ipso predicatæ, illud quod vniuersaliter asseruit PAVLVS, de verbo DEI, dicens: *Vivus est enim sermo DEI & efficax, & penetrabilior omni gladio anticipiti, & pertingens usque ad diuisionem animæ ac spiritus, compagum quoque ac medullarum, & discretor cogitationum, & intentionum cordis.* Quam efficacitatem suæ Doctrinæ, ipsemet Dominus designare volens, appellauit eam aliquando gladium. *Non veni pacem mittere, sed gladium: veni enim separare hominem aduersus*

uerfus

uerfus Patrem suum, & filiam aduersus Matrem suam; aliquando autem Ignem. Ignem veni mittere in terram, Luc. 12. 49.
 & quid volo, nisi ut accendatur? aliquando semen. Semen est Verbum DEI. aliquando triticum. Quis putas Luc. 8. 12.
 seruus fidelis & prudens, quem constituit Dominus super familiam suam, ut det illis in tempore tritici mensuram? aliquando Christo summa potestate docendi, excellentissimo;
 Spiritum, & vitam. Verba (ait) quæ ego loquor vobis, Ioan. 6. 64.
 spiritus & vita sunt, aliquando lucernam. Nemo autem Luc. 8. 17.
 accendens lucernam operit eam vase, aut subtus lectum ponit. Luc. 4. 43.
 aliquando Euangelium. Et alijs ciuitatibus oportet me Mar. 16. 15.
 euangelizare regnum DEI, quia ideo missus sum. Itemque, Luc. 4. 43.
 prædicate Euangelium omni creaturæ, id est, bonum nuntium, seu DEI Verbum.

At enim de Doctrinæ Christi præstantiâ, alius erit dicendi locus, nunc de Potestatis eius ad docendum excellentiâ super omnes, hæc sufficiat attulisse. Interim audiamus & sequamur, monentem nos Prophetam. Ioel. 2. 23.
Filij Sion exultate, & latamini in Domino DEO vestro, quia dedit vobis Doctorem Iustitiæ, & descendere faciet ad vos imbrem matutinum, & serotinum sicut in principio. Verè enim vniuersæ hominum nationi, atque inprimis Ecclesiæ filijs, exultandum & latandum est in Domino DEO suo, quia misit filium suum, Dominum scilicet nostrum IESUM Christum, qui esset lux mundi, & tenebras illas, plus sanè quam Ægyptiacas, tenebras dico ignorantia, tenebras malitiæ, tenebras impietatis, tenebras plusquam brutas ac bestiales, tenebras solo tenebrarum principe dignas, infernaliumque ac damnationis æternæ tenebrarum præambulas, veræ suæ lucis splendore discuteret ac dissiparet. Est profectò beneficium Domini DEI nostri super nos maximum: & à nemine alio præterquam ab ipso DEO, possibile ad præstandum, pro quo beneficio, nullæ satis gratiæ exhiberi possunt DEO nostro à nobis, ne quidem si omnes & singuli hominum filij, toti in gratiarum actiones sese commutarent. Interim autem viderint homines, quomo-

Excell. 18. do debitum istud gratitudinis, Doctori huic suo exhibeant? Viderint ipsi filij Ecclesiæ Christi, filij luminis & regni, filij Euangelij DEI, quomodo ipsi quoque, debito huic satisfaciant?

Christi sū-
mā potestate
docendi, ex-
cellētissim⁹.

An hoc satisfacere est gratitudinis officio, Doctorem Christum cum eius Doctrinā abijcere, explodere, contemnere, atque conculcare? & quid hodie tam vile Christianis, quàm Christi Sapientia, quàm Christiana doctrina, quàm Christi, vel præcepta, vel monita, vel consilia? Mundi, Carnis, diaboli leges obstinatissimā diligentiam custodiuntur, adimplentur, vel vsque ad sanguinis, vitæque tam præsentis, quàm æternæ iacturam; & neglexisse vnum diaboli mundaniuè moris iora, apicemue, pudendum & probrosum est: Christi autem doctrinam, cum ipso Doctore Christo, totis conatibus & ausibus abieciisse, atque despreuisse, generosi, & perquam culti pectoris est, atque animi. Istud est scilicet, Filios Sion, filios Ecclesiæ, fideles Christi, exultare, & lætari in Domino DEO suo, quia dedit eis Doctorem, Justitiæ, Magistrumque ac Ministrum salutis, & vitæ æternæ.

EXCELLENTIA XIX.

Solus Christus Doctrinam, super omnes doctrinas præstantiorem docuit.

DECIMANONA Excellentia Domini Nostri IESU Christi, super omnes creaturas est: quia Doctrina eius quam tradidit nobis, omnibus Doctrinis præstantior est. Non enim solum potestate, & virtute docendi super omnes fuit, ut modò vidimus, verum etiam ipsum Doctrinæ ipsius genus, quod tradidit, & vsque hodie per Apostolos, Apostolorumque successores tradit, supra omnes alias doctrinas est, ita ut nullæ earum, cum hac, vel in minimo comparari mereantur. Hoc euidenter

denter elucescet, si attendere & expendere Doctrinæ
iltius, conditiones seu qualitates voluerimus, quæ
omnes & multæ sunt, & tales, vt nulli alteri doctrinæ
sint communicabiles.

Prima ergo Doctrinæ Christi conditio, & qualitas,
& proprietas est, quia Christi est, quia nimirum DEI-
Hominis est, non puri Hominis, sed DEI-Hominis: ipse
enim in propriâ suâ Personâ DEVS, Verbum Caro fa-
ctum, Doctrinam hanc tradere venit, & tradidit: prout
de eo testatus est IOANNES Baptista, dicens: *Qui de celo* *Ioan. 3. 31.*
venit, super omnes est, & quod vidit, & audiuit, hoc testatur:
dixerat autem idem IOANNES, id testimonium de eo-
dem luculentius & vberius. *Hic erat, quem dixi: qui* *Ioan. 1. 15.*
post me venturus est, ante me factus est, quia prior me erat,
& de plenitudine eius, nos omnes accepimus, & gratiam pro
gratiâ: quia lex per Moysen data est, gratia, & veritas per
JESUM Christum facta est. DEVS enim nemo vidit unquam,
unigenitus Filius, qui est in sinu Patris, ipse enarrauit. Pro-
pheta quoque de hac eiuldem Domini nostri, in docen-
dis nobis operâ, hunc in modum est prælocutus. *Hic* *Baruch 3. 36.*
est DEVS noster, & non estimabitur alius aduersus eum, Hic
aduenit omnem viam disciplina, & tradidit illam Iacob pu-
ero suo, & Israel dilecto suo. Post hac in terris visus est, &
cum hominibus conuersatus est. Ista est prima conditio,
proprietasque Doctrinæ Christi, & nulli alteri commu-
nicanda, & ex quâ omnes aliæ proprietates emanant,
tanquam à suâ origine.

Secunda est, Certitudo & infallibilitas, cum enim,
procedat à primâ veritate, Verbo DEO reuelante, qui
neque falli, neque fallere potest, manifestum est Doctri-
nam eius certissimam, & infallibilissimam esse, in omni-
bus & singulis suis punctis: ita, vt perinde certum sit
vnum iota, vel apex, sicut ipsamet vniuersa. Ideò Do-
minus noster affirmavit: *Cælum, & terra transibunt, ver-* *Matt. 24 35.*
ba autem mea non transibunt. Ideò quoque tam est firmi-
ter & constanter assentiendum, vni minimo Domini
nostri.

Excell. 19.

nostri documento, aut dicto, sicut vniuersæ illius doctrinæ: etenim tam necesse est, veracem esse Dominum nostrum in vnico, quàm etiam in toto, & tam est impossibile fallere, vel falli illum in vno, quàm in omni asserto suo, & insuper tam est absurdum, & damnosum fidei & assensui nostro, in vno aliquo puncto non credere doctrinæ Christi, quàm & toti doctrinæ ipsius, indeque etiam qui vnum articulum fidei doctrinæque Christi non credit, nullum articulum fidei credit fidei Diuinæ, quoniam qui fecit in vno aliquo puncto fallacem Christum, eiusque reuelationem dubiam: Vniuersam, & de omnibus, reddidit, & illam, & illum suspectum, atque fallacem.

Tertia conditio proprietatisque Doctrinæ Christi est, quia est plenissima atque perfectissima, & complectens in se omnia, quæ sunt veræ & absolutæ doctrinæ necessariò complectenda. Duo autem potissimum complecti, ac tradere debet completa & perfecta doctrina: Primò, vt sit de DEO, tam secundum eius Esse, atque existere, quàm secundum perfectiones eius, atque etiam opera siue naturalia, siue supernaturalia, quin etiam legem & voluntatem, & veritatem, & potestatem, sapientiam, Gubernationem, prouidentiamque illius naturalem & supernaturalem; arcana quoque & iudicia, præcepta, & consilia, præmia, & promissa, supplicia & minas. Secundò perfecta doctrina complecti debet, vt sit, dirigens creaturæ, nempe Hominum Animas, mentes, ac voluntates, studia, desideria, actiones, intentionesque ad vltimum finem, & summum bonum: Vt nimirum, dirigat homines, ad DEI cognitionem, amorem, obedientiam, venerationem, possessionem, ad vitæ morumque sanctitatem, integritatem, perfectionem, DEIque similitudinem, & ad æternam beatitudinem. Vtrumque hoc Doctrina Christi complectitur, & præstat plenissimè, neque alia vlla ad hoc pertingit, potestue pertingere. De hac perfectione Doctrinæ Domini Nostri, Apostolus

stolus fusè sublimiterque differens, inter alia hæc ait, *ut simus in laudem gloriæ eius, (DEI) nos, qui ante sperauimus in Christo: in quo & vos cum audissetis verbum veritatis, (Euangelium salutis vestræ) in quo & credentes signati estis Spiritu promissionis sancto, qui est pignus hereditatis nostræ, in redemptionem acquisitionis, in laudem gloriæ ipsius.*

Ephes. 1. 12. Christus doctrinâ supergrediēte omnium doctrinarum præstātiā, excellentissimus.

Quarta conditio atque proprietas Doctrinæ Christi est, quod sit humilis, sed ita ut in humilitate suâ sit etiam valdè sublimis. Tradidit enim Dominus noster doctrinam suam, verbis, parabolis, similitudinibus, simplicibus, & in speciem vulgaribus, sed interim in his tradidit, & eructauit abscondita à constitutione mundi, tradidit arcana, Mysteriaque abditissima, & altissima: non in doctis humanæ sapientiæ verbis, sed quæcunque audiuit à Patre: sicut & ipsemet Dominus dicebat. *Qui me misit, verax est, & ego quæ audiui ab eo, hæc loquor in mundo, & sicut docuit me Pater, hæc loquor: & qui me misit, mecum est, & non reliquit me solū.* Tradidit etiam Dominus doctrinam suam humilibus, simplicibus, pauperibus, imò & peccatoribus, propterea exultans spiritu, aliquando dicebat Patri. *Gratias ago tibi Pater, quia abscondisti hæc, (suam scilicet Doctrinam) à sapientibus & prudentibus, & reuelasti ea paruulīs.* & alio loco dicebat, *Pauperes euangelizantur.* Et *Publicani, & meretrices præcedent vos in regnum DEI.* Et, *Publicani & meretrices crediderunt.* Itaque Doctrina Christi eius indolis est, ut quos erudit, quique in eâ proficiunt, faciat humiles, & non abundantes in sensu suo, & non alta sapientes, sed humilibus consentientes, alioqui enim, si quis in doctrinâ Christi doctus, inflaretur & superbus fieret, non ille in Christi scholâ proficeret, sed magis à diabolo magistro scientiam superbiendi disceret, diabolus enim est Rex, super omnes filios superbiæ, & scientia illius inflat, Charitas verò Christi (& hæc est, medulla doctrinæ ipsius) ædificat, & humilitatem adinuicem insinuare docet. Atque hæc est solius Christi Doctrinæ, & nullius alterius ge-

Matt. 13. 35.

Ioan. 8. 26. & 28.

Matt. 11. 31.

Matt. 21. 31. & 32.

Excell. 19. nuina, notio: Et ideo ex hac confurgit.

Quinta conditio eiusdem Doctrinæ Domini nostri, nimirum quod sit mole quidem, & specie suâ tenuis, & valdè exigua, virtute autem, & efficaciam immensitatem, ipsam transcendat. Propter quod illam Dominus comparauit grano synapis, quod minimum quidem est ex omnibus oleribus, cum autem seminatum creuerit fit arbor, ut volucres cali habitent in eâ: cui, cum omni veritate attribui possunt, dicta de arboris illius laude, quam somnauit Nabuchodonosor. Videbam, & ecce arbor in medio terræ, & altitudo eius nimia: magna arbor, & fortis, & proceritas eius contingens calum, aspectus illius erat, usq; ad terminos vniuersæ terræ: Folia eius pulcherrima, & fructus eius nimius, & esca vniuersorum in eâ, subter eam habitabant animalia, & in ramis eius conuersabantur volucres cali: & ex eâ vescébatur omnis caro. Hæc encomia vniuersa arboris huius vsque adeo ex amissim, & manifestè Domini nostri Doctrinæ conueniunt, ut nemo sit fidelium, qui id persciscere absque meâ particulari applicatione, explanationeque præstare non possit. Attamen de Grano synapis, quod initio adduxi, non omitam verba Beati Hieronymi afferre, dicit ille. Prædicatio Euangelij, minima est omnibus disciplinis. Ad primam doctrinam, fidem non habet veritatis, Hominem-DEVM, Christum mortuum, & scandalum Crucis prædicans. Conser huiusmodi doctrinam, dogmatibus Philosophorum, & libris eorum, & splendori Eloquentia, & compositioni sermonum, & videbis, quanto minor sit ceteris seminibus sementis Euangelij: Sed illa cum creuerint, nihil mordax, nihil viuudum, nihil vitale demonstrant, sed totum flaccidum, marcidumq; & molitum ebullit in olera, & in herbas, quæ citò arescunt, & corruunt. Hæc autem Prædicatio, quæ parua videbatur in principio, cum vel in Animâ credentis, vel in toto mundo sata fuerit, non exurgit in olera, sed crescit in arborem: ita ut volucres cali (quas vel Animas credentium, vel fortitudines, DEI seruitio mancipatas, sentire debemus) veniant, & habitent in ramis eius. Hæc Hieron.

At enim efficaciam Doctrinæ Christi enarrare, immensi plane est operis. Quis enarrabit, quod Doctrina Christi omnes alias doctrinas, quæ alias antiquitus orbem vniuersum distraxerant, & destruxerant, sic dissoluit atque deuorauit, quomodo serpens Mosaicus omnes magorum Aegyptiacorum dracones deuorauit? quis enarrabit, quod Christiana Doctrina Lux, omnes aliarum scientiarum humanarum, lucēs sic extinxerit, atque obruerit suæ lucis immensitate, quomodo oriens sol dissipat tenebras, & stellas minores abscondit? Quis enarrabit, quod Doctrina Christi Sanctitas omnes inueteratissimorum vitiorum, scelerum, errorumque densitates atque crassities, non rationi tantum naturali, verum etiam ipsi bruto, bestiali que quali, quali lumini repugnantes, disturbauerit, dissipaueritque, & ad obedientiam sanctitati, rectitudinique suæ adduxerit? adduxerit autem ita, ut sanctitate hac imbutus mundus delegerit, totum se suo proprio cruore, per omnes populos, regiones, vrbes, & loca largissimè, pluribus seculis profuso, abluere, potius quam rectitudinem sanctitatis, veritatis, fidei, doctrinæque Christi, vel tantillum inclinare, aut inquinare. Quæ vnquam Doctrina, scientia, veritasue putata, tantis asserta est prodigijs, ac miraculis, tantis comprobata & illustrata argumentis, tantis defensa, & retenta constantissimarum mentium, vsque ad sanguinem, vsque ad corporum laniationem, vsque ad crudelissimarum cædium, exquisitissimarumque carnificinarum horrendam, stupendamque sufferentiam, exercitibus, atque legionibus, tum verò victorijs, atque trophæis, & triumphis; quomodo vna Christi Doctrina à tot populis, à tot hominibus, à tot hominum ætatibus, pueritiâ etiam, atque infantiâ, adultis robustisque annis præcurrente, hebetatis omnibus laniationum & cædium instrumentis, superatis omnium potestatum Tyrannicarum viribus & conatibus, defensa, asserta, stabilita, victrix & triumphans, laureataque, vniuersi orbis, vniuer-

Christus doctrinâ suâ pergrede te omnium doctrinarum præiūctias, excellentissimus.

Excell. 19.

forumque populorum, ac hominum consecuta est dominatum? Da mihi doctrinam, quæ in Christi Doctrinâ vel unicum, vel tenuissimum, vnius etiam apicis næuum, errorem, dubiumve inuenerit? da mihi doctrinam, quæ à Christi Doctrinâ vel erroris, vel falsitatis, vel stultitiæ, vel saltem imperfectionis, inefficiaciæque redarguta, & conuicta non sit? Da mihi doctrinam, quæ tantum possit, potueritve in animis volutatibus, intellectibusque exercere dominium, tantas immutationes facere, tam arduas persuasiones introducere; quantas & fecit à primis suis initijs, progressibusque, & facit usque hodie, & factura est indubitatè Doctrina Christi usque ad consummationem sæculi? quantos leones ferocitate, in mitissimos Agnos, quantos lupos in ouiculas, quàm superbos in humiles, quàm rebelles in obsequentes, quàm iracundos in mites, quàm carnales & turpes, in spirituales & castos, quàm avaros & raptores alienorum, in suorum profusores, quam addictos immerfosque terrenis, in omnium contemptores, quam diuites, in pauperes, quam dissolutos & licentiosos, in disciplinatos, quam Magnos & præpotentes, in paruos ac minimos, quam doctos, & sapientiæ suæ præfidentes, in simplices & humilibus consentientes, quam viuaces in mortificatos, quam sui amatores ac studiosos, in sui abnegatores, osores, ac propè perditores; quam sui Dei que neglectores, salutis suæ oblitos, gloriæ, cultusque Diuini incurios, in studiosissimos Dei, in suæ salutis perfectionisque feruentes, quin & in alienæ salutis perfectionisque inuictos zelatores, quam sceleratos & profligatos in omnem nequitiam, in sanctos innocentes, perfectiæque virtute consummatos: quam iræ mortisque æternæ filios, in Dei & gratiæ filios, in vitæ æternæ heredes commutauit. Infinitus sim, si omnia Doctrinæ Christi, in commutandis ad meliora omnium hominum mentibus miracula recenseam. Cui hæc vel oculis cernere, vel manibus palpare studium est.

Nume-

Numeret Martyres Christi, & olim sanguinolento, & modo lentiore, sed totâ vitâ durante Martyrio insignitos, numeret deuotorum Deo vtriusque sexûs, & omnis ætatis conditionisque hominum myriades. Numeret absconditorum, & mundò planè mortuorum, seseque in animis & corporibus iuges Deo victimas facientium multitudines, seu solitudines. Numeret homines Apostolicos, qui tradiderunt, & tradunt animas suas, vitam sanguinemque suum, pro salute hominum, pro nomine IESV, pro Diuinâ gloriâ. Numeret denique in mundo licet manentes, mundum tamen sub pedibus suis habentes, in carne quidem, non tamen secundum carnem militantes, vestitu sæculares, sed affectu animoque religiosissimos, rebus diuites, sed animo spirituque pauperes, hoc mundo quasi non vtantur vrentes. Hæ tales, hominum Christo militantium classes, doctrinæ Christi sunt messis, sunt fructus, sunt horrea.

Christi doctrinâ supergredientes omnium doctrinarum præstarias, excellentissimas.

Sexta conditio, atque proprietas Doctrinæ Christi Domini est, quod sit recta, sancta, immaculata, sanctos & rectos faciens, exigensque ac iubens sanctitatem, insuper etiam facilitans ac suauem reddens eandem, prout testatur ipse Dominus, dicens: *Venite ad me omnes qui laboratis, & onerati estis, & ego reficiam vos. Tollite iugum meum super vos, & discite à me, quia mitis sum, & humilis corde. & inuenietis requiem animabus vestris. Iugum enim meum suauis est, & onus meum leue.* Hanc Doctrinæ Christi notam, proprietatemque B. Zacharias Pater S. IOANNIS Baptistæ, celebravit in cantico suo dicens, Dominum in carne aduenturum esse, iuxta promissiones Patribus datas: *Vt sine timore de manu inimicorum nostrorum liberati, seruiamus illi in sanctitate, & iustitiâ coram ipso, omnibus diebus nostris.* Vbi Propheta, in singulis fermè verbis, aliquam sanctitatis partem, ex Domini in carne prædicatione, in nos redundaturam significat, v. g. dicit: *ut sine timore, &c.* rotundè Dominus adimit nobis timorem omnem omnium inimicorum. *Nolite timere eos, qui*

Matt. 11. 28. & 29. & 30.

Luc. 1. 24.

Matt. 10. 28.

- postquam occiderint corpus, amplius non habent, quid faciant,
 Luc. 12. 5. ostendam autem vobis quem timeatis, timeate eum, qui postquam
 occiderit, habet potestatem mittere in gehennam: ita dico vo-
 Mar. 6. 50. bus, hunc timeate: & aliàs, confidite, ego sum nolite timere.
 Nimirum ademit nobis Dominus timorem seruilem,
 Exod. 19. 12. qualem lex vetus perpetuò spirabat, ingeminans, morte
 Rom. 8. 15. morietur, dedit autem (vt PAVLVS testatur,) spiritum ado-
 ptionis filiorum, in quo clamamus, Abba Pater, & IOANNES
 Ioan. 1. quotquot (ait) receperunt eum, dedit eis potestatem filios DEI
 Luc. 1. 24. fieri. De manu inimicorum nostrorum liberati: quomodo,
 & à quibus inimicis liberauerit nos Dominus noster,
 supra vitum est, insuper autem dicebat IESVS, ad eos,
 Ioan. 8. 31. qui crediderunt ei: Si vos manseritis in sermone meo, verè
 discipuli mei eritis, & cognoscetis veritatem, & veritas libe-
 Excell. 19. rabit vos, ac nè multis morer, Dominus noster, & eius
 Luc. 11. 21 doctrina, est ille Fortior qui superueniens forti armato, &
 sua in pace possidenti, vicit eum, & vniuersa arma eius abstu-
 lit, in quibus confidebat, & spolia eius distribuit; & ipse post-
 Ephes. 4. 8. modum ascendens in altum, captiuam duxit captiuitatem,
 ac dedit dona hominibus. Christi enim Doctrina, vsque
 adeò fortis ac robusta est, vt omnes inferorum portæ,
 omnia castra, & arma diaboli, Mundi, carnis, peccati, &
 mortis, & inferni, nihil possint, tam aduersus illam,
 quàm aduersus eos omnes, qui eidem ex animo, & ex
 corde adherent, diabolo autem, & gregalibus eius resi-
 stunt fortes in fide. Quibus B. IOANNES scribens, ait.
 1. Ioan. 2. 14. Scribo vobis iuuenes, quoniam fortes estis, & verbum DEI
 manet in vobis, & viciatis malignum. Neque id mirum,
 1. Ioan. 4. 4. quoniam vt idem IOANNES testatur, Vos ex DEO estis,
 filioli, & viciatis eum (Mundum) quoniam maior est, qui in
 vobis est, quàm qui in mundo. Addit autem Zacharias, Li-
 berati seruimus illi in sanctitate, & iustitiâ. Ille nimirum
 est Icopus, addo & fructus, totius cum Incarnationis,
 tum, prædicationis Dominicæ, vt scilicet, absoluti ab
 omni seruitute peccati, & Tyrannide diaboli, toti ad DE-
 VM conuersi, imò per Christum Diuinæ consortes Na-
 turæ

turæ facti, non iam sinamus regnare peccatum, aut vllam immundiciam in nobis, sed serui facti Iustitiæ atque sanctitatis, & veritatis, in eadem seruiamus illi, dicente Christo Domino ipso. *Venit hora, & nunc est, quando Ioan. 4. 23. veri adoratores, adorabunt Patrem in spiritu, & veritate. Nam & Pater tales quarit, qui adorent eum: Spiritus est Deus, & eos, qui adorant eum, in spiritu & veritate oportet adorare.* Quod ipsum PAVLVS explanauit ita scribens. *Ap. Tit. 2. 11. paruit gratia Dei Saluatoris nostri, omnibus hominibus, erudiciens nos, ut abnegantes impietatem, & secularia desideria, sobriè, & iustè, & piè viuamus in hoc sæculo, expectantes beatam spem.* Nimirum ita decet, atque necesse est, vt uiuant omnes eruditi, à Domino IESV Christo, in quo ele- *Eph. 1. 4. git nos Deus, ante mundi constitutionem, vt eruditi ab ipso, & renati in ipso, essemus sancti, & immaculati in conspectu eius in charitate, quæ est legis, & iustitiæ omnis plenitudo: vt PAVLVS ait.* Etenim Domino nostro displicet, si quis *Rom. 13. 10. Christus doctrinâ supergrediēte omnium doctrinarum præstātissimus,* ex auditoribus, ac fidelibus eius, inueniatur sine plenitudine tum legis, tum fidei, tum maximè dilectionis.

Non est quoque prætermittendum, quod Zacharias cecinit, Christum suo aduentu atque doctrinâ, id actuum perfecturumque, vt seruiamus illi, in sanctitate, & *Luc. 1. 35. Iustitiâ coram ipso, quod quidem non obiter pensabit, quisquis sibi ob oculos proposuerit, Dominum nostrum IESVM Christum arguentem grauitè, & monentem seruo, & terrentem minaciter vnum aliquem ex seruis suis.* Scio (inquit) opera tua, quia nomen habes, quod viuas, & mortuus es. Eslo vigilans, & confirma cetera, quæ moritura erant. Non enim inuenio opera tua plena, coram DEO meo. In mente ergo habe, qualiter acceperis, & audieris, & serua, & penitentiam age: Si non vigilaueris, veniam ad te tanquam fur, & nescies quâ horâ veniam ad te. Iuxta hanc ergo Domini sententiam, grandis necessitas nobis incumbit habere plenâ operâ, seu, quod idem est, seruire Domino in sanctitate & iustitiâ coram ipso. Quid est autem coram ipso? nisi fallor illud est, quod Abrahæ dixit

- Excell. 19. dixit DEVS. *Ambula coram me, & esto perfectus*, vel illud:
 Ioan. 12. 25. *Qui mihi ministrat, me sequatur*, vel illud: *ambuletis dignè*
 Colof. 1. 10. DEO, *per omnia placentes: in omni opere bono fructificantes*,
 Matt. 11. 29. & *crescentes in scientiâ DEI*, vel illud: *Discite à me, quia*
 mitis sum, & *humilis corde: Exemplum enim dedi vobis, ut*
 Ioan. 13. 15. *quemadmodum ego feci, ita & vos faciatis*; vel illud: *Manete*
 in me, & *ego in vobis, quia sine me, nihil potestis facere*, vel
 Ioan. 15. 5. illud: *Non erat ei opus interrogare de aliquo, ipse enim scie-*
 bat, *quid esset in homine*; vel illud: *Vt possitis stare coram fi-*
 Ioan. 2. 25. *lio hominis, cum venerit rationem ponere vobiscum, quibus di-*
 Luc. 21. 36. *xit: Negotiamini dum venio, & unicuiq; redde (dicer) ratio-*
 Luc. 19. 13. *nem villicationis tuæ*; vel illud: *Cum cras, intra in cubicu-*
 Luc. 16. 2. *lum tuum, & clauso ostio, ora Patrem tuum: & Pater tuus,*
 Matt. 6. 6. *qui videt in abscondito, reddet tibi*, vel illud: *Ecce ego vo-*
 Matt. 28. 20. *biscum sum, usq; ad consummationem sæculi*; tam immensi-
 tatis & cognitionis præsentia, quàm adiuuante vos
 omnipotentia, quàm dignatione Sacramentalis Euchari-
 sticæque commorationis, quàm interuentione meorum
 pro vobis, apud Patrem meritorum, quàm causæ vestræ
 Matt. 10. 20. *simul cum meâ communicatione. Non enim vos estis*
 qui loquimini, sed *spiritus Patris vestri: Ego enim dabo vobis*
 Luc. 21. 15. *os & sapientiam, cui non poterunt resistere omnes aduersarij*
 vestri. Vel denique, *Coram ipso: quia siue agamus, siue*
 patiamur, omnia propter ipsum, omnia coram ipso,
 omnia quasi ille esset ipse; quomodo persequenti suos,
 Act. 9. 5. Saulo dixit: *Quid me persequeris? & quomodo patiente*
 Act. 7. 77. STEPHANO, IESVS *stetit à dextris virtutis DEI, tanquam*
 & ipse pugnans in milite suo, aut coronam parans mi-
 liti suo. Propter quod omnibus suis edixit: *Beati estis,*
 Matt. 5. 11. *cum maledixerint vobis, & persecuti vos fuerint, & dixerint*
omne malum aduersum vos mentientes, propter me: gaudete,
 & *exultate, quoniam merces vestra copiosa est in calis.*

Ad extremum adiecit Zacharias clausulam, prædi-
 ctioni suæ atque prædicationi Domini nostri Doctrinæ:
 quia secundum regulam Doctrinæ huius, ambulandum
 & seruiendum est Domino, in sanctitate & iustitiâ co-
 ram

ram ipso, omnibus diebus nostris. In quâ clauulâ non puto Prophetam sanctum respexisse, ad dies solum vitæ, vel eorum qui simul conuiuebant: neque tantum, ad dies credentium in Christum ex Iudæis, aut Israëlitis, sed respexit ad dies omnium fidelium, ex omnibus populis & gentibus, quæ in Christum erant credituræ, & doctrinam eius recepturæ: respexit etiam ad dies omnes excursuros à Christo, & à prædicatione Doctrinæ, ac legis ipsius, vsque ad extremos sæculi mundi que fines. Omnes enim isti dies sunt nostri, sunt (inquam) hominibus omnibus destinati ad hoc, ut omnes sine timore de manu inimicorum suorum, virtute, meritis, & Doctrinâ Christi liberati, seruiant illi in sanctitate & iustitiâ coram ipso, omnibus diebus suis, secundum quod etiam PAVLVS alicubi monet: *Ergo dum tempus habemus, operemur bonum.* quin & Dominus ipse. *Adhuc (ait) modicum est lumen in vobis, ambulate, dum lucem habetis: ne vos tenebra comprehendant. Venit nox, in quâ nemo operari potest.* Omnes ergo sine timore seruiamus in sanctitate & iustitiâ coram Domino, omnibus diebus nostris. Partim, quia hi soli Dies dati sunt nobis, (ut dixi) ad operandam in eis salutem nostram: qui cum præterierint, ingruet nox & operatio cessabit, & repentina superueniet egestas, & claudetur ianua. Partim quia Doctrina Christi diebus istis, & omnibus, & solis permanebit, operabitur, & proderit ad salutem. Permanebit enim virtus eius, ad saluandos nos homines, & simul etiam, necessitas & obligatio hominum ad obseruationem illius, vsque ad finem huius sæculi, seu mundi, ultra hoc autem, sicut non erunt dies operationis, ita nec erunt dies, secundum hanc doctrinam operationis. Ab initio mundi, fuit Lex & Doctrina Naturæ: ista expectauit & accepit successionem Legis & Doctrinæ, per Moysen, datæ seu scriptæ. Hæc quoque cum obligationes quidem multas inponeret, auxilium verò ad eas implendas aut nullum, aut parçè exhiberet, *egenis & sterilibus*

Christus doctrinâ supergredietur omnium doctrinarum præiactas, excellentissimus.

Ad Gal. 6. 10.
Ioan. 12. 35.
Ioan. 9. 4.

Gal. 4. 7.

Hebr. 7. 18. elementis comparata est, propter infirmitatem, & inutilita-

tem suam, & quia non poterat iuxta conscientiam, perfectum

Hebr. 10. 4. facere seruientem: impossibile enim est sanguine taurorum & hircorum auferri peccata, & propterea etiam accepit par-

Exc. 19. tim abrogationem in ceremonijs, partim successionem in sacrificijs, partim perfectionem & adimplentionem in vitæ, morumque præceptis: & hoc per Christum, atque hæc est Lex gratiæ, quæ & præcipit, & adiuuat efficaciter ad implenda ea, quæ præcipit, quemadmodum vitis, quæ & palmites germinat, & palmitibus vitam, virtutemque ad proferendos fructus subministrat. Huic Christi doctrinæ, vel (vt Daniel loquitur) Regno, suc-

Dan. 2. 44. cessio nulla est in hoc mundo, sed in æternum non dissipatur,

Hebr. 13. 8. & alteri populo non tradetur. Nam Dominus Iesus vs heri, & hodie: & ipse in sæcula, & regni eius non erit finis. Tentarunt quidem & antiquitus, & deinceps, & recentius subintroire, & nunc subintrant plurimi, introducere in Ecclesiam Christi, noua & noua dogmata, nouos & nouos Christos, & noua Christi inchoare regna, noua ouilia, nouas Ecclesias acephalas, inuisibiles, chimericas, Deum peccatorem, & diabolo peiorem, ad peccata cogentem, & nihilominus ea subdolè prohibentem, tyrannicè verò castigantem, cum diabolus tantum pelliciendo ad peccandum inducat, nec nisi iussus puniat, asserentes atque adorantes, Patrem æternum, ab æterno sterilem, Filium Patri degenerem, patris nihil habentem, ex non ente factum aliquid Spiritu carentem, Spiritum sanctum inanimatum, vento nihil meliorem, & quid non? de Deo blasphemantes, prætermittito alia: non enim mihi negotium, cum his in præsentibus, tantum dico: frustra eos esse, frustra nitì: nam in Doctrinâ Christi, neque vnum iota, neque apicem vnum mutare, aut abolere vnquam potuerunt, possunt, poterunt. Habent experientiam omnium à Christo sæculorum, in omnium primis Patriarchis suis Nicolaitis, vsque ad semetipsos hodie pariter insanientes, & insa-

nire

nire facientes, *circumeuntes mare & aridam, ut faciant* Matt. 23. 15.
unum profelytum: & cum fuerit factus, faciunt eum filium
gehenna duplò, quàm se. In his impletur, & impleri ne-
 cesse est anathematizum, à PAVLO eis impositum di-
 cente. *Licet nos, aut Angelus de calo euangelizet vobis,* Galat. 1. 8.
prater quàm quod euangelizauimus vobis, anathema sit. Si- Christus do-
cut pradiuimus, & nunc iterum dico, Si quis vobis euangeli- trina su-
zauerit prater id, quod accepiſtis, anathema sit. Utinam, pergrediēte
 velint aliquando cum Sanctâ Ecclesiâ sapere ad salutem omnium do-
 sibi! Porro nobis Ecclesiæ filijs curæ sit, ut sine timore trinarum
 de manu inimicorum nostrorum liberati, seruiamus præstatis,
 Deo nostro Christo, in sanctitate, & iustitiâ coram, excellentiſ-
 ipso, omnibus diebus nostris, de cuius Doctrinæ recti- simus.
 tudine, atque sanctitate, hæc quidem nunc sufficiant.

Septima conditio, & proprietas Doctrinæ Domini
 nostri, quod sit omnium doctrinarum, rectique omnis
 regula, & amussis, cui si quæcunque dogmata, auctorita-
 tes, sententiæ, canones, axiomataue non consentiant,
 eò ipso falsa, erronea, aut etiam pernicioſa sunt: sin-
 verò ei conformia sunt, hoc ipsum eis ad approbatio-
 nem, rectitudinemque sufficit. Hinc dicebat Domi-
 nus. *Qui non est mecum, contra me est, & qui non colligit* Luc. 11. 23.
meum, spargit; inde etiam PAVLVS, proximè relatus Galat. 1. 8.
 omnia dogmata, vel ab ipsis per impossibile Angelis
 de calo asſerta, Christi Doctrinæ diſſona, anathemati-
 zati. Inde quoque innumeræ, id est omnes Hæreticæ
 doctrinæ, & schismaticæ diſſenſiones, ad vnius soliutque
 Christi Doctrinæ, examen, per Sanctam Ecclesiam, tan-
 quam per columnam & firmamentum veritatis addu-
 ctæ, reprobata, contrita, atque damnata sunt. Nimi-
 rum, Doctrina Christi. Doctrina veritatis & Sapientiæ,
 & quidem primæ ac substantialis est, cui proinde nec
 subesse, nec conformari vlla falsitas potest, sed neque
 vllum verum ab eadem potest diſſentire.

Octaua conditio Christi Doctrinæ, est admirabilis,
 planèque ineffabilis consensus omnium eius partium,

Excell. 19. articulorum, assertorumque ineffabilis nexus, & vnus ab altero dimanatio, vnus in alterum reciprocus regressus, vnus ab altero firmitas & constabilicio, mutua, & veluti condita, conuocataque, in errores seu contraria dogmata conspiratio. Ista proprietates Christi Doctrinæ (quæ nulli alteri inest, sed omnes tum erroribus, tum falsitatibus, tum contradictionibus, tum absurdis sca- rent, redarguunturque impossibilibus, nequē consilte- re aut defendi aliter, quàm pertinaciâ possunt, aliàs enim confutata & conuicta deferri, secundum rationem debent,) ista inquam Doctrinæ Christi proprietates adeò stupenda est, & indubitata veritatis illius testis, vt seclu- sis omnibus alijs, de illius veritate ac sinceritate attesta- tionis, sola hæc sit satis ad euincendum quod Diuina sit, quod à verâ DEI Sapientiâ adinuenta, quod à vero DEO tradita. Nulla enim puræ creaturæ, sapientia suffice- re potest suis viribus, & suâ capacitate, ad tantam, tot, tantarumque veritatum, adinueniendam, consocian- dam, colligendamque multitudinem, cum adeò infalli- bili certitudine, certitudinisque euidentiâ, ac necessita- te. Sola est Sapiencia DEI, quæ est Dominus noster. **JESVS** Christus, qui hanc Doctrinam, ex visceribus Di- uinitatis, & ex ore Altissimi haustam, deduxit de calis in terram, & tradidit generi humano, per semetipsum quidem primò, deinde per illos quos ipse ad hoc magi- sterium, idoneos non inuenit sed fecit, implens eos Spi- ritu sancto, qui docuit eos omnem veritatem, & doce- re fecit omnem, quæ sub cælo est nationem. In quâ doctrinâ Domini, adeò imma summis, adeò extrema primis, media vtriusque, facillima difficillimis, naturali- ter nota naturalem notitiam euincens, speculatiua practica, clarissima obscurissimis, minima maximis, co- hærent, concatenataque sunt: vt incoherentiæ aut in- consequentiæ, aut erroris, aut falsitatis, aut absurdi, aut impossibilitatis argui, conuinciuè nihil possit & potius impugnatio, siue impugnans ratio suam prodar, atque argua

arguat falsitatem, vel incertitiam, quam in Doctrinâ Christi, aliquam ostendat imperfectionem, aut notam.

Nona conditio Doctrinæ Christi, quia excedit transcenditque in immensum, sapientias omnes humanas, siue Theoricas, in solâque intellectûs cognitione sitas, siue Practicas & Morales, atque voluntatis informatrices, perfectricesque. Quæ vnquam scientia humana, attigit vnum in Essentiâ, trinum verò in Personis, seu suppositis DEVM? quæ humana scientia, attigit vnquam Personarum in DEO seriem, ordinem, processiones, processionum modum, numerum, & procedentium, & quæ scientia allecuta est coæqualitatem, consubstantialitatem, coæternitatem Personarum in DEO, quomodo nec Genitor genito prior, nec genitus genitore posterior, nec spiritus inferior spirantibus, & spirantes duo spiratione autem ambo vnus, vnica & eadem spiratione, vnum spirant Spiritum Sanctum, sibi consubstantialem atque coæternum? Quæ scientia cognouit à naturâ completâ hypostasim distingui, & naturam, posse suâ propriâ hypostasi priuari, alienâ autem subsistere? Quæ scientia cognouit, accidentia à subiecto suo posse separari, & per se subsistere absque vllâ substantiâ? Quæ scientia cognouit duo corpora quantitate prædita, penetrare se, ac in vno eodemque loco esse posse, vnum corpus in plurimis locis esse posse, & indiuisibiliter totum in toto, totumque in qualibet parte? Venio ad moralia, quæ scientia cognouit ordinem naturalem, atque supernaturalem, temporalem & æternum. Naturæ, Gratiæ, Gloriæ? Finem vltimum, Beatitudinis æternæ, & media, & auxilia, & impedimenta ad ipsam? Cui Ethicæ, atque de virtutibus scientiæ, venit in mentem Doctrina Christi de Beatitudinibus octo, de dilectione inimicorum, de condonatione iniuriarum, de benefaciendo malefactoribus, de benedicendo maledicentibus, de orando pro persequentibus? Cui Ethicæ, venit in mentem Humilitatis virtus, cum

*Ephes. 1.12.
Christus doctrinâ suâ
pergrediēte
omnium doctrinarum
præstantias,
excellenti-
simus.*

- Excell. 19. suâ perfectione & gradibus, & fundamentis eius? Quæ doctrina docuit, & suasit Virginitatem perpetuam, & veram DEO? quæ schola docuit: *Diliges Dominum, DEUM tuum, ex toto corde tuo, ex tota animâ, fortitudine viribus tuis, & proximum sicut te ipsum?* quæ schola docuit: *Si vis perfectus esse, vade, vende omnia quæ habes, & da pauperibus, & veni sequere me, & habebis thesaurum in celo?* quæ schola edixit: *Esote perfecti, sicut & Pater vester caelestis perfectus est. Diligite inimicos vestros, benefacite his, qui oderunt vos, ut sitis filij Patris vestri, qui in celis est, qui solem suum facit oriri, super bonos & malos, & pluit super iustos & iniustos. Si enim diligitis eos, qui vos diligunt, quam mercedem habebitis? nonne & ethnici hoc faciunt? Cuius scholæ dogmata sunt: Nolite solliciti esse dicentes, quid manducabimus, aut quid bibemus, aut quo operiemur? hac enim omnia gentes inquirunt. Scit enim Pater vester, quia his omnibus indigetis. Quarite ergo primum regnum DEI, & iustitiam eius, & omnia adjicientur vobis: Nolite ergo solliciti esse in crastinum?* Quæ doctrina edixit: *Oportet semper orare, & non deficere. Et ego dico vobis, petite, & dabitur vobis, quærite, & invenientis, pulsate, & aperietur vobis, omnis enim qui petit, accipit? Et, Amen amen dico vobis, quia quidquid orantes petitis, credite, quia accipietis, & fiet vobis. Dicetis huic monti: tollere hinc, & mittere in mare, & fiet? Super hac Dominus docuit nos orare, dicens, sic orabitis. Pater noster, qui es in celis, sanctificetur nomen tuum: adveniat regnum tuum, fiat voluntas tua, sicut in celo & in terrâ. Panem nostrum quotidianum, da nobis hodie; Et dimitte nobis debita nostra, sicut & nos dimittimus debitoribus nostris: Et ne nos inducas in tentationem, sed libera nos à malo, Amen.* Istâ Dominicâ Oratione, nihil in orationum genere, est, esseuè potest perfectiùs, & absolutiùs; Digna oratio, quam ipsa Sapientia Increata, Incarnataque per os suum Sacrosanctum eruaret. Huic orationi, nihil addi potest ad petendum à DEO, quod iam hic conclusum non sit. Et quæ hæc Oratio, verè grande miraculum in Doctrinâ

doctrinâ Christi, quod in tanto compendio complectatur omnia, quæcunque à Deo dignè peti possunt, & neque addi, neque adimi quidquam ei potest. Hactenus certè nemo sapientium, nemo Sanctorum, piorumq; quidquam reperit, quod orationi huic Dominicæ superadderet, tanquam in ea desideratum, & non contentum. Digna oratio (iterum dico) quam Christus doceret, digna, quam omnis Christianus super aurum & topazium æstimet, super mel & fauum regustet, super balsamum, & omnia thymiamata Deo, in odorem suauissimum incendat, ad omnes respiraciones aspirationesque suas, siue integre, siue partitò pronuntiet. Nunquam enim, hæc oratio frustra dicitur, sed semper exauditionem, habet, si in nomine Saluatoris oratur. Ad extremum verò, quæ doctrina tantam omnium virtutum perfectionem, tantam sanctitatis plenitudinem, tantam perfectionis varietatem & sublimitatem docuit, & in hominum mores induxit, & hucusque tantâ cum multiplicatione propagauit? quæ denique doctrina de saluando, redimendo, restaurando genere humano, de modo, de pretio cogitauit? quæ inuenit & ostendit, Gloriam in Cruce, vitam in morte, salutem in peccato? Ista, & infinita similia, quantæcunque sapientiæ humanæ, in mentem nè per somnium (vt aiunt) venerunt. Christi autem doctrina, plenissima his est, quin imò his tota constat, & adhæc omnes, partim sub promissione æterni præmij obsequentes, partim sub interminatione æterni supplicij, transgressores & negligentes ducit, quod item virumque solus est proprium, soli debitum Doctrinæ Christi. Propterea.

Decima est conditio, Doctrinæ Christi Domini nostri: quia illa sola est omnibus hominibus ad salutem, beatitudinemque necessaria, ita vt sine illâ, & sine subiectione ad illam, saluus esse in æternum possit nemo: cum illâ verò, & cum subiectione ad illam debitâ, perire, damnarique possit nemo. Et ideo dixit Dominus

nolite.

*Christus dicit
doctrinâ su-
pergrediēta
omnium do-
ctrinarum
præstātiā,
excellenti-
ssimā.*

Excell. 19. noster. Si quis mihi ministrat, me sequatur: & ubi ego
 Ioan. 12. 26. sum, ibi & minister meus erit; & rursùm. Ego veni, ut
 Ioan. 10. 10. oves meæ vitam habeant, & abundantius habeant. Et, Qui
 Mar. 16. 16. crediderit, saluus erit, qui verò non crediderit, condemnabitur.

Grandis reuera, & incomparabilis conditio atque prærogatiua: quæ etiam exigit, imò præstat, ut emanet.

Vndecima prærogatiua atque conditio, ut nimirum Doctrina hæc perseueret, quam diu humanum genus in hoc mundo perseuerat; ut omnes homines in hunc mundum venientes, habeant lumen vitæ, quo illuminentur, habeant Matrem, à quâ & concipiantur & pariantur, & educantur, & nutrantur, & manu ducantur, per viam peregrinationis istius à Domino, usque dum, perueniant ad Patriam, ut quoque habeant, à quo ab ignorantijs, & erroribus expediantur, à vulneribus & morbis sanentur, à captiuitate & seruitute eliberentur, in luctu & miserijs consolentur, in lassitudine & laboribus reficiantur, in agonibus & certaminibus animentur & adiuuentur, in victorijs denique coronentur. Quod utique sola Christi Doctrina præstat, & si hæc non præstiterit, nulla superest alia quæ præstet. Inde surgit.

Duodecima conditio, atque prærogatiua eiusdem doctrinæ, quod sit mirabilis, & attemperatissima ad omnes ætates, statûs, ordines, sexus ingenia tempora, tanto quidem artificio, tantâ dexteritate, ut sine ullâ dubitatione, solius ea necessariò sit Sapientiæ D E I. Nullus enim intellectus, tantæ industriæ esse potuit, qui tam alta, tam profunda, tam abdita, tam implexa, tam difficilia, tam varia, tam multiplicia, tam à vulgi sensu, & captu, & consuetudine remota, ac aliena, tam mira, tam carni sensuique, tam voluntati propriæ se, suæque amanti, curanti, tuenti, naturæ præsertim corruptæ, & lapsæ, & prauitatibus innutritæ, inimica, ita apte, ita rotundè, ita candidè, ita secundum communem loquendi, & intelligendi modum singula complecti, efferre, suadere, persuadereque sciuerit, & potuerit: nemo ut
 fit,

fit, cui non adæquetur, & accommodetur, tum rerum, quæ proponuntur conceptio, tum verborum & sententiarum, quibus res traduntur elocutio, tum similitudinum, quibus assertiones explanantur euidencia, & irrefragabilis conuictio, tum denique profundissimarum veritatum, in planum & apertum deductio, quâ fit, ut & simplices planissimè veritatem doctrinæ capiant: & sapientes eius profunditatem minimè peruant, ambulent Agni, tanquam in vado, nacent Elephanti, tanquam in abyssu, eò quod vna eademque, & sit humilior infimis, & altior summis, salutaris humilibus, periculosa præsumptibus. Atque hinc facilè perspicitur.

Decima-tertia conditio Doctrinæ Dominicæ, quod nimirum solum DE VM-Hominem, solam Sapientiam, veritatemque Incarnatam, habere potuerit, ab eaque ipsâ hominibus tradi, proponique debuerit. Tanta enim Doctrinæ huius maiestas, opus habuit maiore, quam puro homine, doctore & auctore. Tanta quoque eiusdem salubritas atque efficacia, & usque ad æternam pertingens vitæ, non nisi verum DE VM & Hominem, habere debuit auctorem, atque propagatorem. Est enim Doctrina ista, fundamentum salutis humanæ, est radix immortalitatis, est debellatrix omnis erroris, stultitiæ, malitiæ, ac imprimis peccati, & eius inuentoris diaboli, est fons vitæ æternæ, lumen indeficiens, turris fortitudinis à facie omnis inimici, & horreum abundans salute, atque beatitudine in omnem æternitatem, quæ omnia non sunt humanæ scientiæ, aut virtutis, sed solius DEI-Hominis, & Sapientiæ Incarnatæ, Domini Nostri IESU Christi, qui in suo ad nos in terras aduentu, compleuit abundantissimè, quod olim per Prophetam promiserat Ecclesiæ suæ. *Latamini (ait) cum Ierusalem, Isa. 66. 10.*

& exultate in eâ omnes, qui diligitis eam, gaudete cum eâ gaudio vniuersi, qui lugetis super eam, ut sugatis, & repleamini ab ubere consolationis eius: ut mulgeatis, & delitijs affluatis ab omnimodâ gloriâ eiu. Quia hæc dicit Dominus, &c.

Christus doctrinâ supergrediete omnium doctrinarum præstātiā, excellentissimus.

Excell. 20.

Corpus doctrinā supergrediēte omnium doctrinarum præstārias, excellentissimus.

Ioan. 15. 3.

ego declinabo super eam, quasi fluvium pacis, & quasi torrentem inundantem gloriam Gentium, quam sugetis, ad vbera portabimini, & super genua blandientur vobis. Quomodo se cui Mater blandiatur, ita ego consolabor vos.

Decima-quarta denique conditio Doctrinæ Christi est, quod mundet & purificet Animas & corda, & conscientias credentium, ita testante ipsomet Domino nostro. Iam vos (ait) mundi estis propter sermonem, quem locutus sum vobis. Sicut enim aqua sordes abluit sicut ignis ferrum, argentum, aurum purgat, sic sermo Domini mundat conscientias, ab omnibus inquinamentis. Nam dum intrat corda, & ab eis assensum fidei, & obedientiam charitatis obtinet, purgat illa & excoquit ab omnibus peccatis, vitijs, erroribus: efficitque illa munda, sancta, Deo grata, usque adeo, ut inhabitentur ab ipso, non secus ac Principes in suis palatijs gaudent inhabitare, quā in re Dominum stipulatorem habemus, dicitur.

Ioan. 14. 23.

enim. Si quis diligit me, sermonem meum servabit, & Pater meus diliget eum: & ad eum veniemus, & mansionem apud eum faciemus. Hoc nullius Doctrinæ sermo, nisi Diuinus sit, præstat. Nullus Doctrinæ Diuinæ sermo, si ei obediatur, non præstat: propterea discipuli dicebant Domino docenti. Verba vitæ aeternæ habes, & PAULUS ait: Vivus est sermo DEI & efficax, & penetrabilior omni gladio ancipiti. Superest ut agnoscantes nos, iustiusmodi gratiam Doctrinæ super nos, per Dominum nostrum IESUM Christum effusa, veneremur Doctrinam, hanc, & auctorem eius: glorificemus sapientiam illius, & laudemus veritatem eius, & magnificemur in potentia virtutis ipsius. Sic hæc gratia, & gratiarum actio, & remuneratio beneficentiæ illius, quia Verbum Doctrinæ ipsius, non erit sterile, nec infructiferum unquam, in nobis, sed potius afferet ei semper desiderabilem fructum, non tantum tricesimum, aut sexagesimum, sed etiam centesimum, & ultra. Sic hæc consolatio Bonitatis, atque veritatis Christi in nobis, & ex nobis, quia

Ioan. 6. 69.

Hebr. 4. 12

sermo

sermo doctrinæ ipsius capit in nobis, uiuit, & crescit, & confortatur in nobis. Illa enim est lignum vitæ huius, qui apprehenderint eam: & qui tenuerint eam, beatus. E contra autem, vani sunt omnes homines, in quibus non est scientia. *Ioan. 8. 37. Prou 5. 18.*
DEI. Et si quis erit consummatus inter filios hominum, si ab illo absuerit sapientia, & Doctrina Christi, in nihilum computabitur. Omnis enim qui talis est, euanescit in cogitationibus suis, & obscuratur insipiens cor eius. & dicens se esse sapientem, stultus efficitur, & in reprobum sensum, atq; in desideria erroris traditur. Ipse autem Dominus noster **IESVS** Christus, & **DEVS**, & Pater noster, qui dilexit nos, & dedit consolationem æternam, & spem bonam in gratiâ, exhortatur corda nostra, & confirmet in omni opere, & sermone bono. *Sap. 12. 1. Sap. 9. 6. Rom. 1. 12. Ibid. 7. 28. Ibid. 7. 24. 2. Theß. 2. 15.*

EXCELLENTIA XX.

Solus Christus est completum Exemplar, Doctrinæ suæ.

VIGESIMA Excellentia Domini Nostri, supra Creaturas omnes est, quia ipse solus est perfectissimum Exemplar eius Doctrinæ, quàm inter nos viuens nobis tradidit, & post suam in cælum Ascensionem, per suos Discipulos tradi mandauit, vsq; ad finem mundi, & in omnes Gentes.

Tanta est enim Doctrinæ Christi Domini Sapientia atq; altitudo, tanta à communi huius vitæ sensu, atq; ratione sublimitas & remotio, tantus in eâ, vel intellectu apprehendendâ, vel amoris desiderijque affectu prosequendâ, vel opere effectûque ipso perficiendâ, labor, ut nisi vel adfuisset, vel adesset, insignè quoddam, viuumque, & adæquatum eius laboris, operisque exemplar ac idea: cui non minùs plenè, quàm solide, ac secure, ab omnibus insiti posset ac deberet, exiguum aut etiam nullum esset operæ pretium, siue docendi, siue ducendi Doctrinam hanc.

Opus igitur erat huius Doctrinæ exemplari, & attentâ eius eminentiâ, opus erat exemplari, per omnia sublimi & perfectio, ac proinde Diuino, seu ipsiusmet Christi DEI Hominis. Accedebat illud, quod tam verè, quam vulgò dicitur, longum sit iter per præcepta, compendiolum autem & breuè, simulque expeditum, ac faciliè per exempla. Faciliè enim traditur atque discitur id, quod exhibitione exempli, factibile demonstratur: è contra verò legniter animus ad illud exequendum accenditur, quod & si audiendo, vel discendo admiratur, an tamen, & quomodo perficiendum sit, exemplo non informatur, & non inflammatur. Eam obrem Dominus noster IOANNI præcursori suo, plenam officij sui laudem assignare volens, dixit de illo, IOANNES erat *Lucerna ardens, & lucens*. Lucens verbo doctrinæ, ardens exempli & operis igne, fuisset enim aliàs tantum lucere vanum, tantum ardere parum, ardere autem & simul lucere erat perfectum. Id ipsum etiam Dominus IESVS in semetipso exhibuit, prout de illo scribit Euangelista, dicens. *Cœpit IESVS facere & docere*: faciebat enim quæ docebat, & vicissim docebat quæ faciebat: non sicut Scribæ & Pharisei, de quibus Dominus ipse dixit. *Dicunt enim, & non faciunt, alligant onera grauiâ, & imponunt ea super humeros hominum, digito autem suo, nolunt ea mouere*. Dominus autem non sic: sed ait. *Exemplum dedi vobis, vt quemadmodum ego feci, & vos similiter faciatis*. Et aliàs ait: *Si non venissem, & locutus fuisset eis: peccatum non haberent; Si opera non fecissem in eis, quæ nemo alius fecit, peccatum non haberent*.

Igitur & necessarium fuit, & exhibitum est exemplum Doctrinæ suæ à Christo Domino. Quo quidem peculiariter indigebat Dominica Doctrina, propter peculiarem quoque conditionem, (& vt sic loquar) Naturam, indolemque suam, simul verò & propter hominum ad huius doctrinæ, tum percipiendam, tum verò maximè perficiendam virtutem, sibi innatam inueteratamque hebetu-

hebetudinem. Quod utrumque, ut commodè percipiatur, deducendum videtur ex quibusdam principiis, apud nos quidem homines vulgò vſitatis, non perinde tamen in animaduersione positis; cuius quidem animaduersionis defectu, admodum pernicioſe, maxima pars humani generis etiam Christiani laborat.

Christus ob
perfectissi-
mū sue do-
ctrina Exē-
plar, excel-
lentissimus.

Primò: Omnis homo, naturaliter bonum desiderat, in eoque suam beatitudinem statuit, si habeat bonum quod appetit.

Secundò: Omnis item homo compositus est, ex Corpore & Animā; Corpore sensuali materiali corruptibili; Animā immortali spiritali immateriali.

Tertiò: Iuxta utramque hanc suam partem, omnis homo appetitus habet diuersos. Habet enim appetitum sensitium, quo appetit bona corporis & sensuum, bona materialia, sensibilia, delectabilia, corpus & sensus eius mulcentia, oblectantia, vel talibus seruiencia. Habet etiam appetitum rationalem, qui vocatur voluntas; hæc libera est, sed per se cæca, & quid boni appetat nescit, sed ab Intellectu formatur, & velut oculo atque lumine ducitur, ad hoc, illudè bonum appetendum.

Quartò: Hic appetitus rationalis, seu voluntas hominis, naturā quidem suā, appetit bona etiam rationalia, spiritalia; attamen propter connexionem Animæ rationalis, cum carne & sensu, appetit etiam bona corporis, bona huius vitæ, bona terrena.

Quintò: Quoniam homo in hoc visibili mundo, terrenam inhabitationem, vitamque mortalem habet, ac viuit: ideo vicinus est, & planè positus inter bona corporis & sensūs, inter bona terrena, inter voluptates, & inter ea, quæ illi seruiunt ad voluptates, & ad sensuum oblectationes. Et licet in eiusmodi bonis quærendis, acquirendis, possidendis, conseruandis, augendis, tuendis, vtendisque, plurimas, & maximas experiatur difficultates, atque pericula, tam corporis ipsius, quam etiam animæ, quia tamen vicina, & quasi in manibus

Excell. 20. sunt bona ista, & vñs eorum in præfenti est, idcirco homines tam corporali, quàm rationali appetitu, additissimi sunt hisce bonis, & ad conquisitionem eorum, vñsumque si adsint veluti cæco impetu, difficultatumque, ac periculorum neglectu feruntur, & ruunt, eis maxime capiuntur, delectantur, de ijs maxime libenter, delectabiliterque cogitant, loquuntur, satagunt: in ijs curandis ingeniosi, acuti, artificiosi, cauti, animosi, & fortes sunt: bonorum Animæ seu Animi, præsertim spiritualium & æternorum, quæ vera bona, & potioris hominis partis, propria sunt, supinè incurij, oblici, neglectores, contemptores, quin etiam sæpè incapaces.

Sextò: Quamvis homo quoad Corpus, & sensus, quoad bona corporalia, ita se vt prædixi habeat: est nihilominus etiam illi à Deo, non minùs benè, imò longè ampliùs, & meliùs prouisum de bonis Animæ, Animi que etiam in hac mortali vitâ.

1. Non est secundùm Animæ portionem rationalem, arbitriumque liberum, ita abiectus ad terrena, carnalia. bruta, & corruptibilia, atque soli sensui grata: sic enim esset homo brutus & belluinus, quod absit cogitare; cùm etiam gentilis homo dixerit. *Maiores sum, & ad maiora natus, quàm vt fiam corporis mei mancipium:* aliùs verò ait. Pronaque cum spectent animalia cætera terram.

*Os homini sublime dedit, calumque tueri
Iussit, & erectos ad sydera tollere vultus.*

Potius ergò secundùm eam partem sui, vt potè digniorem, quia spiritualement, immortalem, liberam, dominam sui, & dominij super interiora capacem, eo que etiam in suum corpus, eiusque tam partes, quàm affectiones, & sensus præditam, honesti, decori, æqui, & iusti, rectique cognitricem, ac amatricem, præditus est homo similitudine, atque imagine Dei creatoris sui: perquam habet vt cognoscat, amet & appetat Deum, eumque

Rom. 1. 20. lequatur, & perscrutetur in rebus creatis. *Quoniam inuisi-*

inuisibilia DEi per ea, quæ facta sunt intellecta conspiciuntur: sempiterna quoque eius virtus, & Diuinitas Per eandem imaginem DEi sui habet homo, vt non solum corporis & sensus bona cognoscat, & corpori amet, aut quarat, sed etiam bona rationis, bona spiritus, bona immortalitatis rationalitati suæ, & imagini in se Diuinæ proportionata. Ad qualia bona cognoscenda, & amanda, & quærenda, possidendaque, habet discretionem, boni & mali: honesti & inhonesti, liciti & illiciti, debiti indebiti. *Signatum est enim super nos lumen vultus Dei*, qui & dedit læticiam in corde nostro: quod lumen, est verum, & totum bonum nostrum, & non est corporale lumen, quod cum culicibus & muscis commune habemus, sed est lumen spirituale, est lumen cordis, lumen lætificans cor, & ideo dixit Propheta, *dedisti læticiam in corde meo*, vt sciat homo, intus, & in corde, & spirituale esse lumen suum, quo illum dirigi oportet, quo etiam illi ostenduntur vera bona, vt non sit opus ei dicere, quod tamen multi stulti, & iniqui, carnales, & qui solum terrena sapiunt, solent dicere, *quis ostendit nobis bona?*

Christus ob
perfectissi-
mā suæ do-
ctrinæ Exē-
plar, excel-
lentissimus.

Psal. 4. 7.

Ibid.

Ibid. v. 6.

Ab istâ quoque imagine, & ab hoc lumine, vultus DEi, habet homo, vt bonus esse, hoc est, rectè, & honestè, velit possitque viuere: Lumen enim illud, & Imago illa, atque læticia cordis, est illi Lex, & regula, benè, rectè, honestè, debiteque viuendi & agendi: Cui regulæ atque legi, si obsequitur in agendo & viuendo, manet homo iustus, rectus, bonus, imagine DEi, & ipso DEo dignus, eiusque fruitione ac possessione Beatus.

Et hoc enim ab Imagine Diuinâ habet homo, vt capiat, & cupiat beatitudinem: & ad eam benè viuendo, ac agendo legemque sibi positam, & in corde scriptam seruando, contendat. Non enim prodest benè viuere, si ablit beatè viuere, abest autem beatè viuere, si non sit, si non vsque in finem præcessit benè viuere. Idcirco prius homini, incumbit benè viuere, & in finem serua-

- Excell. 20. seruatur ei beatè, ac in æternum viuere, quemadmodum operario prius conuenit laborem absoluere, & athletæ prius in agone vincere, postea verò & mercedem laboris, & coronam victoriæ accipere. Propterea homini lex est primùm imposita, vt secundum illam benè viuat: & posthac beatitudo promissà, si ad normam legis viuat. Inde vitæ bonæ hoc præfens, & finem habens sæculum, assignatum habet homo, futuri autem sæculi, æternitatem beatitudini habet repositam, vt videns labores quidem suos, tempus habere valde breue ac plane vt loquitur Apostolus, momentaneum, præmia verò & coronas laborum, per totam æternitatem, sine fine duraturas esse: animetur, accendaturque homo, ad fideliter, constanter, infatigabiliter in hac totâ vitâ benè, & iuxta legem omnem DEI viuendum, atque pro vitâ & Beatitudine Æternâ laborandum, in mente
- Rom. 8. 18. versans semper illud Apostoli, *Non sunt condignæ passionnes huius temporis, ad futuram gloriam, quæ reuelabitur in nobis.* Itemque illud eiuldem non tantum monitum,
2. Cor. 4. 17. sed etiam exemplum. *Propter quod non deficimus, sed licet is, qui foris est, noster homo corrumpatur: tamen is qui intus est, renouatur de die in diem. Id enim, quod in presenti est momentaneum, & leue tribulationis nostræ, supra modum, in sublimitate æternæ gloriæ pondus operatur in nobis, non contemplantibus nobis quæ videntur, sed quæ non videntur.*
- Gal. 6. 9. *Quæ enim videntur, temporalia sunt: quæ autem non videntur, æterna sunt. Igitur, Bonum facientes, non deficiamus: tempore enim suo metemur, non deficientes: Ergo dum tempus habemus, operemur bonum ad omnes.*

Quia verò (vt supra notauimus) homo ex Corpore & Animâ compositus est, ideoque necesse habet, & corpoream, & Animæ rationalis vitam viuere, atque in se tueri. Et quia Corpus ita Animæ coniunctum est, sicut ignobilis Nobiliori, sicut seruus Domino, sicut iumentum possessori, sicut instrumentum artifici, sicut adiutorium ei, qui opus habet illo: inde est, vt Corpus, &

omnis

omnis eius functio, & actio, sic debeat adesse Animæ, ut etiam debeat subesse, ei que auxilio & ministerio esse, ad omnes functiones eius, quarum summa est, benè, id est, *sobriè, & iustè, & piè, vivere in hoc sæculo*, iuxta rationis lumen, & legem, voluntatemque DEI, ideò totum, hominis in hoc sæculo viuentis officium, atque negotium, & labor, & lucta est: ut Anima subsit gubernanti, atque imperanti DEO, tanquam Creatori, Rectori, Domino, Superiorique suo, ipsa verò præsit ac dominetur, corpori suo, illudque ita moderetur, quatenus ei auxilio sit, non autem impedimento, ad illa quæ sunt muneris officijque, & obsequij illius ad DEVM, quæ inquam sunt Diuinæ voluntatis, quæ rectæ & honestæ Rationis, quæ sunt sobrietatis, iustitiæ ac pietatis: sobrietatis quidem & temperantiæ ad corpus, vitamque corporalem suam, iustitiæ verò ad proximos, tribuendo eis quod cuiusque est, & faciendo eis, quod sibi ab ijsdem fieri vult, non autem faciendo ijs, quod sibi fieri nolit ab illis, & illos sicut semetipsam diligendo. Pietatis porrò ad DEVM, noscendo illum, amando, colendo, voluntatem & mandata eiusdem seruando, siue exequendo: Hoc officium & negotium est Animæ, totiusque Hominis, cuius exequendi gratia & rationis, libertatisque dominium accepit in animâ, & subiectionis, obedientiæque famulatum obtinuit in corpore.

In quo famulatu corporeo, Homo dum in statu erat primeuæ suæ innocentiae, difficultatem, atque rebellionem corporis sensuumque, & appetituum, & membrorum suorum sentit nullam, quin potius obedientiam, omnem, tanquam benè morati serui, & mandata Domini sui exequentis libenter, obtinuit; at posteaquam Homo rebellis factus DEO, concupiscentiæ obsecutus est carnis, sicut ipse superiorem Animam seu mentem, ab obedientia sui derexit Auctoris, ita quoque mox sui coepit tolerare inobedientiam corporis. Coepit subitò *vi-* Rom. 7. 23.

dere, atque sentire aliam legem, in membris suis repugnantem

I

legi

Tit. 2. 12.
Christus ob
perf. tissi-
mū iua do-
ctrina exē-
plar, excel-
lentissimū.

Excell. 20. *legi mentis suæ, & captiuantem se in lege peccati, quæ est in membris suis.* Atque ex tunc successit Homini, non solum gubernandi, sed etiam oppugnandi carnem suam.

Gen. 4. 7. *necessitas, quando non tantum audiuit sibi dici. Sub te erit appetitus tuus, & tu dominaberis illius:* verum etiam,

Rom. 8. 12. *semper sibi audit oggeri: Fratres, debitores sumus, non carni, ut secundum carnem viuamus. Si enim secundum carnem vixeritis, moriemini, si autem spiritu facta carnis mortificaueritis, uiuetis. Mortificate ergo membra vestra, quæ sunt super terram.* Quamuis enim sine Animâ nihil caro desideret, & inde accipiat sensus, vnde sumit & motus; eiusdem tamen est Animæ, ac mentis, ac per mentem, Hominis, multa sibi subditæ carnis negare substantiæ, & cupiditati, interiori verò mentis, legisque Diuinæ iudicio, ab inconuenientibus, illicitisque, exteriora, & inferiora desideria frenare, ut à corporeis cupiditatibus edomitis, atque frenatis, vel (ut loquitur Apostolus,) mortificatis, sapius libera, in aulâ mentis suæ Homo, diuinæ possit vacare sapientiæ, atque voluntati: vbi omni strepitu terrenarum silente curarum, & carnalium desideriorum, in lege Domini meditetur die ac nocte; & discat mandata eius, ad faciendum ea, & ascensiones disponat in corde suo, eatque de virtute in virtutem, abundans in operibus bonis, vsque dum videat DEVM Deorum in Sion.

Sed in hac corporis, eiusque concupiscentiæ permentem gubernatione, seu frenatione, ac mortificatione, Homo, cum suo quamuis libero arbitrio, quamuis dominandi ius, potestatemque appetitui suo sensuali habente, patitur tamen experiturque, nec paucas, nec paruas, nec breues difficultates, tum ex naturâ suâ lapsu iam lauciâ, in Intellectu quidem cæcitate, in voluntate autem malignitate, in concupiscente appetitu immunditiâ, in irascibili denique infirmitate: tum ex diabolicarum tentationum fraudulentia & perpetuitate, tum ex occasionum & materiæ ad lapsus inuitante, ac sæpè prope-

*Christus ob
perfectissi-
mū suā do-
ctrinā Exe-
plar, excel-
lentissimū.*

propemodum cogente frequentia, tum ex primevæ educationis, consuetudinis, imitationis inductione.

Quibus omnibus accedit (& quidem ex ipsis iisdem magnā parte enascens,) hebetudo mentis & intelligentiæ humanæ, ad sua, hoc est, rationalia, & spiritualia, puriora quæ bona cognoscenda, ad amanda æstimanda, desideranda quæ eadem, ad frangendas difficultates, quibus ea ipsa circumcinguntur, velut spinarum aculeis rosæ, ad gustandam, appetiendam quæ eorum honestatem, puritatem, decoram, intimam quæ & interiorem, voluptatem, insuper quæ remunerationis, ac præmiorum finem, ad agnoscendam quo quæ carnalium bonorum, & delectationum vilitatem, brevitatem, fæditatem, perniciositatem, & cum æternā perditione, (ob quæ omnia & in primis ob ultimum, essent maximè contemnendæ, conculcandæ, abiiciendæ, fugiendæ quæ) exitum, imò & verissimum exitum.

Qua in re ad plenum cognoscendā (interest enim, permagni) aduertendum est, quod uterque appetitus, rationalis & sensitivus, (quos supra nominaui esse in Homine) appetat sua bona & semper, & assiduò, quemadmodum etiam uterque habet sibi propria. Et appetitus quidem sensitivus, qui & carnalis, habet triplicia: 1. carnis voluptates, 2. divitiarum & possessionum, copiam, 3. Honorum, & dignitatum, & magnam sui Nominis celebritatem atque gloriam, circa quæ bona, occupatur appetitus iste, concupiscentiā carnis, concupiscentiā oculorum, & superbiā vitæ, siue concupiscentiā vanæ gloriæ, siue ambitione, & in his tribus vniuersa fundatur congeries vitiorum, peccatorum, tentationum, & perditionum. Iam verò Appetitus Rationalis atque Spiritualis, habet quo quæ bona sua superioribus opposita, sibi autem congruentia. 1. DEVM, eius quæ, ac eius operum, & beneficiorum in omnes creaturas, notitiam, tum eius laudem, & exaltationem, atque venerationem, siue cultum, & Religionem. 2. eiusdem

Excell. 20.

DEI voluntatem, & mandata, eiusque seruitutem, & obedientiam, simulque omnium virtutum honestatem, studium, & exercitium. 3. Eiusdem quoque DEI bonitatem, adeptionem, fruitionem, beatitudinemque ex eo, & cum eo æternam. Circa hæc bona sua, appetitus Rationalis atque Spiritualis, occupatur cognitione & fide, spe, & Religione, Charitate, desiderio, & contemplatione. Ac ut tantò liberius commodius, facilius vacet, & inhareat, carnis desideria ac voluptates, diuitiarum amorem & curam, honorum, & gloriæ ambitionem, vel diligenti studio, rationisque, ac diuinæ legis regulâ moderatur, & intrâ debitum vsum coercet: vel certè omnem horum curam, penitus resecat, eaque sibi prorsus interdicit, neque vllum sibi cum eis rebus, iisdemque secum commercium esse sinit: non secus ac si inter mortuos iam esset.

At, hæc virtus paucorum admodum est; eorum vero, qui corporeis victi cupiditatibus, & irretiti voluptatibus, terrenorumque bonorum illaqueati amoribus, terrena solum sapiunt, solum amant, solum querunt, in solis acquiescunt: spiritualium ac æternorum bonorum sensum & amorem exuunt, curamque aut penitus deponunt, aut in extrema tempora momentaque relegant, & reseruant; eorum inquam infinitus, immensusque est numerus, idque non inter infideles tantum, sed etiam inter eos, qui Christianâ professione censentur; & his enim, ea omnia quæ huic inimica sunt nominari confectari, quæ autem illi apta sunt negligere, familiarissimum esse, perpetua demonstrat experientia.

Quod quidem, magnâ dignum est tum admiratione, tum animaduersione: Etsi enim, certum est bona, siue sensus, siue Rationis, multis esse circumsepta molestiis ac difficultatibus, quas oportet superari, antequam obtineantur; est nihilominus etiam certum, longè pluribus, & grauioribus æumnis, vallata esse carnis bona, quam spiritus & rationis, est quoque certum, difficilius confer-

conseruari, atque etiam ipso vſu ſui deperdi, in faſtidi-
umque conuerſi corporis bona, quàm ſpiritus: certum
eſt inſuper in vſu, & poſſeſſione, quin & in ipſâ conqui-
ſitione, plus ineſſe ſanctæ & caſtæ voluptatis, ex bonis
ſpiritualibus, quàm ex carnalibus, *quorum eſt finis faſti-* *Ad Philip. 3.*
dium, & interitus, & gloria in confuſione: Nihilominus *19.*
homines ad bona ſpiritalia, cunctantes, & parciffimi *Chriſtus ob*
contendunt, iſſeque inſiſtunt, ad carnalia verò bona, *perfectiſſi-*
(reuera minimè bona) gregatim, turmatim, pleniffi- *mū ſua do-*
miſque multitudinibus, & paſſibus, & hilaritatibus cæci *ctrine Exē-*
feſtinant, nihil territi, ac nè moti quidem laboribus, dif- *plar, excel-*
ficultatibus, durationis breuitate, experimenti faſtidio, *lentiffimus.*
ærumnis periculisque tam præſentis, quàm futuræ vitæ.
Id quod Dominus ac Magiſter noſter enunciauit: *Intra-* *Matt. 7. 13.*
te (inquiens) *per anguſtam portam, quia lata porta, & ſpa-*
tioſa via eſt, quæ ducit ad perditionem, & multi ſunt qui in-
trant per eam. Quàm anguſta porta, & arcta via eſt, quæ
ducit ad vitam, & pauci ſunt, qui inueniunt eam!

Porro, id ipſum vnde, & quomodo fiat, iam viden-
dum eſt. Igitur mens humana, cùm ſit inter naturas
rationales infima, ideò conſerta corpori mortali, & ſen-
ſibus, & ſenſualibus addicta, iſdemque vicina & planè
immixta, quin etiam indigens: ex eò nihil perfectè, vi-
uaciter, efficaciterque agnoſcit & apprehendit, præter
iſta ipſa ſenſibilia, carnalia, & temporalia, vt ſunt hono-
res, diuitiæ, voluptates, quæ ſuâ viſcoſitate, neceſſitate,
oblectatione, vicinitate mentem deuinctam, ac ſibi ad-
glutinatam, ſæpè etiam ſeruientem, & indulgentem,
(pro eo quod Ratione Spirituque mentis gubernari de-
buerant) habent, ac tenent, atque ſub legem peccati ca-
ptiuant. Eadem mens, & ſi mens, & ſi ratione prædita,
& lege tam ſuâ, quàm Diuinâ, firmata ſublimataque, &
ad ſpiritalia naturaliter erecta, atque deſtinata, eorum-
que auida, attramen iſta ipſa ſpiritalia, vt D E V M, eiufque
dignitatem, Dominium, voluntatem, gloriam, benefi-
cia, ſuam item erga D E V M obligationem notitiæ, me-

- Excell. 20. moriæ, amoris, venerationis, laudis, subiectionis, virtutum quoque pulchritudinem, & bona futura æternæ vitæ: peccatorum quoque malitiam, fæditatem, suppliciorum æternitatem, perquam languidè, obscurè, confusè, obiter, ac perfunctoriè, tanquam remota, & futura quidem sed serò, & post præuias graues, ingratasque carni, & bonis eius præsentibus, molestias, cogitat, apprehendit, dissimulat, curare negligit, differt, ac etiam contemnit. Ita nimirum, *Corpus quod corrumpitur, aggrauat animam, & terrena inhabitatio, deprimit sensum, hoc est, Rationem, & Spiritum, multa cogitantem, & hi qui habitant domos luteas, terrenumque habent fundamentum, multiplicanter querere non sua, nec sua Rationali dignitati congrua: & aggrauant contra se densum lutum, quo & grauati, & excæcati, ad lumen neque venire, neque respicere possunt. Propter quod Dominus noster, diligenter hortatur fideles suos, dicens: Attendite vobis, ne fortè grauentur corda vestra in crapulâ, & ebrietate, & curis huius vitæ, & superueniat in vos repentina dies illa, extremi Iudicij, ac Mortis.*
- Sap. 9. 15. *mnit.*
- Iob. 4. 19. *tionem, & Spiritum, multa cogitantem, & hi qui habitant domos luteas, terrenumque habent fundamentum, multiplicanter querere non sua, nec sua Rationali dignitati congrua:*
- Abac. 2. 6. *& aggrauant contra se densum lutum, quo & grauati, & excæcati, ad lumen neque venire, neque respicere possunt. Propter quod Dominus noster, diligenter hortatur fideles suos, dicens: Attendite vobis, ne fortè grauentur corda vestra in crapulâ, & ebrietate, & curis huius vitæ, & superueniat in vos repentina dies illa, extremi Iudicij, ac Mortis.*
- Luc. 21. 34.

Propter hanc rerum spiritualium, à mente nostra hebetem, obesam, perfunctoriam, debilem apprehensionem, efficitur: vt eadem mens languidissimè, vel ad summum, quasi momentaneè à spiritualibus bonis permouetur, ad eorumque amorem, studium, curam pertrahatur, à carnalibus verò ac terrenis, non solum multum, sed etiam valide, potenterque trahatur, teneatur, absorbeatur: ita vt qui eiusmodi necessitatem sustinent, non erubescant illud fateri: *Adhæsit pavimento anima mea, & adglutinator est in terrâ venter noster, cum etiam illud Euangelicum, Villam emi, Iuga bouum emi, Vxorem duxi, habeo me excusatum, non possum venire.* Et quia qualis est cognitio rei in Intellectu, talis est etiam permotio, & affectio in voluntate, quando mens nostra, circa carnis & sensus bona versatur, quoniam ea potenter apprehendit sensu, ac etiam intellectu (nam nihil est in intellectu, nisi prius aliquo saltem modo fuerit in sensu,) esto se obijci-

ant

ant graues, & multæ difficultates, propter illa superan-
dæ, perstat nihilominus Mens, & non cedit labori, non
parcit etiam sumptui, sæpè neque incolumitati, neque
conscientiæ, neque æternæ salutis, estque illi dulcis & le-
uis omnis labor & ærumna, dummodò acquirat bonum
concupitum carnali, terrenoque suo desiderio, neque
etiam eandem ipsam ob causam, magni æstimat iactu-
ram, bonorum spiritualium Animæ, æternorumque, eti-
am Dei ipsius. Quando verò eadem mens nostra hu-
mana, ad bona spiritualia conuertitur, cum ea sint à
sensibus remota, ab eisque abducant ipsam, imò & sint
ingrata ac inimica sensui, atque carni, adeò vt etiam illis
priuent, ea contemni faciant, oppositaque ingerant, ac
amari suadeant, assuetudinemque inolitam, ijs vtendi,
oblectandi, inhærendi, ea curandi, & amandi proscri-
bant, etiam contra suasionem exemplaque plurimorum:
insuper alijs, alijsque difficultatibus, & asperitatibus se-
pta cum sint, magnaque sui parte futura solùm, & in-
spe longâ: ordinariè talia, esto sua, sibi que propria, ac
debita bona, mens nostra languidè attendit, agnoscitque;
languidiùs etiam ea amat, & apprehendit, & concupi-
scit, tum verò difficultatibus cincta ipsa, delectantia ve-
rò & præsentia, ac in manibus sita eripientia videns,
deterretur facillimè ab eis, ea que vel planè abhorret, &
abijcit, vel saltem in tempora & tempora, adeòque ex-
trema, & vitæ breuissima amanda & quærenda remit-
tit. Hinc studium virtutum, & spiritualium operum,
bonorumque æternorum remissè amat, (improbare
enim, ob rationis & fidei lumen, vt plurimùm non po-
test, nec audet) remissius assumit, quauis occurrente
difficultate, vel auocante sensuali commoditate, illud
deserit, procrastinatione vitur, imaginatur, & fingit,
viam spiritûs, & bona virtutum esse suprâ modum, &
suprà naturæ vires, suprâ & contrâ humanum vltimū:
ita fit, vt victa deterritaque mens hominis misera, ad-
hareat terrenis: acquiescat carni & sanguini, latam &
spatio:

*Christus ob
perfectissi-
mū suæ do-
ctrinæ Exē-
plar, excel-
lentissimus.*

Excell. 20. spatiosam viam cum multis ingrediatur; caelestem autem viam, ut potè arctam, & angustam relinquat, & cum illo Adolescente Euangelico, à Christo ad perfectionem & sui sequelam, possessionumque in pauperes erogationem inuitato, abeat tristis: neque promissionem thesauri in cælo attendat.

Matt. 19. 21.

Hoc quod modo exposui, vsque adeò verum, & perpetua praxi, experienciâ, exemplisque assiduâ, & infinitis manifestum est, ut dici possit, quod hæc vna & tota ratio panè sit, cur via carnis, & vita sensualis, terrenaque ac (ut eam Apostolus vocat) diabolica sapientia, & seruitus peccati, licet, non tantum perniciosissima, sed etiam difficillima, & multò quàm spiritualis & diuina difficilior, nihilominus sit Homini, etiam Christianis gratissima, vsitatissima, frequentissimaque, Diuina verò, spiritualis, & virtutum, ac cælestis via, licet facillima, & auxilijs Diuinis fultissima, & rationi conuenientissima, honestissimæ iucunditatis, & iucundissimæ honestatis plenissima, Deo acceptissima, æternitatis denique beatitudine remuneranda, ab hominibus vulgò abhorreatur; deferatur, perfunctorie curetur, in vltima vitæ tempora, sapissimè simulque periculosissimè reijciatur. Quia plus bona carnalia apprehenduntur, fortiusque mentem alligant sui delectatione, quàm absterrent sui difficultate, vilitate, periculositate, damnositate; bona verò spiritualia, amplius deterrent mentem, sui plus æquo apprehensâ putatâque difficultate, & duritie, quàm permouent, pelliciuntque, sui rectitudine, honestate, decore, dulcedine, atque fructu: quæ in mente nostrâ tenuis esse solet, & facile in oblivionem ac neglectum venit. Inde illa de biuio Herculis, antiquorum prudens fabula: de arcto, & ab initijs scrupulo, spinisque strato, sed postmodum molli, & amano ad virtutem, & veram gloriam itinere: contrà autem, de viâ voluptatis, ac vitijs, in sui quidem exordio amana, floribus & delicijs sensui iucundis consita, sed

in extremo per omnia calamitatum tesqua, & senticera, demum in præcipitium, exitiumque æternum, sectatorem suum deducente.

Huic infelicissimo, & omnis humanæ ruinæ, tam temporalis, quàm & æternæ, omniumque Diuinarum & offensionum, & inimicitiarum, vindictarumque originali malo: Amori nimirum vehementi, & inordinato carnalium bonorum; Horrori autem, & odio, fastidioque, ac neglectui iniquissimo Spiritualium & rationalium, diuinarumque diuitiarum, ac deliciarum, Dominus noster IESVS Christus remedium afferre, hominumque adeò peruersa, simul ac ipsis perniciofa, Deoq; inimica Iudicia, corrigere, atque in rectum deducere, volens: descendit de cælis, Homo similis hominibus factus est, atque triplex nobilissimum, atque plane Diuinum, illiusque solius Personæ condignum, ac possibile, remedium peruersitati, stultitiæ, ac per hoc perniciæ humanæ attulit, & adhibuit. Primò quidem Doctrinam, Deinde Exemplum, denique Gratiā, siue Auxiliū, simulque Meritū suū.

Attulit & tradidit hominibus doctrinam suam, planè cælestem, & de secretis Sapientiæ suæ Diuinis haustam, totam saluberrimam, totam sanitatem, totam salutem: quā doctrinā omnes Humanas insipientes, de terrenis bonis voluptatibusque sententias, æstimationes, & insanias falsas, confutauit, euertit, expolit; bonorum istorum vanitatem, breuitatem, humano amore & curis indignitatem, demumque perniciositatem ex eis manantem, graphice, & euidenter monstrauit: è contra autem pulchritudinem, honestatem, splendorem, iucunditatem, meritum, facilitatem, dignitatem, præmium tam huius quàm futuræ vitæ, gratiam, gloriamque apud Deum, clarissimè & luculentissimè proposuit persuasitque, ut superaddi nihil, nihil desiderari ultra possit.

Extulit & absoluit omnis legis perfectionem, omnium singularumque virtutum excellenciam, yltique ad

*Christus ob
perfectissi-
mū suæ do-
ctrinæ Exē-
plar, excel-
lentissimū.*

Excell. 20.

summum, prout manifestum est in ijs, quæ tradidit Dominus, de veris huius vitæ beatitudinibus, de contemptu diuitiarum, voluptatum, vanissimarum dignitatum huius mundi, de perfectâ paupertate, de sui suarumque omnium rerum, voluntatum, cupiditatumque moderatione, emortificatione, abnegatione, de Amore, & sustententiâ, gustuque aduersitatum omnium, & etiam Mortis, etiam Mortis in Cruce. De verâ intimâque cordis humilitate, mansuetudine, lenitate, patientiâ De dilectione sincerâ & cordiali inimicorum, malefactorum, & deque iniuriarum condonatione, & per beneficentiam, recompensatione: Nihil attinet omnia capita doctrinæ Dominicæ, eiusque perfectionis recensere: sufficiat certissimum esse, nobis à Domino eam vitæ viam esse traditam, quæ à sensuali, carnali que immunditiâ, & iniquitate est alienissima, quæ salutem certissimò demonstrat, ad eamque infallibiliter deducit.

Matt. 23. 4.

Cæterum, quia nouerat benè Dominus infirmitatem, simulque prauitatem cordis nostri, sciebat nos solere procaciter doctrinis, quantumlibet sanctissimis obiectare: facile nimirum esse dicere, ac docere, præcepta eximia dare, & ad ardua quæque exhortari, sed eadem, exequi, non perinde promptum esse etiam ipsis doctoribus, & monitoribus. Sic Pharisei alligabant onera grauiâ, & imponebant ea super humeros hominum, digito autem suo ipsi nolebant tangere: Domino quoque nostro, non fuisse arduum grauiora legis proponere per doctrinam, quorum tamen executionem non attigerit ipse, neque factis expresserit. Inde Doctrinam Domini in suis difficultatibus, inuentam auditamque, nullis autem exemplis ac operibus mollitam, probatam, & conditam, forsitan quidem sublimitatem eius laudassent, difficultatem tamen eius exhorrescentes, vel suscipere, prorsus abnuissent, vel susceptam seposuissent, & missam semel manum ad aratrum legis Christi retraxissent, retrò respicientes, cum tristitiâ abeuntes, cum horrore,

duriss

domus est hic sermo, quis eum potest audire? proclamantes.

Quo factum fuisset, ut Doctrina Christi, quantumlibet sana, sancta, perfecta, parum admodum hominibus profuisset, immo ad grauius iudicium eorum subleuisset.

Hoc sciens Dominus, atque in hoc etiam infirmitati nostræ, incommode quæ Diuinæ sementis, seu Doctrinæ prospectum volens, ad Doctrinam suam, addidit exempla sua propria: quæ homines nos intuentes, doctrinas, & præcepta, excellentiaque tum legis, tum virtutum, Evangelicarum, agnosceremus clariùs, apprehenderemus penitiùs, amaremus & desideraremus ardentius, amplecteremurque robustius, & perficeremus constantius, difficultates sese obiectantes, & aggredieremur animosius, & vinceremus calcaremusque fortius. Carnales illecebras, terrenaque, desideria partim debite frenaremus, moderaremurque, & spiritu facta carnis mortificaremus, partim ea penitus relècantes, & abijcientes instar expediti viatoris, aut pennatæ, solutæque volucris, vitam mandatorum, ad instar ipsius Domini, decurreremus, atque conficeremus.

Quemadmodum ergo Moyse extructuro tabernaculum Domini dicebat Dominus. *Inspice, & fac secundum exemplar, quod tibi monstratum est in monte.* Ita Dominus facturus nos tabernacula sua Diuina, primum, coepit facere, deinde docere. Omnis doctrinæ suæ, exemplum in seipso dare, exemplum verò non obuium, non leuiculum, sed absolutâ, heroicâque perfectione completissimum: & nihilominus cuiusque nostrum in fimitati attenuatissimum; exemplum tale, ad quod quilibet nostrum, propositum sibi intuens, imitari illud, ei que se conformare tam securè, quàm salubriter, quàm & facile delectabiliterque, ac laudabiliter posset. *Quoniam gloria magna est, sequi Dominum: sufficitq; discipulo, & seruo, si sit sicut Magister, ac Dominus eius.* Sed enim de Exemplis vitæ Domini nostri, iam superius actum est satis, & fidelibus res notissima est: istud solum

Ioan. 6. 61.
Christus ob
perfectissi-
mâ suâ do-
ctrinâ Ex-
plar, excel-
lentissimâ

Exod. 25. 40.

Matt. 19. 25.

Excell. 2^o.

omnibus maximè cordi esse debet, Exempla nobis data à Domino nostro quod sint, id esse reuera rem summi momenti, summæ dignitatis, & quidem solius Domini nostri: summæ item utilitatis nostræ; nam, ut suprà dixi, Doctrina Domini quanta-quanta fuit, parum nobis profutura, non suo, & nostro vitio, damnoque fuerat, nisi exemplis firmata fuisset, porrò Exempla tantæ doctrinæ, à nullâ purâ creaturâ idoneè, condignè, efficaciterque dari poterant, sed opus erat omnino Deum hominem esse illum, qui & doceret verbo, & monstraret exemplo, quæcunque docuisset, & exemplo quidem planè ad mensuram doctrinæ, vel etiam cum excessu & exaggeratione perfectò. Quæ causa fuit, ut Dominus noster, tam exaggerata per omnes gradûs, modos, circumstantiasque, exempla dederit doctrinæ suæ. In veritate namque, nihil opus erat eis illa tam grauiâ, & summa, & multiplicia, nisi fuissent Doctrinæ adæquanda, & nisi eorum excellentiâ fuisset ipsi Doctrinæ via, ad corda mentesque nostras, & amores nostros sternenda. Alioqui enim & si nos Dominus operibus suis, (& hæc sunt etiam Exempla, simul Doctrinæ illius) redemit, debita nostra exsoluit, veniam obtinuit, vitam & gratiam, & salutem gloriamque meruit æternam: tantis tamen operum excellentijs, & impensis redemptio nostra, absolūtè loquendo non eguit, cum longè minoribus in se, actionibus suis, eam Dominus obtinere, atque perficere potuerit sine vllò dubio. At Doctrinam tantopere nobis necessariam, & salutarem, simul verò tam arduam, & sublimem, exemplis maximis, plurimis, Heroicis, ac omninò diuinis illustrari, commendari, amabilem, & facilem, delectabilemque reddi, & Domini nostri, eiusque Doctrinæ, & nostrâ, salutisque nostræ intererat.

Maximè quando ista eadem Exempla, simul sunt & opera nostri redemptoria, & insuper omnis gratiæ, tam sanctificantis, quàm auxiliantis nobis meritoria.

Ex.

Ex horum enim operum, ac exemplorum valore merito infinito, tanquam ex perenni fonte emanant in nos omnia & singula auxilia, ornamentaque gratiæ Divinæ, sine quibus (ut testatur Dominus) tam nos nihil salutare nobis possumus facere, quam palmes sine vite suâ, fructum nullum potest afferre. At de his alius erit dicendi locus, interim hæc de necessitate, fructu, efficacîâ, excellentiâque Exemplorum Domini nostri, tractasse suffecerit.

*Christus ob
perfectissi-
mū sue do-
ctrinæ Exē-
plar, excel-
lentissimū.*

Esset hic peraccomodus locus, Christianis hominibus commendandi Exemplorum Domini nostri, tam pretiosorum atque prægrandium considerationem, amorem, æstimationem, imitationemque, sed me ab hoc quanto-quanto labore, eliberat ipsa Exemplorum istorum Dignitas, ipsa Maiestas, ipsa amabilitas, quæ si Christianæ menti ipsa per sese efficaces non admouet stimulos, quid ego efficacîæ à verbis meis, in hominum mentibus sperem? Et sunt quidem infinita, efficacitatis, Exemplorum istorum in mentibus Hominum exempla: Vnde enim tanta Ecclesiæ Dei sanctitas, vnde in omni statu eiusdem tantæ virtutum Christianarum cultores, vnde tantæ Exercitus Martyrum, vnde tanta Religiosorum, atque in eis perfectorum, tam Doctrinæ, quam Exemplorum Domini imitatorum multitudo, vnde tantus Christianæ pietatis ubique splendor, nisi ab hoc Doctrinæ, Exemplorumque Christi Domini emanat archetypo? Nihilominus, ut ex dictis sit, magna, & gloria Domino, & Ecclesiæ Religioni que Christianæ consolatio: quia tamen in adeo multis, ac verè infinitis, Christi cultoribus tanta est, tamque supina, tam perniciosa, ipsis, iniuriosa Deo, Christo nostro ignominiosa, diabolo capitali inimico ex animo tyrannico, succedens hominum Christi sanguine redemptorum, Christi doctrinam exemplisque instructorum, gratia meritisque sustulorum perditio, tanta est (inquam) socordia, tantus salutis neglectus, tantum terrenarum carnaliumque

Exceil. 20. rerum studium, tanta morum, & viuendi per omnia.
 Christus ob Doctrinæ & Exemplis Christi opposita contrariaque
 perfectissi- labes, licentia, assiduitas, quis non etiam sanguineos ex-
 mū (sue do- optet sibi lacrymarum fontes, vt hanc defleat aliquan-
 trina Exē- tum, fratrum suorum perditionem, ingratitude, per-
 plur. excel- uerlitatem. &
 lentissimus.

Joan. 13. 15

Sed enim finiendum est: & finiendum verbis Do-
 mini nostri ad omnes nos dicentis. *Exemplum dedi vo-
 bis, ut quemadmodum ego feci vobis, ita & vos faciatis.*

EXCELLENTIA XXI.

*Solus Christus Thaumaturgus, seu Miraculo-
 rum patrator, præ omnibus Creaturis.*

VIGESIMA-PRIMA Domini nostri Excellentia, supra
 omnes Creaturas est, quod solus ille habuerit, & ha-
 beat potestatem patrandi miracula, qualem nulla crea-
 tura habuit, nec habere potest.

Suppono Gratiā, seu Potestatem miraculorum,
 esse vnā ex Gratijs gratis datis, eamque cum eiusdem
 generis Gratijs, Domino nostro fuisse concessā, cum
 Vnione Hypostaticā, & propter illam tanquam radi-
 cem, quæque illam deceat ratione dignitatis suæ. Dixi
 hac de re aliquid, suprà Excell 9.

Præterea suppono: Miraculum, seu opus miraculo-
 sum, vt reuera tale sit, duo requirere. Primò: vt sit
 opus insolitum, & extraordinarium vel in effectu, vel in
 modo efficiendi. Secundò: vt sit opus tale, quod cau-
 sarum naturalium, virtutem efficaciamque excedat, sed
 solius Diuinæ virtutis, sit illud tale facere, quomodo re-
 surrectio Lazari à Christo Domino peracta, mortui, se-
 pulchreque, quatrduani. & iam facientis præ corruptione,
 fuit opus miraculosum & in se nam mortuum ad vitam
 redire, extra ordinem est Naturæ, & supra vires creatas:
 & in modo, quia ad solū imperium vocis Domine:

Laza-

Lazare, veni foras; quasi in instanti reuixit sanus, & ambulare potens, & perfectè, ac verè viuens. Qui modus resuscitandi, non est virtutis creatæ naturalis, ac ideò verè proprièque miraculosus, arguitque euidenter potestatem miraculorum in eo, qui patrauit illud opus.

Dominus ergo noster **IESVS** Christus Thaumaturgus fuit, & verè, & super omnes Creaturas, prorsùs eminentissimè, atque incomparabiliter. Nam præter omnipotentiam Diuinitatis, habuit in suâ Humanitate, seu quâ Homo, communicatam sibi virtutem, seu potestatem supernaturalem ad facienda miracula, quæcunque ipsi vel opus erat, vel placebat. Hæc autem virtus non fuit, nec esse potuit ipsamet simpliciter omnipotentia, **DEI**, quæ residebat in verbo, siue potius erat ipsum Verbum, sed fuit gratia gratis data, ad Vnionis Hypostaticæ dignitatem congruenter accedere, & tanquam radici proprietas addi, Humanitatiq; inesse exposcens. Quoniam verò Vnio Hypostatica, & solius est Christi Domini, & est infinitæ dignitatis, & nulli creaturæ communicata: sequitur sicut alias omnes gratias in Humanitatem Christi, ab Vnione redundantes, ita & hanc Miraculorum gratiam, potestatemque fuisse in gradu eminentissimo, & Vnione, Personæque Verbi, necnon Humanitati ipsi vnitæ, condigno, ita vt omnis creatura, etiam quoad gratiam istam, infrà Christum planè sit.

Accedit: quod hanc Miraculorum potestatem, eiusque excellentiam, requirebat inesse Christo Domino, Doctoris, ac Legislatoris officium, vt eo plenè, perfectè, efficaciterque defungi posset. Cum enim traditurus esset Dominus noster, nobis legem Doctrinamque supernaturalem, sublimem, & excellentem valdè in perfectione suâ; arduam quoque, & sensui hominum communi difficilem, quia repugnantem; maximè ob naturam, enormi lapsu fractam & corruptam, vt propterea homines, tali doctrinæ ægerrimè fidem darent, ægriùs in eadem constanter persisterent, atque se per illius scita abduci

- abduci ab amore, & studio carnalium, terrenorumque bonorum inueteratissimo sinerent: opus omninò erat vt Dominus doctrinam suam comprobaret miraculis, & magnis, & euidentibus, & multis; ijsque indubitatè ostenderet suam Doctrinam, & Legem, esse veram, iustam, cælestem, Diuinam, omninò saluti, perfectionique
- Excell. 20.** necessariam, proinde totâ mentis firmitate per fidem, amplectendam, per dilectionem autem, & obeditionem, operibus exequendam. Eamobrem Dominus noster, toto tempore quo inter viuos ipse fuit, doctrinamque suam prædicauit frequentissima, & luculentissima miracula patrauit; & suis etiam discipulis eandem virtutem miraculorum, quando eos ad prædicandum,
- Luca. 9. 1.** Euangelium suum mittebat, contulit. *Conuocatis enim duodecim Apostolis, dedit illis virtutem, & potestatem super omnia demonia, & vt languores curarent, & misit illos præ-*
- Luc. 19. 1.** *dicare regnum DEI, & sanare infirmos. Post hac autem, designauit Dominus, & alios septuaginta duos, & misit illos binos ante faciem suam in omnem ciuitatem, & locum quò erat*
- Ibid. 19.** *ipse venturus, & dicebat illis. Ecce dedi vobis potestatem, calcandi supra serpentes, & scorpiones, & super omnem virtutem inimici, & nihil vobis nocebit. Denique, posteaquam assumptus est in calum, & sedet à dextris DEI, profecti discipuli prædicauerunt, Domino cooperante, & sermonem confir-*
- Mar. 16. 19.** *mante sequentibus signis.*

Hanc potestatem gratiamque miraculorum (siue ea sit habitus qualitasque permanens, siue non, de quo viderint Theologi) Dominus noster habuit per modum habitûs permanentis, in se semper: propter quam permanentiam huius potestatis, Dominus noster excessit omnes miraculorum patratores, nullus enim eorum habuit hanc potestatem, quasi ordinariam, & quasi permanentem, sed solum per modum actualis auxiliij, morionisque & actionis transeuntis, interdum, & incidenter, aduenientis, vnde nec semper, nec ad nutum poterant

Num 20 10. tacere miracula, vt patet in Moyse & Aaron, aquam de petrà,

Christus
Thaumatur-
giâ nulli cre-
ature com-
municabili,
excellenti-
simus.

petrâ, nonnisi repetitâ percussione educendum, patet, etiam idem clariùs in Elisæo Prophetâ, qui primâ percussione Iordanem diuidere voluit Eliæ pallio, nec perfecit nisi secundâ. Idem voluit baculo suo per manum Giezi suscitare puerum mortuum: nec factum est ita. Idem non nisi repetitò se admetiens mortuo puero, eum ad vitam reuocauit. At Dominus noster pro potestate ordinariâ, faciebat miracula: sæpè absens à loco miraculi, sæpè solo voluntatis nutu aut imperio, sæpè solo verbo, sæpè increpans, vt dæmonia, mare, ventos, furentes, qui obediebant ei. Quod signum est Domini nostri, quâ Hominem, habuisse paratum, & promptum præsensque semper auxilium & concursum, motionemque DEI necessariam ad parranda miracula, quæcunque, & quotiescunque volebat absolutâ voluntate suâ, quam concursus præsentiam perpetuam, velut proprietatem suam exigebat Vnio, conferebatque Verbum, suæ Humanitati, eamque viuificatricem mortuorum, infirmorumque, ac omnium aliorum miraculorum effectricem faciebat.

Quamquam etiam ipsa voluntas Domini nostri creata, & humana licet, quia tamen erat voluntas Diuinæ Personæ Verbis exigebat propter Personæ Dignitatem, vt haberet hanc potestatem miraculorum, quasi ad manum semper, & subiectam sibi. Vnde illa planè miraculosa miraculorum patratio: vt quando leproso magnificè mundationem petenti. *Domine si vis, potes me mundare*; (interprete Origene) magnificè vicissim mundiciem dedit, dicens imperatiuè, *Volo; mundare*: quando item febri imperauit, & reliquit socrum Simonis, quando mari & vento dixit. *Tace, obmutescere: & facta est tranquillitas magna*: quando Manuum contactu solo, multiplicauit panes pisciculi que paucos, nunc in quinque, nunc in quatuor millia hominum, vsq; ad saturitatem omnium, residuis insuper nunc duodecim, nunc septem sportis fragmentorum. Quæ omnia, similiaque his, argu-

Matt. 8. 2.

Ibid. 9. 3.

Luca. 4. 38.

Matt. 8. 29.

Matt. 14.

& 15.

Excell. 21. unt dignam DEO-Homine miraculorum potestatem, ob quam non egebat prauia Oratione, ad patrandum opus miraculosum: quam si quando adhibuit, adhibuit propter circumstantes, vt ipsemet testatus est in resurrectione Lazari.

His omnibus addi debet, quod plurimum ostendit potestatis huius in Domino nostro singularitatem, quia scilicet accepit hanc potestatem in ipso Conceptionis, Vnionisque hypostaticæ instanti, sicuti & alias eiusdem proprietates: Non enim vlla fuit causa differenda illius, & dignitas Vnionis eam tunc etiam requirebat, quin imò nihil impedit dicere, tunc etiam vsum eius Domino fuisse, tam circa seipsum, quam circa Matrem suam, in cuius visceribus latebat, non sanè absque maximo Materno profectu in spiritu, in gratia, in meritis, aliisque donis celestibus, per filium utique in eam paratis. Quis verò alius fecit in Christo, præter ipsum Christum, vt

Luce. 1. impedimenta infantie prorsus nesciret: vt IOANNES sex mensium infans, in Matris suæ utero mundaretur, sanctificaretur, spiritu sancto repleretur, & Matrem suam repleret: vt ipse Dominus, non referans sed consecrans Virginalis vteri templum immaculatus, ex intemeratâ

Matt. 2. Matre nasceretur? vt ad Dominum Natum adorandum, Magi ab Oriente stellâ duce aduenirent, ipse profectò Dominus fecit: ipse quos adduxit, etiam intruxit quomodo procidentes adorarent eum, quomodo apertis thesauris suis, mysticas ei offerrent species munerum, & primitiæ fierent consecratæ Ecclesiæ Gentium? Quod

Ioan. 2. autem B. IOANNES miraculum vini ex aquâ, à Domino facti, vocat initium signorum eius, non officit prædictis, neque euincit, nullum ante hac à Domino factum miraculum, nam certè quadraginta dierum & noctium ieiunium Domini miraculosum fuit, quod tamen Nuptias Canenses præcessit: tantum ergò IOANNES aquæ in vinum mutationem initium signorum vocat, quia hoc primum fuit eorum signorum, quæ Dominus ad publi-

cam.

cam sui notitiam, & ad Doctrinæ prædicationisquæ suæ illustrationem fecit. Est autem in hac miraculorum Domini nostri potestate, atque in ipsis miraculis: illud admirabile, & præ omnibus alijs aliorum miraculis, singulare, ideòque animadversione dignum: Aliorum enim Sanctorum miracula, licet per Diuinam virtutem, patrentur: nihil tamen sunt aliud, nisi sola miracula, aliud nihil præterquam quod facta sint significantia. Vt cum v. g. B. P E T R V S claudum à Natiuitate sanauit, nihil aliud egit, nisi sanitatem contulit. At verò Domini nostri miracula, quæ corporaliter faciebat, eadem simul spiritualiter patrabat, & intelligi volebat. Neque miracula tantum propter miracula faciebat, sed volebat insuper, vt illa quæ faciebat, mira essent videntibus, vera autem essent intelligentibus. Ita miracula quæ faciebat Dominus, & opera erant & verba. Opera quia fiebant: Verba quia aliquid significabant. Exemplum sit in illo cæco nato, quem Dominus, facto luto ex spu- to, ac vt oculos inunctos, in piscinâ Siloë lauaret, iussu illuminauit. Cæcus enim iste, secundum significatio- nem, erat genus humanum, quod in primo homine, ex quo omnes orimur, cæcitatem contraxit per peccatum. Venit in Mundum Dominus I E S V S, expuit in terram, de saluâ suâ lutum fecit, quâ V E R B V M C A R O F A C T V M E S T, & inunxit oculos cæci, inunctus autem necdum vide- bat, misit ergo illum ad piscinam Siloë, quod interpre- tatur missus. Quis est iste Missus, nisi Dominus I E S V S Christus, qui nisi fuisset ad nos missus, nemo nostrum, esset ab iniquitate dimissus. Ergo genus humanum la- uat oculos in piscinâ, quæ Missus interpretatur, quia in Christo baptizatur. Hunc in modum Miracula Chri- sti, & opera, & verba, id est, signa sunt.

Hæc Miraculorum potestas, penes Dominum no- strum, non solum fuit hic in terris eò degente, verum, etiam post mortem, etiam post Resurrectionem, etiam post Ascensionem in calum remanet. Nam vt omittam

Christus
Thaumatur-
gia nulli
creatura cõ-
municabili
excellenti-
simus.

Act. 3.

Ioan. 9.

miracula in morte, & post mortem Domini nostri facta, haud dubiè per Christum Dominum. Anima certè Sanctissima Christi, suâ virtute ad interos descendens, **Excell. 21.** atque Sanctos Patres in sinu Abrahamæ vilitans, & liberans, eos simul lumine beatificæ gloriæ, per hanc potestatem miraculorum implevit, tanquam per instrumentum Diuinitatis suæ, quâ eadem virtute arbitror factum, vt Sanctum Domini Corpus, in sepulchro non videretur corruptionem. **Matt. 27. 52.** Eâdem potestate vltus est Dominus, in resurrectione corporum ex sepulchris illis, quorum monumenta aperta fuerunt in morte Domini.

Sed post Ascensionem quoque in cælum, vitur sine dubio hac potestate, pro suâ tum dignitate, tum voluntate, tum occasionum exigentiâ. Si enim Animabus in limbo Patrum repertis, Anima Domini nostri lumen gloriæ (vt D. THOMAS loquitur) infudit: quid obstat dicere, simile gloriæ lumen, animabus beatis omnibus, per Christi Domini Humanitatem communicari? eadem est certè ratio, eademque Domini tam virtus, quàm Dignitas, ac meritum. Quod etiam probabilius dicitur de accidentalibus donis, atque glorijs Sanctorum in cælo, quod ea fiant per Humanitatem Christi, eiusque miraculorum potestatem, consonat enim hoc & dignitati gloriæque ipsius, & præmio meritum eius. **Iohan. 5. 21.** Illud quod Dominus noster dixit de seipso, & Patre suo. *Sicut Pater suscitavit mortuos, sic & Filius quos vult, viuificat;* quemadmodum non solum de potestatis, ad resuscitandum mortuos Diuinæ æqualitate, immò idèitate, intelligendum est in Patre, atque Filio, simulque in Spiritu Sancto: sed etiam ita potest intelligi, vt in Christo, etiam quâ Homine, sit potestas communicata suscitandi mortuos pro arbitratu suo: & per Humanitatem carnemque suam. Et præterea potest intelligi, non tantum de potestate suscitandi mortuos secundum corpus, ac etiam secundum animam morte peccati: quod non minus, immò maius, ac Deo dignius, Christoque proprium miracu-

raculum est. Pergit verò Dominus suam hanc potestatem exaggerare, cum subdit statim dicens: *Pater omne Judicium dedit Filio, & potestatem dedit ei iudicium facere, quia Filius Hominis est*, quod est dicere, Dominum IESVM habere potestatem, tam revivificandi mortuos (siue corpore, siue animâ) quàm iudicandi resuscitados, non solum quâ DEVS, & quia DEVS est, sed etiam quâ homo, & quia homo, filiusque hominis est, fierique dignatus est. Ex his autem ultra rectè concludi potest, omnes gratias, & omnia supernaturalia dona, quæcunque Ecclesiæ Christi, eiusque filiis militantibus conferuntur, maximè in Sacramentis, omnibus quidem, sed specialiter in Baptismo, Eucharistiâ, Pœnitentiâ, altaris quoque Sacrificio, omnibus quoque alijs ad gratiæ effectûs idoneis occasionibus, ac Animarum dispositionibus, conferuntur inquam, ea omnia conferri per Domini nostri Humanitatem. Omnia enim ista gratiarum dona, reuera & simpliciter miraculosa sunt, & miraculosis actionibus, ac proinde per potestatem miraculorum peraguntur, esto fiant secundum ordinariam legem, Gratiæ tamen, non Naturæ, gratiæ autem Christi, & non sine illâ iuxta illud: *Gratia DEI, per IESVM Christum facta est*; Ioan. 1. 12. & etiam iuxta illam similitudinem, vitis & palmitum, quâ Dominus ostendit nos eius fideles, & nullam sine illo, & omnem ex illo gratiam habere, sicut palmites sine vite non fructificant, si autem fructificant ex vitis influxu fructificant. Christus enim etiam nunc Caput est Ecclesiæ, eiusque filiorum, & sine dubio perfectissimè influit virtutem, atque exercet & sustinet Dignitatem Capitis in corpus, atque membra sua; atque hoc per usum potestatis Miraculorum.

Ergò dubium esse debet nullum, maximam, & præ omnibus creaturis incomparabiliter maiorem, Vnione hypostaticâ condignam, officioque tam Doctoris, quàm Capitis Ecclesiæ, parem & congruam fuisse in Domino nostro IESV Christo miraculorum potestatem, ipsumque Thaumaturgum supremum.

X;

Quam

Ibid. v. 22.

Ibid. v. 27.

Christus

Thaumatur-
giâ nulli cre-
aturæ com-
municabili,
excellenti-
simus.

Ioan. 15.

Excell. 21.

Quam potestatem conuenit nos omnes, qui in Christum credimus eidem congratulari, in eoque venerari: ut quæ sit ipsi gloriosissima, tanquam admirabilis quædam Diuinæ potentiae participatio: Per quam etiam Dominus noster, nobis est summè utilis, summèque salutaris, ac proinde etiam summè amabilis, summè quoque exaltandus & glorificandus. Nulla enim est ratio, siue Christo à semetipso, siue à nobis, siue ab ipso Patre æterno exaltandi, glorificandiue ipsius Christi, quam saluatio, & exaltatio per illum nostrum, & per nostrum, vltimate glorificatio Patris æterni.

Iustum etiam & debitum est optare, atque quod in nobis est aptare occasionem, Materiamque Domino nostro, ad vtendum hac miraculorum potestate super nos & in nobis: siue agendo seriam & fructibus dignis onustam, gratiosamque penitentiam, siue proficiendo de virtute in virtutem ad ipsius Domini similitudinem, siue omnes proximos nostros quacunque fas sit ratione, ad Dominum adducendo, & illi munus offerendo, atque plebem perfectam parando, quam ille à peccatis in sanguine suo abluram, & in virtutibus, omni que bono opere magis, magisque abundantem, hac quidem in vitâ, suæ gratiæ, in sequenti verò, æternæ gloriæ bonis cumulet: Hoc enim est vnicum idemque summum, siue gaudium, siue præmium Domini, pro vniuersis laboribus eius, quos exantlauit viuendo inter nos, ut scilicet quam plurimos habeat, quos sanctificet in terris, & quos glorificet in cælis, & hoc per exercitium suæ thaumaturgicæ potestatis. Propter quod o Animarum Pastores, atque Patres, & Nutritores, o gloriæ Dei, salutisque humanæ zelatores, o Æternitatis beatæ satores, quos fecit Dominus luminaria in firmamento cæli, quibus dedit habere ministerium verbi vitæ æternæ: Agite quod potestis, facite hoc in quod posui estis. Vbi que discurrete ignes sancti, ignes decori, ignes salutiferi, ignes separantes pretiosum à vili. Vos enim estis lumen mundi, nec estis

estis sub modio. Exaltatus est cui adhæsitis, & exalta-
uit vos, faciens mundo altiores, diabolo terribiles, atque
fortiores. Est enim *Maior qui in vobis est, quam qui in mundo est.* Discurrite, & innotescite omnibus gentibus. *1. Ion. 4. 4.*
Concipiat & mare, & pariat operâ ac labore vestro, & Christus
producat reptilia Animarum viuarum atque sanctarum, *Thaumatur-*
& ad Christi gratiam, gloriamque capeſſendam parata- *giâ muli cro-*
rum. Separantes pretiosum à vili, facti estis os DEI, *ature com-*
per quod ille loquatur salutem, & pacem, & benedictio- *municabili,*
nem populo suo. Ipsî gloria, & exaltatio in sæcula, *excellenti-*
simus.

EXCELLENTIA XXII.

*Solus Christus in Passione & Morte, supra
omnes Creaturas excelluit.*

VIGESIMA-SECUNDA Domini nostri IESU Christi,
suprà omnes Creaturas Excellentia est, quia in Pas-
sione atque Morte suâ, quàm subiit propter sui Patris
amorem, ac obedientiam, propterque Redemptionem,
ac Salutem nostram humiliatione, simulque exaltatio-
ne sui, super omnes Creaturas excelluit. Passionis, &
Mortis tantum facio mentionem, & habeo rationem,
quia Passio & Mors Domini fuit præcipua, & singularis
maximè actio, & occupatio, quâ ille DEVS-Homo fa-
ctus potissimum occupatus, atque exercitatus est in totâ
suâ vitâ mortali. Passio quoque & Mors Domini no-
stri est id, quod ille totâ vitâ suâ mortali, à primo eius
instanti intuebatur, meditabatur, desiderabat. Passio
etiam & Mors Domini nostri est, fuitque veluti cen-
trum, & medulla omnium & consiliorum, & intentio-
num, & operum illius. Passio etiam & Mors Domini
nostri est, velut horreum quoddam & penu, in quod ille
omnem vitæ suæ messem, omnemque fructum recon-
didit, & ex quo usque hodie haurit, totamque per ater-
nitatem hausturus est omnes diuitias, thesaurosque, siue
salutis

salutis ac beatitudinis nostræ, siue gloriæ exaltationisq;
 Excell. 22. tam Patris æterni, quàm suæ. Passio denique & Mors
 Domini nostri est, quâ ille in maximam, & (vt verbo di-
 cam) vltimam descendit humiliationem, ascenditque
 sublimationem.

Hic quidem plurima, immò infinita essent dicenda,
 tota quæ huc spectat Materies, adducenda esset: at in
 totam abyssum Passionis Dominicæ, nequaquam subin-
 trare animus nunc est: Scio Domini Passionem, illum
 Ezech: 47. 3. torrentem esse, qui è templo DEI egrediens, intranti-
 bus ad talos, & ad genua, & ad vmbilicum pertingebat,
 demùm verò ita nimium, vt transuadari non posset, ex-
 undabat. Tantùm ergo talos in hac abyssò aquarum
 demergam, & de Passio Domino hoc exequar, quod ille
 Passione suâ atque Morte fuerit summè deiectus, & hu-
 miliatus, & tamen etiam simul eâdem exaltatus, atque
 glorificatus suprâ omnem Creaturam.

Humiliatus est, suprâ creaturæ omnis humiliatio-
 nem Dominus noster IESVS, passione atque morte suâ,
 Philip. 2. 7. quia illâ ipsam suam Incarnationis exinanitionem (sic
 vocat Apostolus) ampliùs, ampliùsque exinanivit, exi-
 nanivit autem exinanitione Mortis, in Cruce autem,
 hoc est, in crudelissimo & simul probrosissimo genere
 Passionis atque Mortis. Profectò si assumptio Human-
 itatis fuit Filio DEI exinanitio sui, ipsius Humanitatis
 per mortem depositio, quid erit? erit utique ipsius exi-
 nanitionis exinanitio: erit humiliatissima humiliatio,
 erit solo digna, soli propria Homini-DEO humilitas.

Cogitat quipiam, Homines quoque morte ad ni-
 hilum redigi: sed non sicut Dominus noster, illi enim
 moriendo reuertuntur ad hoc, quod fuerunt, & à quo
 ad vnum pilum latum vix, ac nè vix quidem recesserunt.
 Dominus verò IESVS DEVS-Homo, DEique filius, mo-
 riendo ad id deuenit, quod nunquam fuit. Nunquam
 enim DEI filius non fuit, nunquam non existit, sem-
 per vixit, nunquam nihil fuit, at ecce moriendo esse
 desijt,

desijt, propter quod ait: *Ad nihilum redactus sum, & ne-* Psal 72. 22.
sciui, vnquam nihilum esse. Filius enim DEI, etiam *Christus in*
 quâ homo DEI filius fuit naturalis, non adoptiuus, ni- Passione &
 hil esse, nunquam illi competijt, semper esse, semper morte suâ,
 viuere, immortalem esse, mori nescire, connaturale illi excellenti-
 fuit, & mori, nunquam quasi potuit, nunquam debuit. simus.
 Et tamen verè mortuus est: ergo reuerà suprâ Creatu-
 ras, etiam mortuas, plus annihilatus, atque humiliatus
 est.

Est autem amplius aliquid videndum, in Humilitate
 Domini ac DEI nostri, id nimirum, quo ille humilia-
 tione suâ descendit, & in eo creaturas omnes excessit;
 Attendamus duplicem esse descensum humilitatis, vnum
 quidem sine dubio, altero maiorem. Vnus descensus
 est, quo quis descendit, vsque ad id, quod naturâ, statuè
 suo primo est, alius autem est, quo quis descendit, seque
 demittit, infrâ id, quod naturâ suâ statuè suo est, atque
 hic descensus, procul dubio priore illo maior est, & hu-
 miliat descendentem magis, atque ideò & humiliorem
 facit: Exempli gratia, Homo plebeius, demittat se ad
 osculandos alicuius pedes: Princeps similiter, demittat
 se ad eosdem pariter osculandos, vterque humiliabit se
 in hoc osculo: Princeps tamen magis, quia infrâ statum
 suum: plebeius autem minùs, quia non infrâ statum
 suum.

Jam nunc dispiciamus humilitatis creatæ, atque Di-
 uinæ gradum. Creaturæ omnis, quantacunque perfe-
 ctionis sit, primus & originalis naturæ terminus, prin-
 cipium, & status, est non esse, non ens, nihil, ex nihilo
 educta, post non esse, accipit esse, & ex non Ente fit Ali-
 quid, per omnipotentiam Creatoris sui, Esse sibi, post
 non esse, & ex nihilo conferentis. Talis Creatura, si ve-
 lit esse verè, & perfectè, ac genuinè humilis, debet se
 vsque ad non entis, & ad nihili sui terminum, statumque
 reducere, in eoque stare, & secundum eum, & æstimare
 ipsa se, & ab alijs æstimari velle, ac sinere, tolerare, gau-
 dere,

Excell. 22. dere, id enim Iustitiæ est, veritatis, ac debiti. quod omni nihilo inest. Infra hunc gradum humilitatis, & humiliationis, creatura nulla descendere potest, quia infra nihilum, nihil est.

Jam verò *DEVS*, eius perfectionis est, ut nihili in eo, nihil sit, nihilque vnquam fuerit: nihil futurum sit, nihil esse possit; sed primus terminus originalis eius est, absque principio esse, semper ab omni æternitate esse, & in omnem æternitatem pariter esse. Quam ob causam, Moyse *DEVS* nomen suum scire cupienti, reuelans ait, *Ego sum, qui sum. Qui est misit me ad vos, hæc dices filijs Israël*; non est enim, quod primò omnium de *DEO* vel cogitetur, vel dicatur, affirmeturque, nisi *EST DEVS*, siue, *Qui est*, neque *DEVS* aliud de se affirmare potest, quàm, *Ego sum, qui sum. Ego sum DEVS, & non mutor*: Hoc ergo differt status *DEI*, à statu creaturæ, quod huius status primæus, & originarius sit nihil, non esse, non ens, & post non ens, atque ex non Ente, esse. *DEI* autem status, (non tam primus, aut originarius, ne *DEO* affingamus originem, quam non habet, sed est id quod est, & est is, qui est,) status inquam proprius est *Esse*, qui est esse, *Essentiale ens esse*. Et creatura quidem (ut supra dixi,) vltcrius humiliando se descendere nec potest, nec debet, nisi ut se ad sui nihili statum, ad suumque nihilum reducat; *DEVS* autem quoniam *Essentialiter*, *substantialiterque Est*, Naturâ suâ ad nullum *Esse*, humiliare se potest, quoniam omne eius *Esse*, totum est ipsius plenum esse, ita ut quidquid cogitatur in eo, vel in eius esse, sit ille ipse, & idem ipse, & totus absolutusque *DEVS*. Multò autem minus, potest se demittere *DEVS* ad suum non esse, & ad nihilum sui, quia sic impossibile est *DEVM* non esse, sicut *Essentiale* atque *substantiale* illi est *Esse*, & id quod est, esse.

Quid ergo dicemus? An impossibile est *DEVM* humilem esse, & humiliari? nequaquam, dicemus potius & impossibile esse *DEVM* non esse humilem, saltem, non posse

*Christus in
Passione &
morte sua,
excellenti-
simus.*

posse esse humilem; & possibile esse, & reipsâ factum, esse humilem, & denique ita factum esse humilem, quo modo impossibile est creaturam fieri humilem, ita, v. infra statum suum Diuinum, fecerit se humilem.

Quod impossibile sit DEVM humilem non esse, seu non posse humilem esse: tam est verum, quàm verum, est, impossibile esse DEVM perfectissimum, omni bono plenissimum, communicabilem, communicatumque sui non esse, & creaturas extra se creare, conseruare, gubernare non posse. Hæc enim si vera sunt, necessariò DEVM humilem esse ostendunt, ac euincunt: sed humilem ex plenitudine & abundantia perfectionis suæ, quâ deducitur, & ad creationem ex nihilo creaturarum, & ad conseruationem, gubernationem, cooperationem, inhabitationem; totamque curam ipsarum, adeò minutam, & vniuersalem, vt qui hæc reputet, demirari, & prædicare satis non possit, Diuinam, ad ista, & in istis condescensionem, dignationem, humilitatem, sed non ex inopia aut vilitate sui, quod creaturarum est: verum ex plenitudine, redundantiaque bonitatis, & immensitatis suæ. Ad eum modum quo Arbores fructiferæ, quò plures habent fructus, eò inferiùs ramos demittunt. Sol, quo abundantiore plenus est lumine, radios latius fundit, & vsque in viscera terræ penetrat. Mare quo amplius aquis redundat, eò vberius omnes terræ venas fontibus, lacubus, fluuijs, pluuijsque irrigat. Aurum, quò præstantius, eò magis ponderat, & descendit. Sic & DEVM nostrum, ipsa suâ plenitudo omnis boni inclinat, & humilem in se communicando facit. Et facit, non eò solum modò, vt rebus quæ non erant, & nihil erant, det per suam omnipotentem bonitatem vt sint, & bonæ sint, & conseruentur, & agant actiones suæ naturæ congruas, verum etiam longè alio magisque admirando modo: tali nimirum vt se per eum infra se demittat, & vnum se ex his, quæ ex nihilo, & ex non esse facta sunt, atque fiunt, & insuper in eo ipso, quod se recit,

Excell. 22. etiam se non esse faciat, in nihilumque sui reducat. Hoc dicere aut cogitare de D E O, à D E O in ipso se fieri posse, absurdum omni creato intellectui, blasphemumque esset, nisi re ipsa, & de facto, à D E O in semetipso effectum esset.

Ecce enim D E V S, in quo præter suum Esse, nihil omnino est, atque solius nihili, nihil in eo prorsus est, & qui, omne id, quod esse verè potest, actu, atque essentialiter est, neque illum crescere, perfici, maioremque fieri possibile est, adinuenit tamen modum, quo per humiliationem sui, perque descensum infra se, ac demum per nihilum (eligat veritas, fidesque dicere quod vult) per nihilum, inquam, deficeret, an proficeret, an deficiendo proficeret, proficiendo deficeret.

Factus est D E V S-Homo, & compegit in vnum idemque suppositum, in vnam eandemque personam suam Divinam, & D E V M qui ab æterno erat, & Hominem qui ab æterno non erat, ex nihilo fecit illum, ita ut seipsum, faceret illum: & inde *VERBUM CARO FACTUM EST*, & D E V S-Homo factus, manens quod erat, factus quod non erat, & ita servans statum suum Essendi, id quod est, humiliavit eum ipsum, usque ad statum eius, quod nihil est, & ex nihilo est.

Ac neque eo contentus ut assumeret, quod ex nihilo erat, in eoque D E V S-Homo, & Homo D E V S esset: sed insuper etiam quod assumpserat de nihilo, illum, (inquam) ipsum Hominem, quem suâ personâ hypostaticè fecerat D E V M, per Passionem atque Mortem, Crucis autem Mortem, dissolvit; & in non esse, nihilumque redegit, ac ut D E V S-Homo, esset D E V S non Homo, esset D E V S non Ens, & nihil, fecit. Mortuus enim in homine assumpto D E V S, & si tam Animæ, quàm Corpori illius Hominis, esset hypostaticè unitus, totus tamen ille non ens, & nihil erat, atque per hoc sese D E V S ad non ens, & ad nihil redegerat, & qui erat D E V S-Homo factus est D E V S non Homo: usquequo per resurrectionem

nem excitato Homine, factus est rursus **DEVS-Homo**.

*Christus in
Passione &
morte sua,
excellenti-
simus.*

Hunc igitur in modum, **DEVM** nostrum, sua ipsius plenitudo Bonitatis, Charitatisque humilem fecit, & supra omnis creaturæ humiliationem humiliavit: ipsamque Incarnationis exinanitionem, passionis & mortis exinanitione exhausit, atque absorbit. Hinc illæ Domini in Psalmo voces. *Infixus sum in limo profundi, & non est substantia. Veni in altitudinem maris, & tempestas demersit me.* Et in alio: *Posuerunt me in lacu inferiori, in tenebrosis, & in umbrâ mortis.* Infixus est Dominus noster in limo profundi, quando Deitatem suam adiunxit Humanitati: in quâ, substantia non est, quia de nihilo formata est. Venit in altitudinem maris, scilicet in amarissimam Passionem, quâ satisfaceret pro vniuersis nostris peccatis: huius maris tempestas, demersit eum in mortem. Nam inimici eius, non prius furere ac sæuire desierunt, quàm eum in profundis tenebris mortis absorptum viderunt. *Sed granum istud frumenti cadens in terram mortuum est, idcirco, ut solum, ac sterile non maneret, verum ut multum fructum afferret; & attulit reuera non solum multum, sed super-superque multum, ac planè immensum; atque infinitum.*

Psalm. 68. 5.

Psalm. 87. 7.

Ioan. 12. 24.

Libet hoc Seraphici **BOVAVENTURÆ**, doctissimâ pietate, & pijsimâ doctrinâ, dictioneque enarrare. Hic Sanctissimus Doctor, humiliationis ac minorationis Domini nostri **IESU CHRISTI**, in Incarnatione atque Passione & morte suâ, septemplex nostram vililitatem enarrat, his verbis:

1. In **DEO-Homine**, Facta est **Æternitas**, Noua atque temporanea: Qui enim est Filius **DEI** æternaliter, factus est Caro temporaliter. Ratio: quia o homo nullus te poterat redimere, nisi haberet pretium: nec debebat (secundum Moysi legem,) nisi esset propinquus. Homo (purus) propinquus erat, sed pretium non habebat. **DEVS** purus pretium habebat, sed propinquus non erat. Non debebat nisi Homo, non poterat nisi **DEVS**; factus

*Bonav. Op.
to. 2. in Col-
lationibus:
Coll: 1. ex
Vbertino:
folio. 424.*

est ergo DEVS-Homo, vt ita & propinquus ex nostro,
 Isa. 13. 12. & pretium haberet de suo, factusque est IESVS, *vir pretiosior auro, & homo mundo obrizo.* Sacculum pecuniæ tuæ
 Excell. 22. lit secum, paruum sed plenum, quia DEVS Homo in carne apparuit, & Verbum in carne quasi pecuniam in sacco abscondit, & hominem reum obæratumque redemit.

2. In Homine DEO facta est Immensitas, Breuitas: quia Verbum abbreviatum, fecit Dominus super terram, & cur ita? Nempe ô Anima mea, necessitas tua fuit magna nimis, & tanta quæ nonnisi DEI Filio suppleri poterat; sed capacitas tui fuit angusta & parua nimis, quæ
 1er. 23. 24. Altissimum, Immensumque illud Verbum, *quod calum*
 Isaie 9. 6. *terramque implet*, non capiebat, quid ergo? *Paruulus natus est nobis, & filius datus est nobis.* Prouidit scilicet DEI Charitas nobis, vt & Filius daretur nobis, quo egebamus, & Paruulus, qualem capere poteramus.

3. In DEO Homine facta est Pulchritudo, Obscuritas, cur ita? Quia tota felicitas mea, & vita æterna est, tantum illud bonum, & donum DEI: id est, DEVM-Hominem nosse, at quomodo nosset homo illum, quem
 1.Tim. 6. 16. nemo vidit vnquam? *qui lucem habitat inaccessibilem, & Psal. 12. 12. tenebras posuit latibulum suum, nasciturque in splendoribus Psal. 109. 3. sapientitatis?* igitur operuit facies illa DEI, & imago bonitatis atque claritatis DEI, splendor gloriæ, & candor lucis æternæ, operuit (inquam) se sacco nostræ mortalitatis: adeo vt iam non solum visibilem cernam, sed etiam
 Apoc. 6. 12. mihi similem amorem in carne meâ. Vnde dicitur, *Sol factus esse, tanquam saccus cilicinus,* Christus videlicet, qui
 Sap. 7. 29. est *Spectusior Sole, & super dispositionem stellarum, luci commissa.*
 Isa. 53. 2. *paratus inuenitur prior: factus est propter nos, quasi cui non erat aspectus, & quasi saccus cilicinus, propter asperitatem, & ignobilitatem.*

4. In DEO Homine Dignitas & Celsitudo, facta est Humilitas & abiectio. Quomodo? Descendit enim à summo DEI sinu, non tantum ad me, qui satis infra eram sed
 sed

sed etiam infra me. Nam quis ille iacet in stabulo, in præsepio, in fano, ad pedes animalium? quis ille pro- uoluitur ad pedes discipulorum, & proditoris Iudæ? quis ille inter carnificum raptatur manus? quis inter flagra concidit? quis in Cruce extensus iacet? Et quis vnquam hominum in stabulo natus? Ecce ille est in stabulo, ad cuius pedes Angeli procumbere indigni sunt: cuius cor- rigiam calcei soluere, IOANNES non est dignus, nec eius calceamenta portare. O quid non facis, DEVS meus, propter nos! vt haberemus te, sis homo, vt te capiamus, sis paruus, vt te cognoscamus, sis visibilis, vt ad te per- tingamus, sis humilis.

Matt. 23.
Ioan. 13.
Christus in
Passione &
morte sua,
excellenti-
simus.
Matt. 3:

5. In Homine DEO, facta est Sapientia simplicitas; & fortitudo infirmitas. Ego enim eram reus, & coram DEI sapientiâ comparere erubescbam, dicens cum IOB. *Commisa mea pauesco, & ante te erubesco.* Eram aduersa- rius fortissimi, & potentiam eius formidabam, *quis enim resistit ei, & pacem habuit? qui respicit terram, & facit eam tremere.* Ideò DEI benignitas, quæ semper magnifica- uit facere nobiscum, sapientiam suam abscondit in sim- plicitate, ne erubescam comparere: facta quæ est cum simplicibus *sermocinatio eius, vt audeam fidenter sermonem miscere; abscondit Fortitudinem in Infirmitate, ne per- timelcam accedere, quoniam dicit: Sinite paruulos ad me venire. Confidite: Pax vobis. Ego sum, nolite timere.*

Iob. 9. 4.
Psal 107. 32.
Prou. 3. 32.
Mar. 10. 14.
Mar. 6. 50.

6. In DEO-Homine, Iustitia sanctitas & Innocentia, subiit reatum. O quàm miro consilio! Ego conceptus eram in omni malo, priuatus omni bono, id quæ propter culpam meam, & debitam culpæ pœnam. Hinc mihi necessitas releuandi à malo, absoluendi à debito, resti- tuendi omni bono. Quid ergo? Innocentia reatum, subiit, vt iustificer ego à malo. Iustitia pœnam subiit, vt ego liberer à supplicio. Plenitudo se exinaniuit, vt ego replear omni bono. DEVS enim cum, qui non nouerat peccatum, quiq; non fecit peccatum, nec dolus inuentus est in ore eius: Innocentissimum scilicet IESVM fecit pro nobis peccatum,

peccatum,

peccatum, hoc est: peccati nostri illi imposuit reatum, Isa. 53. 6 & posuit in eo iniquitates nostras, ut efficeremur iustitia DEI ex illo. O verè felicitatem, felicemque necessitatem, Excell. 22 quia ex quo DEVS subiit nostrum reatum soluendum, Christus in vel necesse fuit, ut DEVS odiret seipsum, vel reconcilia- Passione & ri DEO Hominem reum. Et hoc quidem erat accepta- morte suâ, bile DEO, & ab eo intentum, iuxta illud: Sic DEVS di- excellentif- lexit mundum, ut Filium suum Unigenitum daret, ut mundus finis. Ioan. 3. 16. saluetur per ipsum.

7. In DEO-Homine, facta est Opulentia Pauper, ut
 2. Cor. 8. 9. nos ditaremur. Scitis, (ait PAVLVS) gratiam Domini nostri IESV Christi, quoniam cum diues esset, propter nos egenus factus est, ut illius inopiâ diuites essemus. O quantum discere deberemus ac possemus, quibus DEVS tantum dedit, ut ipse nudus & pauper remanserit. Agnosce Anima mea, quam felix & proficua tibi sit hæc necessitas, in quâ DEVS se posuit amore tui ebrius, Christus IESVS DEVS-Homo? Aut enim necesse est te restitui in Regnum, aut IESVM exulare a Regno. Si quidem, ipse assumpsit tuam paupertatem, ex quo opus est, aut te ditari & regnare, aut IESVM inopem & exulem manere. Sed nimirum, in vnum conueniunt diues & pauper: quia diues fit pauper, ut pauper fiat diues. Haftenus S. Bonauen: Haftenus & ego de Domini nostri, per Passionem & Mortem suam, humiliationis supra Creaturas omnes Excellentia.

EXCELLENTIA XXIII.

Solus Christus Passione suâ exaltatus est supra omnes Creaturas.

VIGESIMATERTIA Christi Domini, supra omnes Creaturas Excellentia est: quia solus est Passione suâ exaltatus supra omnes, in tantum, ut a nemine exæquari possit.

Suppono

Suppono dicendis, quod Passio Domini nostri Exaltatio quædam fuerit, & etiam nunc sit eiusdem Domini. Ita enim illam ipsemet vocauit, dicens Nicodemo. *Sicut Moyses exaltauit serpentem in deserto, ita exaltari oportet Filium hominis; & Iudæis dicebat. Cum exaltaueritis Filium hominis, tunc cognoscetis quia ego sum, & à me ipso facio nihil; & rursum. Et ego si exaltatus fuero à terrâ, omnia traham ad me ipsum, hoc autem dicebat significans, quâ morte esset moriturus.* Ioan. 3. 14. Ioan. 8. 28. Ioan. 12. 32.

Porro Passio Domini continet, facitque Exaltationem, non solum materialem, & localem à terrâ in ærem per Crucem, in quâ appensus, & eleuatus est Dominus, ac medius latronum statutus, omniumque conspectui propositus; sed etiam continet ac facit exaltationem moralem ac spiritualem, ad eum modum, quo facta laudabilia, & Heroicâ, virtutum insignium, & Dignitates exaltant operatores suos, euehuntque Nomen & famam eorum super alios. Hunc enim etiam in modum Passio & Mors Domini IESU Christi exaltauit illum, & dedit illi, meruitque nomen, quod est super omne Nomen, propter quod & suprâ caput eius pendens in Cruce, apposita fuit scriptura Hebraicè, Græcè, & Latinè. IESVS NAZARENVS REX IVDÆORVM. Philip. 2. Ioan. 19. Hoc ideo Prouidentia Diuinâ ordinante, vt contrâ omnem inimicorum Christi sensum, nomen eius probro Crucis, eradere de terrâ volentium, potius Passione & Cruce exaltaretur nomen eius, & fieret REX Regum, Dominusque Dominantium; essetque suprâ Nomen omnium Magnorum, qui essent super omnem terram.

Hanc Domini nostri, per suam Passionem, Crucisque Mortem nominis Exaltationem, mirabitur, vel in dubium vocabit nemo, qui aduerterit, non solum ipsum Christum, sed omnes penitus res, totumque Vniuersum, cælum quoque, & omnia quæ in eo sunt, ipsam demum Sanctissimam Trinitatem DEVM, hac Domini Passione, atque Crucis Morte exaltatum esse.

De Christi D. Excellentijs

Notum est, ac debet certè esse notissimum omnibus hominibus, maxime autem fidelibus, quàm innumeris, quàm enormibus, quàm supra omnem indignitatem, iniuriositatemque indignissimis, & iniuriosissimis concumelijs, iniurijs, contemptionibus, impietatibusque, deiectus, illusus, reprobatus, abnegatus, ac infra bruta, infra saxa, ligna, cæteraque inanimata despectus, & quasi extinctus fuerit *DEVS* ab hominibus: partim quando spoliatus Entitate, Essentiâ, Existentiâque suâ, esse, ac existere omnino negatus, ac in nihilum reductus est, *Psal. 13. 2.* dicentibus impijs, *Non est DEVS*; partim quando ipsius Diuinitas, totaque Deitatis Maiestas, Dignitas, atque Bonitas, & Magnificencia, sempiterna quoque omnipotentia, ac dominatio, & gubernatio, ipsi vero & proprio, essentialique possessori detracta, reposita est in Dæmones & pessimos genios, omnisque impietatis architectos, reposita & in absurdissimos Stercutios, Cloacinos, Pauores, Febres atque Priapos collocata, collataque, hominum ingenio, cultu, atque pietate fuisse cognoscitur. Denique, quod semetipsos esse noluis- sent, aut erubuissent, hoc *DEVM* esse statuebant, huic diuinos honores deferebant, huic Diuinum, esse simile, delirabant veriùs, quàm cogitabant. Tantâ quidem impijsimæ cæcitatæ obstinatione, tanto pro inanium Deorum stolidâ veneratione asserendâ conatu, vt soli decem Imperatores Romani vniuersum orbem terrarum, Christianorum vnum verum *DEVM* colentium, inanes autem deastros contemnendum, corporibus occisis instrauerint, & sanguine proluerint, humanumque genus totum, ubique, tantum non aboleuerint.

Quid de alijs Diuinarum iniuriarum, humanarum, nempe iniquitatum loquar generibus, adeo totum per orbem exaggeratè multiplicatis, vt cataclysmi Noëtici eluuiem, haud dubiè millies, per millenos etiam annos, & euerint olim, & vtinam quoque non euincant. Quibus omnibus, vnus maxime, totus contemptissimè,

ac solus iniuriosissimè tractatur, & quantum in homini-
bus est, proscribitur, & exesse longè iubetur DEVS, ^{Christus ei}
contemnitur Dignitas & Maiestas eius, irridetur Sapi- ^{xaltatus à}
entia, irritatur omnipotentia, caritas & bonitas despi- ^{suâ passione,}
citur, misericordia negligitur, iustitia violatur, & non ^{excellenti-}
timetur, veritas & veracitas in falsum torquetur, ira ^{simus.}
& comminatio surdâ aure auditur, voluntas, & Lex, &
prima Ratio dissimulatur; Honor, Gloria, Veneratio
detrahitur; dominatio, regimen, & providentia excuti-
tur, beneficentia & largitas in offensam & iniuriam lar-
gentis commutatur, promissa sus-de quæ habentur, sup-
plicia etiam æterna non timentur, ac neque creduntur,
futura vita in dubium reuocatur, æterna temporalibus
& caducis posthabentur, virtus, pietas, timor DEI, con-
scientiæ cultus ad ignavos, ad otiosos, & ad superflua-
curantes remittuntur.

Quid multa? DEVS, & Diuina, & placita Sanctissi-
mæ voluntatis eius, & olim ignorabantur, utque igno-
rarentur sapientum industriâ elaborabatur à qui-
bus *Veritas DEI in iniustitiâ detinebatur, & qui cum cogno-* ^{Rom. 1. 17.}
uissent DEVM, non sicut DEVM glorificauerunt, neq; gratias
egerunt, sed fabulas doctas, super fabulas commenti,
eas in cæcum populum ambitione supersticiosâ disse-
minarunt, obsecrantes insipiens cor eorum, docentesq;
facere tam in occulto, quam in manifesto, talia, quæ ipsa
turpitudine erubuerit, ipsa impietas abominata fuerit,
ipsa malitia execrata sit. Atque hoc, in vnus, solus-
que Summi DEI, tum notitiam abolendam, tum vene-
rationem deturpandam, tum gloriam subiectionemque
extirpandam: in humani verò generis, tam infelicis,
quam miseri, stolidissimi que simul ac impij, sempter-
næ calamitatis perditionem exaggerandam, atque fir-
mandam, à nequissimorum cacodæmonum insatiabili
tyrannide, fraudulentissimâ virulentia peragibatur, per
que secula propagabatur.

Ab his enim latronibus, & omnis veri, æqui, hone-

Luc. 10. 30
Excell. 23.

sti, virtutis, probitatisque, cum prædonibus, cum hostibus, miserabilis homo a Ierusalem in Iericho descendens, interceptus, vulneratus, spoliatus, vix semivivus relictus, in potestatem servitutemque redactus, ab omnibus cetera desertus, solius Samaritani, eadem viâ pertransientis, miseratione super se commoti, vini oleique in vulnera superfusione, ipsorum quoque vulnerum, obligatione, in iumentum proprium sublati, subiectusque, curam omnem, usque dum perfanaretur, pristinaque integritati redderetur, & usque in Ierusalem reduceretur, in expectatissimâ caritatis exhibitione, super spem, meritumque omne expertus est.

Ioan. 8. 49.

Ioan. 3. 17.

Hic est ille Samaritanus, quem licet Iudæi non receperunt, licet exprobrauerunt, licet inhonorificauerunt, licet abiecerunt, solus tamen venit, & gloriam. DEO dedit: mundoque salutem contulit uniuerso. *Non enim venit ut iudicet mundum, sed ut saluetur mundus, & manifestetur glorificeturque DEVS per ipsum.*

Hic est IESVS Christus, DEVS-Homo, qui propter nos homines, & propter nostram salutem, qui etiam propter obedientiam, atque gloriam, exaltationem, & honorificationem sui Patris æterni, descendit de cælis, Incarnatus, & Homo factus, passus, crucifixus, mortuusque est. Morte suâ, mortuam planè, obrutamque DEI gloriam, scientiam, venerationem, legem, cultumque uniuersum, partim in idololatriâ, aut atheismo, partim in reliquorum scelerum immensâ multitudine, morte inquam suâ exiusscitauit, atque aboliis omnibus tam erroribus, quam superstitionibus, quam sceleribus, diabolicisque potestatibus, exaltare caput, atque totum per mundum efflorescere, dominari, & fructus ferre, DEO per omnia gloriofos, humano autem generi salutare fecit.

Postquam enim DEVS Homo Saluator noster, de torrente Passionis bibit, postquam baptismo dolorum, baptizatus est, postquam calicem mortis in Cruce ebibit

bit & exhaust: ex tunc *exaltauit Caput.* Exaltauit Caput, Gloria & Magnificientia DE I, Iustitia, Misericordia, Charitas DE I, Veritas, Sanctitas, Sapientia, & Omnipotentia DE I. Lex, Voluntas, Scientia, Veneratio, Obedientia, Dilectio, & Timor DE I. Exaltauit Caput, Humana salus, reconciliatio cum DE O, liberatio à dæmonum seruitio, emundatio à peccato, victoria mortis, despoliatio inferni, reformatio paradisi, Sanctitas morum, Excellentia virtutum, sublimitas perfectionis, Virtus Crucis, Beatitudo cælestis. Exaltauit caput contemptus terrenorum, abnegatio carnalium, derelictio mundi vanitatum, Paupertas spiritûs. Amor Crucis, Dilectio Inimicorum, Casta Virginitas, Patientia & Mansuetudo, Mentis humilitas, Obedientiæ robur, Caritatis sinceritas, Perseuerantia vsque in finem, Fides mundum vincens, Spes futurorum omnibus, quæ præsentia sunt certior, Gratiæ atque Spiritûs plenitudo.

*Psal. 109.
Christus exaltatus à
suâ Passione,
excellens-
simus.*

Exaltauit Caput, etiam ipse Christus: non enim sicut Samson cum hostibus, quos plures moriens quàm viuens occidit, ipse quoque commortuus est, nec amplius reuixit: sed mortem suam moriendo mori coëgit, vitamque tam suam, quàm nostram, resurgendo reparauit. Exaltauit ergo Caput, quia Passione atque Morte suâ, tam Deitatem, quàm Humanitatem suam magnificauit & mirificauit. Animam suam, Corpus suum, sanguinem suum, opera, virtutes, dona, merita, dolores, vitam, mortem, sepulturam suam exaltauit. Exaltauit potentiam infirmitate, Sapientiam stultitiâ, Beatitudinem miseriâ. Maiestatem ignobilitate, Gloriam infamiâ, Veritatem calumnijs, Laudationem opprobrijs: Innocentiam accusationibus, Sanctitatem peccatis, Benedictionem maledictis, Caritatem odijs, Vitam morte, Aternitatem interitu, Salutem perditione, Dominatum & Regnum seruitute. Et quis audiuit talia mirabilia? quis credidit hac esse possibilia? Hac nisi fides credat, ratio non capit, nisi gratia illustret, intellectus non asse-

Excell. 23. quitur, nisi veritas attestetur, cogitatio & mens non apprehendit. Sed is, qui hæc seu fecit, seu passus est, simul DEVS, & simul Homo est: idcirco omnia vera, & credibilia sunt, quia DEO-Homini omnia possibilia sunt.

Passus est DEVS-Homo, & vt DEVS-Homo, quod nullus alius est homo. Passus est innocens vt nemo, iustus quomodo nemo, Sanctus vt alius nemo, Dignus vt alius nemo, Æqualis DEO secundum Deitatem, vt alius nemo, Vnitus DEO, & subditus simul DEO, vt alius nemo, Meritus de DEO, deque illius Dignitate & Voluntate, vt alius nemo, Meritus de toto genere humano, digniorque toto genere humano, vt alius nemo, Meritus de toto vniuerso, honoratior, pretiosiorque toto vniuerso, vt alius nemo.

Passus est DEVS-Homo redundantissimè, vt non solum redundet, pro omnibus singulisque præteritis, præsentibus, & futuris, sed etiam possibilibus, nec futuris hominibus Adæ filijs.

Passus est DEVS-Homo pro peccatis, non tantum præteritis, præsentibus, futuris, sed etiam pro possibilibus.

Passus est DEVS-Homo, pro omnibus & singulis hominibus, tantum pro vno, quantum pro omnibus, & tantum pro omnibus, quantum pro vno.

Passus est DEVS-Homo, pro iustificatione vniuscuiusque hominis, & non pro iustificatione semel, iterum, aut aliquoties tantum repetendâ, deinceps verò denegandâ; sed pro iustificatione infinitis numero vicibus, in quouis homine, liberalitate indubitata repetendâ.

Passus est DEVS-Homo, non tantum ad rigorem perfectum, sed supra rigorem etiam iustitiæ Diuinæ.

Passus est DEVS-Homo, non tantum pro vno genere, gradu peccati, Diuinæque offensæ, sed pro omni genere, specie, gradu, in quibuscunque circumstantijs, & conditionibus.

Passus

Super omnes Creaturas.

183

Passus est DEVS-Homo, non solum pro condonati-
one peccatorum, sed etiam remissione & abolitione,
omnium panarum, peccatis, siue in tempore, siue in
aeternitate debitarum.

*Christus ex
altatus à
sua passione,
excellenti-
simus.*

Passus est DEVS-Homo, non tantum pro remissione
culparum & panarum: sed etiam pro donatione Gratiae
sanctificantis, Filiationis Diuinæ, Iustificationis & sancti-
ficationis, consortio Diuinæ naturæ ab hominibus obtri-
nendo, pro Donis Spiritûs Sancti atque fructibus, pro
Donis virtutum omnium ac singularum, pro iure & de-
bito ex iustitiâ, vitæ beatitudinisque aeternæ, pro iure
atque valore operum nostrorum in Christo factorum,
ad gratiam, gloriamque de condigno & cum Auxilijs
actualibus, Christi que meritis promerendam, denique
pro ipso DEO à nobis hereditando, intuitiue videndo,
in æternumque fruendo.

Passus est DEVS-Homo, pro gloriâ & exaltatione
suâ propriâ, quam & si habuit in omni plenitudine ex
naturâ & vi Vnionis Hypostaticæ, atque Visionis beati-
ficæ, voluit tamen eandem habere titulo meriti atque
iustitiæ, quam per subiectionem & obedientiam, ad vo-
luntatem æterni Patris, in Incarnatione, totâque mortali
vitâ, sed specialissime atque maximè plenissimâ cum
Patris sui, & propter Patrem cum nostri Caritate, in
passione, atque Crucis morte exercuit, simulque prome-
ruit, & acquisiuit; atque in Resurrectione & Ascensio-
ne accepit, posseditque.

Videbitur verò hoc non nemini perabsurdum:
Cum enim Deicidium, quod supponitur, immò asseri-
tur in Christo DEO-Homine ab inimicis patratum, sit
omni peccato, possibili etiam, quin & omnibus simul,
maius & grauius: quomodo per illud, damnatum atque
deletum est omne peccatum, cum potius per hoc vni-
cum, auctum sit & irremissibilius redditum sit, omne
humani generis peccatum? omni certè rationi repu-
gnat grauissimo, & enormissimo omnium peccato de-
lere

Excell. 23.

lere omnia, hoc vno minora omnia peccata: quando-
quidem tolerabiliora fuerint omnia peccata, hoc vnico
peccato. Ad quod ita respondeo, vt assentiar Mortem
DEI-Hominis, grauiore peccato ab inimicis eius occi-
soribusque patrata esse, quam omnia reliqua sint
peccata. Ideò tamen omnia reliqua peccata, per hoc
vnum DEICIDIJ peccatum, esse damnata atque deleta,
quia hoc est vnum omnium grauissimum peccatum, &
DEVS dignatus est velle, vt in ipsomet patraretur, atq;
per illud hac eius dignatione omne aliud peccatum de-
leretur. Etenim hoc inter est, inter istud vnum, so-
lumque DEICIDIJ, & inter omne reliquum humanum
peccatum, quod omne aliud peccatum, quodcunque
ab hominibus commissum est nihil aliud sit, nisi pecca-
tum & offensa DEI: at verò hoc DEICIDIJ scelus, ita
est peccatum humanum, vt simul sit etiam beneficium,
meritumque Diuinum, & omnis peccati, atque adeò
etiam sui ipsius (id est DEICIDIJ) remedium. Et
ita peccatum hoc, quantum ad hostes Christi, qui illud
in Christum commiserunt, est omnium maximum pec-
catum, quantum autem ad ipsum Christum, qui illud in
se committi permisit, & commissum in se, meritum ac
beneficium suum, omniumque aliorum peccatorum,
etiam huius ipsius remedium fecit, est summum omni-
um Bonitatis, atque Misericordie in humanum genus
Rom. 8. 3. effusæ miraculum: quo *DEVS misit Filium suum, & in
carne illius de peccato damnauit peccatum.*

Sic DEVS-Homo, Redemptor & Saluator noster.
Christus IESVS, ideò quia de torrente Passionis in viâ
sue mortalitatis bibit, & sese factus obediens Patri, in
forma serui, vsque ad Mortem, Mortem autem Crucis
humiliavit & exinanivit: ideò inquam exaltauit Caput,
super omne caput, sicut se demiserat etiam infra omne
caput: & accepit à Patre Nomen, quod est super omne
Nomen, vt in Nomine IESV, omne genu flectatur, cœ-
lestium, terrestrium, & infernorum: & omnis lingua
confi

confiteatur: quia Dominus noster IESVS Christus, in gloria est DEI Patris.

Christus exaltatus à sua passione, excellentissimus.

O Lingua, ô omnis lingua, ô omnis generis, omnis creaturæ, omnis hominis lingua, ecquando confiteberis confessionem hanc, quia Dominus Noster IESVS Christus, in gloria est DEI Patris. Erit quidem olim, tempus, in quo hic idem Dominus noster, in nubibus celi cum Angelis suis, cum gloriâ, & virtute, & Maiestate multâ, veniet ad iudicandas omnes gentes, Tunc erit, quod omnis lingua confitebitur, quia Dominus noster IESVS Christus, in gloria est DEI Patris: sed illa Confessio, infinitis erit confusio, atque nunquam terminandæ confusionis inchoatio.

Matt. 26. 62.

Nunc, nunc omnes gentes, omnes saltem Christianæ gentes, omnesque credentium linguæ, confiteamini pleno ore, toto corde, fidelissimo opere, quia Dominus noster IESVS Christus, est in gloria DEI Patris, est etiam in gloria, & dilectione humani generis, est quoque in exaltatione & imitatione omnis in eum credentis, est in deliderio & possessione omnis Animæ fidelis, ac diligentis.

Quid enim est ô Christiani, quid est inquam, quod Dominus IESVS per Passionis suæ torrentem transiens, atque de eo bibens exaltauit Caput? quid est, quod exaltatus à terrâ per Crucis mortem, sursum omnia, traxit ad seipsum: sola vestra corda, solæ vestræ mentes, solæ Animæ vestræ, soli vos remanetis in terrâ, sola corda vestra putrescunt in mundo, & carne, & neque exaltant Dominum IESVM, neque exaltantur à Domino IESV? adhuc vobis Christus est in stabulo, adhuc in præsepio, adhuc Herodianam necem fugitat, adhuc à diabolo tentatur & gestatur, adhuc lapidationes & præcipitationes declinat, adhuc venditur & emitur, adhuc osculis proditur, adhuc captiuatur, accusationes, calumnias, odia, ludibria patitur, adhuc illuditur, conspuitur, colaphizatur, flagellatur, spinei lerti ludibrio deluditur,

Excell. 23.

arundine cæditur, purpureo vestitu circumdatur, Barabæ componitur, & postponitur, lotis licet manibus ad Crucem tamen damnatur, & metus iniqui iudicis, fit crimen Innocentis, adhuc denique Morti addicitur, Crucem sibi adhuc baiulat, in eâ affigitur, in eâ pendens deluditur, blasphematur, aceto sitiens potatur, & fiducia in DEVM, filiatio DEI, beneficentia in alios, aliorumque saluatio illi exprobratur, postremò adhuc Christus in Cruce agonizat, adhuc cum doloribus mortis luctatur, adhuc cum lacrymis & clamore valido, ad Patrem pro suis Crucifixoribus orat, adhuc Spiritum in manum Patris emittit, atque Moritur. Hæc adhuc omnia Christus inter Christianos, à Christianis, sed non iam pro Christianis, at potius contrà Christianos sustinet atque patitur. Et nunquid est, qui Christum de hisce tormentis eliberet? de Cruce laniatum, fauciatum, enecat, tandem deponat? qui depositum vnguentis condicat, mundâ Syndone inuoluat, nouo in sepulchro condat? Heu! quis numeret in quorum animabus, tanquam in saxeis sepulchris Christus videt corruptionem, subit putredinem, spirat fætores. Quis recenscat eos in quibus Christus Crucifixus est millies, occisus millies, nece super necem necatur millies, tumulatur millies, & non quatruiduanus Lazarus, sed totis dierum circulis vitæ multorum, fætet, & putret, verminatque, abditus, neglectus, ac in purulentâ peccatorum, laniâ resolutus.

Putasne ab hac Passione suâ, quâ Christiani sui, quâ fideles sui, pati fecerunt, morique coegerunt Christum suum, exaltabit aliquando Caput Christus? Ah Christiani: Non est hæc, non est ista Passio, quæ Christum exaltat; Non est ista Domini Crux, quâ Dominus omnia ad seipsum trahat. Passio ista Christum quidem cruciat, sed vos damnat; Christum offendit, sed vos perdit; Christi salutarem passionem euacuat, at vestrâ damnatione infernum exlariat. Quid est Christiani? Passio-

nem.

nem Christi defletis, quâ ille saluauit vos: & istam Passionem Christi elaboratis, quâ ille damnabit vos? illâ suâ Passione, Diabolum Christus vicit, peccata mundi aboleuit, Mortem superauit, expugnauit infernum, aperuit cælum, reconciliauit DEVM, saluauit & redemit genus humanum, glorificauit Patrem suum æternum; hac autem vestrâ, quam Christo sceleribus vestris, cordibusque ingratiss, & animis obstinatis infertis Passione, vincit Christum diabolus, peccata ei dominantur, ad mortem æternam trahitur, labore, meritis, & sanguine illius infernus expletur, cælum redemptis ab illo occluditur., DEVS ad iram & vindictam prouocatur, hominum infinita multitudo perit, DEVS honore & gloriâ spoliatur, ipse Christus omni suæ Incarnationis, Passionis, Mortisque fructu, in hominibus, ab hominibus, & ijs quidem in se credentibus, defraudatur..

Christus exaltatus à suâ Passione, excellentissimus.

Christiani: Patiens Christus petras dissoluit & concidit, Solis & lunæ cursum immutauit, Noctem diei per vniuersam terram superinduxit, terram ipsam tremore concussit, maria perturbauit, sepulchra mortuorum aperuit, ipsos mortuos ad vitam redire fecit, Crucifixores suos petris duriores ad sui confessionem, & ad pœnitentiam adduxit. Solos nos Christianos non commouebit, nec ad meliora mutabit? solos nos ad se non attrahet? apud solos nos non exaltabit Caput, non exaltabit eum Passio, & Crux, & Mors suâ? soli nos Christiani, Christum quem propter nostram salutem, propter omne bonum nostrum æternum, esse passum & mortuum credimus, atque confitemur, tandem tandem non Christianè amabimus? non Christo dignè, debitèque æstimabimus? non abnegantes omnem Christo exosam impietatem, sobriè, & iustè, & piè, & per omnia Christianè uiuemus?

Christiani: Attendite, & recognoscite, quia quot in Christo baptizati estis, Christum induistis, & iam nemo sibi, nemo suis desiderijs, nemo veteribus peccatis,

Rom. 6. 3.

sed DEO, & sanctissimæ voluntati eius. Sed Christo, & saluberrimis exemplis, ac mandatis eius: quod reliquum est temporis vivat fundatus, ac radicans in Charitate, exaltans Christum in Passione suâ: & magnificans eum in Morte suâ.

EXCELLENTIA XXIV.

Solus Christus in Resurrectione suâ, super omnes Creaturas est.

VIGESIMA QUARTA Christi Domini nostri, suprâ omnes Creaturas Excellentia est: quia solus ille est, qui in suâ ex mortuis Resurrectione, supra omnes creaturas est. Nemo enim illi similis in resurrectione ex mortuis, aut est, aut esse potest.

Tametsi enim plures resuscitados ad hanc vitam, siue in Sacris, siue in prophanis scripturis legimus, nullius tamen resurrectio, par Resurrectioni Christi Domini nostri fuit. Atque id ex pluribus conditionibus, capitibusque.

Primò: Quia Christus Dominus, post veram & propriam naturalemque mortem suam, reuixit, resurrexitque resurrectione æternâ, hoc est, nunquam ad Mortem iterum rediturus. Nam teste PAVLO Apostolo, *Christus resurgens ex mortuis, iam non moritur, mors illi ultra non dominabitur.*

Secundò: Quia Christus Dominus, suâ propriâ & potestate, & voluntate resurrexit à Mortuis. Non enim alius quis, sed ipse seipsum ad vitam reduxit, & vivere fecit. Et si enim dicitur, & verè dicitur, quod Pater eum resuscitavit, hoc tamen non prohibet, quominus verum sit, quod & ipse ipsum se resuscitauerit. Indivisa enim sunt opera Trinitatis, & quâ potestate resuscitavit Dominum IESUM, Pater, eadem & Spiritus Sanctus resuscitavit illum, & eadem resuscitavit ipse semetipsum.

Atque

Atque ita Christus quâ homo mortuus, resuscitatus est, at idem Christus quâ Deus, resuscitator est: & humanitatem suam, quam in Incarnatione assumpsit, quæ non erat: in Resurrectione eandem reassumpsit, quæ fuerat. In Incarnatione corpus ex sanguine Virginis sumens, animamque illi infundens, & humanitatem constituens, in simul eam suæ Diuinitati Personaliter vniuit, atque seipsum DEVM-Hominem effecit: In Resurrectione autem, ad corpus exanime quidem, sed tamen Diuinitati vnitum, animam extrâ corpus quidem sitam, eidem nihilominus Diuinitati coniunctam, corpori, quando ei placitum est, reuniuit, & Humanitatem constituens, iterum eam immò semetipsum, cum eâ DEVM-Hominem fecit.

Tertiò: Quia Christus Dominus, resuscitauit se ad gloriam beatificam etiam corporis: quam extunc à glorificatissimâ semper Animâ, Visioneque Diuinitatis, à primo instanti Conceptionis & Incarnationis, beatificè perfuente, etiam in Sanctum suum Corpus demanare, fecit: dotans etiam illud, non solum vitâ, & omni integritate suâ, sed etiam dotibus, glorificatum corpus addacentibus. Claritate, Subtilitate, Agilitate, Impatibilitate, Immortalitate, ceterisque omnibus bonis immortalitatis, atque glorificati seu corporis, seu animæ, totiusque hominis.

Quartò: Quia Christus Dominus, omnium ex hominibus mortuorum, primus resurrexit ex mortuis, resurrectione perfectâ, seu ad vitam perfectam, atque æternam. Resurrexerunt enim ante Christum, ab ipso etiam Christo resuscitati aliqui, sed resurrectione imperfectâ, & ad vitam mortalem, mortique obnoxiam, immò ad morientem: quoniam vita mortalis, est mera prolixitas mortis: at Dominus IESVS ad vitam immortalem resurrexit, omnium mortuorum primus, simulque ad vitam beatam, atque gloriosam in æternum: in quo etiam Dominum antecessit nemo. Propterea Aposto-

Excell. 24. Ius vocat Dominum nostrum, Primitias mortuorum, & Primogenitum ex mortuis, quia ille ex mortuis primus omnium Resurrectione regenitus est, atque fructuum ex mortuis perceptorum, mortique ereptorum, ille idem primitiæ, seu fructus primitiarum est. Et quamvis dicamus, cum Domino resurgente aliquos ex Sanctis Patribus, resurrexisse Christi virtute simul, & ad immortalem, & ad gloriosam vitam: adhuc tamen Christus erit primus, & primitiæ, & primogenitus mortuorum: prioritate si non temporis, dignitatis tamen, & causalitatis, atque etiam iuris, quia Christi dignitati resurgentis, data est illa aliquorum Sanctorum resurrectio; & quia Christi tum meritis, tum potestate facta est.

Quintò: Quia Christus Dominus, resurrexit propter Iustificationem nostram: dicente Apostolo de ipso. Rom. 4. 25. *Traditus est propter delicta nostra, & resurrexit propter Iustificationem nostram*, quod non est ita intelligendum, quasi Christus aliquid vel sibi gloriæ, vel nobis gratiæ, iustificationisue resurrectione meruerit: omne enim meritum Dominus, Passione & Morte complevit, ita ut Resurrectio ex mortuis non meritum, sed meriti præmium sit: nec iam ad dona Gratiae disponentia ad Christum, sed ad dona Gloriæ decentia, & glorificantia Christum pertineat. Resurrectio tamen facta est, propter iustificationem nostram, eo sensu, quo alibi dixit idem Apostolus. 1. Cor. 15. 14. *Si Christus non resurrexit, inanis est fides vestra, inanis prædicatio nostra*: quia nimirum fide Resurrectionis Christi, confirmatur, stabilitur, consummatur, epilogaturque Iustificatio nostra. Credere enim Christum, v. g. natum, Passum, Crucifixum, Mortuum, Sepultum, nec Iudæi negant, nec Gentiles contradicunt, sed à mortuis resurrexisse, hic verò à Christianis dissident, eosque derident, at hoc est ipsum, quo Christiani à cæteris separantur, quo illos ab alijs fides separat, ideòque & iustificat. Inde est quod Christus Dominus, & resurgere, & resurrectionis suæ fidem tantopere studuit, atque etiam debuit

debut itabilire, quia nisi hoc fecisset, se quidem (vt ait *Christo Resurrectio* AUGVSTINVS) exercuisset, non autem nobis profuisset, *suâ, excellentissimus.* exercuisset tanta patiendo, nobis non profuisset, inter *1. Cor. 13. 17.* mortuos vsque huc remanendo, quoniam (vt idem Apostolus concludit.) *Quod si Christus non resurrexit, vana est fides vestra: adhuc enim estis in peccatis vestris, ergo & qui dormierunt in Christo, perierunt. Si in hac vitâ tantum in Christo sperantes sumus, miserabiores sumus omnibus hominibus.* Quid enim miserabilius, quàm in mortuum credere, pro mortuo omnia huius mundi mala perpeti, omnia bona perdere, & nihilominus inter mortuos cum mortuo remanere? hoc certè etiam gentilium incredulitate miserabilius est, hi enim saltem huius mundi, & vitæ bonis fruuntur; esto post mortem nulla eos maneat voluptas, at credentes in mortuum Christum, nec redituum à mortuis, miseri sunt, primùm huius vitæ bonis se propter eum priuando, miserabiores post eius ac suam mortem, nihil boni participando. Resurrexit igitur Christus, propter iustificationem nostram, vt in- *1. Tim. 4. 2.* resurgentem credentes, *spem habeamus, & nos, tum huius vitæ, quæ nunc est, bonorum gratiæ, peccatorum remissionis, filiationis DEI, resurrectionis quoque ad instar eius, tum verò etiam futura vitæ, quemadmodum scriptum est. Si consurrexistis cum Christo, quæ sursum sunt querite: ubi Christus est, in dexterâ DEI sedens, quæ sursum sunt sapite, non quæ super terram.*

Sextò: Quia Christus Dominus resurrexit, propter Resurrectionem nostram, vt scilicet fidem, spem, atque desiderium resurrectionis, & ex eadem consolationis nostræ fundaret, firmaret, atque exemplum & initium, in semetipso nobis exhiberet. Quemadmodum diserte attestatur Apostolus, dicens. *Nunc autem Christus resurrexit à mortuis, primitia dormientium: quoniam quidem per hominem mors, & per hominem resurrectio mortuorum. Et sicut in Adam omnes moriuntur, ita & in Christo omnes viuificabuntur. Vnus quisque in Ordine suo: Primitia Christus,* *1. Cor. 15. 20.* *deinde*

Excell. 24. *deinde ij, qui sunt Christi, qui in aduentu eius crediderunt: Deinde finis.*

Propter nostram ergo Resurrectionem, ad vitam immortalem, resurrexit Christus primus, totus quidem, Personaliter, ac non totus quoad Corpus suum mysticum, id est, quoad nos, qui membra eius sumus, & resurrectionem ad instar resurrectionis eius, & à virtute resurrectionis illius expectamus, dicente ipso: *Amen, amen dico vobis, quia venit hora, & nunc est, quando mortui audient vocem Filij Dei, & qui audierint vivent.*

Porro Christus Dominus, quadrupliciter nostram Resurrectionem operatur, scilicet, vt causa meritoria, efficiens, exemplaris, & finalis Meritoria, quoniam Morte suâ meruit omnium nostrum resurrectionem; quod suæ Mortis ac Passionis meritum, quia in resurrectione suâ, tanquam in termino absoluit, & tanquam complemento laborum, passionum, meritorum totius oeconomiae suæ conclusit; ideo Passio & Resurrectio, sunt quasi vnâ integrum opus Redemptionis nostræ, & veluti vna actio moralis Christi, quâ ille simul & semel meruit nobis, tum remissionem peccatorum, tum iustificationem nostram, tum denique & Resurrectionem nostram. Efficiens verò causa nostræ Resurrectionis est, ac erit Dominus, quia in nouissimo die resurrectionem nostram, Physicâ effectione perficiet, secundum verba illius, quæ superioribus consequenter adiunxit, dicens. *Sicut Pater habet vitam in semetipso, sic dedit & Filio vitam habere in semetipso: & potestatem dedit ei iudicium facere, quia Filius hominis est. Nolite mirari hoc, quia venit hora, in quâ omnes qui in monumentis sunt, audient vocem Filij Dei; & procedent qui bona fecerunt, in resurrectionem in vitam: qui verò mala egerunt, in resurrectionem iudicij.* Iam verò Exemplaris causa, nostræ Resurrectionis est Christus, quia in suâ Resurrectione, dedit & præmisit nobis exemplar nostræ resurrectionis, quod nos resurrectione nostrâ imitabimur, & exprimemus, vnusquisque

quisque in suo ordine (vt supra dixit Apostolus,) iusti quidem perfecte, perfectione sibi & illi statui tuo congrua: iniusti autem & reprobi, non ad omnia perfecte, sed solum quoad Naturalia: bona enim gloriae & beatitudinis, non habebunt locum in ipsis. Vnde etiam quoad hac Resurrectio Christi Domini, non est, nec erit Exemplar resurrectionis reprobatorum, quemadmodum iustorum & Electorum erit, iuxta illud PAULI dictum. *Si complantati facti sumus similitudinis mortis eius, Rom. 6. 5* simul & resurrectionis erimus: qui etiam alio loco statuit discrimen iustorum & iniustorum resurrectionis. *Ecce 1. Cor. 12. 58* mysterium vobis dico: omnes quidem resurgemus, sed non omnes immutabimur, ac si dicat, quod iusti in resurrectione sua accepturi sint sua corpora gloriosa, immutata dotibus perfectionibusque beatificis, & portabunt in aeternum imaginem caelestis Hominis, nempe Christi: iniusti autem non immutabuntur in suis corporibus resuscitatis, sed quamvis erunt plene integra in naturalibus, non erunt tamen gloriosa, neque in melius mutata dotibus, perfectionibusque beatificis, ac super naturalibus. Christi ergo Resurrectio, & Corpus gloriosum exemplar est resurrectionis iustorum, electorum, atque beatorum, & quidem in hoc genere summum & perfectissimum, neque ab ullo beatorum exaequandum: & si enim similes ei erimus (vt ait Apostolus) haec tamen similitudo non erit cum aequalitate, sed solum cum proportione debita, vt sicut Corpus Christi iuxta suam indiuidualem rationem, habet omnem gloriae perfectionem sibi debitam, sic etiam iustorum singulorum gloriosa corpora, habebunt perfectionem naturalem & supernaturalem, quae illorum & Naturae & gratiae, siue meritis, fuerit congrua, atque debita.

Tunc implebit Christus Dominus illud. ab Apostolo praenunciatum opus, officium, beneficiumque suum erga iustos, nimirum *reformabit corpus humilitatis nostrae, co. si Phil. 3. 21* puratum corpori claritatis suae. Congratulatur in Vnione

Excell. 24.

Animæ, cuiusque beati ad suum corpus, ut ei tribuat. vitam naturalem omnino aptissimam. Configuratam, deinde in quantitate ad quantitatem Corporis Christi. Non quod omnes Beati futuri, sint eiusdem staturæ & quantitatis corporeæ cum Christo. poterunt enim esse, tam paulò minoris, quam & paulò altioris, quàm Christus; id enim non repugnat: sicut non repugnat, quod Animæ beatorum inæqualis sint futuræ perfectionis, tam Naturalis, quàm supernaturalis, sed una quæque Anima beata, habebit corpus suæ Naturali perfectioni accommodatum, & commensuratum. Præterea Dominus Corpus humilitatis nostræ, faciet configuratum corpo-

Eph. 4. 13.

ri claritatis suæ, quoad *Mensuram ætatis plenitudinis* corporis sui: prout dixit Apostolus. Est verò plenitudo, seu perfectio ætatis corporeæ, tunc quando corpus accipit augmentum suum, quod per vires Animæ naturales, perfectè, & sine impedimento operantes consequi potest. Tunc quoque est perfectio ætatis in corpore, quando habet integras vires, temperamentum perfectum, & maximè Animæ suæ accommodatum, in quibus omnibus beatorum corpora, imitabuntur corpus Christi, ei que configurabuntur, iuxta exigentiam statûs perfecti beatorum. Ad extremum configurabit Dominus corpora Beatorum, corpori suo beato, quia illa faciet assimilata sibi in omnibus sensibus, facultatibusque Corporis, in pulchritudine quoque ac alijs ornamentis,

2. Cor. 15.

tam naturæ, quàm gloriæ, *ut sicut erant tales terreni, qualis & terrenus, sic etiam fiant tales caelestes, qualis caelestis, & sicut portauimus imaginem terreni, portemus & imaginem caelestis.*

Vltimò: Christus Dominus, nostræ Resurrectionis, est Finalis causa. Sicut enim ille propter nos resurrexit, ita & nos propter illum resurgemus, & sicut ille propter nos resurrexit ad vitam gloriosam, sic & nos propter illum, ad vitam pariter gloriosam, beatamque resurgemus, denique sicut ille resurrexit, & permanet glo-

rius

riosus in corpore propter nos, vt Beatissima Humanitas eius esset nostræ beatitudinis complementum: sicut enim Animarum nostrarum beatitudo, est à Diuinitate Christi: sic Corporum ab Humanitate eiusdem, beatitudo erit, ita quoque nos hoc fine gloriosi erimus, & permanebimus in æternum, vt DEVM-Hominem glorificatorem nostrum, nos quoque glorificemus in æternum.

Christo Resurrectione suâ, excel-
lentissimus.

Septimò, & vltimò Resurrectio Domini nostri incomparabilis fuit, & est, quia ad eruditionem nostram, spiritualem, moralemque resurrectionem nos edocendam, ab illo facta & ordinata est. Explicat hoc copiosè & disertè Apostolus PAVLVS, quin etiam simul præscribit omnibus fidelibus, & Domini resurrectionem fide amplectentibus, si ex eâ volunt, prout debent condignam, & Christo placitam vtilitatem animarum obtinere. Ait ergo. *Ubi abundauit delictum, superabundauit gratia: vt sicut regnauit peccatum in mortem, ita & gratia regnet per iustitiam in vitam æternam, per IESVM Christum Dominum nostrum.* Quid ergo dicemus: permanebimus in peccato, vt Gratia abundet? Absit, qui enim mortui sumus peccato, quomodo adhuc viuemus in illo? An ignoratis, quia quicumq; baptizati sumus in Christo IESV, in morte ipsius baptizati sumus? Consepulti enim sumus cum illo, per baptismum in mortem, vt quomodo Christus surrexit à mortuis per gloriam Patris, ita & nos in nouitate vitæ ambulemus. Si enim complantati facti sumus similitudini mortis eius, simul & resurrectionis erimus. Hoc scientes, quia vetus homo noster simul crucifixus est, vt destruat corpus peccati, & ultra non seruiamus peccato. Qui enim mortuus est, iustificatus est à peccato. Si autem mortui sumus cum Christo, credimus, quia simul etiam viuemus cum Christo, scientes, quòd Christus resurgens ex mortuis, iam non moritur, mors illi ultra non dominabitur. Quòd enim mortuus est peccato, mortuus est semel: quòd autem viuit, viuit DEO. Ita & vos existimate vos mortuos, quidem esse peccato, viuentes autem DEO, in Christo IESV Domino nostro. Non ergo regnet peccatum in vestro mortali corpore, vt obe-

Rom. 8. 20.

Rom. 6. 1.

Excell. 24. *diatis concupiscentijs eius: sed neq; exhibeatis membra vestra, arma iniquitatis peccato; sed exhibete vos D E O, tanquam ex mortuis viuentes, & membra vestra arma iustitie D E O.* Hæc omnia Apostolus, cuius omnino linguâ & calamo op' fuit ad tam magnum, tam salutare, & necessarium arcenum enarrandum Ecclesiæ, atq; filijs eius in Christum credentibus. Vix enim alicui alteri linguæ crederent homines dicenti, Christum I E S V M ideo mortuum esse peccato semel, vt nos quoq; moriamur instar illius peccato semper, item, Christum I E S V M ideo resurrexisse à mortuis, vt & nos resurgamus cum ipso, & iam desinamus peccato, sed in nouitate vitæ ambulemus, denique Christum I E S V M, ideo, & ita resurrexisse ex mortuis, & amplius iam non mori, nec illi vtrâ mortem dominari: vt etiam ita valedicamus peccato, vt amplius non regnet peccatum in nostro mortali corpore, neq; vnquam deinceps obediamus concupiscentijs eius, sed exhibeamus nos D E O, tanquam ex mortuis viuentes, & arma nostra militent constanter iustitiæ, & virtuti, & obseruationi Mandatorum D E I. Hoc est enim mori peccato, damnandis scilicet operibus non viuere, nihil concupiscere carnaliter, nihil ambire superbè. Sicut enim qui mortuus est morte corporis, nullas iam opes quærit, nullas voluptates concupiscit, nullas hominum laudes caprat, nullis dignitatibus inhiat, sed nec vlli detrahit, nullum auersatur, persequitur etiam nullum, nullius pudicitiam callidâ circumuentione corrumpit; ita etiam, qui mortui reuera peccato, vni viuunt D E O, talibus vitijs non viuunt, sed in nouitate vitæ ambulant, & iam non desiderijs humanis, sed voluntati D E I, quod reli-

i. Pet. 4. 2. *quum est in carne, viuant temporis; iuxta B. PETRI admonitionem.*

Humana desideria, extendebant ante manus tuas ô homo, ad rapienda aliena, iam nunc extendat iustitiæ, easdem vt propria largiantur. Humana desideria, impellebant ante pedes ad effundendum sanguinem: nunc iustitiæ

iustitia eos dirigat, ad prohibendum ad liberandum, eundem. Humana desideria, oculos tuos rapiebant ad concupiscendum illicita. Nunc iustitia paciscatur foedus cum oculis tuis, ut ne cogites quidem, quod immanum est. Quid multis? Vnius cuiusque membri ministerium, quod humana desideria impendebant peccatis: iustitia deinceps constanter addicat virtutibus. Hæc est enim vera in Christo Pax, vera libertas, veraque iustitia: quando & humana carnaliaque desideria, animi, rationisque iudicio reguntur, & ipse Hominis animus Deo præside gubernatur.

Christi Resurrectione sua excedit lentissimus.

Huic gratia, atque gloria, qui dedit nobis victoriam peccatorum, & resurrectionem in novitatem vite, per Dominum nostrum IESUM Christum. Itaque fratres mei dilecti, stabiles estote & immobiles: abundantes in opere Domini semper; scientes, quod labor vester, non est inanis in Domino.

1. Cor. 15. 57

EXCELLENTIA XXV.

Solus sedet ad Dexteram Patris, Dominus noster IESVS Christus.

VIGESIMA QUINTA Domini Nostri, super omnes Creaturas Excellentia est: quia solus ille ascendens in cælum, sedet ad DEI Patris sui dexteram, nulli autem Creaturæ hoc competit. Quod disertè Apostolus testatur, cum ait. *Ad quem autem Angelorum, dixit (DEVS Pater) aliquando: sede à dextris meis?* hoc est, ad nullum omninò: Cum verò Angeli superiores sint omnibus reliquis creaturis; si Dominus IESVS in hoc confessu omnes Angelos excedit: manifestum est, quod excedat etiam reliquas Creaturas Angelis inferiores.

Hebr. 1. 3

Porrò Excellentia ista Domini nostri, quæ in sessione ad Patris dexteram consistit potissimum, tribus modis obuenit Domino. Est enim dubitandum non sit Dominum IESUM, summum & supremum locum, super

- Excell. 25. cælos, & in cælis conscendisse & obtinere, superiorem, quàm ullus, vel hominum, vel Angelorum, attestante Apostolo: *Ipse est, qui ascendit super omnes cælos, ut imple- ret omnia, & rursùm, Christus excelsior cælis factus: quæ indicant Christum, etiam localiter altissimam in cælo habere mansionem, tanquam eius Theandrinæ Humanitati convenientem, atque ipsis etiam Angelorum hierarchijs digniorem; Nihilominus non in hac locali eleuatione Domini supra cælos consistit excellentia ista ascenden- di in cælos, sed in eo, quod & ab Euangelistis, & ab Apo- stolis signanter asseritur, quia ita ascendit, ut ascensu suo perueniret usque ad dexteram DEI, ad eamque con- federit, quemadmodum MARCVS ait: *assumptus est in cælum, & sedet à dextris DEI.* PAVLVS verò dicit: *DEVS operatio- nem potentia virtutis suæ, operatus est in Christo, suscitans il- lum à mortuis, & constituens ad dexteram suam in cælestibus, supra omnem principatum, & potestatem, & virtutem, & do- minationem, & omne nomen, quod nominatur, non solum in hoc sæculo, sed etiam in futuro: & alio loco nos cohortans, ait, quæ sursum sunt querite, ubi Christus est, ad dexteram DEI sedens.* Hæc ergo ad dexteram DEI sessio, vel etiam, ut de eâ STEPHANVS protomartyr asseruit, à dextris DEI statio, singularissima est Christi Domini excellentia, sed in quo consistat enucleatius videndum est.*

Paulò superius affirmavi tribus modis obuenire, seu etiam conuenire Domino nostro, confessum ad dexte- ram DEI, quod antequam enarrem, sepono prius com- munem dubitationem de DEI dextrâ, deque sessione, aut statione Christi ad ipsam. Constat enim, DEVM, ut potè incorporeum, nequè dextram, nequè sinistram habere, proinde etiam Christum, nequè sedere, nequè sta- re ad dextram DEI posse: non ergo secundum littera- lem sensum vocum, tam dextera DEI, quàm sessio, sta- tiouè ad illam intelligenda est, sed tam dextera DEI, quàm sessio, statioque ad illam Christi metaphoricè su- menda & explicanda est: non tamen sessio, aut statio ipsa

ipsa Domini, eidem metaphoricè, sed propriè, ut potest corpus proprium habenti, & magis etiam statio, quam sessio competit: qui corpori glorioso, sicut & non glorioso, magis connaturale, maiorisq; perfectionis, & ad perfectas actiones obeundas commoditatis est stare, quam sedere: si quidem sessio ferè fatigationis remedium est, quæ in glorioso corpore locum non habet.

Christus Sessione ad dexteram Patris, excellentissimè

Hac ergo dubitatione se positâ: Dexterâ DEI, & Domini ad illam sessio, trifariam intelligi potest. Primò quidem ita, ut Dexterâ DEI accipiatur pro Diuinitate Patris, quam Christus secundum naturam Verbi, communem, & eandem omnino habet cum Patre, cui & consubstantialis est, solâque Personâ ab illo separatus, seu distinctus existit: ita ergo Christus ad dexteram Patris est, aut sedet, aut stat, quomodo est in sinu Patris, secundum scilicet æqualitatem, & identitatem naturæ cum Patre, quàm habet ab eodem Patre. Qui modus sedendi ad dexteram Patris, tam essentialiter conuenit Christo, quàm essentialiter ei competit esse Filium DEI. Sed sciendum est, non de hac Christi ad dexteram Patris sessione, sermonem esse in articulo fidei nostræ, quando cum scripturis credimus, & confitemur Dominum nostrum IESVM Christum, de terrâ ad cælos ascendisse, & ad dexteram Patris sedere: ad hanc enim sessionem Dominus non ascendit, sicut & nunquam ab eâ descenderat, sed semper in Patre, cum Patre, apud Patrem, in identitate & æqualitate Naturæ, cum distinctione solius tantummodò Personæ manebat. Vnde Dominus noster ad iudicandum hoc, dixit aliquando: *Nemo ascendit in calum, nisi qui descendit de calo, Filius hominis, qui est in calo.* Hoc quod dixit, *Filius hominis, qui est in calo*: manifestè ad Dei-

Ioan. 3. 13.

per-

Excell. 25. per Incarnationem esse in terris cepit; atque ita descendit de caelo, non loci mutatione, quæ Divinæ immensitatis impossibilis, iuxta illud: *Ego Deus, & non mutor*: Et **Mal. 3. 6.** *Calum, & terram ego impleo*: sed humanæ naturæ in terrâ, & de terrâ, seu de terrenâ Virgine, assumptione, & inter homines humano more conversatione, atque operatione, salvâ interim Divinitatis eius in caelo remansione.

Jite modus sedendi ad dexteram Patris, id est, in communione, æqualitate, & identitate Essentiæ Patris, tam ab omni Aternitate competit Christo, quam eidem competit ab aternitate, pariter esse cum Patre, & nasci ex Patre. Et procul dubio hic sedendi, ad dexteram Dei modus, vni ac soli competit Christo, neque ulli potest competere enti Creato. Verum (vt suprâ dixi,) non de hoc sedendi ad dexteram Dei modo, habemus & tenemus assertionem in Scripturis sacris, & Symbolo fidei Apostolico: in quo manifestè, sicut & in Scripturis, ita distinguitur Christi Domini Ascensio in caelum, & sessio ad dexteram Dei, vt ascensio asseratur præcessisse, ac demum ei sessio ad dexteram Patris successisse, & successisse ita, vt etiam per ascensionem suam Dominus, illam assecutus sit.

Secundò ergo dextera Dei, ad illamque Christi Domini post ascensionem suam sessio, intelligi potest, modo & sensu aliquatenus priori: in quo ab Essentiâ, Naturæque Patris ac filij unitate, personarum verò distinctione, affirmatum est dexteram Patris esse Essentiam, & omnia bona Essentiæ Patris, quæ Filio pariter per Essentiam & naturam competunt, sed ita vt Patri competunt ab ipso, vt potè à se, & à nullo alio existente, Filio autem tanquam ei, qui ex Patre nascendo, omnia habet à Patre, & ideo dicitur sedere ad dexteram Patris, quia quidquid habet, etiam ipse habet, sed à Patre, non autem Pater ab illo: propter quod ille ad Patris, vt non vicissim Pater ad illius dexteram sedere dicitur. Iam verò in hoc secundò modo explicatio Christi Domini sessionis,

Christi sessione ad dexteram Paternam, excellentissimus,

ad dexteram Patris, procedit ob Naturarum in Christo distinctione, & Vnitate ac identitate Personæ illius. Duæ sunt enim in Christo naturæ distinctæ. Vna Diuina, altera Humana. Vna autem & eadem vtrique Persona Diuina, Verbi scilicet, siue Filij. Et naturæ quidem, (vt in priore modo visum est) Diuinæ Christi Domini competit ad dexteram DEI sedere, perinde ac ei competit eandem realiter ac identicè cum Paternâ naturâ esse; at Naturæ Humanæ, vt ea talis est, id minimè congruit, quatenus verò illa per Vnionem Hypostaticam, Verbi Personæ vnita est, & per hoc est Christus verus, naturalisque Filius DEI, eatenus Natura Humana, seu DEVS-Homo, sicuti est Filius DEI propriè, sic etiam conuenit illi sedere ad Patris dexteram. Non secundùm conditionem Naturæ, quæ creatura est; sed secundùm Vniratem Personæ, quæ Increata est, & secundùm eam Christus, etiam quâ homo est, sedet ad dexteram Patris, quantum ad æqualitatem honoris; quoniam eodem honore venerandus & adorandus est Filius DEI, cum suâ Naturâ assumptâ. Vna enim Hypostasis, vnâ quoque, ac eâdem adoratione, colenda est, cum suâ humanitate ab omnibus Creaturis. Atque ita, iuxta hunc secundum modum, intelligendi sessionem Christi, ad dexteram DEI, sedere ad dexteram, & esse in æqualitate Patris, non pertinet ad ipsam naturam humanam Christi, sed solum ad personam assumentem Verbi, esse autem in æqualitate honoris cum Patre, & per hoc sedere ad dexteram eius, pertinet etiam ad Naturam hominis Christi, propter vnionem & communicationem eius cum Verbo. Propter hanc enim Christus etiam quâ homo habet, vt eâdem cum Verbo adoratione honoretur, & vt humanitas eius admirabili modo, sit in throno Maiestatis DEI, itemque vt habeat in eâdem humanitate, & obtineat essentialem gloriam, ac beatitudinem, præ alijs excellentiorem, nec non potestatem iudiciariam, ac regnum dominiumque excellentiæ in omnes Creaturas, atque per hoc sit hæres, ac do-

Excell. 25. minus in potissimis DEI bonis, prout in hac Materiâ, tùm loqui, tùm explicare solent Patres, ac Theologi.

Et secundùm hunc modum, sedere Christum ad dexteram DEI Patris, etiam secundùm quod homo est in Verbi personâ subsistens: ita conuenit vni ac soli Christo, & suprâ omnes creaturas excellentius esse, prout etiam vni illi atque soli conuenit esse DEVM Hominem, DEIque filium verum, ac naturalem, ac proprium.

Sed aduertendum est, quod quamuis hæc ita se habeant in Domino nostro IESV Christo, quamuis (inquam) hoc modo atque sensu, Dominus IESVS sedeat ad dexteram Patris: hoc tamen habeat non ab ascensione, neque post ascensionem suam, sed ab ipsâ primâ Conceptione, hypostaticâque Humanitatis ad Verbum vnione, atque assumptione.

Eam ob rem, neque iuxtà hunc secundùm modum, articulus Catholicæ fidei, Euangelia, & aliæ scripturæ asserunt, ascendisse Christum in calum, & per ascensionem, postque illam, assecutum sessionem ad dexteram DEI: Eam enim sic explicatam, obtinuit ab ipso Incarnationis primo momento, semperque habuit, sicut & modò habet, habebitque in æternum. Quare alius adhuc querendus est modus, secundùm quem fides nostra credit, Dominum nostrum ascensione assecutum esse, sessionem ad dexteram Patris.

Modus ergò hic in eo est situs, quod quamquam Dominus IESVS, sedebat ad dexteram DEI Patris ab æterno, sicut accipiebat Diuinitatem, & Diuinitatis omnem gloriam, beatitudinem, atque potestatem ab æterno, propter identitatem consubstantialitatemque Naturæ, solâ discernente illum diuersitate Personæ: prout suprâ dictum est in primi modi explicatione. Quamquam etiam idem Dominus noster sedebat ad dexteram Patris, à primo Incarnationis & humanæ Naturæ à Verbo assumptionis instanti: sicut ab eodem instanti, Homo ille propter Vnionem Personæ Filij DEI, etiam secundùm Natu-

ram humanam, erat verè & verus Filius DEI: debebatque illi iam ex tunc adoratio, tanquam DEO vero, & potiebatur Visione DEI beatificâ connaturaliter, gaudebat quoque potestate, tam regiâ & gubernatiuâ, quam iudiciariâ & meritorum creaturæ cuiusvis discretivâ, atque remuneratoriâ, & erat simpliciter in bonis potioribus Patris, plusquam omnes Creaturæ, etiam beatæ, non tantum singulæ, verum, & omnes simul. Nihilominus, quoad huius & cuiusvis alterius sessionis ad dexteram DEI, omniumque dignitatum Christi manifestationem, atque apud creaturas, (potissimum apud nos homines,) cognitionem, & gloriæ claritatem, non videbatur, neque agnoscebatur Dominus sedere ad dexteram DEI, donec post ascensionem, & per ascensionem, tam singulari, quam evidenti modo, incepit tota illa Maiestas eius, tota Essentialis Hominis DEI gloria, atque potestas, nec non dominium, excellentiæ super creaturas omnes, clarescere in cælo, & in terrâ. Per quod quasi de nouo, & iure nouo, videlicet meritorio, adiit, accepitque possessionem Regni sui, ac totius mundi, ascendens & intrans in cælum, tanquam in proprium locum regalis curiæ, Metropolitimque à DEO Patre destinatam, ad regendum, ad imperandum, ad iudicandum, ad præmiandum, remunerandumque seruos suos, pro meritis cuiusque. Quam etiam ob causam dicitur, & creditur à nobis sedere ad dexteram DEI, post Ascensionem suam, quia ex tunc quodammodo quieuit, & cessauit ab operibus viæ, quæ in terris exercuerat, vbi reuera magis fuit Domino locus ad seruiendum, ad laborandum, ad patiendum, ad merendumque, quam ad regnandum, aut iudicandum, sicut ipse etiam dicebat. *Ego non iudico quemquam.* Et, *Ve-*

nit filius hominis non ministrari, sed ministrare, & dare Animam suam pro multis. Ascendens autem in altum, captiuam duxit captiuitatem, tyranno infernali ereptam, & dedit dona hominibus: dona gloriæ ac beatitudinis, hominibus quos secum in cælum induxit, dona gratiæ, & donorum,

Christi sessione ad dexteram Patris, nam, excellentissimus.

*Ioan. 8. 15.
Mntt. 20. 28.
Ephes. 4. 8.*

Excell. 25. atque adeò ipsius Spiritûs Sancti, quem de cælo in terram hominibus misit, quasi iam ex tunc utens potestate regiâ, atque dominatiuâ.

Atque hanc sessionem ad dexteram DEI, de Christo Domino suo, confitetur Catholica Ecclesia. Hanc ipse sibi Dominus petebat à Patre, quando in terris manens dicebat Patri. *Ioan. 17. 4.* *Ego te clarificaui super terram: opus consummaui, quod dedisti mihi ut faciam, & nunc clarifica me tu Pater, apud te ipsum, claritate, quam habui, prius quàm mundus esset apud Te.* Hanc etiam Sanctos omnes, Christo adgratulantes audiuit in cælo IOANNES, atque dicentes.

Apo. 5. 13. *Sedenti in throno, & Agno: benedictio, & honor, & gloria, & potestas in sæcula sæculorum.* Hac quoque Domini nostri, & Ascensione, & ad dexteram Patris assensione, hæc (inquam) eius clarificatione nos fundari, nos ædificati sumus: facta est enim per hoc mirabilior gratia DEI, cum remotâ de conspectu nostro corporali præsentia Domini, fidei spiritualis certitudine, facta est nobis Diuinitas eius præsentior, nunc enim vniuersa fidelium congregatio, cum Apostolo glorianter dicit. *2. Cor. 5. 16.* *Et si cognouimus secundum carnem, Christum (mortalem scilicet, atque ideò tantum hominem) sed nunc iam non nouimus.* Nunc impletum est, quod Dominus affirmabat discipulis. *Ego*

Ioan. 16. 7. *veritatem dico vobis. Expedit vobis, ut ego vadam, & ascendam ad Patrem in cælum. Si enim non abiero, Paracletus non veniet ad vos, si autem abiero, mittam eum ad vos.* Atque ita per discessum Domini, in Ecclesiâ hic remanente, & fides non deficit, sed potius proficit, & Spes non fluctuat, sed firmatur, & Charitas non tepet, sed accenditur: & præsentia Deitatis, opumque cælestium non subtrahitur, sed aduentu Spiritûs Sancti, donorumque illius opulentissimâ accessione cumulatur. Hinc fidem istam, atque spem, & Charitatem, Ascensione Domini auctam, & Spiritûs Sancti munere roboratam, nullæ tentationes diaboli, nullæ tyrannides potestatum huius mundi, nullæ fallaciæ aut illecebræ honorum, voluptatum, diuitiarumue, nulli

nulli nexus vinculaque amicorum & sanguinis, nullæ dolorum, cruciatuum, mortisque enormitates, concutere, aut pessundare, adhibitis licet vniuersis inferiorum portis ac viribus, per tot secula valuerunt.

*Christi Sessio.
one ad dexteram
Paternam, excellentissimam.*

Nimirum filius hominis, terras visibili corporeaque sua presentiam deferens, superna verò cælorum conscendens, & usque ad DEI dexteram confidens, DEI Filium, se excellentius, sacratiusque monstrauit, cum in Paternæ maiestatis gloriam sese recepit: & ineffabili modo cepit, fidelibus suis esse Diuinitate, in terris presentior, quò factus est humanitate longinquior. Et tunc ad æqualem Patri Filium, eruditior Ecclesiæ fides, gressu mentis cepit accedere, & conspectu atque contrectatione corporeæ Christi substantiæ, quæ Patre minor est, non egere, quoniam glorificati corporis manente Naturâ, eò fides credentium euocata, ac eleuata est, vbi non carnali manu, sed spiritali intellectu, par Genitori Genitus contrectatur, apprehendens quod non tangit, credens quod non cernit.

Sed hæc fides, quæ usque eò prouexit nos, restat ut usque eodem attollat, & perducatur nos. Nihil enim prodest quod fides nostra, in credendo DEI-Hominis, ad dexteram Patris confessu confirmata est, si tamen mens nostra in terrenis desiderijs defixa est. Ascendendum, cum Christo, & post Christum, & ad Christum nunc est corde, ut ad eundem duce ipso, tempore suo perueniamus etiam corpore. In hoc enim Dominus noster resurrexit à mortuis, ut nobis fiduciam exemplumque præberet, nos quoque pariter à morte resurrecturos. In hoc verò ascendit ad cælos, & ad dexteram Patris sedit, ut nos eodem, virtute Maiestatis suæ, demonstraret indubitanter esse peruenturos. Quam fiduciam, ut in nobis solidissime fundaret Apostolus, non tantum nos resurrecturos à mortuis, & in cælo cum Christo promittit, sessuros, verum etiam consurrexisse iam, & confedere, cum illo signanter affirmat, dicens. *DEVS qui diues est Eph. 2. 7.*

Excell. 18. in Misericordia, propter nimiam charitatem suam, quâ dilexit nos, & cum essemus mortui peccatis, conuiscavit nos in Christo, (cuius gratiâ estis saluati,) & conresuscitavit, & confedere fecit in caelestibus in Christo IESU. Qui nimirum cum sit Caput nostrum, nosque corpus & membra eius, quod iam præcessit in capite, hoc sine dubio, sequetur & in corpore; idè enim præcessit in capite, ut exemplar & certitudo esset successurum, idipsum in corpore.

At enim ô Christiani, sciendum est omnibus & singulis nobis, quia nec cum Christo, nec post Christum, nec ad Christum ascendit superbia, non avaritia, non gula, non luxuria, non iracundia; Nullum vitium nostrum, ascendit cum medico nostro. Descendit quidem ille ad morbos nostros, sed hic eis medicinam fecit, ut in nobis locus eis non esset, & quomodo locum eis dabit in cælo, qui eos volebat esse, & in terra? Ideo si post medicum nostrum desideramus ascendere, debemus hic vitiorum & peccatorum morbos deponere: debemus hinc post eum fide tendere, spe ac desiderio ascendere, operibus charitatis ad eum peruenire. Christiani: quousque graui corde? quousque diligitis terram magis, quàm cælum? peccata vestra magis quàm Christi Regnum? prauitates cordis vestri, quàm diuitias bonitatis, & gloriæ DEI? Ecce inelamat Apostolus: *Si consurrexistis cum Christo, igitur qua sursum sunt querite: ubi Christus est in dexterâ DEI sedens, qua sursum sunt sapite.* Eleuate corda vestra de terrâ, ne putrescant ab ipsâ: Excutite de ceruicibus vestris peccata, quæ grauant vos, & calcate illa, ut tubeleuent vos. Quali scalam nobis ad cælum, de vitijs nostris facimus, quando vitia ipsâ negligendo & odiendo calcamus. Calcant nos vitia, quando illa committimus, quando illa multiplicamus, quando illorum pondere, usque ad inferni profundâ deuoluimur. Omne peccatum tuum ô Christiane, facis tibi scalam ad infernum, gradus tuus superbia est, ambitio honorum est, cupiditas diuitiarum est, luxuriæ & libidinis desiderium est, foveas

foues iram in proximum, vlcisceris inimicum, maledicis fratrem tuum, deuoras pauperem in rapinâ, exspolias detractiōe, odisti quam amare debueras virtutem, non facis in pauperes misericordiam, Diuinæ legi & gloriæ tuam præponis voluntatem: fructus penitentiae dignos, non tantum non facis, sed & tardas conuerti ad Dominum, & putrescis in stercore scelerum tuorum tanquam iumentum: hi sunt gradus tui, ad infernum, hæc scala tua, ad perditionem. Muta vices infelix, muta inquam Mores Christiane. Erige te, contra te, insurge contra peccata tua; dirumpe vincula eorum, & projice abs te iugum illorum. Fiant tibi in scalam peccata tua, fac tibi gradus ad cælum vsque, vitia tua. Calca illa, depri- me illa, cadant subtus pedes tuos, vt lutum platearum, dele illa; eleuabunt te, si fuerint infra te, coronabunt te, si fuerint deuicta, & contempta, & deserta à te.

Igitur, Christiani: si ad Dominum nostrum in cælum ascendere, & ad dexteram eius collocari volumus, deponamus hæc vitia nostra, & induamus lucis opera. Ordinemus, & custodiamus in statum viriusque substantiæ nostræ, animæ scilicet & carnis nostræ, ne Animam, nobiliorem, utique nostri partem, tartaro deuoluat pars inferior: sed potius cælo sanctificatum Corpus, acquirat Natura, id est, Anima gloriosior. Ipso adiuuante, qui in cælo ad dexteram Dei sedet, & regnat in sæcula.

EXCELLENTIA XXVI.

Solus habet Christus Dominus, supremam Iudicis omnium potestatem.

VIGESIMA SEXTA Domini nostri, supra Creaturas omnes excellentia est: quia habet supremam potestatem, auctoritatemque iudicandi, omnes eos, quicunque iudicio subdi possunt, tales autem sunt omnes Creaturæ rationales: Angeli & Homines; quorum proinde Christus

Christus Sessione ad dexteram Paternam, excellentissimè:

Excell. 26.

stus est Iudex supremus & absolutus, non tantum per Diuinitatem, verum etiam per Humanitatem in Diuinâ personâ subsistentem, ac per illam dignificatam, atque euectam ad hanc potestatem, iuxta illud: quia *Pater omne Judicium dedit Filio*; dedit autem, non solum per hoc, quia illi dedit Essentiam suam, cui sine dubio omne iudicium facere competit, verum etiam per hoc, quia eius humanitatem Verbi consubstantialis sibi personæ copulauit, à quâ copulatione, sicut habet Christus, ut sit *Deus Homo*, ita habet etiam, ut habeat Iudiciariam supremam potestatem, sitque *Deus Homo*, seu Christus, Iudex supremus omnium.

Ut autem plenius paulò id edifferatur. Sciendum est, ex quinque potissimum Capitibus Christo competere, summam potestatem iudicis omnium. Primò quidem propter Diuinitatem, & cum Patre, Spirituque Sancto consubstantialitatem: quibus à Naturâ Diuinâ competit omne iudicium Creaturarum, specialiter tamen Filio, non ob aliquam singularem proprietatem, sic enim omnium Personarum, hæc potestas propria est, sed propter appropriationem: ex eo, quia illi Sapientia & Veritas appropriatur, quia his iudicare conuenit, sicut etiam Patri appropriatur Potentia, & Sancto Spiritui Bonitas, & sanctificatio attribuitur; esto omnia sint communia, atque propria toti Trinitati.

Secundò competit Iudiciaria, potestas suprema Christo Domino, propter Diuinam Personam humanitati hypostaticè coniunctam, ac Humanitati sic coniunctæ, cum alijs idiomatibus suis, etiam hanc iudicij potestatem communicantem. Ex quo fonte Christus Dominus etiam quâ Homo est, omnium supremus Iudex est.

Tertio competit Domino nostro, Iudicis summa potestas, quia capitis Dignitatem habet, Capitis autem est proprium officium est, de membris disponere, illa gubernare, fouere, discernere, ac Iudicare.

Quartò competit Domino nostro Iudicis auctoritas, propter

Propter plenitudinem gratiæ habitualis, cuius incomparabilis in Christo, fuit statim ab initio Conceptionis suæ magnitudo & copia, ideoque cum alias innumerabiles & summas in se continebat. Christoque quasi adducebat prærogatiuas, tum etiam Iudiciariam potestatem.

Christus supremâ Iudiciæ potestate, excellentissimus.

Quintò competit Christo Domino, hæc potestas ex merito ipsius Incarnationis, Passionis & Mortis. Sicut enim gloriam corporis sui in resurrectione accepit, non solum ex congruentiâ Diuinitatis, & cum illâ vnionis; neque solum ex gloriâ, & beatitudine sanctissimæ suæ Animæ, verum etiam ex merito humiliatissimæ vitæ, passionis, & mortis: sic etiam & potestatem Iudicis, ex simili merito est consecutus, secundum illud: *Causa tua, quasi impij iudicata est, causam iudiciumque recipies: tum etiam ex eo, quia quoniam Christus pro Iustitiâ pugnavit & vicit, meritò obtinuit, vt secundum DEI iustitiam sit Iudex: quemadmodum ipsemet dixit. Ego vici, & sedi cum Patre meo, in throno eius; qui thronus iudiciariæ potestatis est, dicente Dauid. Sedisti super thronum, qui iudicas iustitiam.*

Iob. 36. 17.

Apob. 3. 22.

Psal. 9. &

Est igitur in Domino nostro potestas, autoritas, dignitasque summi & supremi Iudicis omnium. Et quidem quatenus est DEVS, Patrique consubstantialis, hæc potestas in eo, tam est absoluta, ac independens, simpliciterque in omni genere summa, sicut est in DEO Patre, atque totâ Sanctissimâ Trinitate: at quatenus est DEVS-Homo, seu ad Dignitatem suppositi Diuini eleuatus, & assumptus; eatenus hæc potestas in Homine DEO, siue Christo, est dependens à DEO, & ab eius voluntate, quam Anima Christi ratione Vnionis ad Verbum, cognoscit in eodem Verbo sufficienter, cum eiusdem voluntatis, de omnibus tam personis, quam obiectis iudicandis definitione, æquitate, ac iustitiâ. Vnde sicut cognitio DEI, eò ipso, quod DEI est, necessariò summæ & absolutæ authoritatis, manifestæque ac infallibilis veritatis est, ac propterea per se sufficit ad iudicium ferendum, ita

Dd

etiam.

Excell. 26.

etiam cognitio Animæ Christi, hoc ipso, quod est Diuinæ Personæ in Naturâ assumptâ, habet sufficientem, auctoritatem, & veritatem manifestam, ad iudicium ferendum, ex personæ Dignitate participatam, quia ab illâ habet, ut nec falli, nec fallere possit: maxime clarâ, & perfectâ, beatificâque DEI visione accedente, ex quâ etiam Anima Christi, participat illam cognitionem Diuinâ de omnibus voluntatis, atque definitionis.

Et quoniam certum est, hanc cognitionem Diuinæ voluntatis, sicut & alias Vnioni Hypostaticæ, congruas communicationes, in Christo, sine illius Animâ fuisse à primo instanti Incarnationis: ideò etiam certum est, & Judiciariam hanc potestatem, etiam ab illo eodem instanti Incarnationis Christo fuisse communicatam, tanquam debitam ipsi, propter dignitatem Vnionis, & ex eâ manantem dignitatem Capitis, Principis, Regis, Dominum & Iurisdictionem plenam habentis, in vniuersos Angelos & Homines. Istæ enim, & his similes excellentiæ, debebantur ei ratione Vnionis, & ideò accepit eos simul cum Vnionis Incarnationisque instanti, & in his potestatem etiam Iudicis vniuersorum, de quâ loquimur. Verbum enim assumptum à se hominem, nullâ priuauit perfectione, dignè manaturâ ex assumptione, atque vnione, nisi quatenus aliquâ carere, conueniens, necessariumuè fuit Redemptoris officio, & nostræ redemptioni: huiusmodi autem non fuit potestas Iudicis.

Ioan. 5. 22

Ideò Dominus non dubitauit dicere. *Neq; enim Pater iudicat quemquam, sed omne iudicium dedit Filio:* quod à Domino nostro dictum est ante Passionem, & Resurrectionem suam.

Ioan. 3. 17.

Ioan. 12. 47.

Quamuis autem Dominus ipse aliàs asseruerit, non se iudicare, neque ad iudicandum venisse in mundum, ut quando dixit: *Non misit DEVS Filium suum in mundum, ut iudicet mundum.* Et, *Non veni ut iudicem mundum, sed ut saluificem mundum.* Hoc tamen non obstat, quominus Dominus potestatem iudicandi iam tunc habuerit: esto illius

illius vsum sibi pro vitâ mortali suâ, forè permiserit nunquam. Certum est enim fuisse in Domino nostro plures, ab Vnione Hypostaticâ dimanantes Excellencias, atque Potestates, etiam ab ipso Incarnationis Instanti, quibus tamen per totam vitam, aut nunquam, aut vix aliquando vsus est. Ita habuit potestatem glorificandi corpus suum, quod tamen non fecit, nisi aliquâ ex parte, quando in monte *Thabor transfiguratus est*, habuit Dominium absolutum, & hereditarium omnium, penitus rerum huius mundi; quo tamen vsus non est usque ad hoc, ut non haberet locum, in quo caput reclinaret suum. Sic ergo etiam habuit potestatem iudicandi ab initio, tamen eâ vsus non est forsitan, quam diu in terris mortalis fuit, quia pro eo tempore potius Redemptoris officium peregit, in quo non iudicare, sed iudicari eum oportuit. sicut etiam habuit ius & debitum omne, ut ei omnes creature seruirent, & tamen ipsomet teste: *Filius hominis non venit ut ministraretur ei, sed ut ministraret*; nihilominus absolutâ omni tentatione, accesserunt Angeli & ministrabant illi. *Ventis quoque & mari imperavit, & obedierunt ei.* Aqua etiam se pedibus eius calcandas præbuere, & piscis in ore staterem obtulit, quem Petrus pro illo, & pro se, exactio-ribus tributis solueret, licet ab obligatione illud soluendi liber esset.

Christus su-
premiâ iudi-
cii potestate,
excellenti-
simus.

Matt. 17. 2.

Luca. 9. 28.

Mar. 10. 45.

Matt. 4. 11.

Matt. 8. 27.

Mar. 6. 48.

Matt. 17. 29.

Quo circa Dominus noster potestatem Iudiciariam, & ab initio ortus sui in mundum habuit, & vsum tamen eius in mundo viuens, vel nunquam, vel vix aliquando exercuit, quod ideo addubitanter dico: quia forsitan, in Cruce adhuc viuens latroni paradisum, per huius potestatis vsum promisit. Anima quoque eius ad inferos descendens, hac potestate Patres sanctos in limbo detentos, ex diabolicâ custodiâ liberauit, & ad fructum Beatitudinis admisit, item in inferno diaboli potestatem ligauit. Animas ex purgatorio, si non omnes, aliquas tamen absoluit. Animas item, quæ sub illud ipsum tempus è corporibus migrauerant iudicauit, & de illis præmij, vel

Excell. 26. supplicij iudicium, decretumque fecit. Absolutè verò hanc potestate Dominus vti cæpit, à statu, & vnà cum statu glorificationis suæ, in resurrectione à mortuis: pro-

Matt. 28. 18. pterea tunc Apostolis suis denunciavit. *Data est mihi omnis potestas in calo, & in terrâ.* Ex tunc nimirum sortitus est Dominus, etiam merito passionis ac mortis peractæ accedente, statum Supremi Principis, vltimæque instantiæ Iudicis, vsum quoque illius & possessionem quasi actualem; & manifestam, & plenam; eâ plenitudine, quæ nulli puræ creaturæ competere potest, sed est suprema, inter omnes, quæ creaturis communicatæ aliquando sunt, ideoque est potestas iudiciaria, singularis excellentiæ ac perfectionis, habens sibi coniuncta, & communicata ea omnia, quæ ad hanc potestatem necessaria sunt, & ea quidem singulariter excellentia, vt sunt, Scientia, perfecta omnium, rectitudo voluntatis, nullam patens obliquitatem, seu iniquitatem; veritas quoque infallibilis, Dominium etiam, & iurisdictio, & potestas, nec non authoritas, ac denique voluntatis, irrefragabilis, & irrefragabilis, inimpedibilisque efficacia. Quæ omnia coniuncta in Christo, faciunt in eo hanc potestatem iudicandi, & summam, & illi soli propriam.

Est igitur Dominus noster IESVS Christus, à DEO

Act. 10. 42. Patre *constitutus Iudex viuorum & mortuorum, cui omnes Prophete testimonium perhibent*: Est Iudex solus, summus, nullum collegam, nullum æqualem habens. Est Iudex, si magnitudinem & latitudinem iurisdictionis spectes, vniuersalis: omnium scilicet hominum, sæculorum, statuum, ætatum, conditionum, atque ordinum, mortuorum etiam, ac insuper Angelorum, saltem malorum. Si spectes Personam, est Iudex DEVS-HOMO: ac ideo dignissimus, atque maximus. Si potestatem authoritatemque est absolutus, & independens ab vllâ creaturâ. Si sapientiam atque cognitionem, est omniscius, infallibilis in sciendo, in iudicando, in decernendo. Si æquitatem atque iustitiam, & rectitudinem, est ipsa Iustitia, ipsa æquitas, ipsa veritas,

veritas, ipsa rectitudo. Si potestatem atque efficaciam, *Christus su-*
in manu eius omnipotentia, & executio, siue exequutio *premiâ iudi-*
nis efficacis imperium est. Si sententiam, æquissima, *cii potesta-*
& simul manifestissima, conuincens, plenissima, recusa- *te, excellē-*
tionem, exceptionem, appellationem, dilationem, excu- *tissimus.*
sationem. refutationem, corruptionem, inflexionem ne-
sciens. Si necessitatem attendas iudicandi, atque iudicij,
& summa & maxima est, spectat enim, & continet, vel
(vt potius dicam) requirit, exigitque illud totius generis
humani, totius rationalis creaturæ, totius vniuersi, addo
etiam totius Prouidentię, Gubernationis, ac operationis
circa creaturas, præsertim rationales, commune bonum;
quod bonum, est remuneratio bonorum, atque malo-
rum; siue præmium ea sit bonorum, siue pæna malorum.
Propterea, secundum Apostolum: *Omnes nos manifestari* *2. Cor. 5. 10.*
oportet ante Tribunal Christi, ut referat unusquisq; propria cor-
poris, prout gessit siue bonum, siue malum. Hæc autem ne-
cessitas, maxima necessitatum est: inuoluens in se præter
istam remunerationem, & eam quidem æternam, iusto-
rum ac iniquorum, tam hominum, quam operum: in-
uoluens, inquam, etiam Prouidentię, Sapientię, Iustitię,
Misericordię, Potentię, voluntatisque diuinę, iustificatio-
nem: atque a calumnijs, querelis, reprehensionibus, ac-
cusationibus, & condemnationibus defensionem, purga-
tionem, ab omni iniustitiâ & inscitâ emaculationem,
eamque publicam, notoriam, omni denique ratione ac
modo plenam. Vt nimirum (secundum Psalmistam,) *Deus*
iustificetur in sermonibus, & in operibus, & in
consilijs, & in mandatis, & in regiminibus vniuersis suis,
& vincat, sanctumque se, in omnibus operibus suis fuisse,
ac esse manifestet, atque omni solis luce, lucidius de-
monstret.

Istud Iudicium, ita tam Deo, quam Creaturæ neces-
sarium, Christo commissum est à Deo Patre: prout su-
prà B. PETRVS, & post eum B. PAVLVS, affirmavit Areo-
pagitis, quia *Deus statuit diem, in quo indicaturus est orbem* *Acto. 17. 31.*

Excell. 26. *in aq̄uitate, in Viro, in quo statuit, fidem prabens omnibus, s̄c̄citans eum à mortuis.* Est autem commissum à D E O Patre, ad complendam liberalitatem suam erga Christum, quam vnione Verbi ad Naturam humanam fundauit, & per eam omnibus cæteris donis, huic tali Vnioni congruis, eundem cumulauit, inter quas etiam potestatem iudiciariam esse oportuit; vt potè, quæ & esset vna ex potioribus bonis D E I, in quibus Christum esse apud Patrem, conueniebat, & præterea talis hæc potestas esset, per quam in Christo depositam, D E V S condignissimè opera sua, maximè circa Rationales creaturas exerceret, ac perageret. Est enim hic mos Diuinus, vt creaturis suis communicet perfectiones suas, efficiatque per eas, tanquam per causas secundas, quod commodè per eas effici potest.

Est deinde commissum Iudicium, Christo à D E O Patre, propter dignitatem personæ eius, cuius ratione debebatur ei omnis perfectionum Paternarum seu Diuinarum communicatio, atque plenitudo iuxta capacitatem eius: Si enim in Christo habitat omnis plenitudo Diuinitatis, per illius Personam: quidni etiam habitaret in eo plenitudo, & perfectionum eius, è quibus vna est Potestas faciendi Iudicij.

Insuper commissum est Iudicium Christo Domino à Patre suo, quia cum homo sit, & Caput hominum: conueniebat, vt quoniam esse aliquod, aliquando Iudicium hominum à D E O debebat, exerceretur illud per D E V M hominem, viderentque homines iudicem suum suis oculis: & per hoc fieret hominum iudicium, quasi suauis, quàm esset, si vel ab Angelo, vel ab ipso immediate D E O inuisibiliter ageretur.

Præterea datum est Iudicium facere Christo Domino: quia ille est Sapientia, ille veritas, ille plenitudo Scientiæ, ille est Legislatoꝝ, ille Magister viam D E I docuit, & omnem disciplinam adinuenit: quo circa ob hæc attributa, dignissimè, & quasi connaturaliter, ei potestas cognoscen-

gnosendi omnium Animarum conscientias, & opera, & merita, iisdemque assignandi debita vel præmia, vel supplicia, debebatur, & collata est.

*Christus su-
prema iudi-
cii potesta-
te, excellen-
tissimus.*

Atque ex hæcenus dictis, facile habetur cognitio vniuersi apparatus interni, qui est & requisitus, & simul perfecte repositus in Domino nostro, ad iudiciariam potestatem supremam habendam, atque exercendam. Porro apparatus exterior, in quo ad summum, & vltimum iudiciariæ suæ Potestatis, actum exercendum, Dominus noster in oculis totius Vniuersi venturus est, ab vtriusque Testamenti Scripturis enarratur, quem compendio perfringo, vt etiam ex hac parte Maiestas, & excellentia Iudicis nostri elucescat.

Primò igitur Maiestati Iudicis Christi, seruiet Tuba, Archangelica, cuius sonitus & clangor tam sonorus erit, vt toto terrarum orbe audiat, & tam efficax vt ad eius sonitum mortui, de suis seu monumentis, seu quibusque locis reuiuiscant.

Secundò eidem Maiestati Iudicis Christi, seruient fulgura & tonitrua, & sæuæ grandines atque procellæ, motus quoque terræ, & conturbatio maris, & casus stellarum, seu cometarum, igniumque ex aëre in terram.

Tertio Maiestati Iudicis Christi, seruiet obscuratio solis & lunæ, prohibitioque miraculosa luminis, ne à luminaribus illis descendat in terram, vel certè, lux solis & lunæ absorbebitur à maiori lumine, in quo Iudex aduentabit, & quo thronus fulgebit, de quo mox dicetur.

Quartò Maiestati Iudicis deferuiet thronus, siue sedes Maiestatis eius, super quam sessurum se in Iudicio suo, testatur ipsemet Dominus: de illoque affirmat IOANNES. *Matt. 25. Vidi thronum magnum candidum, & sedentem super eum, à Apoc. 20. cuius conspectu fugit terra, & calum, & locus non est inuentus eis.* Sedem hanc Maiestatis, fabricabunt manus Angelorum, & ita exornabunt omni geno splendore, vt sit digna sedes sessore suo.

Quintò Maiestati Iudicis Christi, seruiet Signum Filij homi-

Excell. 26.

hominis, id est, Signum, atque simul Lignum Crucis, in qua Salus mundi pependit: quam miraculosè instaurari, tam nihil impediet, quam corporum humanorum vniuscuiusque in indiuiduo, quod mortale vixerat, resurrectionem nihil impedire poterit: apparebit autem hoc signum Crucis, partim ut cognoscatur ab omnibus, non alium esse Iudicem tunc, quam illum ipsum, qui olim Crucifixus est ab impijs hominibus, partim ut etiam pateat Iudicem Christum, gloriam & potestatem Iudicandi, acquisiuisse sibi per Crucem, partim ut pateat ingratitude omnium & infidelium & impiorum, qui tantam, id est, æternam, salutem, illis à Christo per Crucis mortem, comparatam neglexerunt, partim denique ut omnes cultores, amatores, imitatores, professores Crucis, atque Crucifixi, aspectu Crucis gloriosæ recreentur, atque ad Crucem congregentur: qui etiam idem signum Crucis in frontibus habebunt, ac per illud ab impijs & reprobis discernentur. Ita enim apud Ezechielem præcipitur: *Ezech. 9. 4. Signa Thau, (quæ littera, Crucem refert,) super frontes Virorum gementium & dolentium, & in Apocalypsi Angeli dicunt. Apoc. 7. 3. Signemus seruos DEI nostri, in frontibus eorum.*

Sextò Maiestatì Iudicis Christi, deseruiet congregatio omnium & singulorum hominum, ante tribunal Christi, & ante thronum gloriæ illius: stabunt ergo omnes personaliter, omnes in oculis, omnes Manifesti, non tantum secundum Corpora, sed etiam secundum corda, & conscientiarum omnia secreta: siue proba & iusta, siue improba & impia: quæcunque ab origine mundi, usque ad finem illius, a quocunque hominum patrata sunt.

Septimò, Maiestatì Iudicis Christi, deseruiet apparatus nubium, desuper quidem & cælum versùs, admirandæ pulchritudinis, & claritatis ac dispositionis, versùs autem terram summi cuiusdam horroris, confusionis, procellositatis, corruscationisque ac tonitruum ad horrorem impijs incutiendum. In his Nubibus Dominus, venturum se ad Iudicium prædixit.

Octauò,

Octauò, Maieſtati Iudicis, deſeruier omnis Creatura, quæ tunc armabitur contra inſenſatos, & pugnabit pro Domino, aduerſum impios uniuerſus orbis terrarum.

Sap. 5. 21
Chriſtus ſupremâ iudicij poteſtate, excellentiſſimus.

Nonò, Maieſtati Iudicis Chriſti, deſeruier innumera- bilis comitatus Sanctorum Angelorum, quorum quidam præcedent, quidam latera cingent, quidam ſequentur Iudicem gradientem in multitudine, & pulchritudine virtutis, Maieſtatis, Potentiſque ſuæ, quod ex ore ipſius Domini teſtatum habemus, dixit enim. Cum venerit Filius hominis in Maieſtate ſua, & omnes Angeli cum eo: in corporeis ſpeciebus aſſumptis, ut videri poſſint.

Matt. 25. 31

Decimò, Maieſtati Iudicis Chriſti, deſeruier Multitudo Sanctorum hominum, obuiam Chriſto venienti, & etiam confidenti ſubleuatorum in aëra: in magnifico iam ſplendore, raptorum (ut ait Apoſtolus) vel omnium, vel certè inſigniorum, quorum plerique aſſidebunt Chriſto Domino, ſuper thronos ſuos, iudicantes etiam cum ipſo, iuxta Domini ipſius promiſſionem: omnibus Apoſtolis, Apoſtolicisque ac Religioſis hominibus factum.

Vndecimò, Maieſtati Iudicis Chriſti, deſeruier ſegregatio Onium ab Hædiſ, ſiue Iuſtorum ab Impiis, quam Iudex & Rex Chriſtus, miniſterio Angelorum faciet, ſta- tuetque oues à dextris ſuis, hædos autem à ſiniſtris ſuis: quæ quidem ſeparatio, ſicut iuſtis erit ſummè honeſta, gaudioſa, & amabilis, ita impiis erit ſummè dura, amara, & doloroſa, lamentabiliſque valde.

Matt. 25. 32

Duodecimò, Maieſtatis Iudicis Chriſti, deſeruier Condi- tio eorum, quos iudicabit: omnes enim illi, nullo prorsus diſcrimine alio, præterquam pietatis, aut impietatis; bonorumque ac malorum, in vitâ mortali factorum, ſtabunt ante tribunal Chriſti: ſtabunt tanquam Creaturæ ante Creatorem, tanquam ſubditi coram R E G E, tanquam Redempti coram Redemptore, tanquam Beneficiarij coram Benefactore, tanquam ſerui & mancipia coram Domino, tanquam afficiendi pro meritis vel præmijs, vel ſupplicijs, iſque æternis.

- Tridecimò, super omnia verò Maiestati Iudicis Christi
 Excell. 26. *sti deseruiet, ipsa Gloria & Maiestas, plusquam gloriosa, atque Maiestuosa, totius quidem Christi, quâ euincet omnes glorias, Maiestates, splendores, atque decorositates: potissimum tamen Gloria & Maiestas, vultus Domini talis erit, vt quantum ad oculos bonorum, nihil possit cogitari, sperari, desiderari, ac videri, amabilius, desiderabiliusque: quantum verò ad oculos impiorum, nihil possit excogitari exhiberi que formidabilius. Certè si Nabuchodonosor Rex repletus est furore, & aspectus faciei illius, immutatus est super tres Iuvenes sibi inobedientes: quomodo Christi Iudicis facies plena furore non erit, & aspectus eius non immutabitur, super infinitas multitudines scelestorum, rebellium, reproborumque ante oculos suos consistentium? Hanc Iudicis Christi super impios immutatam, ac furore iusto repletam faciem, in spiritu intuitus Iob, ita exhorruit, vt non dubitaret dicere. *Quis mihi det in inferno protegas & abscondas me, donec pertranscat furor tuus?* Ille ipse innumerabilis scelestorum populus, in tantum illo Iudicis Domini vultu percellitur, ac perturbabitur: vt tunc inclamaturi sint, *Montibus cadite super nos, & collibus operite nos: Et introibunt in speluncas petrarum, & in voragines terra, à facie formidinis Domini, & à gloria maiestatis eius: cum surrexerit percutere terram, & à facie sedentis super thronum, & ab ira Agni, quoniam venit dies magnus ira ipsorum: & quis poterit stare?**
- Dan. 3. 19.
 Iob. 14. 13.
 Lut. 23. 30.
 Isaia. 2. 19.
 apoc. 6. 16.

Hæc de Gloria Iudicis Christi, apparatuque eius exteriore ad Iudicium. Adhuc autem de Iudicio ipso, eiusque formidabili exactione, strictissimoque rigore addamus. Expressit Dominus ipse rigorem hunc, quando affirmavit, quod *de omni verbo otioso, quodcumque locuti fuerint, homines reddent rationem in die iudicii:* item quando affirmabit. *Non exies inde, donec reddas ad nouissimum quadrantem,* item quando in historiâ Epulonis indicauit, miserum illum sepultum in inferno, non ob vlla patrata scelera, quæ nulla Dominus profert, sed solum ob non factam misericordiam.

Matt. 12. 36.
 Matt. 5. 26.

diam in vlcerofum Lazarum, & quia induebatur purpurâ & byſſo, & epulabatur quotidie ſplendide: indicauit denique rigorem ſui iudicij, quando edixit ſe in iudicio amandatum in ignem æternum, eos qui illum in ſuis Minimis, eſurientem non pauerunt, ſicientem non potauerunt, nudum non veſtiuerunt, &c. Quod ſi bona non feciſſe, damnationi ad ardoreſ ſempiternos, coram Chriſto Iudice ſufficit, quid fiet cum impijs, qui ſicut aquam bibunt, operanturq; iniquitatem, & venundati ſunt vt faciant malum coram Domino, in omni tempore, loco, occasione, genere?

Ad hunc ipſum rigorem Iudicij diſtinctius cognoſcendum, ſcire oportet omnium Iudici Chriſto, ſiſtendorum duas eſſe partes. Electorum ſcilicet atque Reproborum: rursùm verò in hiſ duabus partibus, binos pariter ordines contineri. Alij namque iudicantur, & pereunt: alij non iudicantur, & nihilominus pereunt: Porro alij iudicantur & ſaluantur, atque regnant: alij verò & ſi non iudicantur, tamen ſaluantur & regnant. Iudicantur & pereunt illi, quibus Dominicâ voce, in damnatione dicitur: *Eſuriui, & non dediſtiſ mihi manducare, &c.* quibus præmittitur: *Diſcedite à me maledicti in ignem æternum, qui paratus eſt diabolo, & angelis eius.* Alij verò in extremo Iudicio non iudicantur, & pereunt, de quibus prophetauit: *Non reſurgunt impij in iudicio:* & de quibus Dominus dicit: *Qui autem non credit, iam iudicatus eſt;* & PAVLVS de quibuſdam ait. *Qui ſine lege peccauerunt, ſine lege peribunt.* Reſurgunt ergo etiam omnes Infideles, ſed ad tormentum, non ad iudicium. Non enim eorum tunc cauſa diſcutitur: quia ad conſpectum diſtricti Iudicis, iam cum damnatione ſuæ infidelitatis accedunt. Profeſſionem verò fidei retinentes, ſed profeſſionis opera non habentes, redarguuntur vt pereant. Quemadmodum enim Princeps terrenam Rempubicam regens, aliter punit Ciuem interiùs delinquentem, & aliter hoſtem exterius rebellantem; in illo, iura ſua conſulit, eumque ſub verbis dignæ inuectionis addicit, contrà hoſtem verò

Luca. 16
Chriſtus ſupremâ Iudiciâ poteſtate excellentiſſimus.
Matt. 25. 47.
Pſal. 35. 13.
3. Reg. 21.
20. 25.

Matt. 15. 42.
Pſal. 1. 5.

Ioan. 3. 18.
Rom. 2. 12.

Excell. 26. bella mouet, instrumenta perditionis exercet, dignaque illius malitiæ tormenta retribuit, de malo autem eius, quid Lex habeat non inquit: neque enim lege necesse est perimi, qui lege nunquam potuit teneri: Ita in extremo Iudicio, & illum legalis inuectio percutit, qui ab eo quod professione tenuit, actione declinauit: & ille sine iudicij inuectione perimitur, qui lege fidei non tenetur.

Ex Electorum verò parte alij iudicantur & regnant, qui vitæ maculas lachrymis tergunt: qui mala præcedentia, factis subsequenter redimentes, quidquid illicitam, aliquando fecerunt, ab oculis Iudicis eleemosynarum superductione cooperiunt, quibus Iudex veniens in dexterâ

Matt. 25. 35. consistentibus dicit. *Esuriui, & dedistis mihi manducare: sitiui, & dedistis mihi bibere: hospes eram, & collegistis me: nudus, & operuistis me: infirmus, & visitastis me: in carcere eram,*

Ibid. 24. *& venistis ad me:* quibus præmittit, dicens. *Venite Benedicti Patris mei, possidete paratum vobis regnum, à constitutione mundi.* Alij autem non iudicantur & regnant: qui præcepta legis virtutum perfectione etiam transcendunt, qui nequaquam hoc solum, quod cunctis lex Diuina præcipit, implere contenti sunt, sed præstantiori desiderio plus exhibere appetunt, quàm præceptis generalibus audire

Matt. 19. 28. potuerunt. Quibus Dominicâ voce dicitur. *Vos qui reliquistis omnia, & secuti estis me, cum sederit Filius Hominis, in sede Maiestatis suæ, sedebitis & vos, super duodecim thronos, iudicantes duodecim tribus Israel.* Et de quibus Propheta

Esdr. 3. ait: *Dominus ad iudicium veniet, cum senioribus populi sui.*

Prou. 31. 23. De quibus Salomon, cum de Sanctæ Ecclesiæ Sponso loqueretur, intulit dicens. *Nobilis in portis Vir eius: quando sederit cum Senatoribus terræ.* Hi itaque in extremo Iudicio non iudicantur, & regnant: quia cum Authore suo, iam Iudices veniunt: Relinquentes quippè omnia, plus piâ deuotione executi sunt, quàm iuberi generaliter audierunt. Aliud enim est, quod per Sacram scripturam omnibus generaliter præcipitur, aliud quod specialiter perfectioribus imperatur. Hi ergò rectè sub generali iudicio

cio non tenentur, qui præcepta generalia viuendo vicerunt. Potest autem vtiliter aduerti, non sine causâ in Iudicium ante Dominum adducendos esse, omnes tam Electos, quam Reprobos; qui aliâs potuissent separatim iudicari: Quia enim in hac vitâ, sic Electi cum Reprobis consociati semper vixerunt, & ita quidem vixerunt, vt Electis semper graues essent, tum propter dissimilitudinem morum, tum propter aduersitatem animorum, semper etiam scandalum de se electis dando, illos (quantum in ipsis fuit,) ad prauitatis suæ imitationem exemplis iuuitârunt, prosperitatibusque huius vitæ ad societatem damnationis suæ traxerunt, insuper verò etiam partim cæcitate, partim negligentia, partim futuræ districtiōis contemptu, Electos à spe retributionis venturæ deturbare conati sunt; ideò in Iudicium simul cum Electis reprobi adducuntur, & ad illorum remunerationis gloriam conspiciendam veniunt, vt stultitiæ suæ malignitatem serò agnoscentes ad maiora, tunc reatus sui supplicia repulsi videant quod perdidierunt. Atque tunc etiam simul eos pudor cooperiet, quia illos in conspectu tam Electorum, quàm Iudicis, testis ipsorum malitiæ conscientia addicet: ita vt exterius quidem Iudicem cernant, sed accusatorem interius perferant. Omnis enim tunc ante oculos ipsorum culpa reducetur, & mens super ipsa gehennæ incendia, suo interno grauius igne cruciabitur. Tunc etiam *letabuntur iusti cum viderint vindictam, & lauabunt manus suas in sanguine peccatorum; omnis autem iniquitas oppilabit os suum.*

Christus su-
premi iudi-
cii potestate,
excellenti-
simus.

Psal. 57. 11.
Psal. 106. 42.

Ex his consideratione intimiore penetratis, discere debent omnes, potissimum verò Christianam professionem tenentes, aut quæ sunt ad Iudicium DEI securiora, apprehendere, & apprehensa perfectè complere, aut si ad altiora (quæ sunt simul securiora,) non præsumunt sese attollere, in his saltèm quæ illis præcepta, & omninò salutis necessaria sunt, contendant se fideles Domino & Iudici suo præsentare. Nemo autem sese referret vltimæ

Excell. 26.
Christus su-
prema iudi-
cii potesta-
te, excellē-
tissimus.

suæ vitæ ad præceptorum Diuinorum obseruantiam, aut ad peragendam tunc primum pænitentiam, cum iam tempus, proinde & locus, modusque deest ad agendum illam, sed continuò simus omnes per totam vitam diligentes, & maximo studio satagamus nos paratos exhibere ad communem illum omnium cuique imminentis Mortis, Iudicijque diuini diem, quem ideo ignorari Deus fecit, quia omnibus curæ esse semper voluit. Hæreat in nostris mentibus trium illorum timor assiduus, quæ quidam Sanctorum se perpetim formidare professus est. Ego (inquiens) tres res timeo. Vnam, quando egressura est Anima mea de corpore, aliam, quando occursum sum DEO, in Iudicio; tertiam, quando aduersum me proferenda est sententia. Hæc eadem nos, si sapimus, semper timeamus. Finem facio exhortatione Apostolicâ ad omnes exhortante. *De temporibus, & momentis Fratres non indigetis, ut scribamus vobis, ipsi enim diligenter scitis, quia dies Domini, sicut fur in nocte, ita veniet. Cum enim dixerint homines pax, & securitas: tunc repentinus eis superueniet interitus, sicut dolor in utero habentis, & non effugient. Vos autem fratres, non estis in tenebris, ut vos dies illa tanquam fur comprehendat: omnes enim vos filij lucis estis: & filij diei: Igitur non dormiemus, sicut & ceteri: sed vigilemus, & sobrii simus; induiti lorica fidei, & charitatis, & galeam spe salutis, quoniam non posuit nos DEVS in iram, sed in acquisitionem salutis, per Dominum nostrum IESUM Christum, qui mortuus est pro nobis, ut sue vigilemus, sue dormiamus, simul cum illo viuamus. Propter quod consolamini inuicem, & edificate alterutrum.* Hæc Apostolus, hæc intelligat, hæc attendat, hæc sapiat, hæc omnibus diebus vitæ suæ exequatur, ad finemque perficiat omnis Christianus.

EXCELLENTIA XXVII.

*Solus Christus, per Matrem simulq; Virginem
MARIAM, exaltatus est supra omnes
Creaturas.*

VIGESIMASEPTIMA Christi Domini, supra Creaturas omnes Excellentia est, desumpta & derivata in eum, ex Matre, eâdemque simul Virgine MARIÂ. Etsi enim ex vnâ parte, vehementer humiliatus est Filius DEI, per hoc, quia Filius hominis factus est, adeo vt hanc rem PAVLVS Apostolus, non dubitet appellare Exinanitionem, & à Formâ DEI, vsque ad formam serui condescensionem: ex alterâ nihilominus parte, idem ipse Filius DEI factus homo, & ex MARIÂ genitus mirabiliter exaltatus est, accepitque dignam se ex Matre suâ, supra omnem Creaturam excellentiam.

Est autem Dominus noster duobus modis exaltatus, & magnificatus, à suâ Matre, & per, propterque suam Matrem. VNus Modus est, quia adeo gloriosam, electam, perfectamque omnibus modis, priuilegijs, ornamentisque sortitus est, seu potius ipse sibi talem condidit Matrem, qualem & se dignam futuram sciebat, & sibi nouerat placituram, & omni purâ creaturâ superiorem. Hoc autem non propter aliud: quàm vt dignum Filij DEI habitaculum, dignaque DEO, DEI Mater, illa quidem efficeretur, DEI verò Filius, dignè ab eâ, & ex eâ conciperetur, atque nasceretur. Fuit ergo digna DEO, DEI Mater MARIA: & quoniam digna DEO fuit, ita igitur DEI Filius ab eâ exaltatus, atque honorificatus est, in sui ex eâ conceptione, quomodo dignum erat Filio DEI, & Finito Matris DEI: ita ergo exaltatus est, vt super omnes creaturas excellat ob hoc, quia MARIÆ Matris, super omnes creaturas excellentis filius est, ita denique exalta-

Excell. 27. tus propter, ac per Matrem est, quomodo à nullâ creaturâ, neque potuerit, neque possit amplius exaltari.

Quàm gloriosa fuerit Virgo MARIA, quantumque in omnibus donis DEI, Maternitatis eius causa magnificata atque repleta, hoc loco, & hac occasione enarrare velle, esset tam in immensum, quàm etiam præter propositum digredi. Proinde sufficiat hæc pauca dicere.

1. MARIA ex quo in Matrem DEI Electa, ac prædestinata est, sortita est, & accepit à DEO, tantam & omnem privilegiorum, donorumque redundantiam, quam & quantam DEVS conferre suæ Matri, & quam quantamque DEI Mater, pura creatura capere potuit. His enim duobus veluti cardinibus insistit, ex his duobus quasi fontibus emanat, his duabus tanquam mensuris describitur vniuersa Exaltatio DEI Matris. Omnipotentiam nimirum, & Dignitatem DEI: necnon puræ Creaturæ capacitate.

2. MARIA ex quo DEI Mater est, & ex quo tanquam DEI Mater, omnibus diuitijs DEI exulta, & impleta est, omnibus absolute puris creaturis altior, dignior, perfectior, excellentior est.

3. Quantò maioribus, & copiosioribus, perfectioribusque donis ac diuitijs DEI, MARIA Mater DEI exornata, & accumulata est, tantò est & DEO ipsi vicinior, & ad exaltandum per se DEVM aptior. Quemadmodum enim ipse DEVS, quia est ipse sibi DEVS, & quia ipse seipso plenissime perfectissimus, ideò nemo ad ipsum exaltandum magis, aut est, aut esse potest idoneus, quàm ille ipse. Et similiter quia Christo Domino, nemo est DEO vicinior, quàm ille: ut potè, qui est verus & consubstantialis DEO Patri DEVS: nemo est quoque diuitijs diuinis plenior, quàm ille ipse, qui ex veritate dicit Patri DEO.

Ioan. 17. 10.

Pater omnia tua, mea sunt: & omnia mea, tua sunt: ideo nemo est quoque ad exaltandum DEVM magis aptus, quàm ipse. Suppari ergo etiam ratione, quoniam MARIA diuitijs Diuinis supergressa est filias, siue Creaturas DEI,

vniuersas, inde est omnium DEO vicinissima, (quid enim vicinius DEO, quàm DEI Mater?) inde quoque ad exaltandum DEVM est maximè apta, ita vt ex puris creaturis, neque vllæ singulæ, neque simul omnes sint plùs, ad hoc implendum idoneæ.

Christus à
Maternita-
te V. MA-
RIÆ exal-
tatur, excel-
lentissimus.

4. Quoniam Christus, MARIÆ, Matris suæ Filius est: quæ Mater tantæ super omnes Creaturas eminentiæ, & tantæ ad DEVM exaltandum aptitudinis est: ideò etiam Christus, ex quo est eius Filius, omnibus Creaturis dignior, celsior, excellentior est. Sicut enim ex Parentibus Regibus, nati Filij. Reges quoque, & regnorum hæredes nascuntur: ita & Christus, quoniam MARIÆ (quæ omnium Creaturarum maxima est,) filius est, per consequens etiam Maximus Creaturarum omnium est: maximè quando ex eâ non solum Homo, sed etiam DEVS. Homo natus est, & illa quæ genuit DEI Mater, & DEI para est. In quo advertere est reciprocationem singularem, nec alibi in Creaturis inueniendam, vt & Mater DEI exalteretur, per, & propter Filium DEI, sitque inexhaustus fons exaltationis Matris DEI, Filius DEVS, & è contrà sit etiam exaltatus DEVS filius, propter Matrem suam DEI param. Qua in re est aliquomodo Maternitas DEI, subamula Paternitati Diuinæ: vt enim ibi DEVS Pater exaltatur, generatione actiuâ talis Filij: & vicissim exaltatur filius nascens passiuè, ex tali Patre: sic Mater DEI, ex quo DEVM generat filium, exaltatur tali generatione in immensum, & vicissim exaltatur etiam filius eius, generatus ab eâ tali generatione ex Matre: vnde Propheta etiam de hâc generatione admirans dicebat. *Generationem eius quis enarrabit?* & alius. *Creauit Dominus nouum super terram. Femina circumdabit Virum.* Christus ergo, quantum ad hunc Modum priorem, habet à Matre, vt sit excelsior, excellentiorque omnibus creaturis.

Isaia. 54. 8.
Ier. 31. 22.

Alter autem Modus, quo similiter eandem super omnes Creaturas exaltationem, ex Matre suâ accepit

ff

Chri

Excell. 27. Christus eius, idemque DEI Filius, est ille, quia ex MARIÂ Matre in Christum, ut Filium, deriuatæ sunt quædam excellentiæ, tales, quales dignum fuit in Christum deriuari, & quales à nullâ creaturâ aliâ, in eum deriuatæ aut sunt, aut esse potuerunt, sunt verò deriuatæ in ipsum, eo modo, quo à Parente in prolem deriuari potuerunt, debueruntque, neque in eum deriuari illo indignum fuit, perinde ut non fuit indignum ipso, illum eiusdem Matris Filium fieri, ex eâ concipi nasci, nutriri, foueri, Maternè gubernari & possideri, illi ut Matri subditum fuisse.

Christus accepit à Matre totum, quod Christus est. Est autem Christus DEVS-Homo, seu, quod idem est, continet in se Christus Deitatem, siue Diuinam Personam: & Humanitatem, seu Humanam Naturam, atque Vnionem hypostaticam horum amborum, sicut enim Hominem faciunt Cotpus & Anima, inter se vnita: ita Christum faciunt Verbum, & Humanitas Verbo vnita. His tribus nihil est maius, & dignius in Christo. Hæc omnia tria, habet suo modo, Christus à MARIÂ Matre, si quidem totus Christus MARIÆ Filius est, proinde sicut his tribus maius nihil est, & à nullâ creaturâ in Christum deuenerunt, nisi à solâ MARIÂ Matre, post DEVM, ita à nullâ etiam Creaturâ exaltatus, ac ditatus est Christus magis, quàm à suâ Matre.

Porro hæc omnia quæ Christus est, accepisse reuera Christum, à suâ Matre, fides nostra Catholica pro confesso habet. Et, ut à facilioribus ordiamur, certum est, quod MARIA Mater Christo Humanitatem dederit; concepit enim ipsum ex utero, & in utero, cooperante Spiritu Sancto, dedit illi carnem de carne suâ, dedit eam, & formauit tanquam vera Mater, & Maternali actione disposuit perfectè per omnia, vsque ad exigentiam Animæ connaturalem, quam proinde Diuina potentia ex nihilo creatam, corpusculo infudit atque vniuit & Humanitatem simul cum Matre constituit.

Certum deinde est in nostrâ pariter Catholicâ fide, quod

Christus à
Maternita-
te V. MA-
RIÆ exal-
tatus, excel-
lentissimus.

quod MARIA vt Mater, Diuini Verbi Personam, Humanitati ex se suoque sanguine, per Spiritus sancti virtutem formatæ, dederit, adiunxerit, vniuerit. Accepit enim, MARIA in vtero Verbum, seu Filium DEI ac eius Personam, accepit (inquam) tam à Patre æterno, quam ab ipso Filio Verbo, quàm à Spiritu Sancto, & accepit ad hoc, vt ex eâ conciperetur cum Humanitate, fieretque DEVS-Homo, & ita acceptum in viscera sua Verbum, Humanitati suæ, siue ex se, à se formatæ vniuit, Spiritu quidem sancto operante principaliter efficienter, cooperante tamen etiam Spiritu sancto Matri, ac simul Spiritui sancto ipsa etiam cooperante, instrumentaliter quidem solum, sed tamen efficienter attingente Vnionem Hypostaticam, Verbi cum Humanitate, & Diuinum suppositum, DEVM Hominem, DEI suumque simul Filium constituyente, in visceribusque purissimis materno opificio, atque officio fouente, nutriente, ac tandem ad temporis, & naturæ exigentiam, in lucem hanc producente. Hæc si vera sunt, immò quia in Catholicâ fide, sunt verissima atque testatissima, manifestum faciunt, à MARIA Matre suâ verâ, accepisse Christum totum se quicumque est, DEI nimirum Personam, Humanam Naturam, & Vnionem, vtriusque Hypostaticam; suo quidem id modo, & iuxta capacitatem creaturæ puræ, qualis est MARIA, attamen tam verè, quàm ineffabiliter, tam efficaciter propriè, quàm non est apud DEVM omne verbum impossibile. Vbi videre, admirari, ac prædicare licet maximum quoddam, & planè singulariter extraordinarium MARIE priuilegium à Patre æterno indultum, & indultum ita, vt non solum omnibus puris creaturis, tam Angelis, quàm Hominibus, verùm etiam Verbi, Spiritusque sancti Personis illud non indulserit, soli autem MARIE Matri Filij sui communicauerit. Ex veritate quidem ipsa substantialis veritas, Filius DEI pronunciat. *Omnia quæcumque habet* *Joan. 16. 17.* *Pater, mea sunt;* attamen hoc non obstante asserito, Genitoris relationem, siue Naturæ ad producendum DEI Fi-

Excell. 27. *lium* fecunditatem, nequaquam Pater Filio dedit, nequaquam illam Filius à Patre habet, neque enim Filius, aut esse, aut dici Pater alicuius Personæ Diuinæ potest, & habet quidem Filius à Patre, non tantum perfectiones absolutas, sed etiam Naturam fecundam, quâ potest cum Patre communi actione Personam Spiritûs sancti producere, siue spirare, non habet tamen naturæ fecunditatem, ut possit Pater alicuius Diuinæ Personæ esse. Similiter, habet Spiritus sanctus Diuinam Essentiam, omnesque perfectiones absolutas eam comitantes, à Patre & Filio, per processionem ab ipsis, tamen non habet Naturæ fecunditatem, ad aliquam Diuinam Personam producendam. Nimirum soli *MARIÆ DEI* Matri priuilegium, hoc debitum est, cui Pater æternus, sicut in Amore, ita & in Liberalitate erga illam tantum indulgit, & Mater Diuini Verbi, Filijque sit & dicatur, atque Relationem Genitricis *DEI* sortita sit, & vim fecundam producendi Personam Diuinam, mutuata à Genitore, Filium vnicum, consubstantialem sibi, quem Pater ab æterno genuit, hunc sibi vnicum & dilectissimum, & in omnibus æqualem noluit esse solummodò suum, sed eundem re ipsâ voluit esse *MARIÆ* quoque vnicum, ac prædilectum Filium. Dedit ergo *MARIA* Mater *DEI*, Filio suo *DEO*, Diuinitatem ac Diuinam Personam, quia Pater æternus hoc illam singularissimo priuilegio decorandam duxit, quod ab illo, neque Verbum, neque Spiritus sanctus accepit, sed solam *MARIAM* ad Paterni, seu Materni, seu Patri Materni nominis consortium, vnigenitiq; Filij societatem accepit & admisit, ut pleno ore, plenoque item iure Mater Filij *DEI* nuncupetur, beatamque illam, ex hoc, & ob hoc prædicent omnes generationes, quoniam illa sola, ad superexcellens post Patrem & Filium producendi personam Diuinam munus euecta, admissa, & exaltata est. In quo *MARIA* sicut omnem creaturam excessit, sic etiam eodem iure Filium suum, eundemque *DEI* filium, supra omnem creaturam, quantum in ipsâ fuit, hoc est, quantum

tum ex munere Patris æterni collatum habuit, illum eue-
xit, & exaltauit. Et reuera, non esset aliàs, quomodo,
aut vnde M A R I A, Mater D E I vel esset, vel diceretur, nisi
aliquomodo, ineffabili quidem, & planè Diuino, & per-
superuenientem Spiritum sanctum, perque virtutem Al-
tissimi illi obumbrantem, generatione suâ Maternâ, Diui-
nitatem dedisset Filio: non quidem de se generatoriè
Deitatem principiando, (id enim soli Patri æterno pro-
prium,) sed Deitatem, veluti à Patre sumptam, sibi que
collatam, Humanitati ex se conceptæ, in se, cum coope-
ratione Spiritûs sancti adgenerando, atque in vnam per-
sonam duas Naturas, quamuis extremè dispares, coale-
scere faciendo.

Christus
Maternita-
te V. MA-
RIÆ exal-
tatum, excel-
lentissimum.

Præter hæc autem: exaltatus est à M A R I Â Matre suâ,
Filius eius Christus, superque omnes creaturas euectus,
alijs quoque rationibus, Accipiens enim ex Matre suum
Esse, atque seipsum: accepit natus ex eâ Naturam hu-
manam, proprietates, & accidentia, quæ Naturam perfe-
ctissimam comitari par est; accepit quoque ornamenta,
Animam perficientia, tum Naturalia, tum moralia, tum
diuinitus transfusa; seruata tamen in omnibus propor-
tione atque creaturæ, (qualis erat M A R I A) capacitate,
cum Creatore D E O, (qualis erat Filius,) omnium in Ma-
trem præuio elargitore, quomodo se habere videmus,
flumina aquas suas in mare inuehencia, quas ipsas ex ma-
ri ante deriuatas obtinent.

Vt autem specificatiùs aliquid de acceptis, ex M A-
R I Â Matre, per Christum Filium excellentijs edisseramus.
Accipit Christus ex Matre suâ.

Primò, cum substantiâ atque Naturâ humanâ, omne
quoque decus naturæ huius, omnemque speciositatem,
atque formositatem, ita vt esset Matri, quàm simillimus
suæ, quam præ filiabus hominum pulchram fuisse, Diui-
nus eius Sponsus attestatur, à quâ Matris similitudine
fuit etiam Filius speciosus formâ, præ filijs hominum, &
non tantum hominum, verum etiam Angelorum; Cer-

Excell. 27. tum est enim Christi Naturam humanam, quanquam specie suâ Angelicâ inferiorem, tamen in speciei suâ perfectione, perfectiorem esse, quàm in specie suâ omnis est Angelica. Porro ista Christi Filij cum Matre, simulque ex Matre similitudo, non solum eâtenus debita est Matri, quia illa Mater, hic verò Filius est, quomodo passim filij Parentum formam, imitari solent ex ortu suo: sed illatenus etiam, quia scilicet illa similitudo Christi Filij, cum Matre MARIA, voluntaria fuit tam Filio, quam Matri: talem enim MARIA Filium concepit, qualem ipsa (ut sic dicam) sibi depinxit, effinxitque cum omnibus symmetrijs, lineamentis, & omni decore; vicissimque talem sibi Christus Humanitatem ex Matre, & in Matre efformavit, qualem Maternus & decor, & voluntas requirebat. Atque ita quidquid speciositatis, atque formæ fuit, & est in Christo naturalis humanæ, id totum est à MARIE, quâ similitudine, quâ voluntate, quâ efficacitate, tum verò etiam à Filij Matrizatione.

Secundò, Accepit Christus à Matre, & ex Matre suâ, cum Naturâ humanâ Virginitatis decus excellentissimum, & extraordinarium. Non enim tantum Virgo ex Matre natus est, quod est nascentibus omnibus commune; sed natus est ex Matre semper Virgine, ex Matre, cuius Maternitate Virginitas, nec ablata, nec imminuta, sed aucta, & sacrata, & Virginiior facta est. Vnde Dominus noster excellentius est Virgo, natus ex Matre Virgine, quàm fuisset natus ex non Virgine: sicut & ipsa MARIA minus Virgo fuisset, si non fuisset Christi, seu DEI Hominis Mater: esto fuisset Virgo, sed puri hominis Mater. Virginitas enim MARIE Maternizata, & fecunda facta est, & deducta, eleuataque est eò sublimitatis, ut esset principium productivum Filij DEI, quâ in re, & si virtute supernaturali integrata & completa fuerit, Naturâ tamen Virginea remansit in eâ, Virgineæ Patris æterni Naturæ æmula, quàm simillima. Sicut enim in Divinitate, Pater est ac dicitur Pater, quia producit Fili-

um,

um, similem sibi in Naturâ Virgineâ, simul tamen fœcundâ, & idoneâ ad aliam Personam Diuinam, cum Patre producendam & spirandam; ex quo Filius DEI, & est, & dicitur verus Filius Patris. Sic etiam proportionē seruâtâ, principium productiuum Filij DEI, licet omnem Naturâ sphæram prætergrediens, prædicatur nihilominus natura virginea fœcunda, & DEI Patris Virgineæ Naturæ æmula, quia in suâ Virginitate ebibit naturam fœcundam, ad producendam Diuinam Personam Verbi.

Tertiò, accepit Christus à Matre Virgine, omnem Creatam Dignitatem, atque excellentiam: potissimumque Sacerdotalem & Regiam, ad hoc explicandum, confirmandumque immorari me, non puto necessarium, sufficiet dicere. MARIAM Christi genitricem, fuisse de Sanguine Dauidis Regis ortam, indeque & Christum Filium Dauid extitisse, dicente Gabriele ad Virginem, *Dabit Luc. 1. 32. ei Dominus DEVS Sedem Dauid, Patris eius, & regnabit in domo Iacob in æternum, & regni eius non erit finis*: id ipsum, asserente Apostolo PAVLO, *De Filio DEI qui factus ei, ex Rom. 1. 3. semine Dauid, secundum carnem*; hoc est, secundum desumptam ex Virgine MARIÂ, Dauidici generis filiâ humanam originem. Cuius Virginis quoniam nec Sacerdotale genus tacetur, insinuante Angelo, quod Elizabeth cognata eius esset, quam LVCAS Euangelista, de filiabus Aaron fuisse affirmat, dubitari non debet carnem Christi ex utroque genere propagatam, & Regum scilicet & Sacerdotum, in quibus personis apud Hebræorum populum, etiam Mysticâ vñctione Christus præsignabatur, Chrismate scilicet, vnde Christi nomen elucet, tantò ante istâ euentissimâ significatione prænunciatum. Et quidem Christus Sacerdotium Aaronicum non attigit, si quidem Sacerdotium æternum, secundum Ordinem Melchisedech prælegit, at verò Regnum, non tantum Dauidicum, cuius potestatem temporalem, & si reuera habuit, non tamen adiit, eius possessionem, spiritualemente verò plenissimè possedit, & possidet, possidebitque in æter-

Christus à
Maternitate
V. MARIE exal-
tatus, excel-
lentissimus.

Excell. 27. æternum, & regni eius non erit finis. Porro totius mundi, omniumque Creaturarum absolutus est Rex Regum, atque Dominus Dominantium, habens omnem potestatem in celo, & in terrâ, idque tum ex pluribus Capitibus (puta Diuinitatis, Hominis quoque Verbo vniti, meriti quoque) tum ex Origine Maternâ, quæ ex quo ad Maternitatis DEI dignitatem, electa & euecta est, connaturali iure Domina, Hæres, & Regina totius mundi effecta est, idemque ius in Filium suum deriuauit, prout etiam ab ipso Filio, in illam deriuatum est.

Quartò, accepit Christus à MARIA Matre, Redemptoris dignitatem, officium, atque etiam facultatem. Certum est enim, quod Christus DEI Filius, sic est à DEO Patre, ad redemptionem mundi destinatus, vt in ordine ad hoc munus Homo fieret, & Humanitatem assumptam in pretium Redemptionis expenderet. Certum est etiam in hunc eundem finem, Christum ex MARIA conceptum, Natum, educatumque esse, vt hunc ipsum Hominem DEVM, redemptionis, & pretium, & instrumentum, haberet, faceretque. Itaque, quod Christus habuerit pretium, atque instrumentum peragendæ Redemptionis, Matri procul dubio debet. Cuius etiam, quia promptissimâ, liberalissimâque, necnon ad DEI Patris, Christi que ipsius placitum, conformatissimâ voluntate, hoc ipsum Redemptionis mundi officium, Christus Dominus & suscepit, & peregit; ideoque corredemptrix Mundi cum Redemptore Filio exstitit: ita & hæc duo plenissimè in MARIAM DEI Matrem confluerint. Vnum, quia illa præ vniuerso genere humano, plus tota Redemptionis Christi particeps facta est; Alerum, quia post DEVM Patrem, nemo amplius de suo in eandem generis humani Redemptionem impendit; sed quemadmodum de Patre DEO, dixit Apostolus, sic & de Matre

Rom 8. 32 DEI dici, suo, vero tamen modo potest, quod proprio Filio suo non perpercerit, sed pro nobis omnibus illum tradiderit. Etenim tota illa cum DEO Patre, tam immobilis, quàm & libera-

*Christus à
Maternita-
te V. MA-
RIÆ exal-
tatus, excel-
lentissimus.*

liberalis, atque prodiga, & gaudens, Filium suum in Redemptionem mundi dedit. Propterea, sicut vniuersum genus humanum, neque Deo Patri, qui sic dilexit mundum, ut Filium suum vnigenitum dederit, ad saluandum mundum per ipsum, neque ipsi Filio DEI, qui Animam suam pro omnibus posuit, oblatusque est, quia ipse voluit: sic, cum proportionem, neque Matri DEI dignum, quidquam vel amoris, vel laudis, vel gratiarum actionis, vel cuiuscunque liberalitatis, aut æstimationis reponere potest, quæ usque adeo etiam Vnigenito suo, non pepercit propter salutem nostram, ut si hoc ante Patrem æternum placitum fuisset, ipsamet manu suâ Maternâ Vnigenitum suum, immolatura promptissimè fuerit, quocunque modo id fieri Patri æterno complacuisse. Propterea etiam, sicut officium, Dignitasque Redemptoris, ea est, quæ Christum tam coram Deo Patre, quam coram Creatore Vniuerso exaltatum & excellentem facit, in eâ verò partem maximam, suo modo, habere Mater cognoscitur, inde consequens est Christum Dominum à Mariâ Matre suâ, supra omnes Creaturas exaltatum, magnificentumque esse.

Hæc tamen omnia, quæ de exaltatione Christi Domini, à suâ Genitrice Mariâ dicta sunt, vel adhuc dici possent, ita intelligi accipi que debent, ut in his proportio Creaturæ ad Creatorem, Hominiſque puri ad Deum debita seruetur. Scimus enim hæc omnia, quæcunque Mater DEI, Filio suo Deo contulit, ex eiusdem Filij munere, ut conferre posset accepisse: in eoque a Filio antecederet præuentam, prædonatamque esse, ut sicut Mater sua, sic & donatrix, exaltatrixque supra omnes Creaturas sua posset esse. Eam enim regulam, siue mensuram Diuinitas, in dotatione atque ditatione Mariæ DEI Matris, seruandam sibi præfixit, ac reipsâ seruauit, ut omne id quod Diuinæ dignitati, non derogaret, capacitatemque Creaturæ non excederet, totum Maternitatis Diuinæ ambitu concludendum, totum

Excell. 27. Matri DEI elargiendum, veluti connaturale debitum, statueretur.

Quod si hanc sibi legem Diuinitas, in magnificatione MARIÆ DEI Matris posuit, vt solâ suæ omnipotentiae, & creaturæ capacitate, suam erga ipsam liberalitatem definierit: quomodo pusillos nos humiliones in tantæ Matris, tam DEO pretiosæ, & suprâ modum æstimatæ, atque honorificatæ, amorem, appretiationem, laudem, honorem, & quidquid demùm ad venerationem, exaltationemque eius facit, debemus esse studiosi, profusi, assidui, & quodammodo inexhausti, atque infiniti, cum in hoc studio præeat nobis exemplum ipsius Diuinitatis, nusquam & nullam legem, mensuramque sibi in ornatu MARIÆ DEI Matris assignantis, nisi in aut creatâ incapacitate, aut in suâ Diuinâ incommunicabili cum creaturâ dignitate: reliquis omnibus bonis, & donis, & laudibus, priuilegiisque suis, locum in Maternitate DEI assignat, eaque inibi decenter, placenterque collocat.

Ex vero certè, & ex merito, imò & quantum ad DEI Matrem attinet, ex debito, vniuersis creaturis, specialiter verò hominibus, incumbit eniti, ad illud, siue monitum, siue præceptum sapientis, primariè quidem, & absolutâ ratione DEVM super omnia benedictum: sed etiam cum proportionem post DEVM, Matrem quoque

Ecc. 43. 32. DEI concernens exequendum: *Glorificantes DEI Matrem, quantumcunq; potueritis: superualebit enim adhuc, & admirabilis magnificentia eius. Benedicentes MARIAM, exaltate illam, quantum potestis; maior enim est omni laude, exaltantes eam, replemini virtute: ne laboretis, non enim comprehendetis. Quis videbit eam, & enarrabit eam, sicut est ab initio? Multa abscondita sunt maiora his, pauca enim vidimus operum eius; pauca inuestigauimus mirabilium diuitiarum eius: de quibus ipsa, Mater DEI, more quidem suo breuissimè in verbis, ac in sensu verborum prægantissimè pronunciauit, dicens. Fecit mihi magna, qui Potens est; &*

Luce. 1. 48. *Sanctum nomen eius. Ecce enim ex hoc beatam me dicent,*
omnes

omnes generationes. Dicent quidem, sed nequaquam edicent vniuersam eius beatitudinem, omnes generationes. Videmus enim, & magno Ecclesiæ Christi bono, filiorumque illius profectu. & ad salutem æternam accessu, intuemur, quomodo ab origine mundi, at maximè ab exordio Ecclesiæ Christi, omnibus ætatibus, seculisque, ac seculorum generationibus, laus MARIÆ DEI Matris, noua, & noua semper exercuerit. & veluti ex inexhaustâ aurifodinâ, aliæ & aliæ, plures & plures, maiores ac maiores, simulque quantò mirabiliores, tantò probatiores erutæ, & in lucem Ecclesiæ, in Exaltationem MARIÆ, in delicias, diuitias, salutemque Amatorum eius, productæ laudes sint, & quotidie penè producantur, adhucque producendæ superint. Nec enim potest verum non esse dictum Sapientis: quia maior est omni laude, & quantumcunque potueritis illa superualebit adhuc: tum verò etiam omnino impleri necesse est, eius ipsius prædictionem, quia beatam illam dicent omnes generationes: & erit benedicta in æternum.

*Christus à
Maternitate
V. MARIÆ exal-
tatur, excel-
lentissimus.*

Exaltetur itaque Beata DEI Mater, ac simul Virgo perpetua MARIA, in eo, quia ipsa exaltauit IESVM Christum filium DEI, pariterque suum, suprâ omnes Creaturas: Vicissim autem, & infinities ampliùs & ampliùs exalteretur ipse IESVS huius Matris filius, qui vt exaltaretur à benedictâ Matre suâ, exaltauit illam ipsam in se, & propter se, exaltatusque est, & exaltabitur semper ab ipsâ, & propter ipsam, vique in sæculorum sæcula.

EXCELLENTIA XXVIII.

Solus Christus, est Caput omnium Creaturarum.

VIGESIMA OCTAVA Excellentia Christi Domini, super omnes Creaturas, est Excellentia Capitis: quia nempe est omnium Creaturarum summus, & supremus Dominus,

Excell. 28.

minus, Moderator, Rector, atque Superior: Idque ad similitudinem capitis in corpore, v. g. Humano seu Homine, propriè namque capita in Animalibus viventibus sunt.

Quatuor autem sunt, quasi proprietates capitis in Homine. 1. Quia caput in homine, est eiusdem Naturæ cum suo corpore, ob quod dicitur caput Homogeneum. 2. Quia caput in Homine est perfectius, quam reliqua omnia membra, in eo sensus omnes vigent, &c. cum in reliquis non nisi duo, aut tantum unus vigeant. 3. Quia caput in Homine est superius situm, reliqua vero membra infra caput posita, & ei subiecta sint. 4. Quia caput in Homine, in cætera membra influic, vitam, vigorem, directionem in operando.

His ipsis quatuor de causis, Dominus Iesus est Caput Hominum, & potissimum Ecclesiæ ex hominibus constitutæ.

Primò enim est, conformis Naturâ cum Hominibus, quia est Naturam humanam habens sicut illi, & ita aptitudinem habet ad illos, estque Homogeneus cum illis.

Secundò, est perfectissimus & maximus in donis, gratijs, virtutibus: Præter gratiam enim Vnionis Hypostaticæ cum Verbo, quâ excelsit super omnes creaturas, & quæ est gratia gratiarum, seu gratia super omnes gratias, fonsque & radix aliarum: habet præterea gratiam, habitualem sanctificantem, in summo excellentem, & à nullis creaturis adæquandam: ratione eius gratiæ, & aliarum illi annexarum, simulque in Christo residentium est Caput, seu Princeps, seu (vt vocat eum Apostolus,) Primogenitus omnis Creaturæ, inprimisque Humanæ.

Tertiò, Christus est sublimior omnibus Creaturis, tum ex conditione Vnionis Hypostaticæ, tum ex ratione gratiæ creatæ habitualis modo iam dicto, tum etiam ratione situs, seu consessus ad Patris dexteram, tum ratione

tione vniuersæ dignitatis super omnem hominem, creaturamque, habens infemore scriptum, Rex Regum, &c.

Quartò, Christus Dominus, influit in omnes quidem Creaturas, sed specialiter in homines, maximè in Ecclesiam, siue triumphantem, siue militantem, siue etiam Angelos comprehendentem. Quoniam tota Ecclesia, etiam Angelos complectens fuit semper coniuncta Christo Domino, non tantum ratione meritorum eius, sed etiam per fidem, & per charitatem, quæ omnis ex Christo in illis fuit, etiam antequam Christus existeret: sicut de hominibus ante Christum natum viuentibus, & iustis certum est: etiam de ipso Adamo, qui etiam ante lapsum, fuit membrum Christi, habuit fidem eius, tanquam authoris gratiæ, & consummatoris gloriæ.

Propter has quatuor proprietates capitis, Christo Domino conuenientes, Christus Dominus indubitatè est Caput Ecclesiæ, & hominum prorsus omnium, quicumque recipiunt, vel recipere possunt influxum, aliquem gratiæ & meritorum eius, possunt autem omnes, quia pro aliquo saltem tempore, sunt omnes in eo statu, in quo recipere possunt: proinde omnium est simpliciter Caput: licet reproborum tantum sit, quam diu illi in hac vitâ sunt, in quâ capaces vitæ gratiæ sunt, electorum verò sit, perpetuò, & semper, quamuis hi non semper, eodem modo illi coniungantur: cum aliquando sint eius membra viuâ, dum sunt in eius gratiâ, & extrâ statum peccati; aliquando autem mortua, quando in peccato mortali, extra gratiam charitatemque sunt; quando autem ad statum gratiæ redeunt, & quando ad statum patriæ perueniunt, tum ibi perfectissimè Christo coniunguntur, & recipiunt non tantum gratiæ, sed etiam gloriæ æternæ influxum ab illo. Quod adeo verum est, vt etiam de infantulis, qui in visceribus matrum extinguuntur locum habeat, certum est enim aliquos infantes, nec dum natos, sanctificatos fuisse per Christi gratiam, vt de Ieremiâ, & IOANNE Baptistâ testatur Sacra Scriptura, quod

Excell. 27. euincit, etiam in illo statu infantes homines, iam nihilominus ad Christum, ut caput suum pertinere, & ab eo influxum salutis recipere posse, quamuis per accidens aliquando impedimentum interueniat, ne id fiat.

Deinde verò, Angelorum quoque Caput esse Christum certum est, vna enim & eadem tantum est Ecclesia, ex Angelis, & Hominibus constituta in caelis & in terris, ad quam aggregantur omnes Electi, quicumque ad iudicij Diem viuent, de quo **PAVLVS** clarè loquitur. *Accessistis ad montem Sion, & Ciuitatem DEI viuentis, Ierusalem caelestem, & multorum millium Angelorum frequentiam, & Ecclesiam primitiuorum, qui conscripti sunt in caelis, & iudicemus omnium DEVM, & spiritus iustorum perfectorum.* Si ergo vna est Ecclesia, vna Ciuitas, vna Ierusalem caelestis, vna frequentia, vnus Iudex omnium, ergo & vnum Caput, vnus Dominator, & Rector, Angelorum atque Hominum, & Ecclesiae ex illis coalescentis. Id enim requirit pulchritudo, atque bonus ordo vnus Politici perfecti corporis, quale certum est Ecclesiam esse, ut vnum Caput, vnumque Rectorem habeat, quod aliud esse non debet, neque potest nisi Christus: cuius Humanitati tum ratione Vnionis, tum ratione excellentissimarum gratiarum, infinitorumque meritum, dignitatisque hoc debetur. Ea propter Christo Domino in deserto accedentes ministrabant Angeli. & paratas sibi esse apud Patrem, plusquam duodecim legiones Angelorum, Christus Dominus asseruit, & post Domini resurrectionem Angeli fuere praedicatores eiusdem. Et **IOANNI** volenti Angelum sibi loquentem adorare, dixit Angelus ipse: *Vide ne feceris, conseruus enim tuus sum. & fratrum tuorum prophetarum.* Denique omnes sunt (ut **PAVLVS** ait,) Administratorij spiritus, in ministerium missi propter eos, qui hereditatem capient salutis: quod ministerium respectu Christi DEI Hominis, ab illis exercetur: qui & salutis hereditatisque nostrae author, & Ecclesiae gubernator, atque promde Caput est.

Et ne multis in eâ re immorer: conglobatim dico, Christi

Christum Dominum, iam inde à creatione Angelorum, influxisse, merita sua in illos. Angeli enim in statu suæ viæ, habuerunt fidem in Christum, & per eam fidem vi- uam sanctificati sunt, proinde & per Christi merita gra- tiamque, obtinuerunt sanctitatem & gloriam. Reue- latus enim est per fidem Christus Angelis, in initio crea- tionis illorum: & est simul reuelatus, atque propositus eis, tanquam Caput illorum, cui subijcerentur, & fidem, spemque suam post DEVM collocarent: in quod boni quidem Angeli consenserunt: mali autem inde occasio- nem superbiendi contra DEVM, & Humanæ Naturæ in- uidendi acceperunt: ideòque hi nequam spiritus ruden- tibus, inferni detracti sunt in tartara: illi verò boni, hu- miles, DEO subiecti, & Christum venerantes, ac fideles, gratiâ confirmati, & gloriam æternam adepti sunt. Do- minus ergo IESVS, DEVS-Homo meruit Angelis omnia dona gratiæ, sicut & nobis, & quæ etiam nobis, demptis ijs, quæ ad remedium peccati pertinent. Meruit illis Electionem, prædestinationem, vocationem, auxilia om- nia excitantia, adiuvantia, sufficientia, & efficacia, ac denique omne meritum, & augmentum gratiæ, atque gloriæ. Nulla enim est gratia DEI in creaturâ vlla, quæ non communicetur per Christum Dominum nostrum, proinde & nulla est, in quam idem non influat, & tan- dem cuius Caput non sit. Quamuis autem non sit eiuf- dem, imò sit inferioris Naturæ, quàm sunt Angeli: hoc tamen non obstat, quominus caput sit eorum Christus, quia hæc inferioritas suppletur in summo per Vnionis hypostaticæ gratiam, & ratio capitis in Christo super- creaturas, superque Angelos, non residet vt in puro ho- mine, sed vt in DEO-Homine, incluso scilicet supposito, & quamuis etiam ad Naturam gratia capitis pertineat, non tamen sine personâ.

Istam Excellentiam capitis, tam respectu hominum, quàm etiam Angelorum agnouit, & asseruit PAVLVS in- Christo Domino: non tantum quâ DEVS est, (id enim

nec

*Christus ti-
tulo Capitis
vniuersorū,
excellenti-
ssimus.*

Excell. 28. nec dubium, nec quæstionem habet) sed etiam quâ Homo est, ita ut in ipsâ Humanitate hanc dignitatem habeat, per illamque munus capitis exerceat. Cum enim scripsisset Apostolus Ephesijs, se memoriam facere illorum in suis orationibus, ut sciant qua sit supereminens magnitudo virtutis (DEI) in nos, qui credimus, secundum operationem potentie virtutis eius, quam operatus est in Christo, suscitans illum à mortuis, & constituens ad dexteram suam in celestibus; expressè, & explicatè subdit, *suprà omnem Principatum, & Potestatem, & Virtutem, & Dominationem, & omne Nomen, quod nominatur non solum in hoc sæculo, sed etiam in futuro. Et omnia subiecit sub pedibus eius: & ipsum dedit Caput super omnem Ecclesiam, quæ est corpus ipsius, & plenitudo eius, qui omnia in omnibus adimpletur.*

Denique, Omnium cæterarum Creaturarum, Caput esse Christum Dominum, certum est; & si non secundum eum modum, quo Angelorum atque Hominum. Non enim Christus influat in alias omnes creaturas, per suam Humanitatem capitique efficaciam & officium, Entitatem, Naturam, operationes, vires earum, id enim creaturæ habent ex suâ creatione à Deo, cum & nos non habeamus à Christi merito, ut corpus vel Animam rationalem, vel liberum arbitrium habeamus; sed tantum, ut iusti, sancti, beati simus, cuius influxus aliæ creaturæ sunt incapaces, ut potè irracionales, ac proinde Christus Dominus, hoc modo Caput earum non est, sed est Caput Dominio, regimine atque gubernatione, nec non earum in ministerium Electorum, directione, conseruatione, distributione. Adeum modum quo in humanis rebus publicis, homines quidem ipsi, & eorum varij ordines ac status, gubernationis influxum recipiunt à Regibus & Magistratibus per leges, imperia, placita, prouisiones, defensiones, aliaque commoda, ad vitam pacatè, feliciter, securè, transigendam: Castella verò, Munitiones, Væstigia, aliaque, ut sic dicam vtenilia Reipublicæ, ac populorum: non recipiunt præcisè influxum, alium,

alium, nisi possessionis ac regiminis, in vsum populo-
rum subditorum: in quem ædificantur, conseruantur,
instaurantur. Quare longè alio, eoque perfectiori mo-
do est Christus Dominus Caput Ecclesiæ, quàm ceteræ
irracionales creaturæ, attramen est & huius: ideo vocatur
primogenitus omnis creaturæ: quia hæ omnes eius vo-
luntati seruiunt, & omnes dignitati eius cedunt: & insu-
per omnes ab eo dignificatæ sunt per hoc, quia DEVS-
Homo factus est, creaturamque fecit digniorem partici-
patione Deitatis, longè quàm sine eâ fuisset. Et præ-
terea sicut omnes hæ creaturæ, multam passæ sunt de-
structionem, & deordinationem lapsu hominum in cul-
pam, eò quod cogerentur seruire homini, DEI hosti, ac
rebelli, factò autem DEO-Homine, non tantùm subleua-
tæ, sed & tublimate, honoratæque sunt, vt iam DEO-Ho-
mini, & propter eum etiam puro homini seruiant: ad-
hucque expectent reuelationem filiorum DEI: donec & ipsa
creatura liberetur à seruitute corruptionis, in libertatem gloriæ
filiorum DEI. Ita etiam omnes ad Christum, tanquam
ad suum Regem, gubernatorem instauratoremque perti-
nent: quam & nunc quidem suo modo ab ipso recipi-
unt: vnde dici solet, quod morte Domini reparatæ sint
etiam insensibiles creaturæ, dicente etiam PAVLO, quod
Dominus pro omnibus gustauerit mortem, magis autem re-
cipient post diem iudicij, quo peracto per Christum Do-
minum omnia renouabuntur: & tum splendorem or-
natumque, tum incorruptionem accipient.

ti-
tulo is
vniuersorū,
excellenti-
simus.

Rom. 8. 21.

Hebr. 2. 9.

Hunc igitur in modum est Dominus noster Caput
rerum omnium: & si maximè propriè Ecclesiæ ex An-
gelis, Hominibusque constitutæ: quæ propriè dicitur
Corpus Christi mysticum, recipiens ab eo vitam spiritûs,
meritorum, & gratiæ, atque vltimi finis, seu gloriæ, cu-
ius incapaces sunt ceteræ res, ac ideo non sunt huius
corporis commembra, neque capitis membra.

Atque hæc quæ de Capite Christo dicta sunt, osten-
dunt gratiam & dignitatem hanc capitis, ita esse in eo

Hh

excl.

Excell. 28. excellentem, & illi propriam, vt nulli alteri communicata sit, immò nec communicari possit puræ creaturæ, saltem quoad perfectionem, & modum influendi gratiam in alios ex perfectâ iusticiâ; Hoc enim non conuenit nisi ratione gratiæ Vnionis, à nemine præter Christum participatæ.

Sicut autem ista gratia dignitasque capitis, Dominum nostrum adeo magnificò exaltant super omnia, quomodo Caput excedit in corpore omnia membra sua: ita quoque eadem Domini nostri dignitas atque gratia, nobis hominibus atque etiam Angelis mirificam confert tum utilitatem, tum honestatem. Honestatem quidem, quia summus reuera honor noster est, capite Christo id est Homine DEO gaudere, & Christi membrum quasi DEIFICATUM esse: quomodo enim pes, manus, oculus, in Corpore Domini reali & physico insertus maximam, id est theandricam consequitur dignificationem; ita & homo quisque, Christi corpori Mystico insertus, per fidei atque gratiæ vnionem DEIFICUS efficitur, & altissimam, omni Naturæ ordine sublimiorem obtinet dignitatem, quod nimirum tantopere PAVLVS exaggerat, vt dicat de solis Corporibus Christianorum, *Nescitis*

1. Cor. 6. 15.

quoniam corpora vestra, membra sunt Christi? & rursùm.

Ibid. 7. 19.

An nescitis, quoniam membra vestra templum sunt Spiritus Sancti, qui in vobis est, quem habetis à DEO, & non estis vestri? Et quid huic honori potest vel addi, vel æquari? nihil certè: sicut è contrà huius tam glorioli Capitis, membrum non esse, nulla potest esse abiectio, miseria, dedecus, & ignominia maior.

Porro utilitatem confert nobis; ista cum capite Christo communio, & maximam & plurimam, quomodo enim Corpus vnitum Capiti, habet vitam, vegetationem, motum, operationem, regimen, ac omnem necessariam prouidentiam, per influxum capitis, separatum, verò à capite redditur inanime, & ad omnia inutile; ita homo, & totum Ecclesiæ corpus adharens Capiti Christo,

sto, omnem vitæ & gratiæ spiritualis, supernaturalisquæ influxum recipit, omnem benè, & dignè beatitudine æternâ operandi, merendiquæ virtutem exinde habet. Sine istâ verò cum capite coniunctione, obtinet omnino nihil: propter quod absolutè Dominus affirmat, *quod sicut palmes, nisi manserit in vite, nullum fructum affert: ita & vos nisi in me manseritis, sine me nihil potestis facere.* Quicquid ergo nos habemus, quod nobis ad salutem æternam proficit, totum hoc beneficium capitis, & nostræ cum ipso coniunctionis fructus est. Siue ergo fides, siue spes, siue charitas DEI & proximi, siue dona & fructus Spiritus Sancti, siue virtutes, quæcunquæ supernaturales ac salutares, siue merendi vis, ac ipsa merita, siue gratia sanctificans, siue filiatio DEI, siue auxilia gratiæ quælibet præuentionia, conitancia, cooperantia, subsequencia, siue poenitentia, & fructus eius digni, siue remissio peccatorum, siue profectus & perfectio ipsa virtutum, siue deniquæ in bono finalis perseuerantia, ipsa quæ beata, & æterna vita: omnia ista capitis nostri beneficia sunt, ab eius in nos influxu in nobis sunt, crescunt, manent, quia verum est capitis nostri effectum: sine me nihil potestis facere, manendo autem in dilectione meâ, & in Vnione mecum omnia potestis facere, quia omnis sufficientia vestra ex me est, & in eo qui vos confortat, potestis omnia.

Hoc verò loco, non potest non deplorari cæcitas, & stultitia plurimorum hominum, & non gentilium, (eorum enim infelicitas, magis mereri videtur condolentiam) sed Christianorum, & horum quàm maxime, qui cum fideles Christi sint, & Christo per Baptismum, fidemquæ inserti, & filij ecclesiæ, membra autem Christi, tanquam sui veri capitis effecti: tamen adeo nihili faciunt istud Caput suum Christum, & istam influxus eius, ad vitam gratiæ, gloriæquæ æternæ, cum felicitatem, tum dignitatem, tum utilitatem, ut vix quidquam eis vi-

Christus titulo Capitis vniuersorū, excellentissimus.
Ioan. 15. 4.

Excell. 28.

hil omnino posse proficuè facere ad salutem vitamque æternam; & si sciunt, omne peccatum quod committunt, refecare omnem influxum Christi in Animam, & ab illâ expellere gratiæ vitam, & occidere tum omnia opera, meritaque bona animæ, tum ipsam Animam, & diabolicæ potestati, ac dominio illam subijcere, depulsoque capite Christo, dæmonis caput illi superimponere, ita ut Christianus homo ex membrò Christi, fiat membrum diaboli. Hæc, inquam, & si sciant Christiani, (& reuera scire debent,) nihilominus ita sicut aquam bibunt iniquitatem, ita superaddunt omni horâ & occasione peccatis peccata, ita inforlescunt in eis, plusquam iumenta in stercore suo, quasi omnino ex professione Christianâ, & ex Christi lege habeant, sceleratè agere, in pios esse, omnem Dei legem violare, omnem Christi doctrinam, exempla, merita contemnere, quasi ad hoc Christiani sint, ut Christum suum omni ratione in semetipsis persequantur, millies milliesque repetitò crucifigant, eius à se gratiam, merita, communionem, conjunctionemque rescindant, diabolum autem sibi regem, sibi dominum, sibi caput, sibi DEVM instituant, & imponent.

O Christiane; quale tu monstrum, quàm deforme, quàm horrendum es, dum in scelere, vel vno mortali remanes. Per fidem & Baptismum, quem recepisti & retines membrum Christi es, & Caput Christum habes, per peccata autem in quibus es, diaboli membrum es, & caput diabolum portas, quid tibi videtur de te ipso, quem te ipsum facis infelix, stultè, miser, & tuâ voluntate cæcutiens, ac insaniens?

Apostolus hanc enormissimam indignitatem, abominandam Christianis reddere volens. Sic eos alloquitur aliquando: *Nescitis quoniam corpora vestra, membra sunt Christi? tollens ergo membrum Christi faciam membra meretricis? absit;* aliquando autem in hunc modum.

1. Cor. 9. 16. Nescitis quia templum DEI estis, & Spiritus DEI habitat

*in vobis? si quis autem templum DEI violauerit, disperdet il-
lum DEVS, templum enim DEI sanctum est, quod estis vos.*
Istæ tantæ Apostolicæ exaggerationes, efficaces sanè
esse debent per omnem modum, vt mentibus, homini-
busque Christianis peccatum ac peccati statum, omni
diabolo magis exolum faciant, (sicut reuera vnicum,
peccatum, omnibus daemonibus pelus, pestilentius, atq;
horribilius est) vtque à peccati mortalis statu, continuo
se explicent, & delecto à se diabolo capite, sese ad legi-
timum caput suum Christum, ad verum salutis suæ Prin-
cipem, principiumque referant.

Christus ti-
tulo Capitis
vniuersorū,
excellens-
simus.

EXCELLENTIA XXIX.

*Solus Christus Dominus ditissimus meritum,
& liberalissimus est.*

VIGESIMANONA Excellentia Domini nostri IESV
Christi est, quia apud ipsum, & in ipso, & ipse est, di-
tissimus, ac prorsus infinitus, inexhaustusque thesaurus
meritorum, eorundemque simul super nos effusor libe-
ralissimus.

Cum enim Dominus noster, per Vnionem Hyposta-
ticam, ita sit constitutus, vt DEVS simul & Homo sit, ab
eâdem Vnione habet primum omnem plenitudinem,
Diuinitatis in se (vt ait Apostolus,) corporaliter inhabi-
tantiem. Deinde habet infinitudinem Gratiæ, ipsum
sanctificantis dignificantisque; ita vt sit, substantialiter
ipsâ Deitate Sanctus, & suprâ omnes consortes suos san-
ctitate vnctus, Sanctorumque Sanctus, & ipsummet, (iu-
xta GABRIELIS Archangeli nomenclaturam) Sanctum.
Habet postea, ab hac eâdem Vnione, aliam immensam
plenitudinem Gratiæ creatæ sibi, ab instanti concep-
tionis infusæ, quâ & si Humanitas eius Sancta non euadit,
cum ante sanctificata sit gratiâ Vnionis, & sanctitate (vt
dixi) substantiali ac Increatâ, ornatur tamen per illam,

Hb3. can-

Excell. 29: tanquam per connaturale Vnionis Hypostaticæ orna-
mentum atque attributum. Et quia tantæ est Gratia,
hæc creata perfectionis, siue plenitudinis, qualis DEVM-
Hominem decet, ideo ab hac redundantia atque pleni-
tudine, huius suæ gratiæ habet DEVS Homo Christus
Dominus, ut non sibi tantum mereri potuerit, ac de fa-
cto meritis sit, ea quæ status eius mortalis, & dignitas
DEI-Hominis, siue permittebat, siue requirebat: sed
etiam nobis creaturis, potuerit mereri, & reipâ meri-
tus sit, quidquid nostra necessitas, salutisquæ æternæ, &
gloriæ beatificæ assêctio postulabat. Inter hæc, con-
quisiuit Dominus noster sibi, sed pro nobis, & propter
nos apud Patrem, thesaurum meritorum infinitum, inex-
haustum, nullis largitionibus & profusionibus, nullis re-
munerationibus adæquandum, abolendumc.

Hic Thesaurus meritorum Domini nostri, constituit
illum, post Gratiâ Vnionis, & post Gratiâ habitualementem
creatam plenitudine suâ, omnem modum menturamquæ
excedentem, (constituit inquam illum) omnis rationa-
lis creaturæ sanctificatorem: sub quo vno nomine com-
prehensas volo, alias omnes dignitates, & functiones
Domini nostri, circa creaturas Rationales, puta, Redem-
ptoris ac Saluatoris: item Capitis, Regis, Domini, Iudi-
cisquæ omnium, Legislatoris quoque, & Doctoris, Sum-
mi Sacerdotis, siue Pontificis. Remuneratoris etiam,
atque Glorificatoris. Ista enim omnia munia in Domi-
num nostrum IESVM Christum redundant, ac descen-
dunt, primò quidem, & radicaliter à Gratiâ Vnionis, de-
inde proxime ab illâ gratiâ creatâ, non quâ simpliciter,
tali, sed ut innixâ Vnioni, & ut in summâ plenitudine
Christum inhabitante, denique ab infinitudine merito-
rum Christum Dominum ditante, & ad omnia munia,
ad omnes Dignitates exercendas, ad omnia salutis atque
beatitudini creaturarum rationalium necessaria conqui-
renda, elargiendaque, inexhaustibiliter, indeficienterque
abundantem reddente.

De hoc Domini nostri meritorum thesauro, grandis & (vt ait Apostolus,) ininterpretabilis nobis habendus esset sermo, verum modus adhibendus est: & pauca solum afferenda capita, ex quibus tum istius Thesauri meritorum Domini immensitas, tum ipsius Domini, ex ea parte, supra omnes Creaturas excellentia elucescat.

*Christus di-
uitijs Meri-
torum, & li-
beralitate,
excellenti-
simus.*

Qua in re aduertendum puto primum, Apud quem, Quis, quomodo, Cui, Quid meruerit. Ergo apud Aeternum Patrem, Christus Deus-Homo, verus Deus, verusque & consubstantialis Dei filius, per opera sua omnia, quae fuere Theandrica, atque Diuini, seu Dei agentis opera, sibi imprimis, creaturis deinde, maxime rationalibus, omnia quae ipsius Dignitati tam Personae, quam operum eius condigna erant, omnia item quae saluti & beatitudini nostrae necessaria & opportuna, siue a Dei voluntate ordinata, prouisaque fuerant, promeruit.

Quae sint, & quanta sint, quae ipsi sibi Dominus nosster promeruerit vni ac soli: haec omnia nulli creaturae in hac praesertim vita cognita, ac neque Ecclesiae Dei militanti reuelata sunt. Omnia, inquam, nam aliquorum notitia est: vt quod sibi gloriam corporis sui rediuiui, ascensum in caelum, confessum ad Patris dexteram acquisierit, ceterum omnia prorsus praemia ipsum solum, spectantia Deum-Hominem, tam puto nulli mortalium cognita, quam existimo esse omni certitudine certa, & omni praestantia praestantiora. Attrigit aliquid hac de re, planaque tantum delibavit Apostolus: quando, postquam exposuit, quomodo Christus Iesus cum in formam Dei esset, exinaniuerit semetipsum, formam serui accipiens, in similitudinem hominum factus, & habitu inuentus vt homo, factus obediens usque ad mortem, mortem autem Crucis: subiecit de huius exinanitionis obedientiaeque, merito, meriti que praemio dicens; Propter quod & Deus exaltauit illum, & dedit illi nomen, quod est super omne nomen: vt in Nomine Iesu, omne genu flectatur, caelestium, terrestrium, & infernorum. In quibus

Excell. 29. quibus verbis Apostolus, immensum quiddam dicit, sed non edicit: significat, sed non explicat, quod & quantum sit Christi vel meritum, vel meriti præmium, ei à Deo Patre specialiter soli redditum, admensumque. Quare in hac re siue inquirendâ, siue enarrandâ frustra omnino sim: Nam si teste Isaia & Pavlo, neque oculus vidit, neque auris audiuit, neque in cor hominis ascenderunt ista bona & præmia, quæ præparauit Deus diligentibus, & meritorum ipsorum remunerationi: estque illud immensum gloriæ pondus, eodem Pavlo assertore: quomodo in cor hominis ascendent illæ abyssales, immensitates remunerationis vniuersæ, quas Pater æternus profudit in Vnigenitum suum, propter gloriam nominis sui exinanitum, & propter obedientiam voluntatis suæ ad mortem vsque, & quidem ad mortem Crucis deductum? Quare huius abyssi perscrutatione intermissâ, & quoniam neque meritum, neque meriti præmium ipsi soli Domino seruiens, nobis planè peruium est, aut esse potest: ad illum meritorum Domini nostri remunerationumque, in quibus nos creaturæ, ouesque pascuæ, ac Saluationis eius concernimur thesaurum, aliquantum denarrandum, nostra se conuertat in præsens oratio.

Vbi ante omnia hoc præmittendum videtur: quod certum & indubitatum esse debet; Nulli creaturæ rationali Angelicæ ac Humanæ, à Deo collatum esse quidquam Gratiæ, munerisque supernaturalis, ad creaturæ ipsius sanctificationem, saluationem, glorificationemque; æternam conducentis: nisi per, & propter merita Domini Iesv Christi Dei Hominis. Igitur omnes & singuli Angeli, omnem sanctificationem & glorificationem suam, omnia auxilia gratiæ actualis, quibus adiuti steterunt in fide ac dilectione Dei, & viam suam ad salutem, atque beatitudinem finaliter decurrerunt, eandemque obtinuerunt, debent meritis Christi Domini, Dei Hominis. Ita ut quamuis illi creatione suâ, præcesserint-
existent-

existentiam realem Christi, merita tamen eius in praeui-
sione, in praedestinatione, in acceptatione, & applicatio-
ne DEI, praecesserint praexistenterque omnibus Ange-
lis, & omni eorum gratiae, ac dignificationi, atque di-
spositioni; demumque finali beatificationi. Quod au-
tem de omnibus gratijs, donis, auxilijs, consummationi-
busque Angelorum omnibus affirmatum est, hoc idem,
& de Hominum omnium primo ADAMO, & de posteris
eius omnibus, si ille in sua innocentia perstitisset, affir-
mandum est; Nempè tam ipsum protoplastum habuisse,
quàm posteros eius omnes habituros fuisse, statum,
gratiamque Innocentiae, & originalis iustitiae, cum omni-
bus ei annexis muneribus, ex meritis Domini IESU
Christi, pariter praeuis, & suo tempore iuxta Divinam
ordinationem exhibendis; & exstituris.

Ex hac assertione certâ & indubitâtâ, relinquitur.
cuilibet colligendum, concludendumque: quàm abyssal-
liter infinitus sit meritorum Christi Domini nostri The-
saurus, qui etiam necdum realiter existens, sed solum-
modò olim futurus praeuisus, suffecerit omnibus tam
Angelis, quàm Hominibus in gratiâ & gloriâ aternâ
collocandis, consummandisque relinquitur etiam perspi-
ciendum, quantâ immensitatis atque infinitudinis sit
Dignitas & Excellentia Domini IESU Christi, cum Per-
sonae, cum actionum operumque illius, quibus adeò in-
effabiliter immentus valor, pretiumque insit: ut tantum
meritorum mare ex eo profluxerit, ac redundarit.

Quod de Angelis, & ADAMO, eiusdemque Innocen-
tiae, (si eum retinisset) statu dixi, idem dicendum sen-
tiendumque est, de statu lapsi humani generis totius,
scilicet, eundem Christi Domini thesaurum meritorum,
tàm necessarium fuisse, quàm & suffecisse, sufficereque,
ac per totam aternitatem suffecturum esse, omnibus, &
singulis hominibus, (quantùm in Christo est,) cum of-
fensò, iratoque DEO reconciliandis, totiue aternæ no-
stræ salutis negotio perficiendo. In quo, quàm abyssal-

Christus di-
uitijs Meri-
torum, & li-
beralitate,
excellenti-
ssimus.

Excell. 29. lis meritorum Christi Domini thesaurus se prodiderit, & adhuc prodat, ex his paucis quæ subijcio capitibus, ex parte aliquantâ elucescere potest.

Primò: Tanta est peccati vel vnus mortalis grauitas & malignitas, vt nullis creatis viribus emendari, emundarique possit, disertè Dominus per Prophetam ait.

Hier. 2. 22. *Si laueris te nitro, & multiplicaueris tibi herbam borith, maculata es in iniquitate tuâ coram me, dicit Dominus DEVS.*

Hier. 17. 1. 4. Et iterum per eundem Prophetam, ita denunciat. *Peccatum Iuda scriptum est stylo ferreo in ungue adamantino, exaratum super latitudinem cordis eorum. Ignem succendisti in furore meo, usq; in aeternum ardebit.* In Animâ siquidem, peccatrice, commissi actu peccati macula, & malitia habitualis, per quam illa peccatrix, & inquinata, DEIQUE oculis, & cordi exosa, & abominanda remanet: ita vt illi, & omnibus dici possit, quod Iosue dixit populo vniuerso. *An parum vobis est, quod peccastis in Beelphegor: & usq; in presentem diem, macula huius sceleris in nobis permanet?*

Secundò: DEI dignitas, Maiestas, sanctitas, bonitasque tanta est, & tam infinitè, immensèque eminens, vt vel in modico solùm læsa, (si tamen ita lædi potest!) & per vnicum mortale peccatum inhonorata, iniuriataque, nullis creaturarum simul omnium viribus ac modis, nullis inquam honorationibus, nullis obsequijs, nullis meritis, precibus, ac obsecrationibus, donis ac sacrificijs, nullis dignitatibus refarciri, recompensari, restaurari, ad æqualitatem, condignitatemque possit. Hoc sibi vult illa

Mich. 6. 6. Michæ prophetæ disquisitio. *Quid dignum offeram Domino? curuabo genu DEO excelso? nunquid offeram ei holocaustomata, & vitulos anniculos? Nunquid placari potest Dominus in millibus arietum, aut in multis millibus hircorum pinguium? nunquid dabo primogenitum meum pro scelere meo, fructum ventris mei, pro peccato Anima mea?*

Tertiò: Vnius peccati mortalis veniam & remissionem, omnium simul Creaturarum omnia merita, preces, satisf.

satisfactiones, dignitates, honoresque, non merentur, nec possunt de condigno obtinere, neque pœnam æternam illi debitam amoliri.

Christus dicitur
meritis Meritorum, & liberalitate,
excellens
simus.

Quæ si de vnico mortali peccato vera sunt, & verè dicuntur, quid sentiendum, & quid affirmandum est, de tam immensâ, innumerabili multitudine, simulque enormitate peccatorum mortalium à creaturis rationalibus, putâ Homini- bus omnibus singulisque commissorum, ab origine usque ad finem sæculorum, & mundi? Quid potest reperiri, vel excogitari dignum & sufficiens omnibus his vel sceleribus expiandis, vel iniurijs DEO illatis recompensandis, vel pœnis pro meritis æternis abolendis. Cogitandis his nulla humana mens satis sufficit, quantò minus perficiendis. Vtinam autem ad ista vel interdum recogitanda, nostræ mentes & conscientiæ sese conuerterent, non utique tam effreni, & insanâ, & incompescibili malignitate, atque temeritate scelera, ab infelicibus hominibus perpetrarentur, omni loco, omni tempore, omni modo. Nunc autem non est veritas, & non est misericordia, & non est scientia DEI in terrâ. Maledictum, & mendacium, & homicidium, & furtum, & adulterium, inundauerunt, & sanguis sanguinem tetigit. Propterea dilatauit infernus animam suam, & aperuit os suum, absque ullo termino: & descendent omnes fortes eius, & populus eius, & sublimis gloriæ eius ad eum.

Oser. 4. 1.

Isa. 5. 14.

Quartò: Amicitia DEI, & fauoris atque Gratiæ DEI siue Actuahs, siue habitualis, atque sanctificantis supernaturalis, participatio nullis omnium creaturarum viribus, meritis, laboribusque Naturalibus obtineri potest à DEO, de condigno, alioqui gratia non esset gratia, neque esset bonum supernaturale, quod tamen supponitur esse. Est autem gratia DEI sanctificans, tam pretiosa res, ut ei comparari in pretio & dignitate non possint. omnia simul huius mundi & vitæ bona ac pretia, adeo ut licet tota terra aurum fieret, totum mare in balsamum verteretur, totum spatium à terrâ ad cælum re-

Excell. 29. pleretur gemmis & vnionibus, minimo gratiæ Dei grano non possent comparari in pretio, non deberent præponi in amore.

Quintò: Idem dicendum est de beneficio Adoptiōnis in Filium Dei: & de beneficio iuris ad vitam beatitudinemque æternam hæreditandam, quod Creaturæ omnes, nec sibi, nec vlli de sui medio singillatim promereri idoneæ sunt, omnibus suis conatibus, meritisque Naturalibus. Est enim ista filiatio adoptiua à Deo, post Vnionem Hypostaticam, & beatitudinem æternam actu possessam, bonum maximum, & donum incomparabile dignitasque inæstimabilis. Hæc enim adoptio euehit hominem cui confertur, ad statum supremum, qui in putam creaturam potest cadere: supremum dico naturā & felicitate, supremum, quia Diuinum, supremum quia, talem, qui hominem reddit Diuinæ consortem Naturæ, & gloriæ, hæredem Dei, cohæredem autem Christi, & omnium Diuinorum bonorum ipsiusque Diuinitatis participem, tanquam filium. Qui status tam est sublimis, & tam suprâ omnes Naturæ humanæ, atque etiam Angelicæ statûs, dignitatesque eleuatus, vt quantumcunque istæ naturæ in suo ordine perficiantur, nulla perfectio peruentura sit, ad statum filij Dei adoptiui, proinde non debet esse, aut dubium, aut mirum, quod eum statum, nec sibi, nec vlli de medio sui, neque vllæ, neque omnes simul obtinere, vllâ ratione possint, idque siue vt primò habeatur, acquiraturque, siue vt ante aliquando habitus, deperditus autem, rursus recuperetur.

Sextò: Vt creaturæ alicuius opera, quantumuis bona & recta de se, sint coram Deo meritoria vel gratiæ sanctificantis, bonorumque eam comitantium supernaturalium spiritualium, vel gloriæ vitæque æternæ: impossibile est, nisi accedat aliqua dispensatio, dispositioque Diuina supernaturalis. Sicut enim omnes brutorum, actiones, quantumcunque in ordine brutæ operationis pertingere possunt: ita omnes naturalis rationis actio-

nes, quantumcunque in suo ordine naturali compleantur, nunquam tamen ad perfectionem actionis supernaturalis, ad æquandam siue in Entitate, siue in valore asurgere prævalent.

*Christus
unius Meri-
torum, & libe-
ralitate, ex-
cellētissim⁹*

Itis positis: omnia ista creaturarum Naturalibus viribus impossibilia: Meritis Domini nostri Iesv Christi, sunt possibilia, & nobis reddita sunt possibilia, & collata sunt, atque adeo in manus & potestatem nostram data sunt nobis.

Primò enim omnia peccata nostra, omnium nostrum singulorumque tam quoad penam, quam quoad culpam adæquatè, ad rigorem iustitiæ diuinæ, immò & superabundanter expiauit, deleuit, & meritorum suorum chelæuro abyssali exsoluit, & obruit. Ita vt eorum, Deus non memoretur amplius, eò quod in profundum Maris meritorum & satisfactionum Christi, quasi grandis lapis descenderint, & absorpta sint vniuersa: & sicut nix, & lana alba sint effecta. Idque non ad vnā, aut alteram, aut centesimam commissionis, remissionisque vicem: sed etiam ad milies, miliesque, absque vllā numeri limitatione repetitam, repetendamue, tam commissionem cuiuscunque hominis peccantis, quam remissionem Dei condonantis.

Et præualeatne quispiam hominum, hanc abyssalitatem meritorum, satisfactionum, miserationumque Domini nostri Iesv Christi, super nos homines, super nos, inquam: qui sumusne indigniores, & viliores, & inutiliores, an sceleratiores, & ingrati, & impij, & rebelles, & mala summa, pro summis bonis retribuentes, & obstinatissimè, quidem retribuentes, meritò, & valde meritò dubitari potest. Ita scilicet, & si maiores sunt nostrum omnium & singulorum iniquitates, quam vllā ex parte veniam & misericordiam mereri, aut sperare possemus: tua tamen Bone Iesv infinitudo miserationum, & abyssalitas meritorum, pro peccatis nostris satisfactionum tanta est, vt omnis iniquitas nostra, pietati tue compa-

Excell. 29. rata sit, quasi gutta ad mare, quasi granum arenæ ad totum terræ globum, quasi atomus ad vniuersum.

Cuius excessus, illud etiam argumentum indubitatum est: Quia Dominus noster merita sua non est paritatus in nos, ita, ut vnicuique, siue peccatori, siue peccato assignauerit attribueritque meritorum suorum partem aliam, atque aliam, huic, & illi, sed absque vllâ eiusmodi distributione, totum (quantus quantus est) thesaurum meritorum omnibus, totumque singulis peccatoribus peccatisque donauit, & Patri suo æterno pro illis obtulit, quo fit, ut nulla humana malitia, nulla peccatorum infinitudo exhaurire possit, miserationes super nos Domini nostri.

Accedit huc etiam illud in Immensum exaggerans DEI, Saluatorisque nostri miserationes & merita, quia, & si meritorum, operumque Christi tantum fuit coram Deo Patre pretium, tantusque valor, propter Personæ operantis, merentisque eminentissimam, (quia Diuinam) dignitatem, ut non oportuerit absolute Dominum IESUM, ad tantos seu labores, seu dolores, seu ceteros sumptus, pro nostrâ plenâ salute ac à peccatis, peccatorumque æternis penis liberatione descendere: sed fuerit satis ad hunc totum effectum redemptionis & glorificationis nostræ, vnicam v. g. lachrymam ex oculis effundere, aut quid minutius etiam facere, & offerre: Nihilominus nimia eius in nos charitas: hoc apud illum egit, & huc illum adegit, ut cum potuerit solâ vnicâ guttâ, maluerit tamen totâ maris meritorum suorum vndâ, nostram emundationem, nostram redemptionem, nostram reconciliationem, nostram vniuersam æternam salutem, & vitam, & gloriam operari.

Quod hæcenus de immensitate Theauri meritorum Domini nostri dictum est, idem omnino & amplius affirmandum est, de eiusdem Theauri infinitudine abyssali, Gratiæ Diuinæ nos sanctificantis, & filios DEI adoptiuos nos constituentis, nobis promerendæ, atque conferendæ

respe.

*Christus di-
uitijs Meri-
torū, & li-
beralitate,
excellenti-
simus.*

respectu. Cum enim certum sit diuersa esse beneficia, remittere offensas alicui, & eundem ad gratiam, ad Amicitiam, ad Filiationem, ad Hereditationem admittere. Potest enim Dominus seruo delicta illius, iniuriasque sibi ab illo factas misericorditer condonare, neque ab eo pœnas promeritas, debitauē contracta exigere: neque tamen seruum amore, fauoreque suo dignari, non eum ad amicitiam, aut familiaritatem intimam, admittere: multo magis potest illum nec adoptare sibi in filium, nec eum bonorum suorum hæredem, possessoremque instituere, aut ad supparem sibi Dignitatem sublimare, & per Adoptionis gratiam, Principem, honorandum ab omnibus reddere. Hæc enim pars, longè alia, & longè maxima est beneficentiæ Domini, seu Regis erga seruum. Propterea Dominus noster IESVS Christus, non satis habuit Patrem suum Æternum nobis reconciliare, & ab eo nobis peccatorum nostrorum, pœnarumque æternarum ijs, vel potius propter illa nobis debitum, veniam remissionemque, modo supra dicto, immensitate meritorum suorum, obtinere, lætam Dignitatem, Bonitatemque, æqualitate, excessuque iustissimæ satisfactionis pro nobis exhibitæ contentam facere: sed insuper hoc egit, & exhibitione infinitorum suorum meritorum hoc apud Patrem æternum obtinuit, vt nos à peccatis, & pœnis, & irâ offensaque suâ absolutos, admitteret præterea planè ad gratiam, ad Amicitiam, ad fauorem, & familiaritatem suam Diuinam, adhuc, adoptaret nos sibi in Filios charissimos, & faceret cohæredes Christi, tanquam veros eius fratres, suos autem Hæredes ac Filios. Totum hoc obtinentibus, præstantibusque nobis apud DEVM Patrem, meritis adæquatissimis Vnigeniti eius, consubstantialisque Filij IESV Christi Domini nostri. Quorum meritorum ratione, intuitu, ac infinitudine, ex iustitiâ, atque debito, confert nobis Pater æternus, & tenetur conferre totum illud, quod prædictum est suarum gratiarum.

Adiscit

Excell. 29:

Adiecit verò his, Dominus IESVS illum inluper cumulum, suprà quam sperari potuit maximum, quia dispensationem, applicationem, huius sui abyssalissimi, sacratissimiq̃ue meritorum thesauri, nobis ipsis in manus dedit, atq̃ue in nostro humano arbitrio deposuit. Recondidit enim merita sua, tùm in superadmirabili, superq̃ue efficaci Sacrificio, tùm in pretiosissimis, simul autem facillimis ad ministrandum Sacramentis; quorum omnium administrationem, dispensationem, & Patri æterno exhibitionem, suoq̃ue Nomine, ac vice, gratiarum & donorum ab eodem Patre exactionem, & hominibus fidelibus, ac ipsi Christo fide, spe, charitate coniunctis, illiq̃ue tanquam viti palmites insertis, applicationem, communicationemq̃ue, ministris suis, ex hominum medio ad id assumptis, ordinatisq̃ue, commisit, & attribuit. Quà in re, & summam beneficentiam effudit, & Homines tali ministerio summè extulit, & summam, mirandamq̃ue facilitatem participandi de meritis suis nobis indulxit.

Præter hæc autem, illum quoq̃ue Thesauri meritorum suorum nobis vsum, effectum, fructumq̃ue, Christus donavit: quia omnibus nostris actionibus quæcunq̃ue peccaminosæ, & peccata non sunt, & quæcunq̃ue à nobis in eius charitatis participatione fiunt, eas naturalem ordinem transcendere, & ad gradum supernaturalium euadere, & meritorias coram Deo facit esse, tùm remissionis peccatorum, pœnarumq̃ue ijs debitarum, tùm acquisitionis gratiarum sanctificantium, virtutumq̃ue & Donorum, ac fructuum Spiritus sancti, augmenti quoq̃ue Gloriæ, ac Beatitudinis æternæ. Id enim omni ex parte, viribus creatis naturalibus omnibus est impossibile, sed est solius Domini nostri donum, & meritorum illius effectus, atq̃ue super nos effusionis fructus.

Ex dictis hætenus evidens est, Dominum nostrum IESVM Christum, ditissimum esse meritorum, simul ac

in eorum profusione liberalissimum, & omnes creaturas cum illo non posse venire in comparisonem. Evidens quoque ex dictis est, quantum creaturæ omnes rationales habeant Boni ex Christo, quantumque debeant, gloriæ, amoris, exaltationis, subiectionis, & gratitudinis Christo? Etiam evidens ex dictis est, quàm vile, miserum, indignumque sit, omne quod à quacunque Creaturâ procedit peragituræ, si id non dignificetur, perficiaturæ ex Christo, & ex meritorum eius pretio atque thesauro? Evidens item est, quantum humana fragilitas mendicitas, & vilitas, subsidij præsentissimi, paratissimi que habeat, quantumque fiduciæ robustissimæ collocare debeat in Christo: sine quo & si nihil omnino facere possit, quod ad vitam æternam proficiat: attamen in eodem omnia perficere, quæ salutis æternæ sunt potest, qui illum confortat; Confortat autem libentissimè, liberalissimè, constantissimè, ita ut nihil in vllâ gratiâ cuiquam desit, nisi ei qui tantam salutem à Deo sibi paratam, negligit, aut contemnit: at quisquis de salute suâ debitè sollicitus est, huic etiam vltro recluditur thesaurus Christi, & haurire datur quantum desideria eius capere possunt, & fit ei fons patens in ablutionem peccatorum, imò erit in eo fons aquæ viæ salientis in vitam æternam. Etiam ex dictis evidens est, quanta, quàm inexcusabilis, quantæ plenissima indignitatis & ingratitude sit, plurimorum, & plusquam plurimorum Christianorum temeritas, negligentia, & tam propriæ salutis, quàm Christi Domini charitatis, liberalitatisque ac meritorum & gratiarum eius contemptus: quibus vsque adeo nulli curæ ac æstimationi, est Christus, & sanguis eius, & mors eius, & merita eius, & meritis ipsdem, ac morte, & sanguine quæsitæ, partaque æterna salus, ut nihil sit Christianis æquè vile, æquè venale, æquè inter postremas curas postremum, æquè inter quævis damna, nullius sensûs, penitudinisque damnum, quàm Christi, quàm sanguinis Christi, quàm mortis Christi, quàm me-

Christus di-
uitijs Meri-
torum, & li-
beralitate,
excellenti-
ssimus.

Zach. 13.
2. Ioan.

ritorum & Gratia, & salutis Christi damnum. Heu!
 quis ista satis agnoscat, satis explicet, satis deploret?
 Ier. 4. 28. propter quod lugebit terra, dicit Dominus. & merbunt
 Excell. 29. cali desuper. Vocem enim quasi parturientis audiui: angustius
 Christus di- quasi puerpera. Vox filia Sion intermorientis, expandentusq;
 uitijs Meri- manus suas. Væ mihi, quia defecit anima mea propter interse-
 torum, & li- ctos. Domine oculi tui requirunt & respiciunt fidem: sed
 beralitate, nunquid inuenire est in diebus his fidem, & non magis
 excellentif- infidelitatem, perfidiam, periurium? percussisti eos, & non
 simus. doluerunt; attriuisisti eos, & reuenerunt accipere disciplinam:
 Ierem. 5. 3. indurauerunt facies suas supra petram, & noluerunt reuerti.
 Ego autem dixi: Forsitan pauperes sunt, & stulti, ignorantes
 viam Domini, iudicium DEI sui: ibo igitur ad Optimates &
 loquar eis. Ipsi enim cognouerunt viam Domini: iudicium DEI
 sui: & ecce magis hi simul confregerunt iugum, ruperunt vin-
 cula, sapientes sunt ut faciant mala, fraudes, prodiciones,
 inuidias, discordias, benè autem facere nescierunt, nol-
 erunt, erubuerunt. Prostituerunt Ecclesiam, prodide-
 rant patriam, euerterunt religionem, perdiderant ani-
 mas, confirmauerunt hæreses: vendiderunt Christum,
 dereliquerunt, & deriserunt DEVM.

O populi Christiani, ô gentes, quibus cognitus est
 Ierem. 5. 23. DEVS, & Christus eius: exuite cor incredulum, & dolo-
 sum, & exasperans, reuertimini & redite: & dicite in cor-
 de vestro. Metuimus Dominum DEVM nostrum: & exal-
 temus DEVM salutis nostræ.

EXCELLENTIA XXX.

*Solus Christus est summus Sacerdos, & Ad-
 uocatus, Mediatorq;, inter nos, & DEVM.*

TRIGESIMA Excellentia supra omnes creaturas Chri-
 sti Domini nostri est, quia ille est Summus Sacerdos
 & Pontifex, idemque Aduocatus noster apud Patrem, ac
 Mediator inter nos, & DEVM. Explicat, & affirmat
 totum

totum, hoc disertè Apostolus PAVLVS: cum ad Habreos scribens, definit quid sit Sacerdotem esse, eamque definitionem Christo perfectè conuenire, ac per hoc verè Sacerdotem esse demonstrat, ait enim. *Omnis Pontifex, ex hominibus assumptus, pro hominibus constituitur in his, quæ sunt ad DEVM: ut offerat dona, & sacrificia pro peccatis.* In quibus verbis PAVLVS, quatuor Sacerdotis condiciones exponit. Prima est, ut sit ex hominibus assumptus, siue ut sit Homo quoad Naturam, assumptus verò, & designatus, institutusque vel immediatè à DEO, vel mediantibus hominibus, iuxta tamen ordinationem DEI. *Nemo enim sumit, seu sumere debet, sibi honorem, & officium Sacerdotale: sed qui vocatur ad hoc à DEO.* Secunda conditio, ut pro hominibus constituatur in his, quæ sunt ad DEVM: ut scilicet sit Mediator inter DEVM & Homines, transigens negotia & DEI ad homines, & hominum ad DEVM, & idè: Tertia conditio Sacerdotis est, tradere populo Diuina: legem scilicet ac voluntatem DEI enarrare, ut DEVM populus nouerit, ut eum colat, amet, eius voluntatem, & præcepta obseruet, vnde dicitur: *Labia Sacerdotis custodient scientiam, & legem requirent ex ore eius, quia Angelus, seu nuncius Domini exercituum est, ad homines.* Similiter ad Sacerdotem pertinet, SACRAMENTA DEI populo tradere, illumque per ea Sanctificare, idè dicitur Sacerdos, quasi Sacra dans. Quarta conditio Sacerdotis est offerre DEO, ea quæ populus in honorem DEI, & in remissionem suorum peccatorum eidem offert. Et hoc fit à Sacerdote per Orationes, & sacrificia pro delictis & peccatis populi, oblata DEO.

Hæ omnes condiciones, & propriè & maximè conueniunt Domino nostro IESV Christo. Qui Sacerdos est, non secundum quod DEVS: DEO enim Sacerdotem esse, conuenire non potest. Essentialiter enim Sacerdos est, minister DEI & ad DEVM. DEVS autem Minister esse nequit, quia Superiorem se non habet: est ergo Christus Sacerdos quia homo, siue, quia DEVS Homo est. Est

Excell. 30. etiam assumptus & ordinatus à DEO immediatè, per ipsam Vnionem, & Vnctionem Hypostaticam, per quam constitutus est Caput hominum, proinde & Sacerdos, & Legislator, & Mediator, & Rex, gubernatorque, ac Doctor, & Pastor populi. Per Christum collata sunt nobis Diuina dona: prædicata Lex, & voluntas DEI: collata etiam SACRAMENTA Diuina, de quorum primo dicit ipse: *Ego autem constitutus sum Rex ab eo super Sion montem sanctum eius, prædicans præceptum eius, cui etiam*

Psal. 2. 6. *Propheta inelamat: Super montem ascende tu, qui Euangelizas Sion; de altero autem testatur Apostolus PETRVS dicens: Per quem maxima, & pretiosa nobis promissa donauit: ut per hæc efficiamini diuina consortes Naturæ: Ad extremum Dominus IESVS obtulit DEO munera pro nobis, & pro peccatis nostris: obtulit enim semetipsum tam in sacrificio, incruento panis & vini: quam in cruento corporis, & sanguinis, & vitæ suæ in Cruce DEO Patri pro nobis, adiunctis precibus & lachrymis cum clamore valido: unde & exauditus est, pro suâ reuerentiâ: quoniam in ipso complacuit Patri, omnem plenitudinem inhabitare, & per eum reconciliare omnia, in ipsum: pacificans per sanguinem Crucis eius, siue quæ in terris, siue quæ in cælis sunt. Cum ergo hæc omnia quæ Sacerdotis sunt, maximè propriè Christo competant: Maximè propriè Christus Sacerdos est, qui condolere potest ijs, qui ignorant & errant, quoniam & ipse circumdatus est infirmitate, infirmitate carnis & humanitatis,*

Hebr. 5. 7. *unde & exauditus est, pro suâ reuerentiâ: quoniam in ipso complacuit Patri, omnem plenitudinem inhabitare, & per eum reconciliare omnia, in ipsum: pacificans per sanguinem Crucis eius, siue quæ in terris, siue quæ in cælis sunt. Cum ergo hæc omnia quæ Sacerdotis sunt, maximè propriè Christo competant: Maximè propriè Christus Sacerdos est, qui condolere potest ijs, qui ignorant & errant, quoniam & ipse circumdatus est infirmitate, infirmitate carnis & humanitatis,*

Coloss. 1. 19. *unde & exauditus est, pro suâ reuerentiâ: quoniam in ipso complacuit Patri, omnem plenitudinem inhabitare, & per eum reconciliare omnia, in ipsum: pacificans per sanguinem Crucis eius, siue quæ in terris, siue quæ in cælis sunt. Cum ergo hæc omnia quæ Sacerdotis sunt, maximè propriè Christo competant: Maximè propriè Christus Sacerdos est, qui condolere potest ijs, qui ignorant & errant, quoniam & ipse circumdatus est infirmitate, infirmitate carnis & humanitatis,*

Hebr. 5. 2. *unde & exauditus est, pro suâ reuerentiâ: quoniam in ipso complacuit Patri, omnem plenitudinem inhabitare, & per eum reconciliare omnia, in ipsum: pacificans per sanguinem Crucis eius, siue quæ in terris, siue quæ in cælis sunt. Cum ergo hæc omnia quæ Sacerdotis sunt, maximè propriè Christo competant: Maximè propriè Christus Sacerdos est, qui condolere potest ijs, qui ignorant & errant, quoniam & ipse circumdatus est infirmitate, infirmitate carnis & humanitatis,*

Hebr. 2. 14. *unde & exauditus est, pro suâ reuerentiâ: quoniam in ipso complacuit Patri, omnem plenitudinem inhabitare, & per eum reconciliare omnia, in ipsum: pacificans per sanguinem Crucis eius, siue quæ in terris, siue quæ in cælis sunt. Cum ergo hæc omnia quæ Sacerdotis sunt, maximè propriè Christo competant: Maximè propriè Christus Sacerdos est, qui condolere potest ijs, qui ignorant & errant, quoniam & ipse circumdatus est infirmitate, infirmitate carnis & humanitatis,*

Est itaque Dominus IESVS Christus, Sacerdos & Pontifex summus; idque ex multis capitibus ac rationibus.

Primò: Quia est Sacerdos, vt DEVS-Homo, gratiâ tam Vnionis, quam sanctificationis suprâ modum excellentis vnctus, & institutus.

Secun-

Secundò: Quia est Sacerdos vniuersalis, pro omnibus hominibus constitutus.

Tertiò: Quia immediatè per semetipsum assistit vultui D E I pro nobis.

Quartò: Quia sempiternum habet Sacerdotium: semper viuens ad interpellandum pro nobis, illi enim dictum est, Tu es Sacerdos in aeternum, vnde & saluare in perpetuum potest, accedentes per semetipsum ad D E V M, quandoquidem manet in aeternum.

Quintò: Quia pro suis peccatis non eguit offerre: Talis enim decebat vt nobis esset Pontifex, sanctus, innocens, impollutus, segregatus à peccatoribus, excelsior calis factus; qui non habet necessitatem quotidie, quemadmodum Sacerdotes, prius pro suis delictis hostias offerre, deinde pro populi. Hoc enim fecit semel seipsum offerendo. Vnde & talem Pontificem habemus, qui consedit in dexterâ sedis magnitudinis in calis sanctorum minister, & tabernaculi veri: quod fixit Dominus, & non Homo.

Sextò: Quia vnico Sacrificio, quod ex semetipso obtulit Patri, absoluit totum suum Sacerdotale munus, complexusque est in eo sacrificio, omnium Sacrificiorum differentias.

Septimò: Quia est Sacerdos, & idem altare, idem sacrificium, offerens & oblatio, idque ita, & ideo, vt omnia in se vno ad vnum etiam reduceret. Quatuor enim spectantur in omni sacrificio: Is cui offertur, is à quo offertur, Id quod offertur, hi pro quibus offertur. Christus ergo vnus ac verus Sacerdos seu Mediator, per suum Patris sacrificium nos D E O reconcilians, & fuit mansitque vnus cum eo cui offerebat, vt potè D E V S: Homo, & ipse vnus erat is qui offerebat, & id quod offerebat: & omnes eos vnum in se fecit, pro quibus offerebat, iuxta illud eiusmet dictum. Et pro eis ego sanctifico me ipsum, vt Ioan. 17. 19. sint & ipsi sanctificati in veritate: vt omnes vnum fiant, sicut tu Pater in me, & ego in te, vt & ipsi in nobis vnum sint.

Christus vniuersalis Sacerdos &c. nomine, excelsissimus. Heb. 7. 24.

Heb. 7. 26.

Hebr. 8. 1.

Excell. 30:

Octauò: Quia Christus Sacerdos, talem fecit sui oblationem: vt non tantum acceptauerit mortem sibi, ab hostibus illatam, quam absolutâ potestate potuit impedire, & à se remouere: verum etiam illam obtulerit per suam voluntatem, in honorem & obedientiam, & placationem Patris, simulque in salutem nostram.

Nonò: Quia Christus talis fuit Sacerdos, qui suo ministerio Sacerdotali, imprimisque Sacrificio, remittebat & delebat peccata nostra, omnia omnium & singulorum, deinde reconciliabat nos DEO Patri: eique pro omnibus debitis nostris, ad rigorem iustitiæ satisfaciebat, Sanctificabat etiam nos, & in gratiâ amicitiaque DEI reponebat, dans nobis potestatem filios DEI fieri fratresque, & cohæredes suos constituens, & demum nos ad vitæ æternæ possessionem introducens. Quod ipsum totum, etiam nunc in Ecclesiâ suâ per Ministros eius operatur, tam in Sacrificio Missæ, quam in Sacramentis à se ad id institutis. Hoc autem nulla vnquam alia Sacrificia Sacramentauè operabantur, in quibus ex opere operato, siue ex vi ipsorum, nulla peccatorum remissio fiebat, sed hoc proprium est solius Sacerdotij, & sacrificij, & Sacramentorum Christi.

Decimò: Quia Christus talis fuit Sacerdos, vt potuerit alios etiam Sacerdotes constituere, ac iidem potestatem suam communicare constituto, ad id certo ritu communicationis. Ita dedit Apostolis, eorumque successoribus potestatem remittendi peccata, Sacrificium quoque suum, quod ipse obtulit, offerendi representando, & repræsentare offerendo, conficiendi quoque & distribuendi Sacramenta eius, cum eodem effectu, hoc est, cum remissione peccatorum, & Animarum sanctificatione.

Vndecimò: Quia Christus Dominus talis fuit Sacerdos, vt Sacerdotium eius non fuerit alligatum, neque ad originem, v. g. primogenituram, neque ad successionem vt fuit in Aaronis filijs, neque ad Electionem humanam, neque

neque ad Characterem aliquem, neque ad aliquam externam ordinationem, vñtionem, consecrationemue: sed fuit Sacerdos ex vi suæ originis, & hypostaticæ Vñionis, atque solius Diuinæ ordinationis: per quam est modo altissimo & perfectissimo designatus, ac (vt ait Apostolus ad Hæbreos) *secundum mandatum vitæ insolubilis, segregatus à peccatoribus*, siue ab hominibus, & potens atque dignus ad intercedendum, nec non offerendum pro illis dignissimum Sacrificium, ad sanctificandum ipsos. Quæ Sacerdotij dignitas atque potestas, partim includit dignitatem Capitis, vt supra dictum est, partim potestatem perfectè merendi alijs, satisfaciendique pro illis, partim vim gratiæ effectricem, partim denique Ordinationem illam, quâ constitutus est Christus, vt esset Mediator DEI & hominum.

Christus summus Sacerdos &c. nomine, excel. lentissimus. Hebr. 7. 16. Ps. 26.

Duodecimò: Quia Christus Dominus in suo Sacerdotio, & functionibus eius, non dependebat à Sacramentis, eorumuè ritibus: sed potius ab eo Sacramenta sicut manarunt, & ritus suos ab eius voluntate institutos habent, ita & ab illo, ritibusque per eum definitis dependent. Idè ille potuit absque Sacramentis, solâ etiam voluntate effectus Sacramentorum: putâ, remissionem peccatorum, gratiam & sanctificationem animarum conferre. Quomodo *videns fidem illorum, qui ante se, per rectum deposuerant paralyticum, dixit: Homo, dimittuntur tibi peccata tua*, hoc autem mirantibus, & blasphemum, putantibus quibusdam, subdidit: *vt autem sciatis, quia Filius hominis habet potestatem in terrâ dimittendi peccata, ait Paralitico. Tibi dico, Surge, &c.* Quo suo facto ostendit Dominus virtutem suam in remittendis peccatis hominibus, absolutam fuisse ab omnibus ritibus Sacramentisque externis.

Luc. 5. 20.

Decimò tertio: Quia Christus fuit Sacerdos talis, vt eius Sacerdotium fuerit, & sit ordinatum, ad offerendum DEO sacrificium, non solum incruentum, sed etiam cruentum, habens ex vi ipsius offerentis proximi, scilicet

Chri-

Excell. 30.

Christi, valorem atque virtutem, ad sanctificandos illos, pro quibus est oblatum: quod nulli Sacerdotes ne quidem Nouæ legis habent, si quidem isti Nouæ legis ministri, solummodò possunt offerre Sacrificium, ut ministri Christi, & in virtute ipsius, atque in Personâ illius, & ordinatum ad applicanda merita & satisfactiones eiusdem.

Decimò-quartò: Quia Sacerdotium Christi, & ipse Sacerdos Christus, non fuit eiusdem rationis cum Sacerdotijs & Sacerdotibus, tam legis Naturæ, quàm legis scriptæ, quàm etiam legis Nouæ: sed eminentioris cuiusdam, altiorisque ordinis; habens in illo genere infinitum, quendam excessum, ac dignitatem ratione Personæ: ita, ut non sit possibile, tale genus Sacerdotij, quale est Christi, eodem modo, & cum eadem perfectione, alicui puræ creaturæ communicari: deberet enim illi prius communicari dignitas Vnionis Hypostaticæ, quæ sola est vnus primusque fons in Christo sui Sacerdotij, sicut & Mediatoris, & Capitis, & aliarum dignitatum eius. Fatendum tamen est alia prænominata Sacerdotia, & si Sacerdotio Christi inferiora, habuisse nihilominus cum Sacerdotio, ac simul cum Sacrificio Christi eorum sacrificia similitudinem, atque ad illud respectum, quando quidem omnia Christum, & eius sacrificium respiciebant, & repræsentabant, in lege Naturæ & scriptâ; respiciunt autem & repræsentant in lege Nouâ, ut faciliè patet singula inspicienti. In Naturæ enim lege, Sacerdotium, primogenitorum iuris erat, & absque alio exteriori ritu obtinebatur, obibatur verò & exercebatur interdum, in talis rei oblatione, quæ similis esset sacrificio Christi, ut patet in Melchisedech sacrificio constante, ex pane & vino. Quæ omnia in Christo perfectius erant. Nam & est Primogenitus omnis creaturæ, & non vnus tantum alicuius familiæ. Et solâ Vnionis Hypostaticæ vnctione ordinatus est: & incruentum Corporis & sanguinis sui Sacrificium, sub speciebus panis & vini obtulit, propter quod ei

Psal. 109. 4. dictum est. Tu es Sacerdos in æternum secundum Ordinem Melchi.

Melchisedech: quia eius Sacrificium in pane & vino, præfiguravit Melchisedech. In lege verò scripta, Sacerdotium, & omnis generis eius Sacrificium, fuit umbra & figura Sacerdotij, atque Sacrificij Christi, & si numero tantum vñici, præsertim quoad Sacrificium cruentum, sine sanguine enim (ait Apostolus) non fiebat remissio peccatorum, in lege veteri: Christus ergo Dominus, obtulit etiam sacrificium cruentum, deque suo corpore & sanguine perfectum, in remissionem peccatorum nostrorum, & in sanctificationem nostram perfectam: virtute & efficaciam sanguinis, mortis, meritiq̃ sui perficiendam.

Christus summi Sacerdotis &c. nomine, excellentissimus.

Hebr. 9. 22.

In lege Nouæ: Sacerdotium & Sacerdotio Christi simile & subordinatum: partim quia à Christo institutum est, partim quia potestatem, offerendi sacrificium illius ipsius rei quàm Christus obtulit, ipsius nempe Christi accepit, & in Personâ ipsiusmet illud offert: partim quia in potestate Christi confert, etiam veram perfectamque remissionem peccatorum, atque animarum sanctitatem. Quæ adeo efficax similitudo Sacerdoti legis Nouæ, cum Sacrificio Christi, sicut est summæ excellentiæ, ita hoc sacerdotium Nouæ legis attollit suprâ cætera Naturæ & scriptæ legis Sacerdotia. Neque solum super hæc Sacerdotia, sed absolutè supra omnes huius temporis, ordinisq̃, creaturis communicari solitas dignitates: adeo ut ipsam quoque Maternitatem DEI certa quâpiam ratione transcendat: adeo etiam, ut in ordine cultûs dulici, specialem & altiolem cæteris dignitatibus mereatur venerationem, quæ Sacerdotibus legis Nouæ debetur, adeo denique, ut in hac verum creaturarum quàm DEVS seruat gubernatione, nihil sublimius, nihilque eminentius post Incarnationem, & Maternitatem DEI, DEVS creaturis, in speciem autem hominibus, communicauerit, communicareuè possit, quàm Nouæ legis Sacerdotium.

Liceat mihi ô Sacerdotes DEI, ô sacra & electa DEI Christi, quâ Ecclesiam Sponsam suam dotauit, & dirauit,

Excell. 30.

& firmavit Sponsus eius: liceat (in quam) mihi vos hic alloqui, & vobis vestram Electionē, Vocationem, Dignitatem, Potestatem, Colligationem commemorare, atque commonstrare, in his quæ prædixi de Christi Sacerdotali Excellentia, & de vestra ex eâ participatione, per illamque exaltatione.

Electio vestra est, quod sitis medulla generis humani, segregata in Sanctificationem, & vestri, & aliorum: suprâ omne meritum vestrum, solo Christi merito dignū.

Vocatio vestra est, Diuinæ non tantum adesse, verum etiâ quodammodo præesse Maiestati: totius apud DEVM generis humani curâ gerere, ac illi apud DEVM patrocinari.

Dignitas vestra est: Regalis sacerdotij, & Sacerdotalis Regni. Habetis enim Regnum, quod est super omne regnum, nimirum super Christum ipsum: & super Animas sanguine ipsius emptas, quæ solo Sacerdotio vestro ad vitam æternam, & ad DEI possessionem, fruitionemque securè, ac legitimè dirigi possunt.

Potestas vestra est, potestas æterna, & alteri non dabitur siue generi, siue muneris: Est Potestas cuius nutum ipsa DEI potestas voluntasque expectat, & obseruat: Est potestas arbitra omnium liberarum Voluntatum, atque Conscientiarum, cui omnes illæ se submitunt, & suimet vltro rationem reddunt, quotiescunque in seculo consistere desiderant. Est præterea potestas vestra super omnem totius Christi substantiam. Hypostasim seu Personam Diuinam, & simul super Naturam Humanam, Diuinæ substantialiter innexam: cui vos Nouam, sed tamen eandem, imperatis, impertitisque exultentiam, tot sæculis, tot locis, tot videntibus, totiesque vltis, siue vti volentibus, indubitata præsentia fruitione exhibendam.

Obligatio vestra est quamam? Hic hæret ô Sacerdotes, hic hæsitat tam calamus, quam animus, de eâ dicere non valens, quis enim edisserat omnia? aut quis ignoscat edisseri pauca? Sacerdotes non dixero: factis id quidem, & quasi totum, sed quis ad hoc compendium

*Christus sū-
mi Sacerdo-
tis &c. no-
mine, excel-
lentissimus.*

pendium capiendum idoneus? Dicam Angeli, Domini exercituum estis, verum: sed parum est, dicam, super vos ascendit *DEVS* tamquam super Cherubim: & de ore vestro requiri excipique scientiam & omnem legem? verum quoque, sed etiam parum est, dicam, Sacerdoti, & puritate quāvis putiores vitā, Moribus, Corpore, Spiritu, lingua, Conscientiā, totā viuendi ratione ac seriē immaculati estis. Sicut & *DEVS*, cuius Sacerdotis estis, Sanctus est, verum est, sed necdum dixi satis. Ignis estis: esse certē debetis, ipsis Seraphinis magis igniti, ignei que: quorum flammis totus Mundus ardeat: quorum calore omnium peccatorum, glacies gelu suum dissoluat: quorum ardore omnis ferrugo scelerum in puritatem niueam exoquatur, quorum supplicandi assiduo feruore, velut impenetrabili muro, furor omnis iræ iustæ *DEI* reprimatur, refringaturque, quorum mortificationibus, sacrificijs, laboribus, Zelo, concilietur, mollescatque in Beneficia, & miserationes *DEVS*, quorum prædicationibus, expiationibus, monitis, Concilijs, persuasionebus, increpationibus, super omnia optimis exemplis, educatur, pretiosum ē vili. extrahantur mentes ē cæno, eripiantur Animæ ab inferno, corda subueantur sursum, & collocentur in celo, vindicentur à diabolo, & asserantur, restituanturque *DEO*. Estis o Sacerdotes Matres Christi, parturientes nos nobis & Christo, ipsumque in nobis Christum? donec formetur in mensuram plenitudinis ætatis suæ in nobis. Estis Sacerdotes *DEO* quasi thesaurarij, & dispensatores Meritorum Mysteriorumque Christi, assistentes vultui *DEI* iugiter pro nobis, legatione fungentes ad omnes nos pro Christo, tamquam *DEO* exhortante per vos, vt reconciliemur *DEO*.

Ergo agite: Sancti estote, sicut & *DEVS* cuius Sacerdotes estis, Sanctus est, sanctificamini, qui fertis vasa Domini: qui fertis ipsum Dominum, qui portatis Corpus & Sanguinem, & Animam, & Personam, & vniuersam Mentorū Donorumque Domini opulentiā. Absit vt in vos

cadat illud acerbè dictum per Prophetam: sicut populus sic Sacerdos: dicatur potiùs, sicut Sacerdos ita & populus: *ut fiat forma gregis in quo vos Spiritus Sanctus posuit regere Ecclesiam DEI, quam acquisiuit sanguine suo & semetipsum tradidit pro eâ: ut illam sanctificaret, mundans la-uacro aqua in verbo vite, ut exhiberet ipse sibi gloriosam Ecclesiam, non habentem maculam, aut rugam aut aliquid huiusmodi: sed ut sit sancta & immaculata.*

EXCELLENTIA XXXI.

Solus Christus est summus Regum omnium Rex.

TRIGESIMA PRIMA Excellentia super omnes Creaturas IESU Christi Domini nostri est: Quia ipse est Rex summus omnium Regum, Dominusque & Dominator Dominantium, ac Monarcha Monarcharum. Affirmat hoc disertè ipse Dominus de seipso, dicens: *Data est mihi omnis potestas in calo & in terrâ:* Quibus verbis, tamquam in summa complexus est omnem Naturam, plenitudinem perfectionemque Regiæ suæ potestatis, vnde ex illis iisdem verbis colligi possunt, omnes condiciones quibus Dominus IESVS, Rex est, & quibus omnem omnium aliorum Regum excellentiam excellit, exceditque.

Conditionum istarum Prima est, quia Christus est Rex non tantùm secundùm Diuinitatem suam: quomodo vna cum Patre, & cum Spiritu Sancto, *est Rex seculorum, immortalis & inuisibilis*, ideoque illi, *Soli DEO honor & gloria in secula*, ut affirmat Apostolus: verùm etiam Rex est secundùm Humanitatem theandricam, & Diuinæ Personæ hypostaticè vnicam. Id enim ipse Dominus satis ostendit in adductis verbis: *Data est mihi omnis potestas*, Christo enim quâ DEO, non est data, sed innata, atque cum ipsâ Origine ex Patre, insita & congenita Regia-

gia potestas, & Natura: quæ quoniam sibi ad Personam adiunxit Humanitatem, illamque in ipsâ fecit subsistentem, ac per hoc constituit DEVM-Hominem, Christum, constituit etiam simul eandem participem, hæredem, & Naturâ Regem. In quo Christus vnus solus, singularisque est, & nullum consortem, nullum participem habet, habereuè potest: iuxta illud à Dauide pronunciatum. *Propterea quia ad Personam Verbi assumptus es, vnxit te DEVS oleo Hypostaticæ Vnionis, omnisque Dignitatis & Potestatis etiam Regalis, præ omnibus participibus, nullo scilicet ex eâ tecum ad æqualitatem participante, vix autem, ac ne vix quidem vmbra eius imitantur.*

Secunda Condicio Regiæ Potestatis Christi Domini est, ex priore manans, nimirum quia Rex est Naturâ, & origine, Natus planè ad regnandum, imò natus Regnans. Non ex illo solum capite: quia de stirpe Regiâ, deque Regali Davidis Regis, per Virginem MARIAM deriuato sanguine editus est, iuxta illam de illo Angelicam prædictionem. *Dabit illi Dominus DEVS, sedem David Patris eius, & regnabit in domo Iacob in æternum, & regni eius non erit finis;* sed etiam ex illo fonte, quia ad Diuinitatem assumptus, quin etiam, quia ad assumptionem istam prædestinatus est, ex hoc etiam statim & naturaliter constitutus, effectusque est Rex, propter quod *in femore eius,* scriptum ex tunc est, *Rex Regum, & Dominus Dominantium,* in femore scriptum (inquam) adiudicandum, ex Naturâ, & ex Generatione competere illi, Dominari, & Regnare, Dominumque ac Regem esse.

Tertia Condicio Regiæ potestatis Christi Domini est, esse Regem omnium, & singularum rerum visibilium, & inuisibilium, materialium & immaterialium, corruptibilium & incorruptibilium: maximarum & minimarum: altissimarum & infimarum. Comprehendit enim Regnum Christi omnem latitudinem, & longitudinem: omnem altitudinem, & omne profundum: omnem du-

Excell. 31. rationem temporaneam & æternam, omne quod corporeum, & quod spirituale, & quodcunque creatum est.

Est Dominus noster, Rex Empyreï cæli, quod est sedes Beatorum omnium, & in quo est totius beatitudinis, & vitæ æternæ, domicilium, nullâ mortali cogitatione, 1. Cor. 2. 9. aut cognitione peruestigandum, quoniam *nec oculus vidit, nec auris audiuit, neq; in cor hominis ascendit*, illud grande, illud ineffabile, illud sublime, illud perennis gaudij, & gloriæ, & salutis, & vitæ, & felicitatis, & beatitudinis beatissimæ plenum, & superplenum & superabundans, & superexcedens, illud denique omnis boni aggregatio-
ne perfectum. In hoc cælo Empyreïo, in hac beatitudinis omnimodæ & omnigenæ sede Christus Rex, & beatissimis illis incolis, siue ij sint Angeli, siue Homines: siue Angeli, siue Archangeli, siue Virtutes, siue Principatus, siue Potestates, siue Dominationes, siue Throni, siue Cherubini, siue Seraphini, siue Apostoli, siue Patriarchæ, siue Prophetæ, siue Martyres, siue Pontifices, siue Sacerdotes, siue Leuitæ, siue Confessores, siue Virgines, siue omnis generis & conditionis Electi, & Sancti sint, præsidet; omnibus regnat, omnibus dominatur, omnibus præmia pro suo arbitratu, nec non pro cuiusque merito, suæ verò gratiæ ineffabili dono largitur, perque omnes sæculorum æternitates largietur: cum perenni pace, cum plenâ satietate, cum omni securitate, cum omni plenitudine. Hoc enim est Beatum, & Beatorum Regem esse, regnare cum Beatis, regnare in Beatis, regere beatos, & Apoc. 7. 17. ducere illos ad vitæ fontes aquarum: qui fontes sunt illemet ipse, cum Deo suo æterno Patre, & cum Spiritu Sancto.

Est deinde Christus noster, Rex cæli vniuersi visibilis, sub Empyreïo constituti, est Rex Solis, Lunæ, stellarum: quæ illi *lucent cum iucunditate*, ordinatissimos supernè choros agitan-
tes, quibus ille omnibus & singulis nomina vocat, & cui omnes vocatæ ad omnem nutum respondent, Adsumus; suntque omnes in signa temporum, & in tempora

Christus Regis
galis titulo.
excellenti-
simus.

pora signorum, præsidentes diebus & noctibus; Annis & mensibus, omnibusque terræ huius infimo loco sitæ vñibus. Istud certè super astra cæli, ipsosque cælos omnes regnum, nemo præter vñum, & solum Christum obtinet: nemo illis virtutes, quibus in hæc inferiora terræ influant elargitur, non astrologorum figmentis, & ementitis coniecturis, phrasibus, prædictionibusque, fauorem aut fallax fundamentum substruendo, non genensibus, aut genethliacis aspectibus, congressibus, conspirationibus, & in liberas quaslibet mentes, voluntatesque dominationibus, & præsidentiis aliquem friuolum locum, dando: non facis, factorumque legibus necessitantibus, vniuersa seruiendo seruiliterque succumbendo: sed omnes syderum cursus concursusque ad arbitrium omnipotentis suæ voluntatis, atque Prouidentiae dirigendo, moderando, & in fines terminosque beneplaciti sui recti, iusti, salutaris, & sancti inflectendo, & deducendo. In quâ potestate ac dominatione, nulla creatura Christo nostro similis, nulla particeps, nulla par, sed ipse solus vnusque tam calorum, quam stellarum, quam planetarum arbiter, dominus, Rex est, ita vt etiam quoad hoc soli illi competat dicere: *Data est mihi omnis potestas in celo.* *Matt. 28 18.*

Pariter autem Dominus noster est, Rex Aëris vniuersi, necnon omnium eorum, quæ in Aëris vniuersi regionibus, climatibus, impressiõibus, alterationibus, alterationibusque reperiuntur, siue eæ sint calor, & ignis, & fulgura, & tonitrua, & sulfur, & comætæ, & quælibet flammantium exhalationum genera: siue sint vapores, & fumi, & nubes, & imbres, & pluuia, & nimbi, & niues, & grando, & glacies, & spiritus procellarum, & venti. Omnia enim hæc faciunt verbum eius, quo accedunt omnia volatilia pennata, volucres quoque cæli, siue aëris incolæ, quos omnes Dominus, tanquam Pater & Rex pascit, vestit, pingit, regit, adeo vniuersim, vt nullus eorum *Matt. 10 29.* *sine ipso cadat super terram: adeo prouidè, vt quamuis neq. Matt. 6, 26.* *serant,*

serant, neq; metant, neq; congregent in horrea: tamen ipse omnia
 Excell. 31. *pascat, & saginet:* omnibus modulos suos, cantusq; assignet, cum omnibus nidos mira dexteritate construat, & protegat: præsensiones tempestatum, periculorum, rapinarum inferat, sagacissimeq; instillet, postremò hunc Domini nostri, super aëream omnem regionem, dominatum ac Regnum manifestissimè declarauit, admirabilis illa & per omnem modum ineffabilis Domini eiusdem Ascensio, super omnes cælos: quando non attractus funibus, non iussus scalis, non alarum subnixus adminiculis, non Angelorum subleuatus obsequio, sed propria suâ operante, potestate Rex aërearum regionum in superna cælorum conscendit, probans euidentissimo testimonio, se non minùs aëris, quàm cæterarum vniuersi partium Regem, atq; Dominum esse.

Præter hæc, est Dominus noster IESVS Christus, Maris & omnium Aquarum Rex. Quoniam ipsius est mare, & ipse fecit illud, ipse condidit omnia viuentia, atq; natantia in aquis mirabilia, & innumerabilia, tam in speciebus, quàm in multitudinibus suis, ipse indidit vniuersis stupendas industrias, potentias, ordinationes suas, secundùm quas & temporibus, & locis, cæterisq; conditionibus omnem humanam indaginem euincitibus, ea discreuit, ita vt tamen coniunxerit: ita coniunxit, vt nihilominus separata ab inuicem agmina ex illis instituerit. Ne multis morer in enarrandis mirabilibus potentiæ prorsus Regalis DEI nostri, super maria & omnes aquas eius. Quis calcabile & solidum pedibus, gressibusq; humanis mare, & sibimet fecit, & cui *Lucæ. 5. 4.* voluit, præbuit? Quis capturas piscium copiosissimas, *10. 22. 21. 11.* solo suo iussu dedit? Quis ad dexteram nauiculæ Apostolicæ, centum quinquaginta tres grandes pisces inueniendos sciuit, & comprehendi fecit? Quis ori piscis didragmam pro se, & pro P E T R O soluendam inseruit, piscem homo sese induere, & capiendum primum omnium dare mandauit? Quis ventos & mare saeuientes, ac
 tempe:

tempestuosè furentes, minis & increpatione, imperioq; *Matt. 8. 17.*
compescuit, & in malatiam composuit, obedientesq; *Christo Re-*
habuit. Opera hæc sunt Domini nostri IESU Christi, *gali titulo,*
ventis & mari, & tempestatibus eius imperantis, atq; *excellentis-*
vt suum Regale imperium sentirent, facerentq; non *simus.*
effictâ animatione, sed imperantis Maiestate efficientis.
Quibus accedit illud argumentum eiusdem potestatis,
quod in Canensibus Nuptijs edidit Dominus, quando *Ioan. 2. 8.*
la ipsius voluntatis, iussione aqua substantiam suam in
verum substantialeq; Vinum transmutauit. Sed nullo
in opere Dominus noster, admirabilem & absolutam,
magis Regiæ suæ in aquam dominationis virtutem,
exercet, atq; manifestat, & quidem quotidie, ne dicam
quauis horâ, vel momêto, quam quando accedente Ver-
bi illius, virtute ad Elementum aquæ, conficitur SACRA-
MENTVM, seu signum visibile inuisibilis gratiæ, omnem
signatum hominem sanctificantis, hoc est à peccato ori-
ginali & innato, necnon ab omni aliâ personali, si reper-
ta sit, noxâ plenissimè emundantis, insuper autem Gra-
tiâ Diuinâ sanctificante ditantis & dotantis, Filiumq; *Dei*
adoptiuum, & vitæ æternæ hæredem constituentis,
tum verò etiam virtutum omnium siue Theologicarum,
siue Moralium, Donorum quoq; ac fructuum omnium
Spiritus Sancti copiosâ accumulacione, nullâ vi crea-
tâ, præterquam propriâ liberè malâ voluntate deperden-
dâ, adimplentis atq; locuplerantis. Hæc est illa vox,
& virtus Domini nostri IESU Christi, *super aquas multas,*
vniuerso generi humano, vsq; ad consummationem
seculi, abluendo & emundando copiosè suffectura, quam
Dominus ex tunc aquis perenniter indidit, quando à ba-
ptismo IOANNIS de Iordane ascendit, secum quodam
modò demersum educens, & eleuans mundum, quando
baptizatus est Agnus, & aquas ipsas lauit, lauacroq; admi-
rabili idoneas effecit. Atq; ex his indubium euadit, nulli
creaturæ ne omni quidem simul tale Regnum, in aquas
omnes competere, quali Dominus noster in illas domi-
natur.

Jam verò qualis, & quantus est Dominus noster super omnem terram, omnesque, insulas, omnes regiones & regna terræ, enarrare aut comprehendere, quis verbo animoque poterit? Ipse est **DEVS** magnus, & **REX** magnus, super vniuersam terræ molem. Ipse altitudines montium conspicit: ipse vallium omnium profunda penetrat: Ipse omnia terrarum viscera, & metallorum, reconditoria rimatur, & possidet. Ipse omnium ferarum & syluestrium dominus, ipsius sunt omnia pecora campi, ipsi omnes greges seruiunt, ipsi omnia viuunt & ministrant, & ab eius manu implentur omni benedictione: ipsum sentiunt omnia semina terræ, & ad eius imperium benedictionemque multiplicantur, & in vastas segetes crescunt, & in immensas omnis generis lignorum arborumque syluas dilatantur, & foliorum suorum, fructuumque, ac seminum, cæterarumque virtutum sibi propriarum qualitatibus & comuntur, & ornantur, & dicantur, & conseruantur. In manibus Regis huius, & quinque panes piscesque duo, itemque septem panes & pisciculi pauci, in quinque, & in quatuor millia virorum, præter paruulorum & mulierum numerunt, abundè suffecerunt, & tantò amplius superfuerunt, quæ Domini nostri semel, iterumque facta in admiratione fuerunt ijs, quibus quotidiana in tot annorum millibus, & in tam innumeris gentium populis edita, edendaque miracula viluerunt, non quia minora, sed quia perpetuo ordine vsuque, admirationem mereri, seu habere desierunt. Quæ nihilominus res, in omni prudentum iudicio, immensitatem potentia, abyssalemque simul profusionem, in omne genus non tantum humanum, sed etiam in vniuersitatem omnem animantium, & quorumcunque viuentium, plusquam euidenter manifestat, atque etiam Christo Domino regnum, super omnem terram asserit.

Sed nihil æquè maiestatem, & amplitudinem Regis, ac Domini nostri **IESV** Christi prædicat, quam eiusdem, super genus omne humanum, superque omnem illius condi-

conditionem, & statum regimen & Regnum absolutè, plenum & perfectum. Igitur Christus est omnium cælestium, Regum & Dominantium Rex & Dominus, omnes & singulos, regno illo suo æternè beatissimo, & beatissimè æterno complectens, atque regaliter remunerans, necnon Reges eos Regnumque construens, & regnare faciens in omnium sæculorum æternitatem, de quo supra aliquid dictum. Est deinde Dominus noster, Christus Rex, super omnes prædestinatos & Electos: *in ipso enim Electi sunt, ante mundi constitutionem*: & eos ipsi Pater suus æternus dedit in manus, ut nemo pereat ex eis in æternum quos ille speciali dilectione, & efficaci meritorum suorum applicatione complexus, cum esset, usque in finem dilexit, & in sanguine suo pretioso redimit ac lauat, omnesque vitæ cursum ipsorum sic prouidentia suâ moderatur, sic auxilijs efficacibus gratiæ suæ communit, præueniendo, cooperando, subsequendo, ut inter quilibet huius præsentis vitæ varietates, imò etiam ceptitationes, viam nihilominus salutis inueniant, ac demum finaliter obtineant, & tandem ad portum vitæ æternæ appellant. Est quoque Dominus noster Rex, super omnes præscitos, seu reprobos, qui quamuis ab ipso dilecti, & in sanguine ipsius appretiati, eodemque redempti, atque ad potestatem ut filij Dei fiant, admissi, & quantum ipso Domino est, consortio adipiscendæ salutis æternæ adiuncti subsidijque, gratiæ ad vitam æternam idoneis, misericorditer & largè suffulti, propria tamen ipsimet voluntate & culpâ, declinant à rectâ salutis viâ, & in arcum prauum conuertuntur, & pro vitâ deligunt mortem, & tenebras magis diligunt quàm lucem, & demum media salutis deferere, media verò perditionis suæ, constanter ac finaliter retinere malunt. Quibus tamen etiam sic misère infelicitèrque spontè suâ constitutis, misericors gratia Saluatoris per omne tempus vitæ ipsorum non decit, nisi ipsimet repellentes à se Deum, incognos se faciant vitæ æternæ, & ipsi Naturæ luminis,

Excell. 31.

atque rationi, naturaliter de bono & malo, de honesto & probroso, de iusto & iniquo, de licito ac illicito, erudienti, atque manu ipsos ad id, quod rectum est ducenti, *per quod signatum est super omnem hominem, lumen vultus Domini, rebelles damnationem sibi acquirant.*

Pari ratione Dominus noster IESVS Christus, Rex est omnium damnatorum, tanquam inimicorum quidem suorum, & rebellium: verumtamen debellatorum, & sub iugum missorum carcerique æterno, & supplicijs ardoribusque sempiternis, adiudicatorum & adstrictorum. Cuius carceris, vel (vt Scriptura vocat) Abylli, atque putei, clavis, siue potestas in manu est Christi, quippè eius, tanquam Domini, *sunt exitus & ingressus mortis*; & ad imperium eius omnes serui nequam, pigri, infideles, vestitu nuptiali mensæ Regiæ accubitu digno carentes, ligatis manibus, & pedibus, mittuntur in tenebras exteriores, & morti secundæ traduntur pascendi atque depascendi, fumo tormentorum eorum ascendente, & ascensero in sæcula sæculorum. Vbi tamen non ad condignum, sed infra condignum, illa pænæ mala arbitrio Regis Christi temperantur. Illud super inferos & damnatos regnum, asseruit luculenter descensus ille Domini, post eius mortem per actus ad inferiores partes terræ, vbi quosdam quidem, scilicet Patres Sanctos *eduxit de lacu, in quo non erat aqua: & captivam eduxit captivitatem*: eduxit etiam, si non omnes, at plerasque Animas de purgatorio, accelerans eis indulgentiam pænarum, tunc vel maximè efferuescente ad misericordiam suâ Passione, atque morte: *Eduxit quoque spiritus illos, qui in Noëtico diluvio iram DEI super se incumbentem videntes: penitentiam egerunt, & ad Christi Anima ad inferos descendentis prædicationem salutem æternam consecuti sunt*; alios autem seu impios, seu miseros, in Inferno repositos in statu suo dereliquit. Quibus gestis Dominus sortem illum armatum, nempe diabolum vicit, & *vasa eius diripuit, spoliaque illius abstulit*; atque vires & potestatem confractam domuit, & qui-

Zach. 8. 11.

Ephes. 4. 8.

1. Petri 3. 19.

& quidem vna cum affeclis eius omnibus, insuperque cum peccato & morte, cuius aculeum & victoriam resurrectione suâ confregit, ac edomuit in æternum. *Quoniam resurgens ex mortuis, iam non moritur, & mors illi ultra non dominabitur.* Quod verò supremam Domini nostri super inferos potentiam firmat, illud est: *quia in inferno nulla est redemptio*: hoc est, quia sententiam Christi semel in impios & damnatos, iusticiâ vindicatiuâ decernente, latam, nulla potestas, nulla authoritas, nulla, ne diuina, quidem misericordia, aut clementia, irritatura, aut saltem temperatura est in omnia sæcula sæculorum.

Est quoque Dominus noster IESVS Christus, Rex vitæ omniumque viuentium, Rex item mortis & omnium mortuorum, insuper Rex omnis Resurrectionis ex mortuis. *Omnes enim qui in monumentis sunt, audient vocem Filij Dei, & ex corruptione resurgent incorrupti, & omnes manifestabuntur, stabuntque ante tribunal Christi, reddituri de omnibus factis suis, usque ad verba otiosè prolata, rationem, & recepturi singuli, prout quisque gesserit in corpore, siue bonum, siue malum.* Tunc à Rege Christo separabuntur *Oves ab hædis, iusti ab impijs, & ibunt hi in supplicium æternum, iusti autem in vitam æternam.*

Atque istud est Regnum Christi DEI Dominique nostri, quo ille regnabit in domo DEI Patris sui (qui est Pater Verbum & Spiritus sanctus) in æternum, & regni eius non erit finis.

Et hæc demonstrant cæteras condiciones, Regni Christi. Præterquam enim quod sit (vti recensitum est) Rex omnium absolutè rerum creatarum, materialium & immaterialium: estque specialiter Rex omnis creaturæ rationalis, & est Rex absolutus, independens, Rex cuius potestatem nemo circumscribere potest, neque restringere; Rex præterea est, quantum ad regnandi durationem sempiternus & æternus, quantum ad regnandi & regni spatia, immensus, illimitatus, infinitus, à centro terræ infimo, usque ad altissimi cæli empyrei sum-

Mm;

mum

Christi Regali titulo, excellentissimus.
Roman. 6. 9.

Ioan. 5. 28.

2. Cor. 5. 10.

Excell. 31. mum seu conuexum, quantum ad absolutionem est Rex, non tantum personarum ac substantiarum, sed etiam, Mentium, Cordium, Libertatum, consiliorum, propositorum, voluntatum: ita ut nulla cogitatio, nullus mentis animiue quicunque motus, tam humanus, quam Angelicus illum lateat, illiusue moderamini non sublit, non tantum quoad omnem entitatem suam, sed etiam, quoad omne esse morale, bonitatis & malitiæ: honesti & inhonesti; meriti & demeriti; itemque præmij & supplicij.

Quamuis autem Rex Christus, tantus ac talis sit, in eoque Regno neque parem, neque socium habeat habereue possit: communicat tamen ille electis suis hoc regnum, dicens ad illos: *Venite benedicti Patris mei, possidete regnum, quod vobis paratum est, à constitutione mundi: & quod ego passione & morte meâ, ex obedientiâ erga Patrem meum, & ex amore studioque salutis vestræ vobis promerui. Hinc etiam electi gratias agentes illi, & magnificantes eum, confitebuntur ei: Fecisti nos Domine* *Apoc. 5. 10.* *DE o nostro, regnum: & regnabimus tecum, in gloria Patris tui, in æternum.*

Non solum autem hanc communicationem Regni sui, exhibet electis sui in illâ æternâ ac beatâ, sed etiam in hac temporali vitâ, facit enim nos Dominus IESVS meritis & gratijs, donis & virtutibus, priuilegijs & potestatibus, præualentes, quomodo dat etiam quandoque non electis, attamen fidelibus suis, *potestatem calcandi super omnem virtutem inimicam*, potestatem eiiciendi dæmonia, potestatem dimittendi peccata, & animos ipsos hominum regendi, iudicandi, adstringendi, abfoluendi à vinculis spiritualibus. Quo etiam modo dat suis fidelibus, ut paupertate spiritûs, & persecutionum pro nomine perpeffionibus, possideant regnum calorum, dat eis ut per fidem vincant Regna, adipiscantur repromissiones, accipiant de resurrectione mortuos suos. Dat eis etiam virtutem regnandi super semetipsos, super peccata & vitia

& vitia sua: super effrenes & indomitas passionem suas, *Christus Re-*
super terrena & belluina desideria sua, super amorem sui *gali titulo,*
inordinatum, super proprias rebelles voluntates suas. *excellensif-*
Dat eis quoque, ut abrenunciantes omnibus, quæ chara *simus.*
in hoc mundo possident, ipsi etiam toti mundo, valedi-
cant, amorem parentum, filiorum, fratrum, vxorum,
amicorum, omnis carnis & sanguinis, suimet denique
ipsorum exuant, atque in sanctum odium conuertant.
Quæ omnia tale regnum, imò talia Regna, Electorum,
Christi sunt, ut omnibus alijs, temporis & mundi huius
regnis, excellentiora sint, id quod ipse ille impostor, &
hostis noster diabolus, non dubitauit sensu suo compro-
bare. Cum enim *Christo in montem excelsum valde assum-*
pto, ostendisset omnia Regna mundi & gloriam eorum: dixit
Domino. Hac omnia mea sunt, & cui volo do illa, hac
omnia dabo tibi, si cadens adoraueris me. En diaboli, de
omnibus mundi regnis, de omni gloriâ eorum iudicium,
quo vnicae sui adorationi postposuit omnia illa. Ergo
diabolo iudice magis & maiores Reges sunt contempto-
res mundi, quàm possessores illius etiam totius.

Matt. 4. 8.

Et quid dicam de Regno virtutum, quod Dominus
noster electis suis communicat in hac vita? Quantum
regnum voluntaria & votiuâ Deo paupertas? Quantum
regnum obedientiæ, per quam sese totus homo seipso,
totâ voluntate suâ, toto sensu, iudicioque suo, toto In-
tellectu, & prudentiâ, consilio, sapientiâque suâ exuit,
propter amorem IESU Christi, & imitationem obedien-
tiæ ipsius, usque ad Mortem, Mortem autem Crucis?
Quantum Regnum castitatis est: quâ homo ita debel-
lat, ita subiugat, ita exuit, & abnegat semetipsum, ut in
Angelorum Sanctorum statum atque gradum, non qui-
dem aequè felicem, sed tamen magis fortem transferat,
atque inserat? Quid dicam de Regno Charitatis atque
Dilectionis DEI, super omnia ex totis viribus, totâ virtu-
te, totâ Animâ: itemque de Proximi cuiuscunque, etiam
inimici & malefactoris dilectione, peræquali ad suimet
amo-

Excell. 31. amorem propter DEVM. Affert quascunq̃ue vis, aut
potes rerum vniuersi huius Magnitudines, Maiestates,
Glorias, Opulentias, fortitudines: & quidquid amplum,
cogitare prauales: omnium horum Maior est charitas,
Maius est regnum his omnibus, vnius soliusq̃ue chari-
tatis. Et quidni maius sit? quando *Charitas DEVS est,*
& qui manet in charitate, in DEO manet, & DEVS in eo.

Sic nimirum, Sic Dominus noster, & Rex IESVS
Christus, Regnum suum Electis suis, etiam in hac vitâ
mortali communicat, dans illis Regnum virtutum, & fa-
ciens eos potentes virtute, pulchritudinis spiritualis studium,
possessionem dominiumq̃ habentes. Quâ in re eminentissi-
mum Christi regnum, elucet luculentissimè. Neque
enim aut sunt, aut esse possunt vlli ex Creaturis Reges,
qui his quos regunt subditis virtutes suas, pro suâ pro-
priâ potestate, atq̃ue voluntate infundant, quod noster.
ioan. 15. 5. iste Rex facit perinde, *ut vitis palmitibus suis*, ut ipse fare-
tur, non solum exhibens exterius ministerium, aut im-
perium, sed etiam interius suggerens operando virtu-
tem. Quin etiam suas proprias virtutes, circa suorum
subditorum bonum & commodum omnimodum exer-
cet. Nam *per Sapientiam* scientiamq̃ue suam, cognoscit
omnes indigentias nostras, *per Omnipotentiam* suam, ad-
iuuat infirmitates nostras, *per Charitatem & bonitatem* su-
am, omnes nos diligit, & vult nobis benè, vult omnes
saluos fieri, sicut omnes redemit, *per Misericordiam* su-
am, totus misericordijs liquefcit, & sanat omnes languo-
res nostros, *per Prouidentiam* suam, planè regalem ac Pa-
ternam, ipse regit nos, & nihil nobis deesse facit, in loco
pascuæ suæ collocans nos semper, *per Magnificentiam* li-
beralitatemq̃ue suam, non tantum sua, sed etiam semet-
ipsum donat nobis, etiam ad esum & potum vsq̃ue suæ
carnis suiq̃ue sanguinis, necnon omnis substantiæ suæ:
per Iustitiam prudentiamq̃ suam, gubernat, coërcet, pro-
mouet nos, remuneraturq̃ue. Ad extremum *Beatitu-
dine suâ*, beatos nos facit: & quidem *cum aternitate suâ*,
per.

per quam Regnum suum nunquam auferet à nobis, sed in saculum saculi regnare nos faciet in se, & ipse pariter regnaturus in nobis. Et hæc quidem sunt Christi, Regis nostri regnandi conditiones, quas ille exercet circa nos, quas nullus alius Rex exercere præualet, circa subditos suos.

Christi Regali titulo, excellentissimus.

Quin potius valde opposito, se modo habent circa illos. Nam Reges mundi, suis populis imponunt tributa, & onera grauias: & importabilia, quæ ipsimet digito suo nolunt tangere. Noster autem Rex Christus, tributa remittit, aufert à nobis iugum iniquitatum nostrarum, & ipse pro nobis de suo proprio soluit debita nostra. Reges populorum exhauriunt & enungunt illos: ut ipsi dicentur & abundant, & in bonis damnisuè illorum luxurent. Rex autem noster Dominus Iesus, cum diues esset, & nullus egeret, egenus & mendicus propter nos factus ita est, ut in hoc mundo non haberet, ubi caput reclinaret. Quam sapè & turpiter Reges gentium ius & fas, & rectum honestumque deserunt, & iniqua vel faciunt, vel fieri mandant, etiam si Dauides, aut Salomones sint, Regem verò nostrum Christum nec fallit ignorantia, nec deprauat malitia, neque excæcat cupiditas, neque passio subuertit, si quidem est Rex Sapiens, & iustus, & iustitiam diligit. Regum huius mundi, sanguinariæ plerumque sunt, & duræ leges, & à quibus ipsi absoluuntur: At nostri Regis, Mandata grauias non sunt, dicente ipso. Venite ad me omnes, qui laboratis & onerati estis, & ego reficiam vos. Tollite iugum meum super vos, iugum enim meum suauis, & onus meum leue: denique ipse in obseruatione legum suarum præluceat exemplo: & neminem ad se vocat, nisi etiam ut sequatur se præeuntem. Exemplum dedi vobis, ut quemadmodum ego feci, & vos similiter faciatis: ait ipse, sicuti & illud. Si quis mihi ministrat, me sequatur: & ubi ego sum, illic & minister meus erit. Reges huius mundi, ut plurimum sunt inaccessibiles, animique illorum intractabiles, familiaritas paucis conceditur, &

1. Ioan. 5. 3.

Matt. 11. 29.

Ibid. 21. 30.

Ioan. 13. 15.

Ioan. 12. 16.

Excell. 31. de mutatione alienationeque animi semper suspecta, inuidijs, obrectationibus æmulatorum obnoxia: Rex autem noster, nulli vnquam accessum ad se negat, qui ad eum accedere velit: cupit sibi omnes esse quàm familiarissimos, vultque tales omnes suos esse, vt amicitiam suam, non tantum non inuideant, verum etiam provideant mutuo sibi apud ipsum: illeque est ei gratissimus, qui quàm plurimos ad eius amicitiam adducit, eiusque gratiæ, & amoris participes facit. Reges huius mundi accipiunt successores, & quidem varijs ex caulis: Rex noster nullum metuit successorem, cum Regni eius nullus sit futurus finis, & admittit quidem, imò facit coheredes, *facitque sedere in throno suo*: attamen absque omni priuationis regni periculo. Talis est Rex noster Dominus IESVS Christus, cui non apponetur alius similis ei: Huic Regi omnis quidem creatura, omnis mens Rationalis, omne genus humanum, maximè tamen omnis populus Christianus, sicut fidem & cognitionem, ita quoque spem & fiduciam, inprimis autem charitatem, & super omnia dilectionem omni iure debet, debet reuerentiam, debet exaltationem & laudem, & gloriam, debet deuotionem, obsequium, & obedientiam, debet gratiarum actionem, debet seruiendi eius voluntati perpetuam, promptitudinem, constantiam, fidelitatem, debet insatiabilem, infatigabilem, inuincibilem, quantumcunque, cum eius gratiâ præualeat, omnium hominum, ad eius cognitionem, dilectionem, venerationem subiectionem, mandatorum obseruationem, virtutum eius perfectam imitationem, adducendi curam.

Christiani, populus Regis Christi, natio signata in fidem & Amorem IESV: conuertatur quæso vnusquisque vestrum, ad Obligationem professionis suæ, & funditus circumspiciat, introspeciatque indolem vocationis suæ, hoc est, Religionis Christi. Si Christus est Dominus noster, vbi est timor & reuerentia eius inter nos? Si Christus est Rex noster, vbi est amor, vbi honor, vbi obedientia

entia mandatorum eius? Si Christus nos emit sibi, & fecit Regnum sanguine suo? ubi est condigna æstima-
tio, & tractatio, dispensatioque pretij eius? Nullus Regum fuit, est, esse potest, pluribus iustioribusque titulis Rex, quam Dominus IESVS Christus Rex noster est: nullus tamen infelicior (verbum quo indignitatem rei significantius explicem, non reperio) nullus inquam infelicior est in Regno suo, apud incolarum Regni sui maximam multitudinem, magis, quam idem Rex noster. Christus? Ipsum diaboli regnum apud damnatos, apud impios, magis suo diabolo subiectum est, quam Christi apud Christiano., adeo ut meritò impropere damon. Christo, maiore, fideliore, promptiore, sumptuosiore, curâ animoque serui sibi, sibi inquam, hominum capitali, & omnis perditionis eorum authori inimico: ab ipsis hominibus, nullius à se præmij, nisi æternæ damnationis secum consortij certis, serui & obediri, quam à suis Christianis, pretiosi sanguinis, mortisque impendio redemptis, seruiatur & obediatur Christo. Atque sunt, qui referant fide dignissimi scriptores, ipsorum damonum confessione, ipsos damones tangi miseratione Christi Domini, ob tantam stragem Christianorum, ad inferna descendendum, cum inæstimabili & irreparabili iniuriâ, damnoque impensarum à Christo factarum, in salutem hominum. Heu quantum hoc probrum hominum Christianorum, & maximè eorum, quibus cura salutis incumbit aliorum, damones quidem miseratione tangi damnorum Christi: Christianos autem, & Pastores, curatoresque Animarum perditione æternâ illarum, non tangi.

Christo Regali titulo, excellentissimæ.

Laurent. à Ponté in Matth.

EXCELLENTIA XXXII.

*Solus Christus est summè, & perfectissimè
subiectus DEO.*

TRIGESIMA SECUNDA Excellentia super omnes Creaturas, Christi Domini nostri est: Quia ipse solus est summus & perfectissimus DEI seruus, excellentissimoq; modo illi subiectus, ita ut nulla creatura pertingat, nec pertingere possit ad eam sublimitatem, plenitudinemq; perfectæ seruitutis subiectionisq; ad DEVM, quæ & quanta in Christo Domino reperitur.

Videtur primâ fronte, contrariam esse Excellentiam alicuius, seruum esse, & subiectum alteri, dominumque habere, ac imperium dominumque pati. Quemadmodum enim liberum, ac sui iuris esse, ad propriumque arbitrium viuere, censetur vulgò, etiam à prudentibus, perfectio quædam, feliciterque, & excellentia: ita per contrarium, seruire, & alieno nutu arbitratoque gubernari, miseria quædam, & infelix conditio vitæ, censeri vulgò assolet.

Sed enim aduertendum est: esse aliquam libertatem seruam, & miserè indignèque seruientem: per oppositum verò esse seruitutem, valdè & verè liberam, atque planè ingenuam. Qua de re disertè Apostolus pronunciauit, cum dixit *Cum serui essetis peccati, liberi stis iustitiæ.* Quibus verbis indicat Apostolus, duplicem esse tam seruitutem, quàm libertatem: vna est libertas misera & falsa, quia est seruitus peccati propria & vera, nihil enim miserius & seruius, quam pro arbitrio prauo ac perditæ libero seruire peccatis, nefandisq; moribus: alia est libertas vera, honesta, felix, & ingenua: quia est seruitus iustitiæ, nihil siquidem est magis ingenuum, magis honestum, magisque secundum rationem, quam legibus iustitiæ adstringi gubernari & subdi. Est igitur aliqua

aliqua seruitus minimè seruilis, aut probrosa, per quam seruitur iustitiæ, & libertas obtinetur ab iniquitate, & omni prauâ, indignâque animi corrupti affectione, & est aliqua libertas improba, & homine sobriæ mentis indigna, quæ iustitiæ honestatisque iugum excutens, libere per scelera vagatur, tantò magis seruitutis, onus & pondus sibi aggrauans. quantò amplius iustitiæ renunci-ans, virtuti-que valedicens. Experimento id quotidiano ducimus, ac planè palpamus. in vitâ humanâ. Nonne videmus ebriosos, non posse ab ebrietate quotidianâ, quin & crebriore abstinere? Nonne videmus quomodo libidinosi adamantinis planè catenis ad probra suarum, libidinum, vel inuiti trahuntur? Tam verò auaros, vsurarios, ambitiosos, iracundos: nonne videmus, ad insaniam furoremque ipsùm à suis malitiæ morbis raptari? Nempe mancipia sunt tot dominorum, imò dæmoniorum, quot viti-orum. Tam absurdam illis imponente, seruitutem illâ suâ, pro arbitrio. contra ius fas, legemque iustitiæ, viuendi cæcutiente, & excæcante, libertate, verius autem licentiâ. Vice autem versâ: in Libertate quâ iustitiæ vacant, piæ ac virtutibus dedicæ mentes: quàm pulchra, quàm sincera, quàm irrefragabilis, quàm vincens aduersâ omnia, quàm obfirmate inhærens Deo, eiusque sanctissimæ voluntati ac dilectioni, seruitus ar-ctans, ac veluti cogens ad omne quod honestum, quod iustum, quod pudicum, quod sanctum, quod dignum & placitum est Deo? An non seruitutem hanc iustitiæ passus PAVLVS, qui de se testatur? *Quis nos separabit à* Rom. 8. 36. *Charitate Christi? (quæ utique est ipsa vera, summa iustitia) tribulatio? an angustia? an fames? an nuditas? an periculum? an persecutio? an gladius? Sed in his omnibus superamus propter eum, qui dilexit nos. Certum sum enim, quia neque mors, neque vita, neque Angeli, neque Principatus, neque Virtutes: neque instantia, neque futura, neque fortitudo, neque altitudo, neque profundum, neque Creatura alia poterit nos separare à Charitate Dei, quæ est in Christo IESU Domino nostro.*

Na;

En.

Excell. 32.

En liberatum à peccato, seruum autem iustitiæ hominem. Cuius seruitutis amorem, studium, experimentum, violentiam, utinam omnes, qui Christianam professionem censentur, utinam omne humanum genus, condiscat, usu ipso frequentatissimo induat! utinam hæc sit vltima, & vnica gloria, gloriatioque nostra, seruos esse iustitiæ, seruos esse IESV Christi, seruos esse DEI nostri, per IESVM Christum Dominum nostrum.

Hoc ergo comprobato, quod non omnis seruitus sit misera, sed sit etiam quædam honesta, & ingenuo animo digna, imò debita: pariterque sit libertas minimè libertas, sed potius seruitus & captiuitas, captiuans miseram hominis animum, in lege peccati, & tot dominis subiiciens quot vitijs, quoniam *qui facit peccatum, seruus est peccatis* hoc (inquam) comprobato, agnoscendum vltius est, atque confitendum, seruitutem DEI, quàm temens humana rectè ac debitè ad DEVM habet, & per iusta est, esse ipsissimam, perfectissimam & absolutissimam, cum libertatem, cum iustitiam. Nihil enim iustius est, quàm ut ei subditus sis, à quo accepisti ut sis. Itaque seruitus DEI, summa iustitia est, colere & amare DEVM, summa pietas est, denique seruire DEO, regnare est.

Hinc autem vltius, subinferre licet seruitutem DEI, & subiectionem ad DEVM, esse omni creaturæ, maximè verò rationali convenientissimam, esse DEO ab omni præsertim rationali creaturâ, omni iure possibili, & cogitabili debitissimam, esse summam pietatem, summam iustitiam, summam dilectionem, summam venerationem, summam gratitudinem & gratiarum actionem, summam laudem, & exaltationem, quæcunque & quantacunque DEO à creaturâ suâ obuenire tam potest, quam debet, rursum etiam consequens ac euidens est, seruire & subesse DEO creaturam, hoc esse maximum bonum, creaturæ, maximum honorem dignitatemque creaturæ, maximum & meritum, & præmium apud DEVM creaturæ,

turæ, hunc esse vnum, solum, maximum, præstantissimumque modum, quo vel sibi DEVM creatura demereri, vel se illi summum, quod potest pro omnibus bonis in se ab eo collatis retribuere, vel vicissim quod DEVS summum in creaturam bonum conferre, creaturamque ditare, & exaltare, & beatam reddere possit: nempe seruire illam sibi facere.

Christo perfectissimam erga DEVM subiectione, excellentissimam.

Indaget quicumque intellectus, etiam Diuinus quodnam munus & officium, possit DEVS creaturæ impondere, quodue creatura possit coram DEO, siue DEO præstare: quod non sit seruitus, quod non sit obsequium, quod non sit DEO subesse, quod non sit DEVM præesse.

Non potest DEVM Creatura creare, non potest Dominus DEI esse, non potest DEVM gubernare, & Rex eius esse. Non potest Iudex, aut remunerator DEI esse. Non potest (verbo dicam) vllâ ex parte, dignior DEO esse, aut aliquam dignitatem coram DEO, parem DEO, supra DEVM habere. Vna & sola seruitus est, quam creatura potest habere à DEO, & ad quam solam creatura admitti potest à DEO: & sine quâ intermistâ omnibus, nihil creatura potest præstare DEO, nihilque acceptare à Creaturâ DEVS.

Euidens, & quo euidētius neque esse, neque cogitari potest, exemplum huius rei habemus in Domino nostro IESV Christo, in quo nullam (excipio hypostaticam vnionem, Verbiq̃ue ad Humanitatem nostram, adglutinationem) inuenimus prærogatiuam, dignitatemque excellentiorem, præter eam, quæ seruitus DEI Patris æterni est: vel ipsam intimè intermistam habet, adeo quidem, vt ipsa etiam Persona Verbi, quatenus Humanitati iuncta est, conditionem nihilominus seruilem habeat. Igitur etiam in DEO Homine Christo, seruitium DEI eminet, & præualet, & in eo seruum DEI esse, summum est, & incommunicabilis Excellentia est. Sicut enim, nulli creaturæ communicata est, assumptio ad personam Verbi: ita nulli creaturæ competit seruire DEO, seruūque

Excell. 32. uumque esse DEI, in Personâ etiam Verbi, secundum Naturam assumptam à Verbo. Sic ergo Christus Dominus est vnus, ac solus, summus inter omnes seruos DEI seruus, quoniam ille est solus DEVS-Homo DEI seruus.

Atque huc videtur B. PAVLVS Apostolus respexisse, istamque Excellentissimi Seruitij Diuini, conditionem. 1. Cor 15. 23. enarrasse de Christo, quando dixit. *Primitia Christus: deinde ij, qui sunt Christi, qui in aduentu eius crediderunt. Deinde finis, cum tradiderit regnum DEO & Patri, cum euacuauerit omnem principatum, & potestatem, & virtutem. Oportet enim illum regnare, donec ponit, omnes inimicos eius sub pedibus eius. Nouissima autem inimica destruetur mors. Cum autem subiecta fuerint illi omnia, tunc & ipse Filius subiectus erit ei, qui subiecit sibi omnia, ut sit DEVS omnia in omnibus.* Quibus verbis Apostolus, Seruitium Christi ad DEVM Patrem, tam hoc quod in presenti statu, & cursu labentis seculi, vsque ad finem eius exercet: tam illud quod post finem huius seculi, cum omni plenitudine exercebit, per omnem æternitatem, enarrare videtur.

Veniet enim tempus, seu magis seculum, in quo non erit vltra tempus, & cessabunt omnia ista, quæ modò aguntur, cessabit motus, cessabunt vicissitudines omnes, omnes series ortuum & interitionum, omnes hominum curæ, omnia Angelorum ministeria: omnia, etiam tentamenta dæmonum, doli fraudes, furores, in salutem humanam euertendam instructi. Cessabit etiam & desinet navis Ecclesiæ iactari fluctibus, portum iam æternæ quietis tenens, & simul cum suo Capite, tanquam Corpus eius, nouissimum inimicum, sempiternæ ac immortalis Resurrectionis privilegio calcans.

Veniet (inquam) sæculum quo terminabuntur tempora, incipient autem nunquam terminanda æternitatis sæcula, tunc scilicet, quando Dominus noster IESVS Christus, præcipitato in puteum abyssi, & in lacum, ignis, tum dracone, tum omnibus, qui ex parte sunt af-

fecilis

seclis eius, Ecclesiam Electorum, ac Sanctorum suorum, in Ciuitatem Beatorum ciuium, Societatemque multorum nullum Angelorum introductam, tanquam Regnum suum, à DEO Patre regimini, & prouidentiae suae olim commissum tradet eidem DEO Patri, ad hoc quidem inprimis, ut à visione & fruitione vultus illius Diuini satientur, deinde, ut, quando nihil aliud supererit agendum, omnes satiati, sed tamen insatiabili semper studio, & affectu fruitivae Charitatis, DEO in pace in ipsum seruiant, dormiant, & requiescant, atque illum in domo sua, per saecula saeculorum laudent, nec laudando fatigentur: quia laus ista, merces eorum erit. Mercedis autem receptione fatigatur nemo, ut verò vicissim DEVS in omnibus regnet, ut omnes ab ubertate, & diluuiio, domus suae inebriet, ut omnes contemplatione, dilectione, possessione, retentione, fruitione, & latitiam sempiternam extatiet, ipseque his ipsis beatæ creaturæ suae, tam felicibus, quam finalibus obsequijs, seruitijsque & honoribus extatietur, ac delectetur.

Tunc, & ipse Filius, Dominus scilicet IESVS, subiectus erit ei, qui, subiecit ei omnia: ut sit DEVS omnia in omnibus. Non quod non semper, & in omnibus, & Totus, cum omnibus suis à DEO sibi traditis, subiectus fuerit: Ipte enim dixit. *Pater, maior me est*, secundum hominem assumptum: qui aliàs, secundum Verbi personam, *unum cum eo est*, uti etiam ipse testatus est; sed quia dum Electorum numerus non consummabatur, simul & semel vniuersus, dum alij, & alij prædestinati prædestinati, iuxta seriem prouidentiae aeternae succedebant, dum salutis Electorum negotium, inuestigabilibus iudiciorum & ordinationum concatenationibus pertexebatur: dum Electorum alij iam comprehensores, alij autem necdum viatores essent: dum item Electorum alij quidem amici ac filij, alij contra adhuc inimici, & rebelles essent: non erat regnatiua, & gubernatiua potestas Christi Domini, perfecta & completa etiam in Eccle-

Christo per-
fectissimam
erga DE-
VM subie-
ctione, ex-
cellitissimam.

Ioan. 14. 28.

Ioan. 10. 38.

Excell. 32. *fiam, sed adhuc in executione, manca, neque plena, quoniam plenitudo gentium necdum intrauerat in eam: nec erat adhuc vnum ouile, vnusque Pastor: sed adhuc Dominus dicebat: alijs quidem, Venite post me, faciam vos fieri piscatores hominum: alijs: Videte regiones, quoniam albae sunt ad messem: rogate ergo Dominum messis, ut mittat operarios in messem suam; alijs etiam: Ite & vos in vineam meam, & quod iustum fuerit, dabo vobis. itemque. Negotiamini, dum venio. ideo non erat, nec esse poterat Christus Deo Patri, hoc est, Sanctissimæ Trinitati vni Deo Patri, Verbo, Spiritui Sancto, plenè & per omnia subiectus, neque tradere Regnum eidem, nondum euacuato omni principatu, & potestate, &c. ut potè, qui Corpus suum totum, nempe Ecclesiam completam nondum habebat.*

At postquam sagena Missa in mare huius mundi, & sæculi congregauerit ex omni genere piscium: postquam exhibunt Angeli, & bonos pisces in vasa elegerint, malos autem foras miserint: postquam perpurgauerit Dominus aream suam ventilabro, & frumento in horreum congregato, paleas combusserit igne inextinguibili: postquam de medio tritici, collecta fuerint zizania, & alligata in fasciculos, in ignem missa fuerint: postquam Rex in sede Maiestatis suæ sederit, & his quidem, qui à sinistris eius erunt, dixerit: *Discedite à me maledicti, in ignem æternum;* his autem, qui à dextris illius erunt, dixerit: *Venite benedicti, possidete regnum.* Hæc (inquam) omnia quando consummata fuerint, fueritque propalata Sanctorum via, quando Rex cum populo, Pastor cum grege, Pontifex cum Ecclesiâ, Caput cum corpore, Procurator vineæ cum operarijs, Sponsus cum prudentibus Virginibus, intrabit ad Nuptias: tunc Deo Patri tradet Regnum, tunc & ipse Filius subiectus erit ei, qui subiecit ei omnia, & erit Deus Pater, Verbum, Spiritus Sanctus, omnia in omnibus: tunc nimirum Christus iam vacabit, non amplius in procurandam salutem Electorum, non in consummationem Sanctorum, non in completionem sui

fui Corporis, quod est Ecclesia intentus: sed vacabit completissimæ, & absolutissimæ, & vni ac soli summæ Seruituti, summæque ac soli subiectioni, quia nulla deinceps supererit cui vacet operationi, sed soli duntaxat Diuinæ faciei ad faciem visioni, contemplationi, laudationi, & omnimodæ glorificationi, ac beatificationi Sacrosanctæ & Indiuiduæ Trinitatis, cui hoc vno & solo modo seruire poterit.

*Christo perfectissimam
erga Deum
subiectionem, excellentissimam.*

Tunc Sanctissima Trinitas, Deus Pater, Verbum, Spiritus Sanctus, post suam suimet abyssalem, essentialemque Deificam fruitionem, ac beatificationem, quâ ab æterno, substantialiter beatificat semetipsam, fruatur etiam, competenti sibi modo, creaturæ, siue Electorum suorum seruitio, & maximè Christi filij sui, per quem saluata, & ad ipsum fruendum, eidemque finaliter beatificè seruiendum, adducta est omnis humana creatura.

Hæc autem seruitus beatifica, non erit alia, quam amari & amare, possideri & possidere, teneri & tenere, penetrari & penetrare, ad plenum, & perfectum, abyssaliter & diuinè, DEVM & à DEO, DEVM à Domino IESV eiusque Electis, à DEO Dominum IESVM & eiusdem Electos, ita vt omnia desideria Electorum DEO expleantur, vicissimque omnia DEI desideria, ab Electis, quantum creaturæ fas sit satientur, ita quoque vt DEVS ab Electis ex toto corde, ex tota mente, totis viribus, totâ animâ, totâ fortitudine suâ diligatur super omnia: Electi autem vicissim accipiant à DEO menturam bonam, confertam, coagitatam, & superfluentem, eam quæ in finem suum colligant, ac possideant. Atque tunc erit DEVS omnia in omnibus, erit omnia in semetipso per silentiam, erit omnia in Christo filio, per unionem ad Verbum Hypostaticam, erit omnia in Electis per visionem, dilectionem, possessionem, fruitionemque beatificam æternam: Ita redundanter, ita inmensurabiliter, quomodo mare piscibus in se natantibus vndique redundat & inundat, quomodo lux Solis aërem penetrat

Excell. 32.

& possidet, ita DEVS, tam Christo, quam omnibus electis eius, & beatificè glorificationeque meritis ac supereminet, ut illi quidem sint, & insint in ipso: ille autem super ipsos, quomodo (ut prædixi) pisces sunt in mari, mare autem comprehendit, viuificat, vegetat illos, & superabundat, superque eminet illis: tanquam seruis bonis & fidelibus, qui iam intrauerunt in gaudium Domini sui, & in quibus Dominus diluuium suum, inhabitare facit.

Sed quando hæc erunt? Quibus filijs hominum hæc erunt? Audite hæc filij hominum: percipite & intelligite corde. Agnoscite, & exaltate DEVM. Hominem, DEVM seruum. *Qui cum in formâ DEI esset, non rapinam arbitratus est esse se æqualem DEO: sed exinaniuit semetipsum, formam serui accipiens.* Glorificate Filium DEI, & Filium Hominis, in formâ DEI, filium DEI; in formâ filij Hominis, seruum DEI. Seruus est; quia non venit inter nos ministrari, sed ministrare: seruus est, & factus est in medio nostri: sicut qui ministrat, seruus est, & omnium nostrum se fecit seruum, seruus est, ut nos seruos faceret ei, voluntate, cuius serui sumus naturæ & creationis conditione. Seruus est: & factus est seruus eius, seruilis formæ assumptione, cui coæqualis & consubstantialis est in Diuinitate. Seruus est, & seruit ei, cui seruiunt omnia. Seruus est, & seruitute suâ facit, ut sit DEVS in omnibus omnia, ut sit DEVS omnibus omnia, ut DEI sint omnia: ut in DEO sint omnia: ut propter DEVM sint omnia. Ad extremum Seruus est, & seruitus eius Electorum speculum atque exemplar est: ut ad instar illius, DEO seruiant Electi, per omnia, & super omnia, & faciant DEO seruire omnia.

O homines: creati à DEO, ut seruiatis DEO per omnia: propter quos DEVS condidit sibi Christum, ut eius seruitij exemplo, in præstando sibi seruitio erudiret omnia. Et erudit sane, erudit, erudietque & dum abesse, festinant tempora, & dum perdurare contendunt

æter-

æternæ aeternæ sæcula. O quis det hominibus, dignam, hac Christi eruditione & magisterio mentem, ut à Christo discant seruire DEO: ut à Christo discant erudire omnes in seruitio DEI, ut ad exemplar Christi discant efformare, discant adducere, quam plurimos seruos minus DEO, ut discant à Christo, ex tam multis rebellibus DEO, exhibere seruos, & subiectos quàm plenissimè DEO.

Christi per
fectissimâ
erga DE-
VM subie-
ctione, ex-
cellētissimâ.

Væ nobis, non discantibus, nec discere volentibus à Christo, quomodo debeamus & ipsi nos, & cum multis alijs eruditis in Christo per nos, deseruire DEO. Væ nobis, qui & ipsi non seruimus, nec ambulamus cum DEO, dignè DEO? & insuper, quâ verbis quâ factis detrahimus homines ab obsequio Domini, ne seruiant DEO.

Beati omnes qui sunt de populo seruorum DEI: beati omnes, qui ad ideam Christi, & in hac vitâ seruiunt, & in futura seruient Domino DEO suo. Etenim in sæcula sæculorum seruient ei illum laudando, & laudabunt eum illi seruiendo: seruitute beatificante: beatitudine seruiente.

Nolle enim hoc debet, & intimis sensis suis inradicatum habere omnis rationalis Creatura, quia sicut nihil amplius exhibere tenetur Creatori, præterquam ut seruiat ei, ita nihil amplius restat, quod Creatura denegat Creatori, præterquam ut non seruiat ei. Et quemadmodum ob nihil aliud potest DEVS condere creaturam, nisi ob seruiendum sibi: ita nihil etiam DEVS à creatura rationali exigere potest, nisi seruitium suum. Et DEVS creaturæ nihil debere, nihilque reddere potest, nisi vel præmium si ei seruiat, vel supplicium, si non seruiat. Et non aliud quidem præmium, nisi noui & æterni beatificique seruitij: Non aliud etiam supplicium, nisi denegati in æternum omnis seruitij. Et sicut nullum optabilius, & amabilius præmium esse potest creaturæ, quàm si DEVS promittat, & donet: In æternum mihi desermes, ita nullum acerbius, & formidabilius sup-

Excell. 32.
Christo per
fectissimâ
erga DEVM
subiectione,
excellen-
tissimâ.

plicium esse potest creaturæ, quàm si DEVS minetur, & edicat illi. *Non seruias mihi in æternum.* Ea propter, neque Christus, neque Beati eius, vllum præmium habent à DEO maius, quàm quia seruaturi sunt DEO in æternum, neque damnatis vlla pœna maior infligetur: quàm ea, quia DEO non seruaturi, sed rebelles & inimici futuri sunt in æternum.

Vtinam homines Christiani hæc saperent, & intelligerent, & intimis medullis animi ponderata reponderent, recondita dignos fructûs proferre facerent.

Atque hæc, quæ hætenus de Christi IESU erga DEVM seruitute dicta sunt: ostendunt eundem, & esse seruum, & summum seruum, & solum perfectissimè ac incommunicabiliter seruum, & iam quidem esse, sed tamen maximè & completissimè post diem extremi iudicii, fore cum omnibus electis DEI seruum.

EXCELLENTIA XXXIII.

Solus Christus est Sanctorum remunerator, & glorificator, æternus in Calis.

TRIGESIMA TERTIA, eademque vltima Excellentia Domini nostri IESU Christi est, quia ille solus est omnium Electorum & Sanctorum DEI remunerator, & glorificator beatificus, æternusque in calis: & ante finem quidem mundi; maxime tamen, & absolutissimè post finem eius, & post absolutum illius Vniuersale iudicium à Domino. In quo munere neminem ex creaturis consortem, aut parem habebit, sed hoc est solus opus, solius officium, solius dignitas, solius præmium laborum. *Pro eo enim, quod laborauit Anima eius in mortali corpore degens, videbit semen longæuum, & voluntas Domini in manu eius dirigetur, & ipse iustificabit in scientiâ suâ muros, & fortium spolia diuidet.* Quod præmium laborum tuorum, simulque officium erga electos suos, recipit,

cipit, exequiturque Dominus Iesvs iam inde à primo exortu, & Incarnatione suâ, maximè tamen à Resurrectione suâ ex mortuis, ascensioneque in cælos, & a confessu ad dexteram Patris; recepturus, executurusque toto hoc tempore durantis sæculi, & Ecclesiæ in ipso sæculo, per cuius decursum Dominus attendit Ecclesiæ suæ regimini, & Electorum indemnitati, donec tandem consummatio illorum appetet, & omnium finis appropinquabit, quo adueniente succedet resurrectione mortuorum, & Christus gloriosus adueniet ad Iudicandum orbem, genusque humanum vniuersum. Tunc congregabuntur ad eum omnes gentes, & disceptabit cum eis, & faciet Iudicium cum singulis, ac omnibus: & probatâ approbationis sententiâ circa Electos: cessante omni deinceps necessitate regendi, propagandi, protegendi, erudiendi que Ecclesiam, Electosque: dabit eis possessionem Regni, ipsis præparatâ a constitutione mundi, & introducet vniuersum Electorum & saluatorum cerum, in Empyreum cælum, quantum ad locum mansionis eorum, & in cælum Beatitudinis, quantum ad statum vitæ illorum, qui erit visio, possessio, fructio, æterna, intuitiua, beatifica Domini Dei ipsorum.

In hoc beatitudinis itatu, tota Sanctissima Trinitas vnus Deus, Pater, Filius, Spiritus Sanctus, totum beatitudinis negotium & cursum peraget, substantialiter & essentialiter beatificans Electorum mentes & Animas, accidentaliter autem, siue secundariam beatificationem, perficiet Humanitas Verbi Incarnati, quæ in omnibus quidem beatis suo modo: sed specialiter in Hominibus operabitur beatitudinem, etiam quoad sensûs eorum externos internosque. Sicut enim reprobi ac damnati omnes ante Iudicium terminatum, videbunt Filium Dei & Hominis Christum, in quem pupugerunt, atque transfixerunt: ita & Electi atque Beati per omnem æternitatem, videbunt eundem Deum Hominem, quem totâ cordium dilectione amauerunt, & totâ virtutum perfectione

Excell. 33. *Christo Re-* tione imitari lunt, toto affectuum ardore pertrui desi-
munerato. derauerunt.

ri, & Glori- De hac Domini nostri Excellentia, quæ in Sancto-
ficatoris di- rum æternâ glorificatione consistit, in gratiam pij lecto-
gnitate, ex- ris Dominum IESVM deuotè amantis, visum est mihi
cellentiſſimº. plus aliquantò (licet idipsum succinctè) immorari, e-
 iusque gustum cumulatâ, & distinctâ explicatione pro-
 ponere, quatenus & facilius recogitetur, & dulcius regu-
 latur, & ardentius desideretur, spereturque, & efficaci-
 us ipsius Domini Glorificatoris amor, beneuolentiaque
 concilietur, necnon multi alij fructus, affectusque pro-
 positæ materiæ congrui in mentibus concitentur, fo-
 ueantur, & in alios quoque proximos salutariter promo-
 ueantur.

Quia verò Dominus noster, non tantum post Iudicij
 & Mundi finem, glorificaturus est electos suos, verum,
 & nunc iam est glorificator ipsorum, esto necdum plenâ
 & consummatâ gloriâ, cum eos necdum quoad Corpora
 illorum, sed tantum secundum Animas glorificet; refer-
 uans Corporum glorificationem Resurrectioni eorun-
 dem, atque iuridicæ remunerationi meritum; propte-
 rea in præsentî tractatione complecti propositum est con-
 siderationem variusque glorificationis, tam scilicet eius,
 quæ iam peragitur, quam illius quæ post mundi finem,
 peragenda est a Christo Domino, circa electos suos. sed
 iam rem ipsam ordiamur.

S. I.

*Christus Dominus est glorificator Sanctorum
 in celo.*

HOc manifestum est ex eo, quia Christus, siue DEVS.
 Homo, ad hoc primariè & vltimate Electus, Prædesti-
 natuſque ab æterno, deinde in tempore missus est de
 celo, seu de sinu Patris æterni, in sinum Matris Hominis,
 vt esset lumen, supremuſque exaltator, & glorificator.

Summi

Summi DEI, manifestatorque Nominis, & Dignitatis, & Gloriæ, & voluntatis eius; idque per Electorum DEI, (præcipuè verò hominum) salutem, adductionemque eorum ad vitam æternam: seu ad fruitionem possessionemque DEI, sicuti est; Quoniam hæc est suprema gloria DEI, quam à creaturâ suâ habere, & per quam exaltari ab illâ summè super omnia potest; ut nempe DEVM intueatur, eoque beatificè prout in te est, in æternum perfruat. Ad hoc verò præstandum occasio fuit Christo, lapsus hominum in protoparente eorum ADAMO, per quem mors temporalis & æterna, intrauit in mundum, & sic in omnes homines pertransiit. Medium verò & modus executionis & assecutionis supradicti finis Christo existit, Incarnatio illius, & vniuersa Incarnationis œconomia, quam Christus Dominus, & ab origine mundi in præuisione meritorum suorum; sic enim *Agnus ab origine mundi*, asseritur occisus, tum verò *Apoc. 13. 8.* per realem in carne aduentum, quando *Verbum Caro Factum Est*, re quoque ipsâ executus, & in medio terræ salutem hominum operatus est. Quæ operatio, & si finem suum in morte Christi super lignum Crucis accepit, ita tamen accepit, ut eius applicatio, atque fructificatio in hominibus, præsertim Electis, daret duraturaque sit, usque ad finem mundi, quo tempore toto Christus Dominus intendit, & præest regendæ Ecclesiæ, *quam acquisiuit sibi in sanguine suo*: cuius regiminis vltima clauula est, Beatificatio Animarum ex hac vitâ in cælos emigrantium: quas excipit Christus, & *omnem lachrymam ab oculis earum abstergit*, & repræsentans eas Patri æterno, beatitudine æternâ replet. *Acto. 20. 28.* *Apoc. 7. 17.*

Totum hoc suum negotium Dominus, paucis verbis suis explicauit, cum dixit. *Ego sum via, veritas, & vita.* *Ioan. 24. 6.* Via quidem in exemplari operatione. Veritas in intalibili doctrinæ instructione. Vita demum, tum in Hominum à peccatis saluatione, tum in eorundem in calis æternâ & beatâ remuneratione. Nec minus explicatè

Ioan. 10. 28. hoc ipsum asseruit, cum dixit idem Dominus. *Ego vitam*
Excell. 33. *aternam do vobis meis, & non peribunt in aeternum; & non ra-*
Christo Glo- *pier eos quisquam de manu meâ: Ad istud ipsum negotium,*
rificator Sâ- *officiumque suum respiciens Dominus affirmavit alibi.*
etorum in *Qui diligit me, & ego diligam eum, & manifestabo ei meipsum,*
calo. *non in hac solum vitâ mortali, dando illi cognitionem,*
Ioan. 14. 21. *mei & mysteriorum meorum, ita claram, & practicam,*
cordique intimè luceſcentem, simul ac dulceſcentem,
eumque in mei, & Crucis meâ imitatione confirman-
tem: sed etiam in cælesti patriâ, dando illi, vt me clarifi-
simè non per speculum, & inænigmatè, sed facie ad faci-
em intueatur, possideat, & fruatur.

S. II.

Vnde hoc sit Christo, quod sit Glorificator San-
etorum suorum?

INde inprimis est, quia est DEVS, nisi enim DEVS esset, glorificator esse non posset, glorificatio enim Sanctorum consistit essentialiter in Possessione DEI beatificâ æternâ: iuxta illud ad Abraham dictum. *Ego ero merces*
Genes. 15. 1. *tua magna nimis, & ad Moyſen. Ego ostendam tibi omne bo-*
Exod. 33. 19. *num, quia ergo Christus, est DEVS, & DEVS dat se San-*
ctis suis in mercedem, hoc est, in Beatitudinem æternam,
ideo & Christus, quâ DEVS merces & glorificator est
Christo Glo- *Sanctorum. Rursum. Christus est DEI Filius: &*
rificator Sâ- *omnia quæ habet Pater, eius sunt: & Pater dedit illi vi-*
etorum vt DE *itam habere in semetipso: quin etiam, quæcunque Pater*
VS. *facit opera circa Sanctos suos, hæc Filius similiter opera-*
Et Homo. *tur in ijsdem, quemadmodum viderit Patrem facientem:*
dedit illi vitam æternam dare alijs, nempe Sanctis. Ad-
huc verò ius glorificandi Sanctos, atque munus competit
Christo: quia DEVS-Homo est, sicut verò vt Christus es-
set

set Redemptor, ut Pastor, ut Doctor, ut Dux, ut Medicus, ut Iudex, ut Caput, ut Pontifex, oportebat eum esse DEVM-Hominem, ut quasi connaturalius atque suavius, hæc munera obiret circa homines: ita etiam munus glorificatoris requirebat DEVM-Hominem, ut merces æterna dulcius obueniret ab Homine DEO mercedis exhibitore, & sui ipsius in mercedem cum Deitate pariter & cum Humanitate collatore. Huc accedit: quod Dominus noster, sic Caput Ecclesiæ suæ, illa autem, seu filij eius Electi DEI, sint corpus & membra Christi. Istud autem Caput ex munere suo, influebat omnem gratiam, omnemque virtutem, & efficaciam, atque fructuositatem in sua membra, tanquam vitis in palmites: consequens est, ut id ipsum Caput Christus, influat quoque omnem vitam gloriæ, omnemque fructum beatitudinis æternæ in Electos, tanquam in sua membra viuentia vitæ gratiæ suæ, sic enim completissimâ ratione, & Christus est Caput Electorum tanquam membrorum, & Electi membra Christi sunt, tanquam Capitis. Alioqui esset quiddam, vel mancum, vel quasi monstrosus in Capite Christo, & membris Christi, si Christus influeret in Electos vitam gratiæ tantum, & non etiam gloriæ: quæ utique est nihil aliud, quam consummatio gratiæ, seu consummata gratia.

ut Caput
Ecclesiæ

Adde his, quod dictis vicinum est, Christo Domino competit esse inuitatorem ad labores, conductorem operatorum ad vineam; quis enim alius Sanctos omnes & verbo, & facto, & imperijs, & promissis, & etiam minis, & auxilijs, prouocat ad pugnas, ad labores, ad pericula, ad confusiones, ad Cruces, ad pauperiem, ad abnegationem, ad perditionem sui & animarum suarum propter Dominum? Non alius certè id egit, & agit, agetque ad mundi finem, nisi ipse Dominus, illi ergo etiam competere debet, & competit glorificare Sanctos suos, & red-
dere illis mercedes, præmia, coronas, triumphos, & omnem remunerationem. Præter ista, competit Christo

Vt Præmiator laborum,
ad quos ante
Electos
inuitauerat

ut bonorum
naturalium
Heres Patrum
eternorum

Excell. 33. esse glorificatorem Sanctorum, quia ille cum sit bonorum Paternorum omnium Naturalis, & absolutus Hæres, admisit autem Electos ad filiorum DEI sortem, iuxta illud, quotquot receperunt eum, dedit eis potestatem Filios DEI fieri, admisit eâdem operâ eosdem Electos, iam DEI filios, ac fratres suos, ad Hæreditatem suam, ita ut cohæredes Christi sint, Hæredes autem DEI, Christo ipso dante, & communicante ipsis hanc Hæreditatem, quæ alia non est, nisi Beatitudo DEI.

Adhuc autem Ius glorificandi, Sanctos Christo competit, quia Pater dedit illi omnia in Manus, & hoc nomine sibi à Patre tradita in manu. ut sit Iudex viuorum & mortuorum; Bonorum & malorum; Agnorum & Hædorum; Electorum & reproborum: quo circa sicut mortuos, seu malos & Hædos, reprobosque, ad Christum spectat iustè punire damnatione ignis æterni, qui paratus est diabolo & angelis eius, sic etiam ad ipsum pertinet viuos, Bonos, Agnos, Electosque, iustè remunerari Regno, & vitâ æternâ, paratâ eis à constitutione mundi.

Omitto afferre, quod Christus Dominus meruerit sibi ius glorificandi Sanctos, immenso sanguinis & vitæ suæ pretio pro eis impenso, quod sit Rex Sanctorum, Imperator Militum pugnantium atque victorum, Agonothetes in agone luctantium, quibus omnibus titulis incumbit illi glorificatio & præmiatio eorundem.

§. III.

Quàm cupiat Dominus IESVS exequi hoc munus, glorificatoris Sanctorum?

CVpit sanè exequi, quam cupidissimè. Si enim præcipuam rationem Incarnationis Verbi attendimus: prima illa se offert, ut nimirum esset Glorificator Electorum. Quamvis enim primò & primariè (ut supra dixi) venerit in mundum Christus, ut manifestaret gloriam & no-

& nomen Patris æterni apud homines, tamen ista manifestatio Nominis & Gloriæ, finaliter, & tanquam in cardine atque vertice constitit, consistitque, in ultimâ, finalique Sanctorum glorificatione. Hoc quippe est vnum ac solum, ac præcipuum ultimumque medium, per quod summè & ultimè glorificatur **DEVS**, tam à Christo, quàm à Sanctis Electisque illius: quod nimirum Sancti beatificentur, & beatifice fruuntur **DEO**, possideantque bona illius, idque per merita vitæ & mortis **IESV** Christi, & hoc modo laudent, honorificentque Filium, sicut honorificant & Patrem. Quare, quàm avidus fuit, aut est, (est verò ac fuit omni aviditate avidissimus) exaltandi Paterni nominis, totamque Incarnationis suæ œconomiam, ad hoc vnum opus profundendi; ita etiam fuit & est Glorificationis Electorum, & ad illam direxit vniuersam Incarnationis suæ dispensationem, tanquam ad scopum, ad finem, centrumque totius huius Diuini consilij, ex quo Aduentus Filij **DEI** in carnem, & in carne in terras, de terris in Crucem, & Mortem, de Cruce & Morte, in cælos promanauit. Addendum est ad hæc, quod Glorificatio Sanctorum sit Christo Domino præmium, ac merces eorum, quæ laborauit, & perpeßus est in corpore passibili. *Si posuerit (ait Isaias) pro peccato animam suam, videbit semen longauum, pro eo quod laborauit Anima eius, videbit & saturabitur. In scientiâ suâ, iustificabit ipse Iustus, seruus meus multos.* Quoniam ergo glorificare Sanctos suos, Christo Domino præmium est, & quidem tantorum, quanti nullius vnquam fuerunt, laborum: non est dubium, quin summoperè appetat, & quærat Dominus præmium istud sibi & obuenire, & maximè multiplicari: nimirum beatificando, & quàm plurimos, & quàm maximè, & quàm diutissimè Sanctos suos. *Gra. iob. 14. 6. ta est enim Mercenario dies eius, quâ mercedem recipit, & nemo mercedem recipiendo fatigatur.*

§. IV.

*Hac omnia de Glorificatore Domino nostro Ie-
su Christo hætenus dicta, debent te ô ho-
mo Christiane prouocare.*

ad Laudem 1. **A**D laudem Patris æterni, & ad gratiarum actionem
eidem: quia ille ex ineffabili charitate suâ, talem,
tantumque Glorificatorem (quantus Christus est) creatu-
ris suis, & speciatim Hominibus prouidit, ordinauit, &
exhibuit: cum tam profusâ liberalitatis adiunctis, quales
in vniuerso Christi Incarnationis Mysterio & videre, &
summâ attentione animi considerare, per quam dignum
est.

*Congratu-
lationem.* 2. Eadem dicta, debent te ô homo Christiane prouo-
care ad congratulationē ipsi Christo Domino, quod sit glo-
rificator Sanctorum, glorificatione tam absoluta, tam
sublimi, tam æternâ, quomodo esse glorificatorem nulli
puræ creaturæ competere potest, sed hæc solius Christi
Excellentia est.

3. Eadem dicta, debent te ô homo Christiane prouo-
care ad congratulandum omnibus & singulis Sanctis,
pro eo, quod eis talis glorificator obtigerit, & quidem
non tantum sine eorum ullis meritis, sed etiam post mul-
ta eorum malè merita: quæ nihilominus Diuina Christi
Charitas, in tantum euacuauit coram se, vt etiam Electis
suis dederit potestatem merendi sibi, apud ipsummet,
ius, debitumque glorificationis, vt non tam ex puris Chri-
sti meritis, ipse Christus glorificare videatur, (quod ta-
men omnino, & reuera sic est) sed ex meritis ipsorum-
met Electorum, & non quasi ex gratiâ, sed tanquam ex lu-
sticiâ, quâ de re Apostolus, non dubitauit asseruare, cum
2. Tim. 4. 7. dixit, Bonum certamen certavi, cursum consummaui, fidem
seruaui: in reliquo reposita est mihi corona iustitiæ, quam red-
det mihi Dominus in illâ die, iustus iudex: Non solum autem
mihi, sed & omnibus his, qui diligunt aduentum eius.

4. Eadem

4. Eadem dicta, debent te ô homine Christiane prouocare, ad congaudendum tibi et ipsi, toti quæ Ecclesiæ militanti & filiis eius, quod sis habituri talem glorificatorem, remuneratorem quæ, ex quo, & te, & omnes, quàm maximè animari par est, ad laborandum strenuè Christo, & pro Christo, & exemplo Christi, quoniam compertum est: illum eundem esse potentem, paratum quæ ad dandam laboribus, laborantibus quæ, copiosam, & superfluentem mercedem, qui est prouocator, & inuitator, etiam suo proprio exemplo, ad laborem.

5. Eadem dicta, debent te ô Christiane homo prouocare, ad congratulandum Christo Domino, tot, tantis quæ titulos, ac nomina, ob quæ illi glorificatoris Potestas, atque Dignitas competit. Est nimirum Dominus IESVS DEVS, vltimus finis, summum quæ Bonum creaturæ rationalis, quæ est omnium Electorum Ecclesia: illam ergo glorificabit, & fruitione suæ Diuinitatis beatam efficiet. Est Dominus IESVS Caput, Ecclesia Electorum Corpus. Est Dominus IESVS Pastor, Electi sunt Oues, Dominus IESVS est Rex, Ecclesia Electorum est Regnum. Dominus IESVS est Pater futuri præsertim seculi. Electi autem sunt Filij: Dominus IESVS est Sponsus, Electorum Ecclesia est Sponsa, sine rugâ & maculâ. Dominus IESVS est Pater familiars, Ecclesia est Domus & familia. Dominus IESVS est Imperator, Ecclesia Electorum est Exercitus Victor. Dominus IESVS est Doctor & Magister, Electi sunt discipuli, docibiles DEI. Dominus IESVS est Agonothetes, Electi in Agone, & stadio, contenderunt, & vicerunt. Dominus IESVS est Hares: Electorum Ecclesia Hæreditas eius. Dominus IESVS Agricola, Ecclesia Vineam, Electi Botri, digni Dilecto, ad ruminandum. Dominus IESVS est Gubernator, Ecclesia Ciuitas, habens fines positos pacem, & fundamenta in Montibus Sanctis. Dominus IESVS est Nauarchus, Ecclesia Nauis, quæ portum securum feliciter tenuit. Dominus IESVS est Promissor, ac proinde etiam debitor beatitudinis, Electorum

Congratulationem

verò.

Excell. 33. verò Ecclesia est, quæ promissum tenet, & scit cui crediderit, quoniam qui dignatus est promittere, idem etiam potens ac paratus est, quod promisit reddere. Est ergo quod vniuersa Electorum Ecclesia, & Christo glorificatoris indubitatae munus gratuletur, & ipsa sibi filiisque suis omnibus adgaudeat, de tam diuite, tamque fidei remuneratore atque glorificatore.

Ad augmentum glorificationis.

6. Eadem iam dicta, debent te ô Christiane prouocare ad hoc, vt quoniam à tui glorificatione, dependet merces laborum Christi adeo sumptuosorum, omnem velis, omnem coneris, omnem des operam, vt & ipsum te, & per te alios insuper quàm plurimos, quàm copiosissimæ glorificationi idoneos reddas: perque hoc mercedem Christi, Christo adaugeas: contrà verò, vt omniratione caueas, ne tuis malis imperfectisue moribus, tam te, quàm alios minus idoneos glorificationi Christi faciās, & sic mercedem Domini euacues.

S. V.

Quomodo Christus exequatur hoc Glorificatoris munus?

EXequitur sine dubio maxima cum vigilantia, diligentia, promptitudine, liberalitate. Si enim tanti constat illi munus istud, quanti vidimus aliquatenus in prædictis, non potest non amare hoc munus, executionemque illius, non etiam non potest dare vigilantem operam, ne quâ illum pars muneris, siue mercedis suæ prætereat. Ideò ipsemet testatur se ita inuigilare omnibus tuis, sibi ab

Ioan. 10. 29. aeterno Patre donatis, vt nemo possit eas rapere de manu sua,

Luc. 15. 4. ac vt nemo ex eis pereat: & si fortè vel vnica sibi casu quopiam aberret, illam tamdiu quærat per deserta, relictis etiam alijs, donec errantem inueniat, inuentam in humeros suos tollat, & ad aliarum societatem reportet. Si ergo tam diligens Dominus est in custodiendis atque seruandis

uandis ouibus, seu, Electis suis. Si est, fuitque tam profusus ac sumptuosus, in promerendâ nobis quidem gloriâ, sibi autem glorificandi nos potestate, & voluit hanc esse suam omnium laborum suorum, mercedem vnicam & summam; quis potest dubitare, summopere futurum illud profusum, prodigumque in usu potestatis huius, in receptione suæ mercedis, in glorificandis suis electis, quandoquidem per hoc nihil deperdit, plurimum verò adauget, tam gloriam nostram, quam gloriam & mercedem suam? Itaque extra dubitationem est, nullâ huius vitæ mortalis cogitatione comprehendi posse, ardorem, amoremque illum: liberalitatem & profusionem illam, quâ Verbum Incarnatum Dominus IESVS sese profundit, in glorificationem Sanctorum suorum, perinde singulorum, atque omnium. Signatur hæc profusio, prodigalitasque verbis illis Sacræ Scripturæ, de hac materiâ loquentis. *Torrente voluptatis tua potabis eos. Ducet eos ad vitæ fontes aquarum. Euge serue bone & fidelis, quia super pauca fuisti fidelis, super multa te constituam. Amen dico vobis, quod præcinget se, & faciet illos discumbere, & transibit ministrabit illis: dicens eis: Comedite Amici, & inebriamini Charissimi. Denique, Dominus diluuium, beatitudinis, inhabitare facit in domo suâ. Effundit ergo, & profundit sese Verbum Incarnatum IESVS, in Sanctorum suorum, bonum, ut vitam habeant, & abundantius habeant. Maxime quando iam in calo nihil obstat glorificationi plenæ, (nisi fortè exiguitas meritorum alicuius beati) quando absorpta est mors in victoriâ, quando mortale hoc induit immortalitatem. Hic multa obstant, quominus Christus aut velit, aut possit glorificare seruos suos, obstat viæ status, pericula superbæ, ingrati tudinis, tepiditatis, obstat infirmitas tum Sanctorum, tum eis conuiuentium, obstant necessitates, & auxilia proximorum, exigentiæ officiorum ac munerum, aliaque similia, propter quæ remanere in carne, & vitâ istâ Sanctos necessarium est, licet dulcius & esset melius, & viget desiderium; ac*

Christo perse
ctissime mu
nus Glorifi
catori ex
sequitur.

Psal. 35. 9.
Apoc. 7. 17.
Matt. 25. 21.
Luc. 12. 37.
Cant. 5. 1.
Psal. 28. 10.

Quantâ sine
obstaculo glo
rificationis
in terra?

Excell. 33. in cælo nihil istorum obstabit, exiget potius status ille, fatietatis effusionem: congaudebunt omnes, procul erit superbiæ ingratitude, tepiditatis periculum omne: imò erit ex hoc plena fidelitas, subiectio, gratiarum actio, feruor, desideriumque incessabile, cum satietate. Effusis ergo suæ liberalitatis cataractis glorificabit Christus Sanctos, glorificabuntur à Christo Sancti, sedebitque populus ille DEI in pulchritudine pacis, in tabernaculis fidei, in requie opulentâ.

§. VI.

Quam indignè ferat Christus Dominus se præpediri à glorificatione Sanctorum suorum?

Immensitas desiderij, quod in Christo est ad glorificandum, facile ostendit gravitatem indignationis eius, atque molestiæ, quam sustinet, quando imperus bonitatis, pondusque profusionis eius retunditur, impediturque; quominus aliquem glorificet, aut minus glorificet, quam volebat, & quam impensæ suæ in glorificationem factæ, postulabant.

Malè admodum cessit seruo nequam & pigro, qui pecuniam Domini sudario inuolutam, in terrâ defossam, integram ut putabat, sed absque lucro & fanore restituebat: Ita malè cedit, & Domini indignationem incurrit, quisquis pro eo, quod debebat crescere in virum perfectum, in mensuram ætatis plenitudinis Christi, ac tam seipsum, quam alios etiam, quos aut muneris, aut charitatis obligatio suppeditabat, idoneos glorificationi Christi offerre: maluit in malum, in otium, in damnum & perditionem, Domini sui, bona conuertere aut potius deperdere.

O qui diligitis Dominum IESUM: ne sileatis, neque detis silentium ei, neque vacuis coram illo manibus compareatis, sed inueniantur dies pleni, & opera plena in vobis,

vobis, coram ipso. Non vos, non etiam vlllos alios, quod in vobis est subducatis ab hoc IESV Christi gaudio, quod Anima illius habet in Sanctorum suorum glorificatione. Sanguinis Christi reus est, quisquis culpâ suâ facit, ne vel ipse, vel alius quis, vel ne quàm cumulatissimè glorificetur à Christo. *Sicut qui sacrificat Filium, in conspectu Patris eius, sic est abominabilis, qui detrahit homines à glorificatione IESV Christi.*

§. VII.

*Quomodo impeditur Christus ab executione
Glorificationis?*

QVod hîc inquitur: spectat ad præsentem vitam; in illâ enim alterâ vitâ, locus & tempus huic impeditioni non est, nisi quatenus ea in hâc vitâ apparata fuerit, sentus ergo quæsitus est hic, quomodo fiat in istâ vitâ ab hominibus, vt in illâ alterâ Christus, vel illos ipsos, vel etiam alios ob illorum culpam, glorificare non possit. In hunc ergo impedimentorum censum Primò veniunt peccata mortalia: quorum vel vnicum sufficit, vt qui illud committit, excidat sicut à Gratiâ, ita & à Gloriâ Christi: qui enim talia agunt regnum DEI possidere non possunt, sed talium retributio, est damnatio æterna, atque ita, isti homines præter alia plurima & maxima, quæ mortaliter peccando, atque in talibus hærendo mala, damnaque perpetrant: hoc etiam vnum Christo Domino inferunt, quia illi mercedem duro labore quæsitam, & verè sanguineo sumptu partam, glorificationem scilicet Redemptorum à se impediunt, ac prorsus auferunt. Hanc ipsâ Mercedem Christi Domini, & si non planè auferunt, præpediunt tamen in se se omnes, qui peccata venialia grauiora, & crassiora, voluntaria & deliberata, consuetudine firmata committunt: in ijsque veterascunt. Idem faciunt illi qui habitus malos, vitiaque

*Impeditur
Christus ab
executione
Glorificati-
onis*

*Peccato
mortalis.*

*Veniali grâ-
uiori.*

*Habitibus
& at-
vitiis.*

Excell. 33.

& affectus parum domitos, viuumque ac potens sensualitatis, & cupiditatum regnum in se retinent, ac fouent: nec mortificatione eneruant. Huic quoque damno Christi subseruiunt (esto superiora impedimenta sublata alicunde sint,)

*Languore
Spiritus.*

Tepiditas & languor spiritus, defectusque deuotionis, feruoris, ac diligentiae, liberalisque contenti-

*Inconstantia
Animi.*

onis in obsequio Diuino. Item Inconstantia & Nobilitas animi per incerta, vaga, inordinata distrahentia opera & exercitia. Addatur his: adhaesio ad voluntatem,

*Irresignati-
one Cordis.*

iudicium, sentiumque proprium: & irresignatio cordis in Diuinam prouidentiam, voluntatemque: quam sit ut homo non hoc probet, sequaturum, aut operetur quod Deo placere scit, sed magis optat ut suis desideriis, designationibusque, suam DEVS accommodet voluntatem, quod est se facere maiorem DEO, & quasi se DEVM DEO superponere: regulamque regularum omnium, suam itultam voluntate ac ratione regere, corrigereque velle, in quem scopulum saepe impingunt etiam iusti, etiam perfecti, ut videre est in B. PETRO, abundante in sensu suo nimis. & Domini sui tam passionis atque Crucis amorem, quam in pedibus lauandis humilitatem, iudicio, sensuque suo reprobante. Facit hanc ipsam Christo iniuriam Amor sui proprius, & aestimatio quadam sui, rerumque suarum, tum quaesitio propriorum commodorum: praecipue ab

*Mollitudine
Animique
Pusillanimitate.*

humanis laudibus, in suis actionibus. Ad hoc ipsum Domini nostri incommodum facit, mollitudo animi & inertia, atque pusillanimitas, indeque fuga laboris, passionis, Crucis, persecutionum, linguarum, propter DEVM, propter virtutis, & iustitiae, & perfectionis studium, propter zelum Gloriam Diuinam, propter proximorum salutem, profectumque, qui eiusmodi serui DEI sunt, in eos cadit illud asperum verbum Domini. *Qui me confessus fuerit coram hominibus, confitebor & ego eum coram Patre meo, & Angelis DEI.* Denique, (ut caetera praterantur,) ad hoc ipsum Mercedis Dominicae detrimentum facit plurimum Impuritas Intentionis, defectus quoque ardoris. &

Marci. 8. 38.

*Impuritate
Intentionis*

&c.

inten.

intensionis, cæterarumque perfectionum, & ornatuum, in operando propter DEVM: talia enim opera modicam habent remunerationem, atque ita restringunt Christi liberalitatem ad mercedem. Eisque simile est, quarere v. g. virtutem & excolere: & propter quidem virtutem, & quasi propter placendum DEO: simul tamen propter virtutis apud homines opinionem, ac æstimationem. Talis quisquis est similis, est *Virgini fatuæ lampadem ornatam habenti, sed oleum in vase non habenti.* Talibus dicitur: *receperunt mercedem suam, & illud: Nescio vos.*

Matt. 25. 12.

Matt. 6. 16.

§. VIII.

Supra dicta, omnem Christianum hominem, prouocare debent.

1. **A**D eximium Amorem erga Christum Dominum, *Christo Glorificator pro uocat hominem ad Amorem:* adeo diligentem Sanctorum suorum Glorificationem, adeoque cupidum glorificationis eorum, & nullis sumptibus suis parcentem ad istius muneris liberalissimam executionem.

2. Hæc eadem prouocare debent omnem Christianum, *Dolorē &c.* ad Dolorem & Timorem, & Fugam, & ad studium: ad Dolorem quidem, eò quod tam multi passim Christiani tales sint, qui sese vel penitus subtrahunt Glorificationi Christi suis, per omnia Christo contrariis moribus: vel saltem negligenter valde, se huic rei aptant, quotidianâ tepiditate agendi, perfunctoriæque nimis, Christianæ professioni satisfaciendi: cum verò etiam quod tam multi passim Christiani reperiuntur, qui suâ in semetipsos, ac in Dominum suum ignauitiam, stultitiam, malitiamque, peccare non contenti: alios quoque in eandem perditionis suæ massam secum trahunt, siue ut parentes filios malâ educatione deprauantes, neque in timore Domini educantes: sed potius illos dæmonijs & non DEO immolantes, modestiæque ac pietatis Christianæ mores, in eis culpantes

Excell. 33. Odientesque, ac longè à mentibus eorum facessere iubentes, siue vt Domini subditos famulosque, qui cum suorum, maximè domesticorum salutis curam non habeant, iudice Apostolo, fidem negant, & sunt infidelibus deteriores: siue vt Pastores & Prælati oues sibi commissas, quarum salutem æternam, vsque adeò nihili habent: vt videantur ex proposito talem illarum curam esse sortiti, ac profelli, vt earum curam nullam habeant, DEi possessioni illas subtrahant, diabolicæ verò rapinæ extradant; siue vt vicini vicinorum, amici amicorum ac familiarium, qui pro eo quod intelligere debuerant, quia vniciquæ DEVS mandauit de proximo suo, & quia obligatus est quisque fratrem, proximumque suum, quâ verbo, quâ exemplo suo ad meliora prouocare, à peioribus autem auocare: illi è contrariò, mundum replent scandalis, & veluti agminatim iuncti, invicemque alij alios sequentes, ac æmulantes, imò supergredi in malignitate cupientes, ducunt in malis dies suos, & in puncto ad inferna descendunt. Et hinc est, Væ mundo à scandalis, Væ à prauis exemplis. Et vnam hæc Christiani intelligant, defleant, timeant, fugiant, & studia sua seriò, atque constanter, & vniuersim omnes in contrarium, in Diuinum placitum, in IESV Christi promeritum, in æternæ salutis bonum fructum conuertant!

Spē & De- 3. Ista eadem prædicta, omnem Christianum prouocare debent, tùm ad spem, desideriumque, nec non curam, siderium. magnæ Glorificationis à Christo promerendæ, atque obtinendæ: tùm ad detestationem tepiditatis, atque de salute tam suâ, tam quorum interest suâ, curæ negligentis tùm ad omnem apprehendendam exercendamque diligentiam, ne quisquam quidpiam in se residere permittat, ob quod aut ipse, aut quis alius ipsius culpâ, vel non glorificetur, vel etiam minùs glorificetur à Christo, quàm cordi sit Christo.

Constantiâ. 4. Hæc quoque prædicta, omnem Christianum prouocare debent, ad feruentissimam constantiam, constantissimum.

simumque feruorem, in amore, imitatione, seruitioque Christi: in labore & studio pro incremento, quam Maximo Gloriae DEI, salutis autem & perfectionis etiam, propriae, simulque omnis quantum in ipso est proximi: esto eam ob rem subeundae, superandaeque sint iniuriae, inuidiae, odia, persecutiones, Cruces, probra, & quauis alia impedimenta, & ingratitude, dummodo exaltetur DEVS salutis nostrae, denique in labore & studio, ut omnem circumstantiam conditionemque vitae suae, (unde unde proueniat, non potest autem nisi ab ordinatione DEI prouenire,) conuertat in ampliorem, & amplio-rem dispositionem, capacitatemque Glorificationis sui, à Christo recipiendae.

§. IX.

Quàm sit gratum Christo Domino, si iuuetur in munero Glorificatoris obeundo?

QVàm sit ingratum, aliquatenus vidimus, si impediatur, aut non adiuuetur: videamus quam gratum sit, si adiuuetur, ut vel plures, vel magis copiose glorificet, magisque citò, quàm de re Apostolum audire licet dicentem. *Vnusquisque autem propriam mercedem accipiet, secundum suum laborem, DEI enim sumus adiutores: in quo autem adiuuamus DEVM? non in alio certè opere, nisi in eo, in quo solo totus ferè DEVS occupatur: ut scilicet saluum faciat populum suum, à peccatis eorum, & vitam aeternam det eis, propter quod posuit in nobis ver-* *Gratissimè est Christo, dumiuuatur in Munere Glorificationis.* *1. Cor. 3. 8.*
bum reconciliationis, & pro Christo legatione fungimur, tanquam DEO exhortante per nos, obsecramus pro Christo, reconciliamini DEO, & state in fide, perfecti in charitate, secundum spem vocationis vestrae. Charitas enim Christi urget, ac triumphat nos, ad obsecrandum vos, ut qui viuunt, iam non sibi uiuant, sed ei, qui pro ipsis mortuus est, & resurrexit, & ad Patris dexteram sedet. *2. Cor. 5. 19.* *2. Cor. 5. 14.*
In hoc ergo opere, DEI adiu-

Excell. 33. tores sumus, adiuuantes autem exhortamur omnem animam fidelem in Christo, ne in vacuum gratiam DEI accipiant, nec defraudent Dominum suum fructu, fidei & dilectionis suæ, sed exhibeant se dignas DEO suo, recipere ab ipso mercedem vitæ, & coronam gloriæ æternæ. Hoc est desiderium Christi, hoc est gaudium cordis illius, ista est expectatio charitatis eius.

Non ita festinat sol, ad illuminandum ortu suo mundum, nec ita volucris ad pullos suos in nido pascendos, nec Mater aut Nutrix ad lactandum infantem suum, ita studet, nec amicus ad gratissimos sibi Amicos obuiat, ita excipiendos; quemadmodum Dominus IESVS, expectat, & anhelat, ad infundendum, impendendumque se Electis suis, ad coronandas Sponsas suas, ad glorificandum Amatores suos. Vtique adeo pergratum est cordi eius opus hoc, gloriâ & honore coronandi Amicos suos. Propter quod etiam, præcipua maximè voluptas Animæ illius ista est, habere quemcunque, qui illi semetipsum, vel alium quempiam, vel quàm plurimos alios, adaptet, offeratque glorificandos. Hinc illa admirandæ dignationis, Dominica vox sonat: *Si conuerteris, conuertam te, & ante faciem meam stabis: & si separaueris pretiosum à vili, quasi os meum eris.* En quàm pretiosum, speciosumque in conspectu Domini munus est: afferre illi Animas electorum suorum, & offerre illas in gloriam & honorem nominis eius. Quod si cui desiderabile minus videtur, esse quasi os Domini sui, audiat, & exhorrescat ipse quoque ad metum Apostoli dicentis. *Nam & si euangelizauero, non est mihi gloria, necessitas enim mihi incumbit, ut enim mihi est, si non euangelizauero.* Væ, vox est faucium, & rictus diaboli: non oris Christi. Itaque quisquis ad os Domini pertinere, eiusque laude infrenari non satagit, rictu diaboli ringi, & rugire infelix debet. Sed absit hoc ab ijs, qui assidue supplicant DEO. *Domine labia mea aperies, & os meum annuntiabit laudem tuam;* potius, *Pax talibus, & Charitas cum fide à DEO Patre,*

tre, & Domino I E S V Christo. Gratia cum omnibus, qui diligunt Dominum nostrum I E S V M Christum, in incorruptione.

S. X.

Quantus sit Honor Electorum DEI, glorificatorem habere I E S V M Christum DEVM-Hominem?

A Pud Psalmistam Regemque: maximæ atque vix credendæ dignationis esse videtur: Si DEVS meminisse hominis, & super eum ponere oculos suos dignetur; eò quod nihil sit homo, & filius hominis mera putredo, & vermis. Cogitasses ô Sancte, DEVM futurum innumerabilem hominum, glorificatorem ac beatificatorem per omnes æternitates: quis tunc tibi sensus animi, quæ admiratio cordis fuisset? Sed iam hodie experimento discis æternum beato, quia Dominus præcinctus, facit Dilectos electos suos, super mentem beatitudinis suæ discumbere, & transiens ministrat illis. Quid opus multis? Gaudent subditi, si de manu liberalis Domini accipiant donaria, gaudent Milites, si de manu Imperatoris prædam, stipendia, coronasque victrices reportent, gaudent athletæ, dum de manu Agonotheætæ coronantur, & brauium accipiunt, gaudent filij, hereditatem à Patre assignatam adeuntes: gaudent Sponsæ, à Sponsis suis magnificatæ: Non gaudebunt; non sibi ducent honori & gloriæ, Sancti à Christo Domino suo, gloriâ & honore circumdari, Coronas super capita sua de lapidibus pretiosis imponi, brauium æternitatis beatæ donari, & hæredes quidem DEI, cohæredes autem ipsiusmet Christi, reddi ac denunciari? Minuta plerumque donariola, sed vel à Magno viro, vel magno affectu, vel magni amoris signo dari contingat, magni æstimantur, & ob hoc pretium habent, atque ad seram posteritatem transmittuntur. Sanctis, Christus DEVS-Homo, affectu Diuino-Humano,

Honor San-
ctorum eximi-
us ex Chri-
sto Glorifi-
catorum.

Rr

sum-

Excell. 33. summum quod cogitari, imò magis summum, quàm cogitari potest Bonum, Beatitudinem scilicet æternam dat, donatque: & non erit hoc ingens Sanctorum Bonum? non erit hoc illis supremus honor? Ipsum occidi, & malè mulctari, modò manu Magni Herois contigisset, non pœnitendum mundanæ vanitatis æstimationibus, quandoque visum est; vnde illud: Nec magni *Æneæ* dextrâ cecidisse pigebit: Beatificari, glorificarique æternaliter, à Magnâ Magni Dei-Hominis manu, magnum, & honorificum non erit? *Dauid* hâc etiam in vitâ elegit, abiectus esse in domo Domini, magis quàm habitare in tabernaculis illustrium, potentiumque peccatorum: *Moyse* grandis factus, cum posset videri filius filiae Regis Pharaonis, negavit se esse, eligens magis affligi cum populo Dei, & ferre improprium Christi: quàm diuitias & thesauros *Ægypti*, fuitque hoc laudi coram Deo, tam *Moyse*, quàm *Dauid*: Sanctis in domo Domini, in cuius atrijs, melior est dies vna super millia: non abiectis & neglectis esse. (Nam nimis honorati sunt amici tui Deus, nimisque confortatus & exaltatus est principatus eorum,) sed beatificari ab ipso Deo, introduci in omne gaudium eius, donarique ab eo omnibus diuitijs, & thesauris & Regnis cælestibus in æternum, non erit perhonorificum, non erit peramplum, non erit supremum bonorum omnium Bonum? Infelicissimus & nequissimus mortalium *Aman*: vno exceptus, & adhuc altero excipiendus conuiuio cum Rege *Assuero*, à Regina *Esther*: gloriari & superbire satis non potuit, coram Vxore & Amicis suis, quæ tamen conuiuatio illi demum in altissimæ furcæ, probrum mortemque desinit. Quomodo Electos Dei omnes ac singulos gloriari & exultare conuenit, quibus æternum beata cum Christo cœnatio conferretur, & nunquam auferetur?

Quibus

S. XI.

Quibus modis obtineatur ab Electis glorificatio Christi?

SUMMARIÈ Dominus ad hoc respondet dicens cuidam: *Modi Obti-*
Si vis ad vitam ingredi, serua mandata: sed hoc fortas- *nenda glori-*
se intellexerit quis, de plebe Electorum, plebeiâque vitâ *ficationis à*
in cælo: hic autem excellentiorem illam cogitamus. quâ *Christo.*
 quisquis potitur, is Magnus vocabitur in regno cælorum.
 Ergo Dominus alicui dicenti: Domine, si pauci sunt, qui
 saluantur? subintulit. *Contendite intrare per angustam* *Luc. 13. 23.*
portam, quia arcta est via, & angusta porta, quæ ducit ad vi-
tam, & pauci sunt, qui inueniunt eam. *Quod si omnibus* *Matt. 7. 14.*
 per angustam portam, penetrandum est: quanto magis
 triumphaliter ingressuris? compendiosè PAVLVs: *Si (ait)* *Rom. 8. 17.*
compatimur, & conglorificabimur: & confirmans animas di- *2. Tim. 2. 12.*
scipulorum, exhortansque, vt permanerent in fide, adde- *Act. 14. 21.*
bat, quoniam per multas tribulationes oportet nos intrare in re- *2. Tim. 3. 12.*
gnum DEI: & quia omnes quicumq; volunt piè viuere in Chri-
sto, persecutionem patientur pro Christo. Itaque, *ambulare* *Bar. 4. 26.*
vias asperas, delicatorum DEI est, ducuntur enim vt grex di-
reptus, & oues occisionis, mortificati totâ die, ab inimicis,
quin etiam & dimittuntur sicut oues in medio luporum, non *Matt. 10. 16.*
 suam lupos edocturi, non cum lupis perituri, sed lupos se-
 cum ad salutem perducturi. imitantes Christum suum, qui
 à quibus fudit, pro iisdem fudit sanguinem suum, & eos-
 dem morte suâ viuificauit, à quibus mortem ipsam su-
 scepit.

Ac paucis multa dicendo: Christum & hunc Cruci-
 fixum induere, amplecti ea, quæ Christus amplexus est,
 odisse & fugere aspernarique ea, quæ ille contempsit:
 vitæ illius pauperi, humili, obedienti, mansuetæ, labori-
 olæ, patienti conformari, vnicâ DEI voluntate, cuius-

Excell. 33. cunque tandem formæ & saporis ea sit, cibari, & pasci, ad Iustitiam & patientiam Christi erudire multos, atque fructum tricessimum, sexagesimum, centesimum, etiamque millesimum offerre munus Christo: eidem seruire usque ad fatigationem, usque ad confusionem, usque ad sanguinem, usque ad mortem, cupere dissolui, & esse cum Christo, & tamen non defugere manere in corpore, si hoc fratribus, proximisque sit salutare ac necessarium, denique nusquam & nunquam ea, quæ sua sunt: sed quæ DEI ac Domini IESU Christi gloriæ, charitatisque sunt ambitiosè, ac infatigabiliter quærere, & sic usque ad mortem perseuerare, hæc via legitima est ad gloriam, & coronam. Col. 1.22.28. à Christo reportandam: Istud est *exhibere se sanctum, & immaculatum, & irreprehensibilem coram Christo, & perfectum in Christo.*

S. XII.

Ista quæ in precedentibus dicta sunt, omni Christiano persuadere debent.

Christi Glorificator provocat homines ad studiū aliene etiā perfectionis.

1. **N**ihil se facere posse gratius, & secundum COR. Christi, quàm si & seipsum, & quàm plurimos alios, pro gradu suo, perficiat, capacissimosque gloriæ Christi reddat.

Horrorē minimi peccati imminuentis glorificationē

2. Eadem prædicta, persuadere debent omni Christiano, horrorem, fugamque omnimodam, ne aut sibi, aut alicui sit occasio causæ mala, non dico ruinæ spiritualis, aut æternæ damnationis, verum etiam minoris, minusve excellentis apud Christum Dominum glorificationis. Quamvis propter hoc sit ei subeunda, ingratitudo, indignatio, censura, confusio, pæna, labor, crux, & quodlibet malum humanum, ut homo Christianus, plus honoret æstimet vnum Diuini oculi intuitum, cordisque gustum, quàm omnes omnium hominum oculos & respectus, & placita DEO ingrata.

3. Eadem

3 Eadem prædicta, debent omni Christiano persuadere, ut summi æstimet, faciatque IESVM Christum, præmiatorem beatificatoremque suum æternum in cælo, non tam quia suum (quamvis & ideo,) sed quia IESVM Christum, DEVM Salvatorem, Redemptoremque suum, à quo tanto sumptu acquisitum est, velut summum præmium, Ius & munus ad glorificandum hominem, anhelet ergo totis virium suarum medullis, ad recipiendam à Christo gloriam: & ad disponendum se, in quàm maximâ copiâ recipiendam, ut per hoc quàm maximè exaltetur Dominus DEVS salutis, & felicitatis nostræ.

*Æstimatio-
nē præmia-
toris Christi*

4. Eadem prædicta, debent omni Christiano persuadere, magnam erga Sanctos DEI venerationem: Cum enim DEO tam cordi sit sua, vel à se, Sanctorum suorum glorificatio, aliter fieri nequit, quàm ut etiam ad mentem DEI valdè sit honor ille, quam Sanctis eius impendimus. Exemplum enim sectamur DEI nostri, hâc in parte, & quodam modo adiuuamus Dominum in honoratione Sanctorum. Non quasi ille non sit huic operi sufficiens ipse, sed quod illum imitari per nos, dignum sit illo, ac proinde gratum illi: sicut Sanctos à nobis indignè haberi, iniuriosum est Domino, ac ideò ingratum ipsi. Præsertim cum Sanctos à nobis honorari: sit pars eius glorificationis, quam Christus Sanctis impendit: impendit autem, quia ut impenderet, meruit. Vnde manifestum euadit, quod qui Sanctos DEI debite non colit, is & in Christum, & in Sanctos iniurius sit, subtrahens de mercede & Christi erga Sanctos, & Sanctorum à Christo.

*Venerationē
Sanctorum.*

5. Eadem prædicta, omni Christiano persuadere debent, ut quæcunque sciuerit vel necessaria, vel proficua esse ad gloriam, apud Christum comparandam, augendamque, diligentissimè & teneat, sequatur, exerceatque ipse, & tenenda, sequenda, exercendaque persuadeat, verbo, & exemplo alijs. Non tam ideò, quia hoc ipsi alijsuè sit, causa gloriæ, apud Dominum amplioris, quàm potius, quia

*Commensu-
rationē vo-
luntati ex-
equiti circa
Christi glo-
rificatorem
que intelle-
ctus exequi-
da proposuit:*

Excell. 33. quia istud est Christo gratum, gloriosum, & Christi præmium, per labores passionis, ac mortis suæ, ab illo quæsitum, & acquisitum.

§. XIII.

Christus Dominus tractat & beatificat Electos suos, Veritate ac Luce.

*A Luce & veritate Christi
sibi beatificatio Electarum.*

Est enim Christus Veritas ipsa prima & æterna, est etiam lucerna ciuitatis illius celestis, est lux vera, & lumen mundi illius supermundani, illuminans omnem hominem venientem, in illum Beatum Beatorum mundum. Quare in illo mundo, per omnia mundo, in quem nihil intrat coinquinatum, Christus Dominus ciues & incolas, suos beatificat veritate, seu verissimâ luce, lucidissimâque veritate, manifestans omnibus ad oculum, quoniam illa omnia, quæ credebant in hâc mortali vitâ, quæ sperabant, quæ amabant, quæ desiderabant, propter quæ adipiscenda, & sibi & toti creaturæ renunciabant, omnem laborem, patientiam, mortificationem auidè suscipiebant: omnia (inquam) illa fuisse & esse vera, certa, solida perennantia, magna, digna maiore longè labore, & perpeffione, spe quoque & desiderio eorum. Ita *Psal. 92. 5.* vt necesse habeant dicere Beati, illâ veritate pasci. *Domine, testimonia tua, credibilia facta sunt nimis, nobis iam en cernentibus, possidentibus, fruuntibus.* Et, *Sicut audiimus, sic vidimus, & videmus in hâc tuâ Ciuitate Sanctâ, ô Sancte Deus noster.* Neque verò solùm eam veritatem & lucem Sancti Dei vident, quam hic credebant, sperabant, & amabant: sed etiam aliam multam nimis, quæ hîc in oculum, aurem, còr eorum non ascendebat, ibi autem ascendit, & in eam ipsi ascendunt, intrantes in gaudium Domini Dei sui. Insuper vident veritatem omnem statui quisque suo congruam, sine vllâ admistione falli, aut erroris, aut dubij, aut opinionis, sicut nos hîc vnam.

vnam vix veritatem agnoscimus, innumeris cinctam dubietatibus, erroribus, falsitatibus, at ibi omnia in luce clarescunt, omnia in veritate patefcunt, omnia in certitudine suâ agnoscuntur. Ipsos errores si vident, non erroneè vident, vident falsa, non falsò, nec falluntur, aut fallunt. Quid enim non videant, qui videntem omnia vident? Præterea Sancti in cælo, & Christo, non tantum vident veritatem, sed etiam vident se videre veritatem, ac neque falli, nec posse falli. Ex quo veritate illâ toti possidentur, penetrantur, saginantur, & securi, quieti, contenti, felices, beati, gloriosi, in æternum perseverant. O si tanta est animi hic exultatio, sæpè etiam exaltatio, & inflatio, ob cognititas scintillas alicuius veritatis: quid erit in luce illâ veritatis habitare, in lumine lumen; in veritate, veritatem; lumen verum, de DEO vero, ab eodemque potius capi, quam illud capere? Et huius luminis atque veritatis, fons est Dominus noster IESVS Christus. In quo fonte non est vobis pars, neque sors ô Filij hominum graui corde, diligentes vanitatem, & quærentes, operantes, possidentes mendacium. Posuistis mendacium spem vestram, & pane mendacij sutarari concupiscitis: ideò & mendacium erit in æternum pars vestra, & mendax ille, paterque omnis mendacij oggeret vobis, & non cessabit impropers, quia *filij scelesti vos, Isaia. 57. 4. & semen mendax.*

§. XIV.

Christus Dominus Sanctos suos pascit Bonitate, Charitate, Gaudio, & Voluptate.

Bonitate
Charitate,
Gaudio, &
Voluptate

Quid enim aliud faciat bonus DEVS, in regno beatitudinis suæ Electis suis, quàm vt impleat eos secundum omnem bonitatem suam, & secundum omnem miserationem suam illam magnam, plantans eos in hæreditate Charitatis suæ, vt nunquam deficiat vox gaudij ab eis, neque voluptas.

Christi exū-
dat Beatitu-
do Sæctorū.
Bar. 2. 27.

- Excell. 33. luptas eorum à Domino Deo ipsorum auferatur? In-
trabunt enim in gaudium Domini Dei sui, & faciet eos
possessionem dilectionis suæ, & torrente voluptatis suæ
potabit eos. Quid enim aliud est IESVS Christus, nisi
Ezech. 24. 25. omne Bonum, & Charitas Patris? quid est aliud nisi ole-
um gaudij, & dignitatis? quid est aliud nisi Paradysus vo-
luptatis? Explet ergo Christus omnem voluntatem San-
ctorum suorum, & super explet etiam iuxta promissum
Luce. 6. 38. suum, quo dixit. *Mensuram bonam confertam, & coagita-
tam, & supereffluentem dabunt in sinum vestrum.* Beaticu-
do enim illa Sanctorum mensura quidem est, quia infinita
non est, sed vnius cuiusque meritis admetiendâ; est ta-
men ita copiosa, ita ultra condignum, ita supereffluens
& coagitata, ut non capiatur à sinu Sanctorum, sed ipsum
potius sinum Sanctorum, ac ipsos Sanctos capiat. Quam-
obrem etiam non dicitur Sanctis, Euge serue bone, in-
tret in te gaudium Domini: sed intra in gaudium Domi-
ni tui. Nimirum & Sancti quidem capiunt, & appre-
hendunt illam voluptatem, dulcedinemque Diuinæ bea-
titudinis: si tamen copiam attendas voluptatis illius &
excessum, non eam Sancti, sed illa Sanctos comprehen-
dere, Sanctisque supereffluere merito videtur, atque dici-
tur. Quæ namque lingua dicere, vel quis intellectus
capere sufficit: illa supernæ Ciuitatis quanta sint gaudia;
Angelorum choris interesse, cum Beatissimis Spiritibus
gloriæ conditoris assistere: præsentem Dei vultum cer-
nere, incircumscriptum lumen videre; nullo mortis me-
tu affici, incorruptionis perpetuæ munere lætari? Atque
Luce. 22. 30. hoc totum opus IESV Christi est, qui dixit. *Et ego di-
spōno vobis regnum: ut edatis, & bibatis super mensam meam;*
edatis cibos voluptatis beatificæ, & inebriemini ab vber-
tate domus meæ. Nec iniuria? Quia enim Sancti, pro-
pter Christi imitationem, amorem, promissâ, contempse-
runt omnia mundi istius, vitæque bona, & quæ illis esse
poterant lucra, arbitrati sunt propter Christum detri-
menta, circumferentes mortificationem IESV Christi in
corpo-

corporibus suis, & adimplentes ea, quæ decerant *Passionum Christi in se, & pro Ecclesiâ illius*: quoniam modo non, etiam illis a Christo, merces magna nimis purissimæ dilectionis, atque dulcedinis, & voluptuosissimi gaudij retribueretur? quoniam modo non satiarentur oleo gaudij fruents, qui in spem promissionum Christi sustentabantur, expectatione charitatis desiderantis?

S. XV.

Dominus IESVS Christus Sanctos suos glorificat Gloriâ, Regno, Hæreditate cælesti:

FACIENS illos gloriosos, & Reges, & Hæredes DEI. *Christus glorificat suos Gloriâ.*
Pertinet enim hoc ad magnificentiam eius, ut seruos suos gloriâ & honore coronet, regesque ex seruis constituat, ac propter amorem sui in terrâ nihil habentes, omnia in cælo, & ipsum inprimis DEVM possidere faciat. *Apoc. 1. 6. Regno.*
Fecisti nos (ait ad Christum populus Sanctus in cælo) *DEO nostro Regnum, & regnabimus*, non vñtatâ, utique formâ loquendi. Neque enim regna regnant, sed potius regnantur à Regibus regnantibus, quomodo ergo ait, fecisti nos regnum, & regnabimus? An quomodo dicebat ille, & cum eo Ecclesia, DEO seruire, sic & DEI regnum esse, regnare est? An quia eos, quos in hac mortali vitâ, Christus præceptis, consilijs, meritis, virtutibus, exemplis, gratijs ac donis suis fecerat DEO regna, eisdem ille idem in illâ æternâ vitâ faceret Beatitudine Reges, gloriâ Principes, potestate Dominatores, iuxtâ illud, quod Regius Propheta eidem Christo occinebat. *Pro patribus tuis, nati sunt tibi Filij: constitues eos Principes super omnem terram, etiam illam viuentium, proinde dicit populus ille Beatus: fecisti nos Regna, in mundo mortali nos tibi subijciens ac Patri: iam nunc in hoc beato mundo, fecisti nos Reges, & regnabimus in eo, perfruents bonis tuis, & tui cælestis Patris.* *Psal. 44. 10.*
Quamquam & ita verum est dictum
illud

Excell. 33. illud Sanctorum, quod illi & regna, & Reges sint in cælo. Regna sunt, quia DEVS & Christus in eis regnat pacificè, beatè, gloriosè. Reges autem sunt, quia DEVS ipse, & Christus eius est Regnum eorum: facit enim voluntatem illorum, ita ut omnia quæ volunt habeant: sicut & nihil volunt, quod DEVM non deceat velle.

Hæreditate. Non solum autem ad Magnificentiam Christi, pertinet Sanctos suos facere Reges, & Hæredes cæli: sed etiam id ipsum præstare spectat ad fidelitatem, imò & ad Iustitiam ipsius.

Matt. 29. 29. Ipse enim edixit: *Omnis qui reliquerit omnia propter me, centuplum accipiet, & vitam æternam possidebit.* Ex Sanctis autem nemo est, qui non reliquerit propter Christum omnia sua, plurimi quidem affectu pariter, & effectu, adiecto etiam nihil possidendi voto, omnes autem fecerunt hoc ipsum saltem affectu, qui hoc mundo utebantur, tanquam non videntes, eumque possidebant, tanquam non possidentes. Quamvis autem multi Sanctorum talium, censu pauperes fuerant, & multa propter Christum relinquere in hoc mundo non poterant: quia tamen iidem cupiditate, & desiderijs rerum mundanarum diuites fuerant, quæ postmodum desideria pro Domini sui amore deseruerant: ideo & isti non pauca, sed multa, imò omnia propter Christum reliquerant. Cum enim in nobis non culpetur census, sed affectus, quisquis propter Christum affectum & habita amandi, & amanda habendi dereliquit, multum imò planè totum quod habere, vel desiderare, habere potuit, dereliquit. Sic factum est, ut nemo Sanctorum parum reliquerit propter Christum, quandoquidem quilibet eorum cuncta habendi desideria reliquit propter ipsum. Atque ita pertinet ad Christum, ut partim ex Iustitiâ, partim ex fidelitate, promissionis suæ, centuplum cuique Sanctorum reddat. Et huic Iustitiæ, huic fidelitati, huic Magnificentiæ, atque liberalitati suæ indulgens Christus, ac abundè satisfaciens, gloriâ & honore Sanctos coronat, Reges, Hæredes, cohæredesque suos illos facit, ut qui erant in mundo isto contem-

contempti, stulti, angustii, afflicti, purgamenta & peripsēma mundi propter Christum, & cum Christo, sint gloriosi, sint Reges, sint Hæredes DEI per Christum, & cum Christo.

His tamen quæ nunc dicta sunt, non obstantibus: in integro manet, sua Apostolicæ, Religiosæque paupertatis prærogatiua, cui certum ac indubitatum est, præmium centupli, & possessionis vitæ æternæ, & assensionis in ultimo iudicio, singularissimè à Christo Domino, sicut adpromissum, ita & attribuendum esse. Diuitem enim nimis Remuneratorem habemus, & speramus; & talem cui immensa in infinitum sit, Sanctos suos pro cuiusque gradu remunerandi, etiam supra condignum tam facultas, quàm voluntas.

§. XVI.

Hæc quæ prædicta sunt omnem hominem Christianum confirmare, ac stabilire debent.

1. **I**N viuacitate atque firmitate Fidei, Spei, Charitatisque, adin hærendum per eas virtutes, rebus à Christo Domino reuelatis, præceptis, consultis, propositis, promissisque, quoniam quæ complacuit ei promittere, eadem potens est quoque adimplere: Neque enim negare seipsum potest veritas DEVS.

Christi Glorificator confirmat suos in virtutibus Theologicis.

2. Eadem prædicta debent omnem Christianum, confirmare in ambulando per semitas mandatorum, voluntatumque Diuinarum: Verbum enim DEI, lucerna est pedibus audientium illud, & non est illis scandalum, in quo necesse est impingere, & velut cæcitate percussos palpare omnes, qui diligunt magis tenebras, quàm lucem, & quibus, utpotè carnalibus, omnis Diuini Verbi veritas nox est.

Observatione Preceptorum

3. Eadem prædicta debent omnem Christianum, confirmare in dilectione feruenti, & perpensione constanti

Amore feruenti, & Mortificatione consistari.

Excell. 33. mortificationis IESV Christi, tam in Corpore, quam in Animâ, quandoquidem in hoc, vita Christiani cuiusque est, si spiritu desideria & facta carnis, & animalis voluntatis mortificauerit: & quoniam non sunt condignæ passionibus huius temporis, ad futuram gloriam quæ reuelabitur in nobis, ad perennemque voluptatem æternæ vitæ, quæ torrente inundabit nobis.

Euacuatione
voluntatis
proprie

1. Cor. 7. 31.

4. Eadem prædicta debent omnem Christianum, confirmare in expurgatione & euacuatione voluntatis suæ, ab omni amore creaturarum præsentium, simul ac prætereuntium. *Præterit enim figura mundi huius*, Ita ut non tantum nihil velit, cupiatque: sed etiam nec velle, cupereque possit; quantum quidem hæc cupiendi potestas in hac vitâ excludit ab Animâ, per gratiam Saluatoris, potest. O Christiane, melle Diuino implendus es: si aceto cupiditatum plenus es; ubi mel pones? Effunde ergo acerrum, ut melle implearis. Projice abs te amorem terrenorum, ut celestium hæreditate bonorum stabiliri possis; quomodo enim cælum & terra, ad inuicem disiuncta sunt, sic terrena & celestia desideria, ab inuicem dissociantur. Quod ergo DEVS disiunxit, frustra est Homo, si coniungere velit.

S. XVII.

Christus Electos suos beatificat in calo, Mercede, Coronâ, Denario, Premio.

Christus in
calo suos mu-
neratur:
Mercede si-
ne Denario.

QVia enim Dominus IESVS est ille Pater-familias, qui habet vineam, quam agricolis locauit, & ad quam excolendam operarios à mane, usque ad vespæram submisit, facta cum eis conuentione ex denario diurno; Sancti verò operarii iustitiæ, pondus diei & æstus studiosè sufferentes, atque in hac Domini Sabbaoth vineâ, in omne opus bonum operandum abundantes, ideo reddit illis Dominus mercedem suam, denarium scilicet diurnum,

num, incipiens à nouissimis vsque ad primos. Item, quia Dominus IESVS agonothetes luctantium in certamine, & in stadio currentium, nec non Imperator Diuinorum Agminum, cum inuisibilibus inimicis diu notuque decertantium: Sancti verò sunt, qui legitimè decertant in omni certamine, vsque in finem; propterea, Christus Dominus, coronat Sanctos coronâ iustitiæ, donat brauium, palmas manibus inserit, & exhibet manna absconditum, & nomen nouum, facit illos columnas in templo suo, & dat eis in suo throno sedere secum. Ad extremum, quia Dominus IESVS est Homo diues, qui inter seruos suos, Mnas, & talenta, & bona sua distribuit, secundum propriam cuiusque virtutem, iubens vt negotiarentur in eis, dum ille accepto sibi regno rediret: porro Sancti sunt serui boni, fideles, ac prudentes, qui non defoderunt pecuniam Domini, sudario inuolutam, sed negotiati sunt in talentis & bonis Domini diligenter, afferentes ei fructum in lætitiâ & abundantia; ideò & Dominus reddit eis præmia meritorum, & dat illis potestatem supra decem ciuitates, constituit illos super omnia bona sua, qui super pauca fideles fuerunt, ac demum introducit illos in gaudium suum æternum.

Premia.

§. XVIII.

*Dominus IESVS Christus beatificat Sanctos suos vitâ, & vbertate, plenitudine, satietate
omnis Boni.*

*Christus be-
atificat suos
Vitâ.*

HOc quippe est propriissimum munus eius, dare vitam, & abundantem quidem vitam, & æternam quidem vitam, ijs omnibus, quos inuenit dignos se. Ego (inquit ipse Dominus) *veni vt oues meæ vitam habeant: & abundantius habeant: Et ego vitam æternam do eis.* Accedit quod cum Christus nihil sit aliud, nisi vita, & quidquid in eo est, vitale, & vita ipsa est: adeo vt & ipsa mors

Ioan. 10. 63.

scilicet

eius,

Excell. 33. eius, sit vita nostra, quâ ex mortuis resuscitamur in æternam vitam; Ipse quoque est Patris Cor, atque vita: quoniam in ipso vita erat, & vita erat lux hominum; inde fit ut Christus, non aliud possit dare Sanctis suis, nisi quod sit vitale, viuificum, & ipsa vera vita: Ipse est Lignum vitæ in medio paradisi situatum, cuius ipsa quoque folia sunt ad salutem, atque ad sanitatem Gentium: quoniam & ipsa verba, Spiritus & vita sunt, & verba vita æterna sunt. Dat ergo Sanctis vitam, & dat immortalem, ideoque dat cum plenitudine, & satietate; In eâ enim dat semetipsum, ipse verò est plenitudo, & habet in se omnem plenitudinem. Diuinitatis inhabitantem corporaliter. Ipse etiam est omne bonum, & omne omnis boni Bonum. Quidnâ ergo satiet Sanctos vbertate, & plenitudine omnis boni? Præsertim cum idem ipse sit mammilla æterni sui Patris, & vber Diuinitatis. Mensa quoque lactescens, & nutrix omnium, ac mundi nutritor. Quid enim ab hac mammillâ, ab isto vbere, ab istâ nutrice non trahunt, non sugunt, non sumunt illi Filij excussorum, illi paruuli in Christo, sed tamen grandes in cælo: qui pauperes opibus, diuites operibus, per angustam portam intrauerunt in regnum cælorum? Tales sunt, qui etiam hâc in vitâ licet, clamant nihilominus Deo, satis est Domine, satis est, qui clamant Domino: quid seruas in cælo, si tantum profundis in exilio?

§. XIX.

Christus IESVS beatificat Sanctos suos Vnione, & communicatione mutuâ:

Christus beatificat suos mutuâ sui & bonorū cōmunicatione

TVM scilicet ipsorum cum DEO, & DEI cum eis: tūm ipsorum secum, & sui cum ipsis; tūm denique ipsorum ad inuicem, vniuscuiusque cum omnibus, & omnium cum vnoquoque. *Accessibilis ad Sion montem, & Ciuitatem DEI viuentis Ierusalem cælestem, & multorum millium frē-*

um frequentiam, & Ecclesiam primitiuorum, qui conscripti sunt in calis, & iudicem omnium DEVM, & spiritus iustorum perfectorum, & testamenti noui mediatorem IESVM. In illâ quippè beatitudine æternâ, omnia & omnes vnum sunt: quia DEVS est omnia in omnibus, & omnes vnum in DEO: hoc ita postulante ipso Christo à Patre, *ut omnes* IOAN. 17. 21
vnum sint, sicut tu Pater in me, & ego in te, ut & ipsi in nobis vnum sint. Tanta enim sese illis DEVS effundit, & infundit copiâ, ut omnes absorbeat, & quasi in se vnum attrahat, vnumque secum faciat. Christus quoque pro suâ (DEI HOMINIS) parte, hoc vnum operatur in cælo, ut Sancti sint vnum cum ipso, vnum non tantum spiritu, sed etiam quodam modo corpore. Nam si hoc in istâ etiam vitâ agebat, ut efficeremur corpus eius, & illi concorporei, ob idque nobis dabat corpus suum ad vescendum, & sanguinem ad potandum, ut habentes illum nobis immistum, & habentes Corpus eius in nos contemptum, vnum quid simus, tanquam corpus capiti unitum, fiamusque Christi consanguinei, ac ipsi reddamur. (ut dixi) concorporei: sicuti si quis liquefactæ ceræ aliam ceram infuderit necesse est, ut alteram cum alterâ commisceat: sic qui sanguinem Domini recipit, cum ipso ita coniungitur, ut Christus in ipso, & ipse in Christo inueniatur. Et sicut parum fermenti, totam massam fermentat, sic parvula benedictio totum hominem, in se ipsam attrahit, & suâ gratiâ replet, & hoc modo in nobis Christus manet, & nos in Christo.

Hoc (inquam) si Christus Dominus hâc in vitâ agebat, mediante Sanctissimo Eucharistiæ SACRAMENTO, quanto magis hoc ager in cælo, ut Sancti sint vnum cum ipso, idque ita, sicut ille & Pater vnum sunt. In cælo enim Christus, est absolutissimè & perfectissimè caput corporis sui, quod est Ecclesia, & membrorum, quæ sunt Sancti Beati, in cælo ergo maximè compaginatur Caput & Corpus, & in corpore membra, simul cum Capite. Denique, cum in cælo charitas sit, quæ beatificat Sanctos,

Excell. 33.

Etos, Charitas autem non quærat, quæ sua sunt, sed quæ aliorum, ut quæ tota sit ad alios, tanquam vera & propria Amicitia: ita certè sit, ut Sancti, qui sunt filij Charitatis omnes, fiant inter se vnum omnes; adeo ut vnus sit omnium, & omnes vnus, & singuli singulorum, & omnes omnium. Ideoque vnus omnium bonis sic gaudet, ut suis proprijs: & omnes sic gaudent vnus bono, ac suo proprio: fiuntque bona omnium communia: quoniam vnus omnibus communis est DEVS, vnus omnium communis Christus. Vna quoque communis est omnibus Charitas, & sunt mutuis bonis diuites, pleni, ac beati: perinde, ut in Corpore viuo, sano, vegeto; membra omnia, sunt mutuâ sanitatè viua, sana, vegeta, robusta, formosa. Et hoc quidem operatur in Corpore vnus, ac idem eius Spiritus, quidni ergo idem, imò millies melius & perfectius, in Sanctis suis operetur Dominus IESVS Christus?

§ XX.

Hæc quæ prædicta sunt animare debent omnem Christianum.

Christo Glo-
rifierator ani-
mat quæq;
ad Laborem
et c. perse-
cutissimum.

1. **A**D laborandum, ad pugnandum, ad currendum, ad negotiandum, assiduè, strenuè, fideliter, prudenter, tanquam bonus operarius, strenuus miles, infessus cursor, seruus fidelis, negotiator prudens, quoad vsque veniat Dominus, qui ponet rationem cum seruis suis, & reddet unicuique secundum fidelitatem & prudentiam eius. Non ergo Christiane cesset pes tuus, non langueat manus tua. Age, quod agis: donec veniat sicut mercenarij dies tua, in quâ dicetur tibi, & omni iusto, quoniam benè, quoniam ad inuentionem manuum, suarum comedet. Id verò illè, vel maximè faciat, qui viderit sibi appropinquantem finem, instareque velocem huius luteæ, suæ domus dissolutionem, & pastorici tabernaculi

raculi depositionem. Tunc enim ingeminare oportet: Ohe, tempus breue est, cælum verò adhuc procul distat. Cursus ergo adduplicandus est.

2. Eadem prædicta Christianum omnem animare debent, ad viuendam vitam absconditam cum Christo, & pro Christo in DEO, ad expurgandum quoque vetus fermentum, corrigendum quoque palatum, ne carnes & porros Ægypti sapiat vel cupiat, Angelorum verò panem obnaulet, ne inter sepulchra concupiscentiæ demoretur, potius ad conditionem pusillorum redeat, ut mammilla Regum lactari, nutrici omnium Gratiae nutriendus committi, & ad vbera æternæ beatitudinis lacte turgentia portari, & admoueri mereatur.

3. Eadem prædicta omnem Christianum animare debent, ad ambulandum in dilectione, & in spiritu Charitatis Christi semper, ut quantum fieri potest totus Charitati insistant, totus Charitate constet, totus ex Charitate operetur, totus Caritas DEI, & proximi fiat, quatenus fiat vnum cum DEO, qui Caritas est, vnum cum Christo, qui & ipse Caritas est, vnum & cum omnibus Sanctis, qui & ipsi filij Charitatis sunt, & omnes alterutrum fratres.

§. XXI.

Dominus IESVS Christus beatificat Sanctos suos, sacratissimâ Humanitate suâ.

Siue, illius visione, possessione, fruitione, pulchritudine, forma, dotibus, siue Maiestate tam in Animâ, quàm in Corpore residentibus, ac à Diuinitate VERBI promanantibus. Etsi enim principalis, & essentialis Sanctorum gloria & Beatitudo, non consistit in Visione ac fruitione Humanitatis IESV Christi, attamen hæc est, secundarium, principale beatitudinis eorum principium & obiectum, adeò ut attendendo ad totalem, totius alicuius,

Christus beatificat suos Humanitate suâ, tanquàm secundo principali obiecto beatitudinis.

It

præfer-

Excell. 33. præsertim Homini Beati, beatitudinem, si in cælo Humanitas Christi non esset, quæ sensibilibiter Sancti beatitudinem compleret, minus esset perfecta, minusque tota esset eius beatitudo, deesset quippe beato corpori, quin etiam Animæ, quo eius beatitudo perficeretur, & quod ex Visione Essentiæ DEI haberi, trahi que non posset. Vt igitur esset ex omni parte plena Beatitudo Sanctorum, præsertim hominum, necesse erat esse Humanitatem gloriosam VERBI in cælo, cuius fruitione (vt ita dicam) sensibili, etiam sensitiua beatorum portio completè beatificaretur, præsertim cum Sacratissima Humanitas illa, fuerit in hac vitâ mortali, & VERBO instrumentum seruiens valde ad Redemptionem, salutem, instructionem, exemplumque Sanctorum, ob quod sine dubio, decens quoque valdè est, vt sit etiam instrumentum beatificandorum: & Sanctis fuit via, atque lanua, medium & adiumentum præcipuum ad DEVM, tùm ratione mysterij Incarnationis simpliciter & absolutè, tùm ratione operum à VERBO in eâ, & per eam gestorum, tùm ratione Sacrificij altaris, atque SACRAMENTI Eucharistiæ, tùm ratione Capitis, tùm denique ratione exempli Archetypi, ad imitandum Sanctis propositi, ab ipsisque singulariter imitando expressi. Ista enim omnia requirunt, quasi connaturaliter, vt eadem Gloriosa Humanitas VERBI, esset etiam præmium Sanctorum, & fons aliquis beatitudinis eorum; implereturque Prophetica promissio dicens. *Haurietis aquas de fontibus Saluatoris*, siue ij fontes essent Diuinitas & Humanitas, siue Vulnere in Corpore Christi, etiam ad beatitudinem reſeruata. Vt quemadmodum in hac vitâ, per Humanitatem VERBI perueniebant Sancti omnes ad Gratiâ: sic per eandem etiam peruenirent ad Gloriam, & quemadmodum hic fruendo per fidem, spem, charitatem, imitationem, ac Eucharisticam sumptionem Humanitate VERBI, pergebant ad filiorum DEI adoptionem, & accipiebant pignus hæreditatis æternæ: sic ibi in cælo, fruendo visibilibiter eadem.

eâdem ipsâ Humanitate VERBI, pertingerent ad realem, & veram, & plenam possessionem DEI, tanquam Hæreditatis æternæ. Atque si teste ipso Domino, *beati erant oculi discipulorum*, qui in carne videbant, audiebantque commorantem DEVM-Hominem, quæ felicitas Veteris testamenti Regibus Prophetisque Sanctis non obtigerat: quantò magis beati sunt Electorum oculi, auresque in cælo, fruenter sacratissimæ, ac beatissimæ eiusdem Humanitatis VERBI, conuictu, conspectu, consortio glorioso, simul ac glorificante per omnem æternitatem.

Luc. 10. 28.

§. XXII.

Dominus IESVS Christus glorificat Electos suos, suâ superbeatissimâ Diuinitate.

SCilicet Visione intuitivâ facie ad faciem, fruitione, possessione, atque Hæreditatione veri DEI, Magni DEI, optimi super omnia bona DEI, Patris, Verbi, Spiritûs Sancti. Ita enim est Originalis, & Essentialis, suæ præma & consummata Beatitudo, DEVM videre, DEO frui, de DEO gaudere, cum DEO esse, non iam per fidem, spem, desiderium: sed sicuti est, sed per comprehensionem, sed per introitum, & intromissionem in potentias, in plenitudinem, in Essentiam Domini. Ad hoc Christus, est Christus, ad hoc (inquam) est DEVS homo factus, ut nos Diuinitatis suæ tribueret esse participes, hæredes, fruitores. Ergo sicut ad hoc Christus Sanctos deducit, tanquam via, tanquam ostium, tanquam Pastor, tanquam Magister, tanquam Dux, tanquam Caput, ut eant & perueniant ad DEVM: ita etiam ille idem eosdem inducit in locum pascuæ, in regnum opulentia, in mare voluptatis, in abyssum omnis Boni: in ipsum scilicet DEVM, hoc est, in seipsum, & ostendit ac dat eis DEVM, aperit eis catarractas gloriæ, diluvia beatitudinis immittit in eos, & absorbet eos, in abyssis Deitatis suæ,

Christo beatificat in cælo suos Diuinitate tantquam primæ principalis beatitudine, ac consummatâ felicitate.

Excell. 33.

in visceribus felicitatis, atque bonitatis suæ. Vt hoc modo ipse sit Alpha & Omega, principium & finis, primus & nouissimus, Via, Veritas, & Vita. Bonum super omne bonum, vita super omnem vitam, beatitudo omni beatitudine beatior, quam nihil minuit, nihil contristat, nihil conturbat, nihil succedit. Cui fons DEVS, principium DEVS, essentia DEVS, æternitas DEVS, omnia DEVS. O status, in quo statatur & manetur semper. O locus, qui nunquam mutatur. O Diuitiæ, nunquam deficientes. O satietas, absque nausæa: O fames absque carentiâ. DEVS semper DEVS, sine fine DEVS, sine defectu DEVS. Æternitas DEVS. Ipse est cibus, quo beatos cibatur Christus: ipse est potus, quo beatos potatur Christus: ipse est opulencia, quâ Beatos ditatur Christus: ipse est omnia, quod est in omnibus, per omnia Christus, & omne omnium Bonum Christus, omne omnis boni bonum Christus.

§. XXIII.

Dominus IESVS Christus Electos suos beatificat Æternitate, & securitate.

Christus beatificat suos Æternitate bonorum & securitate.

NEQUE enim beati essent beati, nisi in æternum essent beati, & nisi securi essent, quod per omnem æternitatem futuri sint beati. Ergo hoc etiam Domini IESV Christi est munus, hoc officium, hoc præmium in Sanctos, quod illos faciat de bonis æternis, quod illos introducat in portas, in domos, in regna, in claustra æternitatis, nunquam transitoria, nunquam transeunda, è quibus non possint si velint, non velint si possint egredi, adeò sancti in illâ Patriâ, à Christo collocati nec velle possunt, nec posse volunt non esse beati. O felix status, verè status, in quo non est motus, à quo non est transitus, non est spes, non est metus, sed desperatio omnis mali, & certa possessio omnis boni, est æterna securi-

securitas, & secunda æternitas, & felix suauitas, & suavis iucunditas, & iucunda beatitas, & beata vita, & vita æterna, & hæc omnia Christus, fons Christus, mare Christus, abyssus Christus.

§. XXIV.

Hæc prædicta omnem Christianum excitare debent.

1. **A**D amorem, imitationem, desideriumque Sacratissima Humanitatis Christi: æmulando in hoc omnes Sanctos, tam huius mortalis, quam illius immortalis vitæ, quos in eo studio erga Dominum IESUM excelsissimè constat. Talis fuit Beatus PETRUS, qui tertium interrogatus à Domino, an eum plus alijs diligeret, non dubitauit, allegatâ sibi in testimonium ipsiusmet Domini omni scientiâ, non inquam dubitauit affirmare, quod Dominum plus omnibus diligeret. O quantus amator, & quanto testatore amator PETRUS! Quid verò PAVLUS? is quidem erat desiderium habens dissolui, & esse cum Christo: nihilominus propter amorem Christi, non abnuebat remanere in carne, remanere in periculis in plagis, in naufragijs, in insidijs, in mortibus frequentibus & quotidianis, propter Electos, propter seruos Christi. Neque hoc satis PAVLO. Optabam (ait) ego, ipse anathema esse à Christo, pro fratribus meis, Christo meo inimicis; Quid est, quod dicis PAVLE, satisne tui compos es: an te multa Charitas ad insaniam adducit? Ita ne? optas carere Christo, dummodo inimici Christi, amici fiant, & non careant Christo? Omnes siue in terrâ, siue in cælo amatores Christi, iudices sint, de isto amore PAVLI, erga Christum, sitne Amor, an quid plus, quam Amor Christi?

2. Eadem prædicta omnem Christianum, excitare debent ad amandum ardentissimè, concupiscendamque

Christi glori-
ficator hor-
tatur vnum
quod ad A-
morem &c.
Humanita-
tis sue.

Phil. 1. 23.

Rom. 9. 3.

Et Diuinita-
tis. Emenda-
tionem oculo-
rum Cordis.

Excell. 33. famelicissimè Diuinitatem Christi, tùm verò ad exactissimam emundationem oculorum cordis, quibus videatur possideaturque, quàm serenissimè DEVS Christus. *Beati enim mundo corde, quoniam ipsi DEVM videbunt.* Mundum cor, amans, & amore ardens cor est, quantò ardentius diligimus, tantò serenius videbimus. O amare! ô arde-
 re! ô Amore perire! ô ad DEVM videndum peruenire! ô IESVM, qui cum Patre & Spiritu Sancto, est benedictus super omnia DEVS in æternum videre!

Timorem &
cautelam.

3. Eadem prædicta omnem Christianum firmare, & cautum facere debent: tùm vt cum metu & tremore, operetur salutem suam semper; tales siquidem manet illa secura æternitas, atque æterna securitas. Beatus enim, qui semper est pauidus, tùm vt non fatigetur neque frangatur, siue labore, siue dolore, siue expectatione atque dilatione futuræ gloriæ. Diu enim desiderandum est, quod semper possidendum est, & ad magna præmia paruo labore, perueniri non potest, denique magnæ & æternæ consolationes, non modico dolore mercandæ sunt.

§. XXV.

Domino IESV Christo, Sancti eius in cælo, sunt Exercitus, seu Legiones, atque milites.

Christo in cælo
tanquam

Imperator
medios inter
milites.

Apoc. 12. 7.

Psal. 147. 14.

DOMINUS autem IESVS est, eorum Ductor ac Imperator. Non quod in cælo sint, aut esse possint bella, seditiones, prælia: (semel id tantum euenit, quando Sanctus Michaël, & Angeli eius praliabantur cum Dracone, & Angelis eius: sed eiectus est Draco cum suis, & non est inuentus amplius locus eorum in cælo.) siquidem illius Ciuitatis supernæ, Dominus fines posuit Pacem, & confortauit seras portarum eius, sed quia qui isthic sunt, & qui istuc veniunt, omnes sunt qui pugnaverunt, aut etiamnum hic pugnant cum antiquo serpente: & sunt Milites, ac propugnato.

gnatores; pugnantes bella Domini, & propugnantes Legem, Iustitiam, Veritatem, Gloriamque illius, quapropter sunt Legiones, & Castra, & Milites in cælo: & in medio eorum Imperator IESVS, qui & ipse pugnavit & vicit, & accepit virtutem, & Diuinitatem; Isti milites recensent, prælia, vulnera, pericula, victorias suas, meritaque sua, gloriantes in Domino, & coronas, palmasque suas deponentes ante thronum DEI, & Agni, huic Exercitui Ecclesia, militans quotidie supplementa mittit: ut impleatur numerus fratrum & electorum, & ædificentur muri Beatæ Ierusalem. Hic Exercitus Ecclesiam militantem propugnat, & protegit, ab impetitione Draconis: quâ meritis, quâ precibus, quâ Exemplis. Hic Exercitus veniet cum Christo de cælo, ad iudicium vltimum, cum virtute & maiestate multâ, in nubibus veniente.

S. XXVI.

Sancti in cælo, sunt IESV Christi præda & spolia.

Dominus enim IESVS de cælo, in mundum prædaturus venit, & hoc est nomen illi à Natiuitate suâ. *Accelera, festina prædare: Ad prædam fili mi ascendisti, aiebat ei* idem Pater suus IACOB, denique, qui benedicebant Dauid succlamabant, *Hæc est præda Dauid, accipite de benedictionibus Domini.* Sancti itaque sunt præda veri Dauidis, præda quam Iacob abstulit de manu Amorrhæi in arcu suo, & gladio: præda & captiuitas, quam eduxit Christus eriptram iniquo possessori diabolo, forti armato, sed fortior spolia detrahente superueniens, arma confidentiæ illius, auferens ac diuidens, atque sibi vendicans. Olim enim Sancti fuere tenebræ, & filij tenebrarum: iam autem lux in Domino, & filij lucis: olim non populus & absque misericordiâ, nunc autem populus acquisitionis, & misericordiam consecutus. His itaque spolijs & prædis onustus,

Christo Beata in cælo spolia.
Esaia. 8. 3.

1. Reg 30 20.
Ibid ij. 26.
Gen. 48. 22.

Excell. 33: onustus, & ditatus Magnus prædator Christus, venit in cælum, tanquam Dominus virtutum, tanquam Dominus fortis & potens in prælio. Talibus prædis & vasis captivitatis, etiam hodie ditatur in cælo, & occinitur illi: *Percussit Saul mille: at David, decem millia: etenim manus Domini erat cum illo; percussit Philistæum, & abstulit opprobrium ab Israel.* Et illud etiam: *Vicit Leo de tribu Iudæ.* *Apoc. 5. 5. Leo & simul Agnus. Agnus, dignus accipere virtutem, & honorem, & fortitudinem, & Diuinitatem.* O Christiani: vtinam nos quoque inter hæc spolia, inter hæc prædas, atque manubias Domini IESV connumeremur! vtinam quisque nostrum sit ex eis, quos se de manu fortis armati, fortior rapuisse gloriatur Dominus noster IESVS Christus!

§. XXVII.

Sancti in cælo, sunt IESV Christi Trophæa, & pompa, arcusq; Triumphales:

Christo Beati, Trophæa & Triūphi.

A Deò vt tot Christus erigat trophæa, totque agat Triumphos, quot habet Sanctos, quot excipit & coronat Electos. Licuit PAVLO Apostolo, (& cui nisi IESV Christi seruo, ac ministro?) licuit inquam scribere ad eos quos Christo, vel potius quos sibi Christus per PAVLUM lucri fecerat & subegerat, de potestate diaboli ereptos: *Gaudium meum, & corona mea.* Non licebit Christo; vel plenius, non erunt Christo Sancti sui Gaudium, Corona, Trophæa, Triūphi? Sanè. Quantum Christi trophæum P E T R V S Apostolorum Princeps? quantum Triumphus Christi ipse PAVLVS? quantum Christi gaudium ANDREAS? quanta Corona Christi STEPHANVS? quanta Trophæa Christi, ille Sanctorum Legiones, veteris iuxta nouique Testamenti? illi Martyrum exercitus, illa Religiosorum Confessorumque agmina? illi Virginum, Matronarumque conculcatores ac debellatores, tam.

tam carnis, quàm mundi dæmonumque, gloriosissimi, spectatissimi que cætus! Quid te vocabo: O Signum Ma- Apoc. 12. 10
 gnum in calo, Mulier amicta Sole, sub cuius pedibus Luna, supra cuius Caput Corona stellarum duodecim, terribilis ut ca-
 strorum acies ordinata; Christi Mater, & Virgo MARIA?
 Et tu Trophæum Christi es, vel potiùs, quid omni cælesti Trophæo maius, gaudium, & corona, & coronatrix Christi: Etiam Angeli sancti, sunt trophæum Christi: quorum zelus & victoria pro Christo, vnica quidem, at quæ omnium instar sit resonat succlamatione triumphali: Quis vt DEVS? Super omnia verò ipsemet sibi Christus IESVS DEVS-Homo, Verbum Caro, trophæum est grande nimis, quod ita exornatur coronaturque omnibus, omnium Sanctorum ornamentis, tanquam ex meritis gratiâque illius desumptis, vt simul ipsum sit, omnium decorum decus, omnium coronarum corona, omnis gloriæ gloria. O quale est illud vniuersæ Ciuitatis DEI gaudium, qualis gloria? vbi quacunque circumtuleris oculorum obtutum, omnia videas plenissima trophæis Christi, triumphis Christi, exaltationibus & exultationibus, & omni gloriâ Christi.

§ XXVIII.

Prædicta, omnem Christianum docent hortanturque.

1. **M**ilitare militiam Christi, & castris eius accentu- Christo Glo-
rificator ex-
citatur ad cer-
tamen bono-
rum militum
Christi.
 rari, & sub signa ipsius colligi, induere arma, potentia DEO, & armaturam omnem DEI: tum verò certare quasi bonus Miles, & luctari contra carnem & sanguinem: contra principes & potestates tenebrarum, contra mundi rectores, aduersus spiritualia nequitia, & nequissimos spiritus.
2. Prædicta docent omnem Christianum, curare vt & Ad curam,
vt simi in-
ter pradas
Christi.
 ipse sit spoliū, prædaque Christi, & vel vitroneè se illi
 Vu in.

Excell. 33. in prædam dare. Insuper verò, quàm maximam dare operam, vt quàm plurimos proximos, prædas etiam, Christi faciat, dicetque Christum opimis spolijs, nullum, quoad fas fieri, momentum prætermittens vitæ, quo non aliquid prædarum Christo in cælum deferat: exrens & exercens amabiles Christo Animarum prædationes: siue Orationibus, & votis desiderijsque, siue prædicationibus, doctrinis, consilijs, salutaribusque monitis, siue perpetuis bonorum operum, atque morum exemplis. Talibus enim hostijs promeretur DEVS, talibus spolijs prædisque delectatur Christus, talibus manubijs datur Rex noster IESVS, talibus trophæis ornatur & exaltatur Imperator DEVS-Homo.

§. XXIX.

Sancti in calo sunt specula & imagines, ad viuum & genuinis coloribus in sese IESVM Christum ipsimet Christo, & omnibus qui in calo sunt, gloriosissime repræsentantes.

*Beati in calo,
specula sunt,
Christum re
præsentantia.*

Ita vt quodam modo tot esse in cælo Christi videantur, quot sunt Sancti. Neque enim quisquam Sanctorum, aliâ conditione ad cælum admittitur, quàm si in se efformatam, elaboratamque IESV Christi imaginem, quàm optimè attulerit. Itaque intraturis in cælum, *Mar. 12. 16.* indubitatè, quæstio illa proponitur; *Cuius est hac imago?* omninoque exigitur, vt omnes cæli incolæ, portent imaginem in se Hominis cælestis, qui est Christus, & tales sint cælestes, qualis & Cælestis, aliàs qui secus faxit *Matt. 22. 12.* dicitur ei. *Quomodo huc intraſti, non habens vestem nuptialem: nec portans cælestis Hominis imaginem?*

O quale est illud Sanctorum regnum, in quo totus Christi sunt, quot Sancti: in quo toties est Christus, quoties relucet ac videtur in Sanctis! O quantus etiam est Domi-

Dominus noster IESVS Christus, quem tot Sancti, id est, tot viuæ, veræ, perfectæque Imagines representant, & in tot exactis, tersisque speculis refulget? In singulis verò aliter & aliter, & licet vbiq̃ue perfectè, & Christo dignè, nusquam tamen per omnia Christo adæquatè. Resplendet in vno aliquo Sancto Charitas Christi, resplendet in alio Humilitas, in alio Mansuetudo, & sic deinceps: in omnibus sicut in Christo, & dignè Christo: attamen non adæquatè Christo. Rectè enim & verè dictum est. Quantumcunq̃ue te deieceris, humilior Christo nunquam eris, quod & de omni aliâ virtute, ac similitudine Christi sentiendum est. Tanta est enim Charitas, Humilitas, Mansuetudo, Patientia, & omnis alia perfectio Christi, vt nulla earum, neq̃ue ab vno aliquo Sancto, neq̃ue ab omnibus simul Sanctis, rota adæquari possit. Idq̃ue dixerim, non tantum habitâ ratione Personæ Christi, sed etiam ratione ipsius cuiusq̃ue virtutis gradûs, & excellentiæ, & exemplaritatis. Ita sancti sunt Imagines, & specula Christi: non quidem adæquata, & planè paria Christo: non tamen indigna Christo, quoniam in omnibus dignè relucet, exaltaturq̃ue Christus.

S. XXX.

Sancti in Cælo sunt Amici, & conuiuia, hospitesq̃ Christi.

QVI sedent ad Mensam eius, & quibus ipse iuxta promissum suum, præcinctus & transiens ministrat; & dicit, Comedite Amici, & bibite, & inebriamini Charissimi. Et quid ministrat? qualem cibum, qualem potum? Ipse Mensa, ipse cibus, ipse potus, ipse sapor, ipse suauitas, & dulcedo, ipse Minister est. Vide hoc ab illo fieri in militante Ecclesiâ, ipse Pastor, ipse mensa, ipse cibus, ipse potus, ipse Altare, ipse Sacrificium, ipse Sacerdos, ipse Ignis, ipse DEVS: quantò magis hoc erit, Beati, in cælo, conuiuia cū Christo.

- Excell. 33. ibi, vbi est omnia in omnibus? Et quidni pinguescant, sagingentur, inebrientur, in tam vbere pascuæ loco collocati? tanto cibo, tanto potu, ipso scilicet DEO-Homine, ab ipso DEO-Homine patti, & potati? Non te fefellit
- Psal. 16 15. spes tua ô David sancte, quâ exclamabas: *Satiabor, cum apparuerit gloria tua.* Ergo satiariis illo cibo, illo potu atque calice, de quo pariter admirans dicebas. Calix meus inebrians, quàm præclarus est? & quem sitiebas,
- Psal. 41 2. quando æstuans aiebas. *Quemadmodum desiderat ceruus ad fontes aquarum, ita desiderat ad te Anima mea DEVS.* Regina Austri de seruis Salomonis dicebat, videns eorum
3. Reg. 10. 8. ordinem ministeria, cibos, vestimenta. *Beati serui tui, qui stant coram te semper, & audiunt sapientiam tuam,* quid dicendum est de Sanctis DEI nostri, qui sedent ad Mensam eius, sicut Amici eius. *Nonne plusquam Salomon hic?*
- Matt 12 42.

§. XXXI.

*Sancti sunt, IESV Christi thesauri, imò The-
sauri in calo reconditi, & quidem tot, ac
tanti, quot & quanti sunt Sancti.*

*Beati, in ca-
lo, Theauri
sunt Christo.*

HI enim sunt reuera thesauri illi absconditi, quondam in Agro Electionis Diuinæ primùm, deinde in agro militantis Ecclesiæ, quos prouidentissimus homo IESVS inueniens: vendidit omnia quæ habuit, & tradidit omnem substantiam Domus suæ, & emit Agrum illum, cum thesauris istis. Hi sunt bonæ & pretiosæ Margaritæ, quarum vnâquamque prudens Negotiator, omnibus suis distractis comparauit. Non admittuntur ad cælum vlli, nisi qui supra fundamentum, quod etiam est ipse IESVS, superædificant aurum, argentum, lapides pretiosos. Quia enim inferendi, ac inferendi sunt Ciuitati illi, quæ tota est aurum mundum, cuius ornamentum omnis lapis pretiosus, cuius fundamentum ex lapidibus pretiosis, non possunt esse aliter idonei huic ædificio:

Apoc. 21. 18.

nisi

nisi & ipsi sint per omnia pretiosi, per omnia thesaurus
 diues, atque pretiosus, dignus qui abyssos thesaurorum,
 Christi cumulet. Et reuera nisi tales essent Sancti, ar-
 gueretur inscitia, seu prodigalitatis increata & incarna-
 ta Sapiencia IESVS, si pro vilibus quibuidam scrutis, pro
 fano, ligno, stipulâ, pro paleis & luto: pretiosam sub-
 stantiam suam, inæstimabilis pretij sanguinem, Animam,
 vitam suam profudisset. Sed absit ita cogitare, de Sa-
 pientiâ, Iusticiâ, Potentiâ, Charitate æternâ, quæsiuit, in-
 uenit, selegit, emit, thesauros pretiosos, & in eis abyssos
 posuit. Posuit quidem ille & thesauros in abyssis suis,
 sed etiam simul recondidit abyssos in thesauris. Etenim
 Iudicia DEI abyssus multa: atque terribilis, mirabilis,
 abyssalis planè DEVS in consilijs, super filijs hominum,
 potissimum circa electos DEI, *radix Sapiencia, nemini re-* Eccl. 1. 6.
uelata est, sed exclamari debet. O *Altitudo Sapiencia &* Rom. 11. 33.
Scientia DEI, quam incomprehensibilia sunt Iudicia eius,
 & inuestigabiles viæ eius! Quis enim cognouit sensum
 Domini, aut quis consiliarius eius fuit? Habet ergo
 Dominus IESVS Sanctos, tanquam thesauros in abyssis,
 & tanquam abyssos in thesauris, in omnibus verò ipse-
 met est totus Thesaurus, totus diuitiæ, totus eorum DE-
 VS. Omnis etenim Sanctus necesse habet confiteri, ac
 dicere Domino. *Gratia DEI sum, id quod sum; & gratiâ* 2. Cor. 15. 10.
 quoque DEI non sum, quod non sum, *& gratia eius in me* Ibidem.
vacua non fuit; & IESVS, ipse est thesaurus meus, ipse
 est ponens in thesauris abyssos, & thesauros in abyf-
 sis. Ipse thesaurorum thesaurus, ipse abyssorum
 abyssus, ipse thesauros omnium replet, ipse
 est suæ Plenitudinis plenitudo, & abyf-
 salis abyssus.

§. XXXII.

Christ^o glori-
ficator exci-
tat vnum
quemq; ad
delendā in
se terreni

hominis i-
maginem.

Rom. 8. 28.

Ad perpoliē-

dā in se per-

fectū effigi-

em Christi.

Adcurā vir-

tutum perfici-

entū in se

imaginem

Christi.

Adprocurā-

dam vestem

nuptialē Cha-

ritatū &

Imitationis

Christi.

Ad ministe-

rium Paupe-

ribus Christi

*Hæc quæ prædicta sunt, omnem Christianum,
hominem inducere debent.*

1. **A**D dandam operam, vt Imaginem terreni homi-
nis in se penitus aboleat: Imaginem autem cæ-
lestis hominis, quàm maximè ad viuum exprimat, con-
formisq; fiat Imaginis Filij Dei.

2. Prædicta omnem Christianum inducere debent, ad
expoliendam iugiter, quouis die, ac si fieri potest, mo-
mento, amplius & amplius Imaginem hanc in se IESU
Christi: conferendo illam cum istâ Archetypâ, & idealis:
ac videndo quid adhuc desit illi, ad id quod satis, ad id
quod perfectum est. Et si enim quantumcunque quis in
hâc similitudine profecerit, plenè similis nunquam erit:
est tamen diligenti Christum, Christiano ad laborandum
semper, vt quàm plurimùm similis, quàm minimùm dissi-
milis sit.

3. Prædicta omnem Christianum inducere debent, vt
dispiciat, & statuât apud se, quibus nam in virtutibus po-
tissimùm velit, tam in hac, quàm in alterâ vitâ imaginem
Christi exprimere, & speculum eius esse, vt se per hanc
vitam, in his specialius expoliat exerceatq; quæ magis
vocationi, statui, muneri, conditioni, viribus, professioni
conuenient, in hisq; perfectus euadat.

4. Prædicta omnem Christianum inducere debent, vt
sibi Nuptialem vestem Charitatis, ac Imitationis Christi
conquirat nunc, quâ indutus inter Amicos, & conuiuas
Domini, dignè compareat confedeatq;: Ne nimium,
serò, queratur lampadem suam defectu olei restringui: vt
etiam cum purgato ac famelcenti palato, ad cibos Men-
sæ Dominicæ accedat.

5. Prædicta omnem Christianum inducere debent, vt
sedulè pro conditione suâ, hic ministret fratribus mini-
mis,

mis, præsertim Christi Domini, ut dignus euadat, cui etiam vicissim ministrat Christus.

6. Prædicta omnem Christianum inducere debent, ut curet diligenter, & auidè, ac planè auarè, esse thesaurus Christi, absconditus quidem in agro humiliationis, mortificationis, modestiæque Christianæ, sic tamen ut luceat lux eius coram hominibus, ut videntes glorificent Patrem, qui in cælis est, quatenus & de bono opere proximis, præbeatur bonæ ædificationis exemplum, & tamen per intentionem, quâ soli Deo placendum est, semper optetur secretum. Curet quoque esse gemma coram Christo pretiosa, ut ille sapiens architectus, illum, comperiat fundamento à se posito, superimponere aurum charitatis Dei, argentum dilectionis proximi, lapides pretiosos omnis generis virtutum, bonorumque operum, quibus ditet Christi thesauros, ut & in ipso Christus gloriatur.

*Ad curam,
quâ euadat
& mutetur
in Thesaurū
Christi.*

Hactenus de Glorificatoris Christi Excellentia, & simul de illius in Sanctos suos profusâ beatificationis liberalitate. Quæ certum est à me, non pro grauitate argumenti, verè inenarrabilis, enarrata esse: attamen ipsa hæc grauitas, Maiestasque Materiæ excusat me, qui tentauerim ebalbutire arcanum, quod nec oculus vidit, nec auris audiuit, nec in cor hominis ascendit. Veniabile enim est sine dubio, Bonum quod possidere in æternum debeas, scrutinio aliquantulo præuestigare, alioqui ignoti nulla erit cupido. Eius rei gratiâ, addo adhuc Lectori meo tres contemplatiunculas: huic argumento vicinas, & tractationem istam complecturâs.

Contemplatio 1. Verbi Incarnati Christi, Sanctos suos glorificantis.

Contemplatio 2. Delitiositatis Essentiæ Diuinæ.

Contemplatio 3. Effusionis Sanctorum in Diuinæ Essentiæ Deliciositatem.

CONTEMPLATIO I.

VERBI *Incarnati Christi, Sanctos suos glorificantis.*

Contemplabor Christi Domini, in omnes, & supra omnes Sanctos suos in cælo beatificam profusionem, profusamque beatificationem. Ponam enim ob oculos mentis & corporis mei IESVM Christum, Increatam, Incarnatamque Sapientiam, tanquam beatitudinis Sanctorum omnium, fontem originem & auctorem. Sicut enim ille est omnis illorum boni meriti principium, in istâ vitâ, ita etiam idem ipse est origo, & collator omnis præmij in illâ vitâ, propter quod appellatur, *Pater futuri sæculi*, & *Agnus qui in medio Throni est, regere Sanctos, & ducere illos ad vitæ fontes aquarum*. Hâc ergo veritate, tanquam indubitatâ in animum demissâ, progrediar ad omnes actûs, affectusque circa IESVM DEVM-Hominem, exercendos, in quantum est Angelorum, Hominumque Sanctorum glorificator.

Primò. Contemplatiuo intuitu, intuebor Verbum Incarnatum IESVM Christum, DEVM-Hominem in medio Sanctorum suorum, infinitis Angelicorum, Humanorumque agminum & ordinum millibus circumdatum: omnes illos, beatificantem pro cuiusque merito. Contemplabor illum, vt Solem in medio siderum, aut radiorum suorum, vt Regem in medio populorum, vt cor in medio membrorum, vt vitem in medio palmitum, vt Regis filium in nuptijs suis, in medio conuiuiarum.

2. Contemplabor, quomodo Humanitas illa Deificata, & Verbo vnita, influat beatificam gloriam in Sanctos omnes, & singulos aliter aliterque. Aliter in Angelos, aliter in Archangelos, aliter in Virtutes, &c. Aliter quoque in Patriarchas, aliter in Prophetas, aliter in Apostolos, &c. rursùm aliter in hunc numero Angelum, aliter.

aliter in illum: aliter in hunc Apostolum, v. g. PETRUM, aliter in PAULUM: Quemadmodum Sol, aliter aliterque cuius stellæ & Planetæ, lumen suum communicat, virtutemque luminis, vnde differt stella à stellâ. Aliter etiam cuilibet fermè terrarum parti, aliter & earum partui, siue fructui, tùm in specie, tùm in indiuiduo, aliter enim lilio, aliter rosæ, aliter viti, aliter oliuæ, &c. Sic & Dominus IESVS, cuique Sanctorum gloriam diuerso modo, graduque communicat in cælo: sicut etiam gratiam hâc in vitâ, vnicuique eorum alio & alio modo, aliâ mensurâ, aliâ efficacitate communicabat, vt facile consideranti patet.

3. Ex quibus colligere, cognoscere, contemplarique licet, immensitatem gloriæ Christi: atque etiam potestatis illius, à quâ habet vsque adeò indeficientem sufficientiam, abundantiamque influendi beatitudinem, in Sanctos Angelos & Homines, tam acturam Beatos, quam adhuc beatificandos, secundum Animas & Corpora, per omnem Æternitatem.

4. Gratulabor, hanc gloriosam occupationem Homini DEO Christo: ista est enim summa gloriæ eius, ista merces & corona præmiumque laborum omnium eius.

5. Gratulabor, & Sanctis omnibus, tam Angelis, quam Hominibus, quod ab Homine DEO glorificentur. Maximè verò Hominibus gratulabor, quia intuentur & habent Redemptorem, Præmiatoremque suum, & in carne suâ vident, possident, experiuntur Saluatorem suum.

6. Eiusdem felicitatis spem, & mihi, & omnibus, ad vsque diem iudicii, & finem mundi à Christo glorificandis, congratulabor, repetens cum Beato IOB. *Credo Job. 19. 25. quod Redemptor meus viuit, & in carne meâ videbo Saluatorem meum: vsque adeò Magnum, Dignum, Præpotentem, Fidelem, Liberalem, Constantem, Æternum.*

7. Attendam, quàm libenter, & liberaliter hâc occupatione distineatur Dominus IESVS, ita vt ex hoc officio, immensus quidam illius cordi gustus, amorque Di-

Contép: 1. Unitatis actius, passiusque perenniter accedat, eumque accidentaliter voluptate latificet.

8. Attendam quoque, quantum hoc nomine à Sanctis omnibus, ametur Dominus IESVS, honoretur etiam, & exaltetur.

9. Attendam etiam aduertamque, quo affectu, gustu, amore, & amoris impetu, cordisque adglutinatione, omnes, & singuli Sancti sugant beatitudinem ex Christo, tanquam ex mammillâ Patris æterni, tanquam ex vbere plenissimo Gratiâ omnium nutrice, & gloriâ omnium consummatrice. Et quidem in eos potissimâ quâdam liberalitate, Dominus IESVS se protundit procul dubio, qui etiam potissimâ quâdam ratione, Sacratissimam Christi Humanitatem amare, colere, & gloriam ipsius promouere, meritis quoque, & gratijs illius feruentius, frequentius, auidius uti, tam se, quam alios curauerunt.

10. Admirabor, & demirabor, iterum, iterumque, amplius & amplius, adhuc & adhuc, istud ineffabile, & super admirandum IESV Christi officium, in eiusque demiratione stupens hærebo.

11. Optabo, & anhelabo auidissimè, ad sugendam, etiam gloriam in futuro, gratiam verò in præsentem, ex Humanitate IESV Christi. Ob quod in hac vitâ proponam, & adnitar famelicissimè sugere, instar lactentis, aut hircinis, aut pellicani pulli, lac & succum gratiarum, meritorum, virtutum Christi: ut ex eo crescam, adolescamque in virum perfectum, & in mensuram ætatis plenitudinis eius, nec non in acquisitionem substantiæ gloriæ ipsius.

12. Experimento practico, imaginario saltem, aut viciuo, degustabo gloriam, glorificationemque Christi, deriuando illam super me desiderio, imaginatione, postulacione, gaudio, gratiarum actione, oblectatione, exinde aliquatenus agnoscens, quàm reuera non sunt condignæ passionēs, huius temporis ad futuram gloriam,

am, quæ reuelabitur in nobis: itemque quàm immensum gloriæ pondus, supra modum in sublimitate operetur momentanea, quæ in præsentì est leuissima tribulatio nostra.

13. Comparabo ex intuituâ, (quoad fas erit) glorificationis Christi, quâ Beatorum suorum populos satiat, apprehensione, ac præsentia, quanto discrimine Christus Sanctos glorificet, & quanto Reges mundi suos non populos, sed seruos pauculos glorificent. Certè gloria seculi huius, sicut stercus: qui ergo hanc alijs dant, nolo dicere quibus sint similes, Bonorum huius mundi, finis interitus, & gloria in confusione: quid ergo magnum dant, Magnates huius mundi, qui interitum & confusionem illis partiuntur? At Christi glorificatio, & Sanctorum à Christo, non sic est. *Sed nimis honorati sunt amici tui DEVS, nimis confortatus est in omnem aternitatem principatus eorum.*

Psal. 137. 12.

14. Igitur omni quâ potero meliori diligentia, conatuque incendar, & contendam, vt ego quoque, & quàm plurimi mecum, efficiamur ex numero illorum, quorum à se glorificandorum Nomina scripta, in libro vitæ ab æterno Patre accepit Dominus IESVS, paraboque ad omnes difficultates, cum Christi auxilio peruincendas, cuius & amore incensissimo feruere studebo, in nullo nisi in Cruce illius gloriando, &c.

CONTEMPLATIO II.

Delitiositatis Essentie Diuinæ.

RELICTIS omnibus sublunaribus, totalitate cordis affectusque, omni etiam mentis, rationisque subductâ, ab his præsentia, discedam in cælestes, supercælestesque regiones, vbi ver assiduum, nox nulla, nullæ tempestatum vicissitudines, molestiæ nullæ, timor, labor, luctus

nullus. Deinde etiam hanc materialium cælorum, pulchritudine non me detineas, Angelorum quoque ordinibus, & Beatorum Hominum populis, tantum inuisis, ac salutatis reuerenter, transcendens etiam illos, accedam ad ipsum vitæ, beatitudinis, Deliciositatisque fontem, DEVM Trinum & Vnum, eiusque Augustissimam Essentiam.

Hic statione fixâ, humillimam & omnipossibilem, corde, corpore, Animâ, toto me, Sanctissimæ Trinitatis Essentiæ reuerentiam, adorationemque exhibebo, petam, benedictionem eius Sacrosanctæ Maiestatis, ad perfruendum, quàm exsaturatissimè omnibus delitijs, eius immensæ, abyssalisque deliciositatis, ad condignissimum Gustum ipsius, superaugustæ voluntatis, voluptatis, Diuinitatis.

His velut præludijs peractis,

Primò: Contemplabor totam totius Essentiæ Diuinæ, abyssalem deliciositatem voluptuositatemque, quæ alia non est, nisi ipsamet Essentia DEI, quam mihi ob oculos ponam prout potero condignissimè, per modum assertæ, compertæ, & ipsissimæ, ac nullatenus indubium reuocandæ veritatis. Est enim veritas veritarum omnium verissima Essentiam DEI, esse verissimè deliciosissimam? & abyssales in se delicias continentem, essentialiter, ac omni possibili, tam necessitate, quàm actualitate: ac ideo talem cui nihil desit, deesseque possit, infinitam, immensam, incomprehensibilem, DEI solius propriam, illi soli adæquatam, parem, debitam, condignam, omnium aliarum deliciarum, deliciositatumque fontem, normam, regulam, finem, speciem, condimentum.

Si ad deliciositatem pertinet Essentiæ, plenitudo & perfectio. Naturæ integritas, Personæ decor & dignitas, attributorum & perfectionum Essentiam complementum omnis varietas, simplicitas, æqualitas, summitas, infinitudo. Si pulchritudo, speciositas & decor: si abun-

abundantia omnis vitæ, omnis boni recti, veri, si facunditas, amantitas, fructuositas: si sapientia, potentia, dulcedo: si sanitas, firmitas, robur, fortitudo, permanendi constantia, ac æternitas: si gloria, honor, laus, excellentia: si Dominatio, Regnum, Maiestas, diuitiarum, omnium infiniti thesauri: si cordis lætitia, gaudium, exultatio: si ordo, amicitia, bonitas, communicabilitas: denique si quidquid boni, perfecti, absolutique esse, & concipi potest, hoc ad delicias & voluptuositatem pertinet, totum hoc indubitatè ad Essentiam Diuinam pertinet, in DEO est, DEVS est, atque ita DEVS deliciosissimus, & ipsa pura, essentialis, abyssalisque Deliciositas est.

Quamuis autem facendum necessario sit, quod, quomodo si quis in fundo maris positus, sursùm aspiciat, nihil, aut penè nihil eorum, quæ suprâ superficiem maris sunt videre, ac discernere possit: ita nos in hoc mundi sensibilis fundo constituti, nihil cælestium, multoque magis nihil Diuinorum despicere possumus, sed instar talparum, aut noctuarum, in meridiano sole cæcutimus: tamen supra dictâ veritate, de deliciositate Essentiæ Diuinæ, in intellectu firmatâ, atque constabilitâ: effundatur totus, totusque in varios affectûs, actusque circa istam abyssalem deliciositatem Diuinæ Essentiæ.

Ac primùm contemplatiuo intuitu, defixoque mentis obtutu in illis delitijs, deliciarumque oceanis & abyssis Diuinæ Essentiæ speculabor, opum illarum chaos, delicatissimum, beatissimum, beatificum.

2. Admirabor, & stupebo, plenâ mentis absorptione abyssalia, illa deliciarum maria, atque diluuiâ. Mare enim est Essentia, mare Sapientia, mare Omnipotentia, mare Bonitas, mare veritas, mare pulchritudo, omnis perfectio Deitatis mare, & immensum mare.

3. Approbabo, applaudam, gaudebo gaudiosissimè, ostendens lætari me summè, quod tam diues, & deliciosa, deliciositasque pura sit Essentia Diuina.

4. Optabo, & anhelabo, & postulabo, gemitu & æstu cordis mei omnimodo, cum Deo deliciofitatem, hanc suam, cum mihi gustum illius, ex notitiâ, ex possessione, ex experienciâ, ex fruitione, ex sâporatione, confectum, & conflatum.

5. Immergam me præcipatione impetuosiſſimâ, in abyſſalem illam Eſſentiæ deliciofitatem, & vſque in ipſum, fundo carens fundum descendam, nunc quidem in totalem, vniuerſamque, ſimul, & indifferenciatiuam: nunc verò quaſi in partitam, vt in delicias Sapientiæ admirabilis, in delicias omnipotentis irrefragabilis, nunc in delicias bonitatis inexhaustæ, nunc in delicias pulchritudinis, dulcedinis, Maiestatis, Iuſtitie, Miſerationis in infinitum infinitæ.

6. Pleno animæ ore atque capacitate, (memoriæ, intellectus, voluntatis; item Amore, Deſiderio, ſpe, obſecratione, cædio,) experiar gustum delicioſitatis Diuinæ, & eo quantum præualebo delectabor, eundem gustum repetam, repetamque, & iterabo inſatiabiliter.

7. Inſtituam comparationem deliciarum quarumcunque creaturarum, cum hac delicioſitate Eternâ, Eſſentiali Eſſentiæ Diuinæ, cuiusque experimento & gustu. Quid enim ſunt illæ ad has: niſi quædam fæx vilitatis ac vanitatis? Et heu! tantum tamen inhiamus, inhæremus, inuiſceramur noſtris hiſce quiſquilijs, & ſordibus voluptatum, nonniſi æternaturis doloribus eluendarum, nec tamen eluendarum. O homines falſas delicias contemnite, veras delicias amate.

8. Conuerſus ad Sanctos: eoſque delicioſitatis Eſſentialis Diuinæ incolas, poſſeſſores, fruitores, hæredesque videns, amabo tantum bonum illorum, gaudebo de illo, gratulabor, ſanctâ inuidentiâ inuidebo, gratias largitrici ſui delicioſitati agam. Specialiter deſigam mentis oculos, in particulares Sanctos, ſpecialiter quoque hic deliciantes. Talis imprimis eſt, Beatiffima Humanitas Jeſu Chriſti, præ quâ nullus Sanctus affluit Eſſentiæ

DEI delitijs. Talis etiam est preciosissima DEI Mater, & Virgo MARIA, talis summus Seraphicus Spiritus, inde alij & alij, Sanctus IOANNES Baptista, Sanctus IOSEPH, Sanctus IOANNES Euangelista, Sancti PETRVS PAVLVS, cæteriſque Apostoli, &c.

9. Conuertar exinde ad meipsum: & videbo, quàm ego longè ab hoc statu felicitatis, tùm ob statum viatoris, tùm ob statum temporis, & aliorum peccatorum, impedimentorumque: Cum interim in illo superbeato statu, eo iam perfruentes sint innumeri: à quibus me præuentum, non tàm quidem morte ac tempore, quàm potius feruore & aptitudine, meritorumque condignitate, summus meus pudor, extremaque confusio mea est.

10. Excitabor ergo ad feruorem, & ad constantiam, in bonis, quibusque studijs operum virtutumque, quibus ad fruitionem bonorum, deliciarumque Essentiæ DEI præparem. Ad quod petam ardentè & suppliciter, benedictionem copiosam à Sanctissimâ TRINITATE, eiusque Essentiâ deliciosissimâ: ab IESV Christo, ab eiusdem Matre, à Sanctis omnibus & singulis.

CONTEMPLATIO III.

Effusionis Sanctorum, in Diuinæ Essentiæ Deliciositatem.

Contemplabor omnium Beatorum, tàm Angelorum, quàm Hominum, in DEVM & delicias Essentiæ illius, effusionem deliciosissimam, effusissimam, insatiabilissimam. Quis enim dubitare potest, quin Sancti, clarâ, & intuitiuâ, & beatificâ, Diuinæ Essentiæ visione potiti, tanto ardoris impetu, tantâ amoris vi, tantâ necessitatione liberi arbitrij, totiusque animi capacitatis raptantur, in Abyssales illas DEI immensitates, deliciositasque,

Contép: 3. telque, quantâ vi, & rapiditate nulla grauia ad centrum, nulla è nubibus fulmina, nulli fitulis æreis eie-
cti globi, quo fert impetus feruntur. Rapiuntur sanè,
& rapiunt sese, præcipitant, & immergunt, sepeliunt,
obruunt & perdunt, beatæ illæ mentes in profundis DEI
quisque pro suo gradu, modo, & statu: neque in hoc
impetu, libertas eos, sed felix necessitas gubernat.

Hac indubiâ veritate, (quam vtinam in ipso me ali-
quando practicè, & reipsa experiar in æternum conti-
nuaturus,) altè in animam demissâ, accedam ad actus,
affectusque circa hanc Sanctorum, in DEVM effusionem
& absorptionem exercendos.

1. Contemplabor ergo illas, æternæ DEI essentia bo-
nitatisque catenas amabiles, quibus ad se mentes San-
ctas rapit, statim à puncto, quo à lumine gloriæ robo-
rantur, eleuanturque ad videndum intuitiue DEVM, si-
cuti est. Catenæ sunt v. g. immensitas veritatis, Boni-
tatis, Charitatis, Dulcedinis, pulchritudinis, amabilita-
tis, perfectionis, per omnia summa, infinita, inexhau-
sta, &c.

2. Contemplabor, quàm volentes violententur, quàm
violenter velint, & volent in ima & intima Diuinitatis
bona, planè, & plenè intrantes in gaudium Domini DEI
sui.

3. Contemplabor, quâ varietate conatum, intensio-
num Beati in DEVM ruunt, distinentur in eo, pererrant
DEVM? omnes tamen plenissimè, efficacissimè, exsacia-
tissimè replentur, vtpotè omni, seu Diuinitatis bono.
Quemadmodum hic apud nos, regnante vernâ sereni-
tate, totus hic mundus, & in eo, quæ sunt iucundâ va-
rietate, quælibet res distinetur, vermiculi tenues per
terram repunt, pisces in aquis ludunt, animantes qua-
drupedes, syluas campos pererrant, aues per aëra voli-
tant, homines suis quique studijs occupantur, gramina
herbæ flores germinant, syluæ folijs comuntur, in fru-
ctusque illigantur: auræ flant, spirantque gratissimè,
totus

totus aër volucrum, varijs cantibus ubique personat. Sic cogitare, imaginarique licet, vniuersam beatarum mentium multitudinem in DEO, eiusque delectationum, ac deliciarum seu mundo, seu oceano, admirandâ, eâque beatificante varietate studiorum, amorum, gaudiorum, exaltationum & laudationum occupari. Aliter quidem Angelos, aliter Archangelos, &c. aliter Apostolos, aliter Martyres, &c. aliter vnumquemque eorum singillatim.

4. Dispiciam occupationes istas Sanctorum in DEO: quæ sint licet infinitæ, vna tamen sunt omnes. Beatitudo scilicet, quâ felicissimè absorbentur, & beati sunt, sunt autem, quia in summo bono sunt, & illo potiuntur fruuntur, satiantur, gaudent, explentur, pro omni æternitate. Inde laudant DEVM, in sæcula sæculorum: & laus ista merces eorum est, quâ mercede carebunt nunquam: quia DEO quem laudent, carebunt nunquam, & in DEO materies eius, laudationem deficiet nunquam. Hæc est enim Sanctorum vita, habere DEVM; quia ergo semper habebunt DEVM, semper viuent, quia semper viuent, semper laudabunt, quia semper laudabunt, semper mercedem accipient, quia semper accipient, erunt quieti, contenti, securi, beati semper.

5. Approbabo hanc Sanctorum, omni felicitate feliciorum occupationem, vnâ quidem, & omnium instar, & omnes sinu suo complectentem. Qui enim Beati DEO sunt, amant, desiderant, habent, fruuntur gaudent: qui beati DEO sunt; laudant, glorificant, exaltant, magnificant DEVM: qui beati DEO sunt, venerantur, reuerentur, subduntur, obediunt, castè filialiterque timent: qui Beati sunt DEO, gloriantur, glorificantur, omnia amant in DEO, & DEVM in omnibus, DEVM super omnia: qui beati sunt DEO, illi gratias agunt, illum admirantur, in eo habitant, in eo regnant, eo satiantur appetentes, eum appetunt satiati: eum volentes

Contép: 3. possident, & carere illo nunquam possunt, nunquam, velle possunt, nunquam posse volunt. Denique, qui DEO beati sunt: vident DEVM facie ad faciem, & eum, totis se dilaudant occinentes semper hymnum Sanctus, Sanctus, Sanctus.

6. Degustabo gustum illum, quem omnes & singuli Sancti habent in DEO, de DEO, ad DEVM, & quem, cuique in se dat DEVS. Si enim illud Manna Mosaicum, deseruiebat vniuscuiusque voluntati, conuertens se ad quod quis volebat, & omne delectamentum in se vno exhibens, quicumque fideliter cum DEO agens, illud manducabat. Quantò magis DEVS, eiusque ineffabilis, ac infinita dulcedo præstabit omnem delectationem suis Sanctis? & exhibebit saporem super omnem, saporem?

7. Gratulabor DEO, hunc Sanctorum omnium ex eo gustum, quem ex illius fruitione, possessione, laude, delictijs, habent. Hæc enim est vna & sola, DEI, quam, ex suis creaturis, capit vtilitas & voluptas. Habere scilicet creaturas, quas suâ beatitudine expleet, & quæ bonis eius expleantur, beatificenturque.

8. Discam à Sanctis frui DEO, possidere, gustare illum, laudare eundem, saginari DEO, saginare DEVM laude, amore, exaltatione, honore.

9. Prouocabo, æmulabor, supergredi optabo, conabor, Sanctos in conatu laudandi, exaltandi, gustandi DEVM, illoque fruendi.

10. Jungam me comitem, siue alicui Sancto, siue aliquibus, & vadam in immensitates Diuinæ, nunc quidem Essentiæ ac Naturæ, nunc Vnitatis, nunc Trinitatis, & processionum Personalium. Nunc Sapientiæ, nunc Omnipotentæ, & in illis abyssis me occupabo, recreabo, pascam, & saginabo, & abscondam, & sepeliā, & annihilabo: in Esse Diuino, in centro, in fundo, in medullâ, in immensitatum, & infinitudinum abyssu.

11. Absorbebor & ipse, atque inebriabor ab illâ vberitate


tate voluptatis, interminabilis Diuinæ, & sanctâ, sobriaque, ac humili, ebrietate, quasi desipiam, effundamque me in DEVM prodigum sui in me: ob quod ego vicissim, prodigam me ipsimet DEO, pro DEO, coram DEO, omnem omnino substantiam meam, animam, Corpus, vitam, sanguinem, rationem, libertatem, bonam famam, bona omnia interna externa, naturæ, gratiæ spiritûs, naturam, personam, statum, quidquid demum sum ex DEO.


12. Profundam, & planè prostituam me DEO, & pro DEO, ad omnem voluntatem eius, ad omnem gustum, gloriam voluptatem, delicias placitum, & (si fas dicere) abusum eius. Omnia mea, & ipsum me, omnesque atomos meos, & totius vniuersi, ipsum quoque nihilum meum, profundam, prodigam in DEI gustum; ut fiat illi ex me, solus, purus, totus, maximus, possibilis gustus eius, quem scit, vult, potest per Omnipotentiam, per Sapientiam, per Bonitatem, per Amorem, erga se suum, sibi exhibere, & efficere.

A. M. D. G.










Biblioteka Jagiellońska



stdr0014208

